

العشق

متاب از عشق رو گرچه مجازیت کہ ایں بہر حقیقت کار سازیت (جامی)

پنجاب گجرات چناب دھرتی کی حسن و عشق کی لافانی سچی کہانی

داستان

قال تے حال

قصہ

سوہنی مہینوال

از ترجمان مجاز و حقیقت

ابوالتوقیر و التئویر

مولوی حضرت سراج الدین سراج قادری صاحب

بادشاہ پور ضلع گجرات

کتاب پر پہلی نظر

- 1- عشق است امانت ازل از تفویض بہ انسانے ایں نجرہ لاہوتی ہر این و نہ ہر آنے
 - 2- اسرارِ محبت را ہر دل نہ بود قابل دُر نیست بہر دریا زر نیست بہ ہر کانے
 - 3- یک ذرہ دردِ دل از علمِ فلاطوں بہ ایں ذوقِ سراجِ آید تلمیذ الرحمانے
- یہ کتاب میں نے 1932-1933ء میں لکھی۔ اس وقت میری عمر 22-23 سال تھی۔ یہ وہ زمانہ تھا جب لوگوں کو پنجابی قصے کہانیاں پڑھنے اور سننے کا شوق اور عام رواج تھا۔ ہیر وارث شاہ، سیف الملوک سوہنی فضل شاہ تفسیر یوسف مولوی عبدالستار مولوی غلام رسول وغیرہ مجلسوں میں پڑھنے اور سننے والے شوق سے سنتے تھے۔ انسان اتنا آج کل کی طرح اپنی بھیڑ میں گم نہیں ہوا تھا۔ اس کتاب کا مسودہ تقریباً 65 سال چند ایک دوسرے مسودوں کے ساتھ صندوق میں قید رہا۔ درمیانی زمانے میں میری مختلف تصانیف نگارشات پنجابی، اُردو، فارسی، نثر منظوم موضوعات کی تصانیفات کم و بیش چھپتی رہیں۔ حتیٰ کہ کئی کتابوں کے اب تک تین تین چار چار ایڈیشن نکل چکے ہیں اور بفضلہ تعالیٰ ملک میں معروف اور مقبول ہیں۔ جن کی فہرست اس کتاب کے آخری صفحے پر ہے۔
- اب اس کتاب کی قسمت جاگی۔ 65 سال پون صدی کی مدت میں زمانے نے کئی پلٹے کھائے، کئی انقلاب آئے، کئی نئے نئے ملک کرہ ارض پر نامور ہوئے۔ زمانے کے حالات بدلے، معاشرہ بدلاتو ماحول کے ساتھ لازمی خیالات بدلے طبعی جغرافیے بدلے کتاب کے مسودہ کے مطالعے سے اندازہ لگایا۔ تقریباً آدھا مسودہ کتاب سے نکالنا پڑا۔ جو میری اس وقت طبیعت کے موافق نہیں تھا۔

کتاب کا مسودہ نظر ثانی کے لیے کھولا تو یہ کتاب لکھوانے والے اس وقت کے میرے ہم نشین میرا حلقہ احباب اہل ذوق سخن سخن شناس میرے قدر دان آنکھوں کے سامنے آ گئے۔ جنہوں نے زندگی بھر اس کو مجلسوں محفلوں میں پورے شوق اور لذت سے پڑھا سنا یا اور لکھ لکھ کر اس کی قلمی کاپیاں شائقین میں تقسیم کیں۔

اس کتاب کو زمانے میں علاقے میں عام کیا۔ افسوس اُن میں سے اب ایک بھی زندہ نہیں ہے۔ باری باری سب ملک عدم سدھارے (رہے گا نام اللہ کا) اگر اُن میں سے ایک آدھ زندہ ہے تو وہ مجھ سے بھی گیا گزرا۔ گویا زندہ درگور۔ نہ آنکھوں میں نور نہ منہ میں دانت نہ پیٹ میں آنت نہ جسم میں خون۔ اگر کوئی قطرہ خون بدن کے کسی حصے میں موجود ہے تو برف سے زیادہ نچمد اور سرد وہ ذوق، وہ شوق وہ کیف عمر کے ساتھ ختم۔ وہ میری اُس عمر کے ساتھی مجھے اب تک نہیں بھولے اور نہ زندگی بھر بھولیں گے۔

میری عمر اس وقت 90 سال ہے اور محمد اللہ صحت مند ہوں۔

ادھی رات واویلا

ادھی رات تنہائی تے بے قراری گزرے ہوئے سگی یاد آرہے نیں
کیوں نہیں نیند آئی ہن سمجھ آئی اوہ مینوں یاد فرما رہے نیں
سندر صورتاں مورتاں کئی چہرے میرا شیشہ دل چکا رہے نیں
جھاک جھاک فردوس جھروکیاں تھیں مینوں مار دے سد بلا رہے نیں
جی چاہوندائے وکھو وکھل کے ایہ داغِ جدائی مٹا سکاں
اتھے اوہ سراجِ ننیں آسکدے میں بھی باجہ اجازت نہ جاسکاں

الحاج سید اصغر علی شاہ صاحب (مرحوم) میانہ گوندل (وفات: 1992ء)

مخلص یار میرا اصغر علی سید جنڈی نال میرے پیڈی پائی اوس نے
میری قلم کلام دا اوہ شیدائی پڑھی لوکاں نوں پئی سنائی اوس نے
ملاقات دیوچہ جے دیر ہوئی درداں بھری چٹھی لکھ کے پائی اوس نے
چھالیاں والی سرکار تھیں فیض لے کے جھگی میانہ گوندل آکے پائی اوس نے
ذوق شوق مافوق سبحان اللہ ضرب عشق دی دل دی تار اُتے
گھٹ گھٹ ہی یاریاں توڑ چڑھن عمراں میرے نال نبھائی اوس نے
جہڑی چیز میری اوہدے ہتھ آئی رکھی سانجھ کے نہیں گوائی اوس نے
بادشاہ پور یا میانہ گوندل گھر دوہاں جائی رکھیا بنائی اوس نے
آفرین آکھاں نویں جائی سید بڑی آبرو نال لنگھائی اوس نے
دم دم دینال سراج و سہ رحمت رب دی اوہدے مزار اُتے

الحاج میاں غلام نبی بادشاہ پور (مرحوم) (وفات: 1977ء)

نال بودیاں دے لائی نال میرے پھر توڑ نبھائی غلام نبی
سچی گل اے ایہ کتاب میتھوں سنگیاں سنے لکھوائی غلام نبی
میرے نال اوس پیلے دریا چیرے ہر اکھی جائی غلام نبی
وچہ کوئی نہیں غلام نبی جیہا ودھے آل پروار پئی ہوو اوہدی
دستے کاغذاں دے لیا کے رہیا دیندار کھی کمک پونچائی غلام نبی
پڑھ پڑھ مجلساں وچہ سنائی پئی لکھ لکھ پئی ورتائی غلام نبی
مشکل وقت سلوک دے سفر اندر ہمت پئی ودھائی غلام نبی
دعا گو سراج ہے رب سچا رکھے سدا ٹھنڈی ٹھنڈی گور اوہدی

بابا میاں ولی محمد دھوبہ بادشاہ پور (مرحوم)

ولی بابا اکثر شعراں تے یاد آ جاوے کتنی وار تیری
حضرت شاہ جی گولو وال والے تربیت نال گئے طبع سنوار تیری
بیٹھا راہنماں دے راتی کول میرے اٹھن دینا نہیں سی میرا پیار تینوں
ضعیف عمر تے ذوق جوان تیرا طبع رج کے باغ و بہار تیری
کٹھیا درد یا میرے شعراں تے اٹھدی سی تڑپ جان بے قرار تیری
رکھیا توں سراج نوں سدا راضی رکھے راضی اللہ بخشہا رتینوں

میاں علی اکبر نون قادری ہلال پور ضلع سرگودھا (وفات: 1985ء)

میاں شیر عالم نون دا صاحبزادہ سخن فہم دانشور علی اکبر
نازش خاندانی سہرا ہلال پور دا اولیسی سلسلے دا فخر علی اکبر

اوس باہجہ ہوئی بزم بے رونق چراغ محفل صاحب نظر علی اکبر
 صاحب ذوق سلیم مرتج بے ریا خوش فکر علی اکبر
 روشن دل روشن نظراں والیاں نیں سی پچھان لئی پیشانی اوسدی
 افسوس سراج رضا ربدی ساتھوں کھوہ لئی موت جوانی اوسدی

میاں عمر دراز نتلیانہ مرحوم دھرمیمہ (سرگودھا)

میاں عمر دراز نتلیانہ گوہڑا یار دل دار ہم راز میرا
 ہائے انیس شمسی مضطر ملتانی حافظ گوپوری خوش آواز میرا
 چک عالم غلام رسول خادم جانن والا محمود ایاز دیاں
 جدوں پڑھدا شعر بے تاب ہو کے جاگ پونداسی دل داساز میرا
 جگر سوختے درد اندوختے سن سنگ ناز بردار دم ساز میرا
 کسے منزل دیوچہ سراج مینوں لذتاں بھلیاں نہیں مجاز دیاں

ایضاً

شاہ محمد وڑائچ شیر علی تارڑ چودہ چک والے ہم نوا میرے
 غلام رسول فلاسفر پنڈ واسو شعر لکھ لکھ گیا ورتا میرے
 پیر گل آڑے رجب علی شیر پوری ہسدے کھیڈے جنڈیاں تروڑ گئے
 میاں غلام رسول حکیم کھائی صاحب ذوق دوست آشنا میرے
 شیخ فتح محمد سنگی نو مسلم کیسے کیسے یار ہو گئے جدا میرے
 چھالیں مار سراج لنگھ پار گئے پڑوچہ مینوں ہٹکیاں چھوڑ گئے
 جب سے تمہارے رُخ کے نظارے چلے گئے
 وہ چین وہ سکون ہمارے چلے گئے



کتھے سنگ ساڈیاں مخرماں دانال جہاں دے لطف گفتار داسی
 رومی، جامی، نظامی، سعدی، شیرازی محمد بخش کھڑی دربار داسی



میرے ہم عصر سارے جان دے نیں میں نہیں کدی بے جا توصیف لکھی
 مشکل وقت بھی مشکل کشا باہجوں نہیں کسے دے بیش تکلیف لکھی
 جہڑا اللہ تے نبی دانا خوان ایس اوہ غیراں داکیوں محتاج ہووے
 نون والقلم ما یسطرون اللہ نبی دی صرف تعریف لکھی
 پکڑی قلم جدوں پڑھ کے بسم اللہ حمد حق یا نعت شریف لکھی
 آمین سراج جناب سچی تیری ثنا خوانی دی لاج ہووے



منظور حسین دُعا میری شالا چمکدا رہیں بلندیاں تے
سفر زندگی وچہ دن بدن ہووے قدم قدم تیرا ظفر مندیاں تے
حساں ظاہری تیریاں جیویں روٹن جاوَن باطنی بھی ارجمندیاں تے
مالک ملک سراج عطاءے جس نوں ایہ دان نہیں دانشمندیاں تے

صاحب زادہ حضرت شریف احمد نوشاہی صاحب (مرحوم)

نوشوہ پیر دالا ڈالا صاحب زادہ شریف احمد شرافت نشان ڈٹھا
شریف التوارخ شاہکار اوسدا بے نظیر آکھاں دل پذیر آکھاں
اسم با مسمیٰ از مائی ہوئی ستھری طبع شریف لطیف اوسدی
خوش مقال بلند خیال عارف صاحب حال صاحب عرفان ڈٹھا
بلاشبہ محقق مورخ کامل معتبر اوسدا ہر بیان ڈٹھا
خوش نصیب سراج مرید اوسدے فیض بخش ہے ہر تصنیف اوسدی

بے ریا ستھرا صاف ذوالکرامت وجاہت سادگی آگئی راس پسی
مخلص دوست ہمد ہم راز میرا قدردان تے سخن شناس پسی
کہندار ہندامریداں نوں یاد کرو غزلاں شعر سراج قادری دے
ورثے وچہ فقر دولت خاندانی رکھدار دردمند دل حساس پسی
میری کوئی نہ کوئی تصنیف اپنے سفر و حضر ویلے رکھدا پاس پسی
رکھدار ہوئے سمہال بیاض اپنے بول انمول میرے بولی مادری دے

مڑھ بلوچاں وچہ حافظ خدا بخش حافظ فرخ پوری سدوان والا
میری قلم کلام دا شیدائی بڈھی عمر تے طبع جوان اوسدی
شیخو پورے گوجرانوالے راوی تیکر میرا قلمی کلام ورتایا اوس نے
بے لوث طبع سبحان اللہ ترا ویجاں وچہ قرآن سنا وندا سی
میری ایس کتاب دے کئی حصے پڑھ پڑھ سنان ورتان والا
مسئلہ حق پچھے خاندان چھڈیا کامل دین پختہ ایمان والا
خوش خیال اپنا قال حال حافظ لکھ لکھ کے تے ڈاکے پان والا
اودھی گورتے سدا سراج اپنی رحمت برساوے برسان والا

عنایت قادری^(۱) تے فیض قادری دے آوے یاد تے دل بیتاب ہووے
شدت نال مینوں یاد آوندے نیں جدوں کوئی بھی بزم احباب ہووے
عنایت ضائع نہیں جاوَن شوق تیرا چاہیا رب ربی تیرا نام زندہ
کدوں تیک میرا سوز جھل سکدے نو عمری تے جگر کباب ہووے
تساڈیاں قبریں دے اُتے سنگیاں ہو رحمت ربی بے حساب ہووے
ہو جائے سراج اوہ خود زندہ جسدا رہ جائے کام کلام زندہ

مکرمی ابوالمنظفہ الحاج سید منظور حسین شاہ اُدیاں شریف

ابوالمنظفہ منظور حسین سید اُدیاں شریف بنان والا
خلف الرشید گلاب ثانی بانی درس شمس القرآن والا

(۱) 1982ء ساکن فتوٰی لہ منڈی بہاؤ الدین

نمایاں سادات کرام اندر سترے ذوق سترے خاندان والا
میرے شعر و شباب اوہ وقت جنوں میرے نال اوہ سماں ہنڈان والا
انجام بخیر سراج شالا اے تیک تے باوفا رہیا اے

ذی اثر وسیع ظرف خوش نظر ذکر فکر عرفان فیضان والا
تقریباً شروع تھیں میرے کلام تائیں چنگا سمجھن والا سمجھان والا
کچھ دن رہیا تلامذہ وچہ میرے اوہ نسبت ہن تک نبھارہیا اے

جہڑا آپ صاحب شرف و قدر ہوئے صاحب قدر دی قدر نوں جان دا اے
ڈاڈھے قحط الرجال وچ جال آئی کون قال تے حال پہچان دا اے

إِنَّمَا يُعْرِفُ الْفَضْلُ مِنَ النَّاسِ ذُوهُ قَوْلٌ مَعْرُوفٌ اِدْبَتَانِ دا اے
اج کل نسب نسل زرو مال دولت ٹل رہ گیا انسان دا اے

مشفقم چودھری محمد نواز عرف خان گوندل ولد چمن بادشاہ پوری

خوش نصیب اولاد پروار دلوں بھرم بھا عزت توقیر والا
صلح کن اس تیز ماحول اندر چنگی سوچ چنگی تدبیر والا
بے گھراں نوں مفت زمین دتی پھر نہیں احسان جتایا اُس نے
میں بھی حسب ظرف پلایا اے جدوں ویکھا یار تر پایا اے
ایس وچہ بھی اوہا تاثیر باقی ایہ ورثہ باپ تھیں پایا اے
اللہ کرے تے باغ بہار ہووے دیس اپنا کدوں پرایا اے
نغمے سرمدی چھیڑ کے صوفیاں نوں وچہ مجلساں پیا نچایا اے
بیدردنوں اسی بے دین کہندے اہل دلاں فتویٰ فرمایا اے
نوجوان عقلمند نیک سیرت شریف الطبع شریفان دا جایا اے
شاد باد ساڈی نویں نسل ساڈا قومی مستقبل سرمایا اے
زندگی بھر سراج دُعا میری سنے آل اولاد آباد رہوے

نام محمد نواز تے خان عرف اچھی خاصی زمین جاگیر والا
گوندل گوندلاں وچہ شریف زادہ نیک نیت صاف ضمیر والا
دردمند حساس دل رکھدائے کیاں نال ایہ بھلا کمایا اُس نے
چھیڑی پچھی پیاردی گل کوئی میرے کول اوہ جدوں بھی آیا اے
اسدے باپ نے بھی میری بزم اندر بڑے پیار دا وقت لنگھایا اے
میں دیس اپنے کلمہ شور اندر بیس چھٹیاں وانگ دگایا اے
درد والیاں دی دکھی رگاں اُتے میں جدوں بھی ہتھ ٹکایا اے
درد و دل ورثہ پیغمبری اے خوش نصیب جسدے ہتھ آیا اے
بھتیجا خان دا احمد نواب زادہ بڑا ستھرا مزاج اوس پایا اے
بڑا نیک نیت تے خلوص والا رفاہی کماں دیوچہ آزمایا اے
خان مخلص قدر شناس میرا خوش و خرم رہوے شاد شاد رہوے

نہ ہن ہے کوئی ناں کدی اگے آہی
قناعت ولایت میری شہنشاہی

کوئی حاجت اُمید باجوں الہی
سراج اپنی گوشہ نشینی تے خوش ہاں

ایضاً

میرے نال رؤف الرحیم دونوں آزمایا میں آزمایا میں
اوہ ہتھ شالا سڑ سک جاوے جہڑا غیر اگے پھیلا یا میں

اللہ حق محمد رسول برحق نہیں منیاں سنیاں سنایا میں
بڑے مشکل وقت بھی حمد اللہ نہیں کسے کولوں منگ کے کھایا میں

جہڑا ہس کے بولیا کوڑی مچی سمجھایا اوس نوں بھی مائی جایا میں
جے نہیں بھلا کسے نال ہو سکیا کسے نال نہیں برا کمایا میں
اج کل قحط الرجال وچہ جال میری چپ چاپ پھراں گھبرایا میں
نکتہ شناس فرز انیاں دانیوں دا اکھیں وہیدیاں ساتھ لٹایا میں
ایس سے جے ملے کوئی یار ہدم سمجھاں خضر نالوں بہتر پایا میں
خاتمہ سراج بالخیر ہووے کلمہ طیب دا واسطہ پایا میں

کتاب نوں چھپوان والے!

غم گسار میرے دلدار میرے میرے قدر شناس احسان والے
چوتھی نسل ہن نوجوان آئے اس کتاب نوں چھاپے چڑھان والے
نوجوان سخن فہم ذوق والے سن سن کے تے ہوندے شاد آہے
کھلے دل تسلیاں دیوندے سن اپنے حصے دا خرچ نبھاوے دی
سدے کتنے قابل عزیز اپنے احتیاط صحیح لکھواوے دی
راہ طلب وچہ لغزش پا ہووے ناگزیر سالک ازماوے دی
اللہ کرے اوہ وعدہ وفا کرن اتھری نہیں ضائع جاوے دی
چار سال مدت پھیرے پاوے دی نتنت دے جھوٹے ازماوے دی
کچھ صحیح کیتے کچھ انجیں رہ گئے جہڑے نہیں الفاظ حروف ویکھے

اپنے سفر سلوک خلوص سیتی بڑا پیارا وقت لنگھایا میں
میرا کسے دکھایا تے سہہ گیا نہیں کے دا دل دکھایا میں
صاحب دلاں دیاں محفلاں مجلساں وچہ پیارج کے سماں ہنڈایا میں
کتھے سنگ اوہ میریاں سنگیاں دا جنہاں واسطے رہاں اُدرایا میں
خود غرض منافقت دور دورا مخلص دوستی دا بھر مایا میں
عزت آبرو عشق ایمان کامل اللہ پیش سوال سنایا میں

واری واری اوس جہان ٹر گئے میری ایہہ کتاب لکھوان والے
۶۵ سال مسودے بند رہے قال حال میری داستان والے
سندے رندے سن محفلاں مجلساں وچہ چیوں چیوں بیان کوئی کسے یاد آہے
چھیڑ بہندے سن ملاقات ویلے ہن ایس نوں چھاپے چڑھاوے دی
نظر کمزور پرانی تحریر قلمی بڑی مشکل نظر ثانی پاوے دی
کئی ماضی کیفیتاں کڈھ چھڈیاں ہن نہیں لوڑ کتاب وچہ پاوے دی
دو عزیزاں نے چک لئی ذمہ داری اوہ وکھری کتاب بناوے دی
پھر کتابت دا مرحلہ کیہ دساں ایہہ گل نہیں سننے سناوے دی
نظم بحر طویل قلم مشنوی دی اکھیں چوندیاں نال پروف ویکھے

ایہہ عزیز خوش بخت مزدور پیشہ گن گن کیہ دساں نہیں جا کوئی
جہڑا رنگ وٹاندا نظر آیا کڈھ کے لیا سچا اوتھے پا کوئی
ٹٹمار ہیائے ڈیوا زندگی دا بجھا دیوسی جھولے دی واکوئی
ناں دعویٰ ولایت نہ فقر مکر نہ فخر بناوٹ ریا کوئی
جہڑا کسے نوں دکھ تکلیف دیوے بالکل نہ لہسی جا کوئی
میں بھی عمر بھرا یہو پڑھایا رکھے یاد یا دیوے بھلا کوئی
ہر صاحب کمال محسود ہوندائے ہے مغارت بری بلا کوئی
ظاہری باطنی دان انعام حاصل الحمد للہ نہیں انتہا کوئی

قابل صد تحسین ایہہ نویں ساتھی شامل نہیں سابق آشنا کوئی
میری تسی دے موتی کھرے سچے نقلی اک نہیں لوے ازما کوئی
آخر شب سپیدہ سحر جویش شمع جاوندی اے جھملا کوئی
میں اپنے پرانے نوں زندگی بھر رب گواہ لایا نہیں دا کوئی
میری سادا کھلی کتاب زندگی ورقہ ورقہ پھولے بیشک آ کوئی
الْإِنْسَانُ هُوَ الْرَحْمَنُ نکیاں ہوندیاں گیا پڑھا کوئی
کسے حاسد بدخواہ دے واسطے بھی کیتی نہیں کدی بددعا کوئی
زندگی گزری بڑی عزیز میری کمی چھڈی نہیں میرے خدا کوئی

یارب توں پھلوڑی دا حافظ ناصر رہن سبز نہ جائے کرما کوئی
تیرے باجہ نہیں ذوالعطا کوئی تیرے باجہ نہیں کرم فرما کوئی
خوش لقا کوئی خوش ادا کوئی خوش نوا کوئی نغمہ سرا کوئی
ہم خیال اپنے کئی دوستاں نوں لبیدے رہے نیں نال رلا کوئی
اہناں مخلصاں کان سراج میری ضائع جاسی نہیں دعا کوئی
رہسی نام کلام سراج زندہ زندہ جب تک ادب پنجاب دے

بھلاں نال بھریا ہو یا جھول میرا سدا بہار گلشن جانفز ارج کے
جہڑا نخل نہیں شردار ارجے یارب اوہناں نوں بھی پھل پھل لا کوئی
اس کتاب دے چھاپے چڑھان والے عقیدت مند سا تھی بے انتہا کوئی
دل دے غنی سارے احباب مخلص اوسط حال نہیں وچہ غنیا کوئی
جیوں جیوں کسے دی وچہ توفیق آ ہی اپنا اپنا حصہ گئے پا کوئی
مردہ سوہنی جوانی اے فیر اہناں ایہ معجزہ میرے احباب دے

رباعی

مست الست بیٹھا پنہارا دل دی گاہدی اُتے
جاگدے سنن سراج چوٹھی دیاں کد سنن جو ستے

درمنداں نے ادھی راتیں کھوہ درھٹے جتے
لٹھ پئی پیسٹے مارے چیکے وچھڑی سنگوں

پڑھ پڑھ مجلساں نوں گرما گئے نے اگوں لکھ لکھ کے ورتا گئے نیں
مسلماناں پڑھی ہندو یاراں پڑھی ہندو مسلم دافراق مٹا گئے نیں
جہڑے ستھ مئے دفنائے گئے نیں جہڑے بھارت گئے اوہ جلا گئے نیں
ستر سال قبل لکھے سخن میرے اوہ اج ملک دیوچہ ورتا گئے نیں
اس کتاب کے مختلف حصے کئی لوگوں کو اب بھی یاد ہیں۔ اللہ کرے 70 سال قبل کی یہ کتاب لکھی ہوئی اب طباعت کے مرحلے
سے گزر کر ملک میں معروف اور مقبول ہو۔ گو ہماری قومی زبان اُردو ہے مگر اُردو ابھی تک مٹھاس میں پنجابی کا مقابلہ نہیں کر سکی۔
پنجابی زبان میں صوفیائے کرام نے شعر کہے لوگوں کے دلوں کو صوفیائے کرام کی پنجابی شاعری نے موہ لیا۔ پنجابی زبان میں بڑی
گھلاوٹ اور شیرینی ہے اور اظہار خیال ایک جامع اور مکمل زبان ہے۔ یہی وجہ ہے کہ صوفیائے کرام جو تبلیغ اسلام کے لیے اس
دیس آئے پنجابی زبان کو ہی ذریعہ اظہار بنایا اور لوگوں کو مسلمان کیا۔ یہ بولی ہمیں اپنی ماں سے ملی۔ اللہ ہمیں اس زبان کو زندہ
تانبندہ رکھنے کی توفیق دے۔ پنجابی زبان زندہ باد۔ رہنا آمین

اس کتاب دے کئی کئی باب اگے پڑھ پڑھ احباب سنا گئے نیں
پڑھیاں ہو یاں پڑھی ان پڑھیاں سنی ہندواں یاراں سنی مسلماناں پڑھی
افسوس جہاں ایہ لکھائی آ ہی اوہناں وچوں نہیں اک بھی یار زندہ
ملک عدم سراج ہے ملے سنگی دکھو دکھ بتا وساں ساریاں نوں
اس کتاب کے مختلف حصے کئی لوگوں کو اب بھی یاد ہیں۔ اللہ کرے 70 سال قبل کی یہ کتاب لکھی ہوئی اب طباعت کے مرحلے
سے گزر کر ملک میں معروف اور مقبول ہو۔ گو ہماری قومی زبان اُردو ہے مگر اُردو ابھی تک مٹھاس میں پنجابی کا مقابلہ نہیں کر سکی۔
پنجابی زبان میں صوفیائے کرام نے شعر کہے لوگوں کے دلوں کو صوفیائے کرام کی پنجابی شاعری نے موہ لیا۔ پنجابی زبان میں بڑی
گھلاوٹ اور شیرینی ہے اور اظہار خیال ایک جامع اور مکمل زبان ہے۔ یہی وجہ ہے کہ صوفیائے کرام جو تبلیغ اسلام کے لیے اس
دیس آئے پنجابی زبان کو ہی ذریعہ اظہار بنایا اور لوگوں کو مسلمان کیا۔ یہ بولی ہمیں اپنی ماں سے ملی۔ اللہ ہمیں اس زبان کو زندہ
تانبندہ رکھنے کی توفیق دے۔ پنجابی زبان زندہ باد۔ رہنا آمین

ابوالنور قیر والنور سراج الدین سراج القادری

بادشاہ پوری ۱۹۹۶ء

دیباچہ (حرفِ اوّل) از مصنف 1996ء

ایہ کتاب داستانِ قال و حال قصہ سوہنی مہینوالِ اج تھیں 60 سال پہلے 1931-32ء وچ لکھی گئی۔ ایہ میری باقاعدہ دوجی تصنیف اے میری پہلی تصنیف لیلیٰ مجنوں پنجابی میرا سال پیدائش 1910ء اے۔ تصنیف دے وقت میری عمر 22/23 سال سی۔ میرے والد ماجد حکیم میاں چنن دین مستند طبیبہ کالج دلی 1326ھ (جہاں نوں) میرے دادا مکرم حضرت محمد بخش پیار نال چن میاں کہندے سن میں اپنے والدین دی اکوتے پہلی اولاد ہاں میری پیدائش تھیں ٹھیک 38 دن دے بعد 1910ء وچ میرے والد ماجد 27/28 سال دی عمر ہنڈا کے تپ دی بیماری نال فوت ہو گئے۔ تقریباً چار سال بعد میری والدہ ماجدہ طالع بی بی بھی فوت ہو گئے۔ رحمت اللہ علیہم اجمعین

میری یتیمی دے سرپرست میرے بابا غلام حیدر ہوئے۔ میں اپنے بادشاہ پور دے پرائمری سکول چار جماعتیں پڑھیاں تے نال ہی مولوی محمد دین صاحب تھیں قرآن شریف ناظرہ پڑھ لیا۔ باباجی نے دریالہ جالپ ضلع جہلم ہائی سکول لے جا کے داخل کرایا۔ چار سال اُردو مڈل کرنے دے بعد میں مولوی الہ دین صاحب ملکوال کولوں فارسی درسی کتاباں تے حرفِ نحو پڑھی۔ مولوی صاحب نے پنجاب یونیورسٹی دے وچ منشی فاضل دا امتحان دلایا۔ 3/4 مہینے جھلانہ مولوی جلال دین صاحب کولوں حدیث پڑھی۔ اسدے بعد باباجی مینوں میرے والد مکرم دے ہم جماعت (طبیبہ کالج) حکیم مخدوم محمد اعظم کول چھوڑ آئے۔ مخدوم صاحب دامطب اوس وقت بھیرے سی اوہناں نے مینوں میرا خاندانی علم طب شروع کرایا۔

جلدی ہی مینوں طبیبہ کالج لاہور وچ داخل کر آئے۔ مخدوم صاحب طبیبہ کالج دلی وچ کسے شعبے دے ممتحن آہے سال دے سال جا کے طلبا کولوں امتحان لیندے سن۔ میرے کولوں بھی دلی کالج وچ امتحان دوا یا تے دو سالہ سند (حکیم حاذق) لے کے میں 1928ء وچ واپس اپنے گھر آیا۔ حضرت باباجی فوت ہو گئے سن۔ گھر آ کے میں اپنے دادا مکرم دے شاگرد سید حیدر شاہ صاحب تے حکیم سردار سنگھ دے سائے وچ مطب کھولیا۔ دونویں بزرگ بڈھی عمر دے تجربہ کار تے طب عملی دے ماہرن۔ زمانہ کالج پال تے شرم بھرم والا وفاداری دوہاں صاحبان نال میرا مطب جلدی ہی کامیاب ہو گیا۔

میرے دادا مکرم امام الطب تے علاقے دے حکیمان دے اُستاد سن نال ہی ایہ علمی ادبی شعر و شاعری داشوق تے ذہن مینوں اپنے آبائی ورثے تھیں ملیا ہو یا سی۔ طالب علمی دے زمانے بھی میرا ایہ شوق تے ذہن دارُ جان شعراں ول رہندا سی۔ طب دے نال میرا مشق سخن بھی پروان چڑھدا رہیا۔ اس ویلے مینوں اچانک میرے اُستاد مولوی محمد دین صاحب یاد آ گئے نیں۔

مولوی محمد دین (وفات 1947ء) تے سید میراں شاہ بادشاہ پوری (وفات 1936ء)

مولوی محمد دین صاحب اُستاد مکرم میرے رحمت رب دی اہن اُتے ہووے شام سویرے
سادہ صاف طبیعت والے دا فریب نہ کوئی آکھنی ساری زندگی میری قضا نماز نہ ہوئی

بے مثال فقہ دے عالم مسئلے یاد زبانی
 میں قرآن اہناں تھیں پڑھیا فارسی کچھ کتاباں
 سید میراں شاہ بخاری حنفی سنی چشتی
 ورہے چھماہیں سر پر ہنسی اوس نے گولڑے جاناں
 میراں شاہ تے مولوی صاحب تقریباً عمروں ہانی
 اوہ پچھتر چھتر سالے میں دیہہ اگی سالہ
 سو روپیہ میراں شاہ نے مینوں دتا آپے
 سو روپیہ اوس سے دا اج لکھاں تھیں بھاری
 اوس زمانے نوں پئے ہن تے پستھ سال و ہاون
 درسی فارسی کامل فاضل عربی وچہ لاثانی
 رج کے میرے محسن میری یتیمی دے نگہاں
 گولڑے والے پیر صاحب دی بیٹھا ہو یا کشتی
 نال محبت خوش عقیدت پیدل جاناں آناں
 جدوں اکٹھے آون چھیڑن علمی کوئی کہانی
 جوڑ دلاں دے میلے جتھے چاہے حق تعالیٰ
 فاتحہ تفسیر میں لکھی تے اوس چڑھائی چھاپے
 ماشاء اللہ نیکی جاریہ رہے انہاندی جاری
 میری عمر ضعیفی ہو گئی یاد اچے وی آون
 اپنی عمر سراج نبھا کے مڑ گئے ساتھی میرے

رحمت رب دی اہناں اُتے ہووے شام سویرے

1929-1930ء میری پہلی شادی اپنی تایا زاد زینب نال ہو گئی۔ میری 20/21 سال دی عمر ذوق مزاج آواز رسیلی تے پڑھن داطریقہ دل پسند تے من موہنا۔ ایہو جیسے ماحول وچہ جنونی آثار لازمی اور فطری ہوندے نیں، ایہو مینوں نال نال اپنی نفسی اور خاندانی عزت عظمت اور ناموس دا پورا احساس سی۔ خاندانی طور تے میں مذہباً اہل سنت حنفی تے مشرباً قادری مسلک دا وارث ہاں۔ قرب و جوار وچہ سارے لوک ساڈی خاندانی شرافت دے گواہ اور مؤدب اُس افراط تفریط دے سمیں مینوں میرے والد ماجد دی خواب وچہ ملاقات ہوئی تے اوہناں دے اشارے اور فرمان دے مطابق میں قطب عالم حضرت پیر محمد پیر گیلانی صاحب دے خلف الرشید حضرت پیر محمد انور امیر حسنی گیلانی سجادہ نشین درگاہ سبحانی بھیرہ دی خدمت وچہ حاضر ہو یا۔ واللہ باللہ ثم تا اللہ اوہناں نوں بھی میرا انتظار سی۔

حلقہ ارادت وچہ داخل ہو یا بیعت کیتی مہربان مرشد دی پیاری تعلیم وچہ مشاغل قادری اور مسلک قادری دے وظائف تے شغل جاری رکھے۔ انہاں دی فرمائش نال شرح قصیدہ غوثیہ منظوم پنجابی شرح اُردو نشر لکھی تے دُعائے حزب البحر داترجمہ تے قادری مسلک دے طور اوسدی زکات تحریر کیتی۔ دونویں رسالے پریس ہوئے مقبول ہوئے چار سال حضرت صاحب دی خدمت وچہ گزارے۔ بحمد اللہ اجازت مجازی حاصل ہوئی۔ اَلْحَمْدُ لِلّٰہِ عَلٰی مَنّتہٖ وَاِحْسَانہٗ اللہ تعالیٰ یہ شرف ساڈے خاندان واسطے نسل بعد نسل سلامت رکھیں۔ آمین

میں حضرت پیر مرشد دی حاضری دے زمانے وچہ ہی ایہ لوک داستان لکھنیاں شروع کیتیاں۔ پہلوں مجنوں پھر ایہ کتاب داستان قال و حال قصہ سوہنی مہینوال۔ اُس دے بعد سسی پنوں، شیریں فرہاد، نال حضور رسول کریم صلی اللہ علیہ وسلم دے معجزات فرمودات

ارشادات تے حضرت غوث الاعظمؒ دے مقالات مقامات کشف واکرامات لکھے جانے تے چھاپے چڑھدے رہے۔
 ایہ کتاب لکھدیاں ہی میرے احباب اور شائقین اسدیاں قلمی نقلاں لکھ لکھ کے لے جانے رہے۔ پنڈت خوشی رام سالم،
 سنت گودڑی والا، سپہرے رام پرکاش ڈنگہ تلسی رام ریڈ کہ دریائی لال تے پیر اصغر علی شاہ میانہ گوندل مقامی دوست غلام نبی
 سائیں رجب علی شیر پور میاں عمر درازنگلیانہ وغیرہ نے قلمی کاپیاں پڑھیاں تے ورتائیاں۔ ہن تائیں لوکاں نوں جگہ جگہ تھیں یاد
 اے تے پڑھی جانے اے۔ چونکہ یہ کتاب اج تھیں سٹھ سال پہلے دی لکھی گئی اے۔ دو جیاں قلمی مسودیاں نال ایہ بھی مسودہ پیا
 رہیا۔ ہن کجھ اپنا خیال تے کجھ دوستاں دے کہے اے اسدی نظر ثانی کیتی گئی اے تے اشاعت دے قابل تیار کیتی اے۔ اصل
 مسودے وچوں ادھاحصہ خارج کردتا اے۔ خارج نہیں بلکہ بالکل ضائع کردتا اے۔ اُس جنونی عمر دے لکھے ہوئے کئی بیان اج
 میری طبع تے عمر دے سخت خلاف جانے سن۔ اج میری عمر 85/86 سال حالات بدلے نال خیالات تے جذبات احساسات
 دابدلنا لازمی ہوندا اے۔ کتاب دے مسودے وچوں کڈھیا بہوں کجھ اے تے نواں پایا کجھ بھی نہیں۔ جہڑا کوئی نواں بیان یا
 مضمون پایا گیا اے اوس نے 1996ء لکھیا گیا اے۔

غالب خدا کا خوف اور تعلیم مصطفیٰ اللہ گواہ بے عیب جوانی میری رہی

سٹھ سالوں وچے زمانے کئی انقلاب آئے۔ سادگی دی صفائی ستھرائی محبت دی جگہ نمودر یا کاری منافقت عام ہو گئی۔ اوس
 سادے ستھرے زمانے دی پیاری سنگت دے پیارے وجود ہم راز محرم سنگی واری واری ہمیشہ واسطے جدا ہو گئے۔ میرے کول
 اج صرف اونہاندی یاد رہ گئی۔ جیہڑے اک دوا جے زندہ نے اوہ بھی مویاں تھیں ہورا گیرے پہنچے ہوئے نہ اوہ عمر نہ اوہ شوق۔
 اس کتاب دی نظر ثانی دے وقت کیناں مضموناں دی اوہناں سنگاں دیاں ورتیاں ہو یاں کہانیاں یاد آئیاں تے بے اختیار
 آنسو آ گئے۔ اوہناں سنگاں تے اوس وقت دی یاد وچہ فی البدیہہ
 اشعار

زندگی بھر مرحوم جوانی دیاں اوہ جوان کہانیاں یاد رہسن	ذوق شوق پیار وچہ کئی کئی راتاں جاگ لنگھائیاں یاد رہسن
اوہ شعر و شباب اوہ رُت کملی اوہ کانگاں غم جانان دیاں	آپس وچہ صرف اکھیاں اکھیاں نال دل دیاں سنیاں سنیاں یاد رہسن
اوہ میکدہ اوہ ساقی میر انور اوہ سرمستیاں کھنکدے جام و سبو	پی پی شرابیاں توبہ دیاں اوہ دھوڑاں اڈانیاں یاد رہسن
اوہ غارت گر ایمان منظر گھٹاں کالیاں چمکناں بجلیاں دا	دل دے ڈوگھے سمندر وچہ ہائے غضب اوہ اگاں لگ جانیاں یاد رہسن
رہسن یاد اوہ ناز و نیاز خمرے گل رُخاں دے نغے بلبلان دے	اوہ جو بن جوانی دے مست جھوٹے اوہ پریم کہانیاں یاد رہسن
میخانے وچہ کعبے تے بت خانے رُل کے پڑھنیاں پٹیاں پریم بھریاں	دھرم ایمان ہندو مسلمان دیاں حداں یاد رہنیاں یاد رہسن
بے فکر غم روزگار کولوں غم جانان دے اوہ آتش بار ہو کے	اوہ اگاں لگانیاں یاد رہسن لا کے فیر بجھانیاں یاد رہسن
اوہ مجلساں صحبتاں ہائے قسمت رنج کھلریاں وت نہ لہیاں نین	قبر تیک سراج تے قبر وچہ بھی اوہ بھل نہیں جانیاں یاد رہسن

اٹھ گئے میری محفل وچوں کئی پیارے سکے
اے پر میرے دل دے وچوں ہن تائیں جانہیں سکے
اے تیکر میرے شیشے اندر زندہ اوہ تصویراں
کوئی سراج میرے دل اندر جھاتی پا کے تنکے

بھادیں مٹی کھا گئی ہو سی اوہناں عزیز وجوداں
موت حیاتی دی وٹھ لئی میں اتھھے اوہ اوٹھے
پھر بھی میری روح قلب تے اوہ شکلاں موجوداں
کون سراج گھلاں میں کھوجی کوں اوہناں نوں ڈھونڈاں

واری واری ایس بھنڈاروں اٹھ اٹھ گئیاں سیاں
وطنوں نکلیاں پتوں لنگھیاں وت نہ دساں پیاں
جہاں بناں اک پل بھی نہ جیواں اوہ شکلاں بھی ویر گئیاں
جیوندیاں پئے سراج وچھوڑے رو رو دسدیاں گئیاں

جان جہانوں ہو کے فارغ جدوں ہکلا بہناں
ظاہر دی اکھیں بند کر کے اندر دیاں کھولاں
وچہ تصور اوہا محفلاں فیر سجاندا رہناں
انج سراج اوہناں سنگاں نوں مل ادریواں لاہناں

اکثر راتی نیند تھیں پہلے یاد آون اوہ راتاں
فیر سراج قرار ناں نیندر دل تے چلن آرے
جھڑیاں نال پیاریاں رل کے گزریاں نیں شبراتاں
اُتر آون اکھیاں دے وچوں ان موسیٰ برساتاں

اوہ پیاریاں نگھیاں راتاں مدھ محبت رنگیاں
پھلاں ورگے نازک جسے دیہیاں جو بن رنگیاں
اکھیں اگے آ جانڈے نیں نال جہانڈے لنگھیاں
کون سراج لیا ملاوے دورگیاں ہویاں سنگیاں

کتاب دامنہ متھا

آغاز بخیر پکڑاں قلم با وضو بسم اللہ الرحمن الرحیم لکھاں
 شہنشاہ کونین دی ذات اُتے صلوات سلام تسلیم لکھاں
 حضرت رحمۃ اللعالمین تائیں دو جہاں دا ابرِ کریم لکھاں
 قلب انسان مراۃ الرحمن اُتے عشق جلوۂ نورِ قدیم لکھاں
 وَلَقَدْ كَرَّمْنَا بَنِي آدَمَ تَمَنُّهُ عَشَقَ بَاعَثَ تَكْرِيمَ لکھاں
 لا الہ الا اللہ محمد الرسول اللہ نال ہزار تعظیم لکھاں
 اُس صاحب خلقِ عظیم تائیں بار بار رُوف الرحیم لکھاں
 صد نازشِ عرشِ عظیم لکھاں تے مقامِ محمود مقیم لکھاں
 نَفَخْتُ فِيْهِ مِنْ ذُّوْحِيْ اِنْسَانِ احْسَنَ تَقْوِيْمَ لکھاں
 زندہ باد سراجِ انوارِ عشق پائندہ ذوق سلیم لکھاں

حمد باری تعالیٰ عَزَّاسِمَہ

آرنی آرنی کہندے کھپ گئے اوس نہ لاہی موہنوں جھم
 اک جھلک تھیں ہو گئے بورے گئے ڈورے صُم بُکم
 اوس نوں ڈھونڈن نکلے جہیزے آپ ہی ہو گئے کھوجی گم
 وت سراج نہ سر کڈھو نے غوطہ خور فِیْ اَنْفُسِکُمْ

ہمہ صفت موصوف آں ذاتِ واحد جس نے کن تھیں کھیڑ چائی ہوئی اے
 تئیاں سرائے آسمان نیلا دھرتی پیراں دے پیٹھ وچھائی ہوئی اے
 آدمِ عامر الارض نوں عقل دے کے ہر شے ایسے اگے نوائی ہوئی اے
 قطرہ خونِ دادل بنا کے تے اس وچ کائنات چھپائی ہوئی اے
 گولہ آتشی وچ خلا قائم اوسدی تپش ساری دُنیا تائی ہوئی اے
 دن رات دے نال ملایا ہویاے رات دن دے نال ملائی ہوئی اے
 خبرے کدوں لگی جمن مرن دُنیا ایہ کدوں دی کھیڑ چائی ہوئی اے
 واہب العطا زمین تائیں کوئی اوہ تاثیر عطائی ہوئی اے
 شاخ سبز وچوں گل پھل رنگارنگ اوہناں وچ خوشبو مہکائی ہوئی اے
 گم سم حیران پریشان عارف عقل عاقلان دی چکرائی ہوئی اے
 بنی آدم نوں شرف خلافت قربت منصب مہربوت لگائی ہوئی اے
 انبیاء دے بعد مقبول بندیاں تائیں دولت فقر عطائی ہوئی اے
 کہناں نور و لایت تھیں قلب روشن نظر لوح محفوظ ٹکائی ہوئی اے
 کہناں اصل نقر کہناں نقل مکر کہناں مکردی دھوڑا ڈٹی ہوئی اے
 دکھ سکھ دے کے رنج بھکھ دے کے ایہ دُنیا دی بستی وسائی ہوئی اے
 اوہنوں تاریاں نال سجایا ہویاے ایہ بندیاں نال سوہائی ہوئی اے
 عَلَّمَ آدَمَ الْاَسْمَآءَا دَاشِ مندی دی دولت عطائی ہوئی اے
 ایہ کائنات تے کیہ اوسدی اعلیٰ ارفع ذات سمائی ہوئی اے
 چن تارے سیارے کرۂ ارض ہر شے اوسدے گرد گھمائی ہوئی اے
 اک دوسرے نوں پکڑ سکدے نہیں ایسی چال کمال ٹھہرا ہوئی اے
 کدوں آرئی اے کدے جاری اے اگوں جا کے کدے سمائی ہوئی اے
 ہر فصل ہر موسم دیاں بوٹیاں نوں حسب طبع غذا پہنچائی ہوئی اے
 چھوٹے چھبے دل والی مشتاق بلبل اوہناں اُتے سودائی بنائی ہوئی اے
 مٹی پانی ہوا پہاڑ بدل خبرے کدوں ایہ ہر شے آئی ہوئی اے
 مَنْ يَطْعُ الرَّسُولَ فَقَدْ اطَاعَ اللہ کیڈی رَج عزت فرمائی ہوئی اے
 لائخزنوں کہہ کے اپنے دوستاں دی پوری دل جوئی فرمائی ہوئی اے
 ہک اتھتے او تھے دو جہان اٹھے کیڈی سخت سزا سنائی ہوئی اے
 جہاں مکردی دھوڑا ڈٹی ہوئی اے دُنیا اوہناں بھی بڑی رجھائی ہوئی اے

بنال پتیاں اک بد مست ڈٹھے کہناں پی کے خوب پچائی ہوئی اے چپ ضبط دی جاسر آج آتھے جہاں پائی ہوئی اوہناں چھپائی ہوئے

ذاتِ قدیم اللہ احد بے مثل بے چون و چگون ما سوی اللہ ہر شے حادث فانی تابع کون فیکون
بے حد دی کیہ حد کوئی جانے دعویٰ کرے حمد دا کون چک سراجِ قلم تے پڑھ لے سبحان اللہ عَمَّا يَصِفُون

سید الکونین سیدنا حضرت محمد مصطفیٰ صلی اللہ علیہ وسلم

نوری ذکر حضور دا بسم اللہ بسم اللہ ہو خوشنود لکھاں
لختِ قلب دی قلم بنا کے تے کاغذ کر کے اشک آلود لکھاں
اے خیر الخلق محبوب خدا تینوں حامد لکھاں تے محمود لکھاں
حامد و اصف مسیح فصیح تیرے موسیٰ نوح ادریس تے ہود لکھاں
توں رؤف الرحیم کریم داتا رحمت عالم تیرا ورود لکھاں
دائرۃ البروج عروج تیرا لامحدود نوں کوں محدود لکھاں
میری طبع مشتاقِ ثنا خوانی خواہ منظوم منشور مولود لکھاں
میرے ہتھوچہ لکھ لکھ قلم ہووے اک اک قلم تھیں لکھ لکھ درود لکھاں
پاک ذکر حبیب خدا دا میں کر کر رکوع سجود لکھاں
الہ اندر حَم اندر کٹھلیعَص دے وچہ عقود لکھاں
تیریاں قدماں وچہ قربان ہوند اسکندر ذوالقرنین موجود لکھاں
اللہ دین والا توں ورتان والا اوہ ذوالعطا تینوں ذی الجود لکھاں
خوش نصیب میں شوقِ توصیف تیرا پیالہ اپنے بخت مسعود لکھاں
مینوں کہندائے سراجِ دبیر فلک تیری کلک معنی افزو لکھاں

مدینہ منورہ

مدینہ منورہ سرکارِ دہلی شہرِ نوری دمد چھم چھم بارشاں نور دیاں
کعبہ کعبہ دا گنبد شریف خضر نازل رحمتاں رب غفور دیاں
لمحہ ساعت ساعت دمدم تحفے ہدیے درود سلام او تھے
جہڑے پوہتے حضور دے پاک پتن دھوپ دھاپ آون سترے نہا آون
پیال پوریاں ہون تمام آساں دل دیاں سن آون تے سنا آون
چشمہ صافی معلم اخلاق کافی او تھوں جگ جہان صفائی پائی
نور نال معمور بھر پور گلیاں چمیاں تلیاں جہاں حضور دیاں
آبِ کوثر تھیں دھون سراجِ نت نوری ٹولیاں بیت المعمور دیاں
سایہ گنبد خضر ادا عرش بریں تھکیاں ماندیاں ملے آرام او تھے
ٹھاٹھاں مار دائے پیار دریائے رحمت رنج رنج کے ٹھیاں لا آون
خوش نصیب سراجِ کونین اندر اپنی عمر دی بگڑی بنا آون
شہنشاہاں او تھوں شاہنشاہی پائی تے اولیاواں او تھوں اولیائی پائی

خلفائے راشدین رضی اللہ عنہم

خلفائے راشدین امین امتِ قرب اللہ رسول داپان والے
یار غار صدیق ابوبکرؓ سب تھیں اول صدق یقین ایمان والے
صاحبِ دبدبہ عمرؓ فاروق اعظم عدل بے دریغ کمان والے
رضی اللہ تعالیٰ عنہم اجمعین بڑی قدر والے بڑی شان والے
جان نثار حضور دے ہمہ وقتی دانائے راز قرآن والے
خوش نصیب عثمان سبحان اللہ شرف ذی النورین داپان والے

امیر الاولیا صاحب ہل اتی لقب اسد اللہ غالب پان والے
من رانی رای الحق دید حبیب خدا دی پان والے
حسب ظرف رجایا ساریاں نوں ساقی مئے توحید ورتان والے
صلے پاگئے اپنی خدمتاں دے نصیبہ درجنت آشیان والے
رحماء پیہم سراج شاہد باہم پیار محبت احسان والے

ابو الحسنین جناب علی حیدر مصطفائی خاندان والے
اے زہے نصیب چہ خوش قسمت اصحاب الرسول سدان والے
ساری ملت بیضا دے محرم خیر القرون زمان والے
عاشق اللہ تے نبی دے جگ سارے ڈنکا دین اسلام و جان والے
اصحابی کالنجوم فرما گئے مولا عرش عظیم تے جان والے

سیدنا الحسنین علیہما السلام

غیرت مند ایرج مند تورج مند بلند ہمت صاحب نصب العین دونویں
حق کہن والے سختیاں سہن والے راضی رہن والے شہیدین دونویں
علی المرتضیٰ دے نین دونویں حضرت مصطفیٰ دے دل دے چین دونویں
اوہد رظلم دی حداید ہر صبر دی حد گئے تاج شہادت داپہن دونویں
صلوات سراج آباء سنے مستحق صلوات دے ہین دونویں

صابر شاکر خط تقدیر اُتے سیدہ فاطمہ دے نور العین دونویں
آغوش نبوت دے پروردہ سید اہل جنت دے ہین دونویں
امامین سعدین امام زادے عالی مرتبہ نجیب الطرفین دونویں
ناحق نوں حق نہ آکھیں کوہ استقامت دے ہین دونویں
نانا شافعی حشر بابا ساقی کوثر سبطین شاہ حسن حسین دونویں

سیدی حضرت غوث الاعظمؒ

اے سجان اللہ عظمت مجتہائی نائب النبی سدا یا غوث اعظم
شرع بیچ طریقت فصل اوسدی معرفت پھل سمجھیا غوث اعظم
قطباں وچہ قطب الاقطاب بن کے غوثاں وچہ سدا یا غوث اعظم
غنیۃ الطالبین تھیں فتوح الغیب تیکر صراط المستقیم دکھایا غوث اعظم
جہدے وچہ نہیں خوف فساد کوئی اوہ راہ دکھایا غوث اعظم
زہے بخت سراج جناب سچی گھریں آن ملایا غوث اعظم

حضرت حسن دے ہار دالال سچا ابو صالح جایا غوث اعظمؒ
دین اسلام دے کیتے اصول زندہ محی الدین لقب پایا غوث اعظم
سارے جگ دیاں ولایاں اولیاواں سرمتھے بٹھایا غوث اعظم
علماء امتی کا الانبیاء بنی اسرائیل ایہ مرتبہ پایا غوث اعظم
رہبر طاہری باطنی منزلاں داسر ساکالاں دے سایہ غوث اعظم
لاتحف کہہ کے اپنے قافلے دا ہر فکر مٹایا غوث اعظم

استغاثہ

جسدی بانہہ پکڑن اوہنوں چھوڑ دے نہیں لاجافزت جانجھاندے یاریاں نی
تیرے منکراں نوں درد درد دھکے وچ جنگلیں سورییاں چاریاں نی
کئی بیڑیاں شرک طوفان گھریاں ڈبڈیاں جانجھاندیاں پار تاریاں نی
بغداد شریف وچہ بہہ کے تے بھرمالیاں گٹھاں ساریاں نی

یا شیخ عبدالقادر جیلانی لڑ لگیاں دی ذمہ داریاں نی
تری نسبتوں ولایاں اولیاواں پایاں حق تھیں عزتاں بھاریاں نی
تیریاں دھن کمائیاں شہنشاہا چوٹاں کوٹاں تے چڑھ چڑھ ماریاں نی
دقبتہ علی کل اولیاء اللہ ولایت کبریٰ دیاں مختاریاں نی

بالا پیر میراں دستگیر کامل چار کوٹ تیریاں سیوا داریاں نی
تیری موج اے موج دریا شاہا کا نگاں چاہڑیاں جدے اُلا ریاں نی
کر کے یار ہویں والا سدا مارن صدقاں والیاں نوں حاصل یاریاں نی
ایویں تار سراج نوں پیر سچیا جویں اگلیاں سنگتاں تاریاں نی

سیدی مرشدی پیر طریقت حضرت محمد انور امیر رحمۃ اللہ علیہ گیلانی بھیروی

بو سے لو اں سوسو واری بسم اللہ آ یاں لباب تے نام سرکار دے
نام لہندیاں ٹھنڈ کھجے نوں جھونکا روح فزا باد بہار دے
صاحب جذب الحال ابدال وقت اوسدا قال بھی حال سنوار دے
حبذا مرجا واللہ اعلم کتنا دائرہ قطب مینار دے
بولے مستی استی دے بول ایسے عجب حال ولی مستوار دے
بارگہ وچہ بول قبول اوسدے اعتبار کامل جسد ہار دے
مینوں حاضری اوس دی طوف کعبہ میراج مبرور دیدار دے
شاہزادیا پیر چین پیر دیا خاندان تیرا ڈبیاں تار دے
تیرے کول آ یاں تیرے کول دارو اس لا علاج بیمار دے
حسنی گیلانی انور میر قبلہ مخزن معدن میرے افکار دے
غوثی فردوسی پھل اج پیا خوشبو چار چنیر کھلار دے
عشق نال سینے چکار دے دھو دھار زنگار اُتار دے
ڈٹھا حاضری دیوندا خضر ولی حاشیہ چمدا پیا سرکار دے
دُر مکنون الہامی قدوسی ہر لفظ خزینہ اسرار دے
دُنیا دین دیاں سرفرازیاں دا اللہ ولوں وعدہ ذی وقار دے
نظراں نال پلا کے مست کردے بھریا مٹ عرفان پیار دے
توں حکیم کامل میرا نفس سرکش گرفتار اک سخت ازاد دے
نظر کرم سراج تے سخی مردا تینوں واسطہ راج دربار دے

ایضاً

دنیا جان دی اے جہڑی شان کچھ بھیرہ پھلاں داسہرا سدا رہیا اے
میراں شاہ سبحان سبحان اللہ فیض سبحانی ورتا رہیا اے
مرثدہ مئے بغداد دے میکشاں نوں ساقی میکدہ غوث سجا رہیا اے
طالبان ساکال دی لوح قلب اُتے نظراں نال انج نقش جمار ہیا اے
نہیں وس رہ گئے دل وجان میرے دل وجان وچہ انج سہاریا اے
قربان اوسدی بندہ پروری تھیں کیڈا راج کے کرم کمار ہیا اے
کھڑیا ہویا گلزار گیلانیاں داسارا دیس دادیس مہکا رہیا اے
حضرت پیر چین پیر دا ماہ انور اج میرا نور جگمگا رہیا اے
جتنی ویکھدے پیاس پیاسیاں دی امید پی رہے نے اوہ پلا رہیا اے
جہڑا لکھن پڑھن وچہ آوند انہیں بناں لفظاں اوہ علم پڑھا رہیا اے
مٹی کاری گردے پیش آئی اے جویں چاہیا توں بنا رہیا اے
اپنے زیر علاج سراج تائیں سچ مچ سراج بنا رہیا اے

سقانی الحب

سقانی الحب دیا ساقیا واسطائی پیام صحت دا جام پلان لگیاں
جرعہ جرعہ تھیں بنے گا کیہ میرا ساقی میں مے نوش بلا داہاں
اللہ کرے تے رہس بہار تازہ ودھے ایس درباری ہوزینت
عکس اپنی مدھ بھری اکھیاں دا میرے وچہ پیمانے دے رکھ دیناں
سارا چک میخانے دا میخانہ میرے وچہ پیمانے دے رکھ دیناں
تینوں جیکر ملے سراج جنت اوہ بھی لیا میخانے وچہ رکھ دیناں

ساقیا

میرے حال دیا حرمات ساقی توں دیدو نشے دے جام سنوارا ایسے
روشن دلدا ہووے چراغ میرا میرے دل تھیں لاہ زنگارا ایسے
ساقی جی میں جی تھیں چلیا ہاں مینوں لیائے پکڑ آزارا ایسے
غفلت مرض میری درجہ آخری تے جے پیرا سدا پائیدا ایسے
تو طبیب کامل توں حکیم کامل تیرے کول نخے بے شمارا ایسے
مارو ہول اے غول مریلیاں دا ڈاکو اوہ ظالم خونخوارا ایسے
میرے کول بھی عشق امان ازلی اوہ بھی ڈھونڈ دے پھرن شکارا ایسے
پنچھی کعبے دا غلط پرواز کر کے جا رہیا اے جنگل بارا ایسے
پرلے پارلے دیس داشوق مینوں لے آئے راہ دشوارا ایسے
کچا گھڑا تے میں منتارا ہی جیوڑا کنبدائے دیکھ شوکارا ایسے
لے چل ندیوں پار گلزار جتھے ہم نوا ہوون محرم یارا ایسے

میں اپنا آپ پچھان لواں کھلن پندیاں سارا سارا ایسے
ہو جائے بے ہوش دی ہوش قائم خفتہ جذبے ہون بیدارا ایسے
کوئی نہیں پئی سمجھدی بچنے دی کیے جتن علاج ہزارا ایسے
جاہ جاہ سارے حکما آکھن ڈٹھے بچدے نہیں بیمارا ایسے
صدقہ نام دا کر علاج میرا تیرے کول آیاں پینڈے مارا ایسے
ٹھگن نال بہانیاں دانیاں نوں دغا باز اوہ تیز طرارا ایسے
تیری رہبری آج درکار مینوں دفعہ رہن موزی بدکارا ایسے
پیر پیر تے دس ہزار خطرے لگے ہوئے نیں جال ہزارا ایسے
بدھی وابل کدھی اُتے کھلاویکھاں زور آور چنہاں دے بھارا ایسے
سوہنی وانگ چنہاں نوں چیر جاواں بازو ہون میرے ترن ہارا ایسے
بے خود مست ہو جائے سراج تیرا نغمے سرمدی ہون اظہارا ایسے

رباعی

گوگنیاں دی بھی سدا رہندائے سب دارب رحمان
پئے سراج فضول تنازعے بھل گیا انسان

دکھو دکھو دستور عبارت دکھو دکھو زبان
مسجد مندر اوسدے اوسدے سب استھان



اساں پیار پڑھیا تے پیار پڑھیا بنال پیار دے پڑھیا پڑھیا نہیں
انسان سارے ہم جنس اپنے ساڈے واسطے کوئی پرایا نہیں

جس منگیا اوسدی بھری جھولی اوہدی مرضی جہڑا منگن آیا نہیں
ایہہ دل سراج ہے عرش ربی تاہیوں کسے دا اساں دکھایا نہیں

سرور کونین صلی اللہ علیہ وسلم

ذکر پاک رسول اللہ دا ہے قرآن برابر
دُنیا اُتے ماواں پتر وَن پونے جے

ایہ یقین عقیدہ میرا ہے ایمان برابر
آیا نہیں سراج کوئی بھی اوسدے شان برابر

فیض بخش ساقی ملہم غیب میرے سجدے لا تعد تیری جناب دیوچہ
صح صادق حضور دی ثنا گوئی نغمہ ریز ہے میرے رباب دیوچہ

نور پیر ویلاتے بیان نوری چھم چھم نور میری الباب دیوچہ
 سید الکونین دارین مشفق بنی رحمت اُم الکتاب دیوچہ
 اول ماخلق اللہ نوری فرمایا حضور نے اپنے خطاب دیوچہ
 محسن اعظم فخر اولاد آدم سرور دو عالم انتخاب دیوچہ
 ظہور قدسی تھیں پہلے نوع انسان گم گشتہ آہی سراب دیوچہ
 وادی بطاحتیں جھوم جھوم اٹھیا جوش عرش دارحمت سبح دیوچہ
 پئے گئے زلزلے آمد حق سن کے قصر کسریٰ تے افراسیاب دیوچہ
 مدارج رفیع الدرجات دے کوں آون کسے ذہن کسے احتساب دیوچہ
 بیسی باعث تخلیق دو عالم لولاک لما ہے آیا خطاب دیوچہ
 کیتا شیریں چشمیاں کھاریاں نوں اوہ مٹھاس برکت ہے لعاب دیوچہ
 مولائے کل مہدی سل ختم الرسل ممتاز آیات وہاب دیوچہ
 آئی شب معراج سبحان اللہ حاضر روح الامین جناب دیوچہ
 نور و نور جلوے نور نور ہر سو کائنات ساری نور شباب دیوچہ
 حاضر برق تھیں تیز براق نوری ہفت افلاک سن اوہدی طناب دیوچہ
 استقبال نوں صف بہ صف نوری آہے مسجد اقصیٰ دے باب دیوچہ
 پوہتے سدرہ تے شاہ سوار عرش کردا عرض جبریل جناب دیوچہ
 رفرف عالم نور خیام نوری طے مرحلے شوق کامیاب دیوچہ
 قرب قاب قوسین وصول ہو یا مرکز نور خلوت عالم تاب دیوچہ
 مژدہ انعمت علیکم نعمتی عالم ارواح عالم اسباب دیوچہ
 طالب اتے مطلوب مقام خلوت محظوظ سوال و جواب دیوچہ
 صبح بعد نماز محبوب رب دے کیتا ذکر حلقہ احباب دیوچہ
 اطیعوا اللہ ورسولہ، آیا حکم لاریب کتاب دیوچہ
 حسن عمل والے مقبول او تھے بدعمل نار التہاب دیوچہ
 مجیب الدعوات مولا التجا میری تیری بارگاہ مستجاب دیوچہ
 میں بھی اقراری توں بھی جانائیں میرے جرم نہیں اوندے حساب دیوچہ

باوضو قلم سجدہ ریز ہو گئی بارگاہ رسالت مآب دیوچہ
 شب اسری مقتدی امام سارے امام الامین محراب دیوچہ
 گود آمنہ دی ابن عبد اللہ آیا بشریت دے نقاب دیوچہ
 تَقْلِبْکَ فِی السَّاجِدِیْنَ بلند و برتر پاک انساب دیوچہ
 نہ کوئی زندگی نہ مقصود دوآب سب حال خراب دیوچہ
 قحط سالیان ہو عنقا گنیاں ہر سوتا زگی فضل شاداب دیوچہ
 بجھ گئے آتش کدے ایرانیاں دے گئے ہوتا بہا نہاب دیوچہ
 شان پاک حضور دے مرتبے دا شامل ہر الہامی کتاب دیوچہ
 بعد از خدا بزرگ واحد منناں پیندائے دین آداب دیوچہ
 پاک صاف کیتا نسلی گندیاں نوں دھودھا کے کوثری آب دیوچہ
 صلوات و سلام درود بے حد خدمت ختمی مرتبت جناب دیوچہ
 اوس لحظہ حضور مسرور آہے لاینا قلمی دی میٹھی خواب دیوچہ
 اے بن تاہیں تاباں بزم انجم اوس روشنی دے انتخاب دیوچہ
 کائنات دی نکل گئی جان یکسر جدوں رکھیا پیر رکاب دیوچہ
 جگہ جگہ سلامیاں پیش ہو یاں نوشہ عرب دے قدر آداب دیوچہ
 میری حد موقوف نہ جاسکاں اگے مول عالم انتخاب دیوچہ
 آون لگ پئے سد پیار والے اذن مبنی نور خطاب دیوچہ
 اقصیٰ نور عرشہ نور کامل اتھے بشریت جلیاب دیوچہ
 لوائے حمد شفاعت کبریٰ دا انعام وصول خطاب دیوچہ
 فَأَوْحِیْ اِلَیْ عِبْدَہٗ مَا اَوْحٰی نَہِیْ اَوْنَدَا کسے حساب دیوچہ
 اول صدق تھیں صدق صدیق آندا سدیاں تاں صدیق القاب دیوچہ
 سدا خوش و خرم تابعدار اوسدے فاسق فاجر دائم عذاب دیوچہ
 لَهَا مَا کَسَبَتْ بلاشبہ نہیں فخر کسے انساب دیوچہ
 اپنے پاک حبیب ثنا گوئی کر منظور توں اپنی جناب دیوچہ
 گنہگار رج کے خطا کار رج کے شرمسار عمر شیخ و شباب دیوچہ

ضائع گئی ساری نافرمان زندگی رکھیا پیر نہیں کوئے ثواب دیوچہ
 مولا رحمت اللعالمین داسر صدقہ طالحون لی جہدے خطاب دیوچہ
 جزع فزع جو نزاع دا وقت یارب ہووے رُوح ڈا ہڈے اضطراب دیوچہ
 روشن رہے چولا ٹاچراغ میرا کھنڈے روشنی سارے پنجاب دیوچہ

تیری رحمت شفاعتِ مصطفائی ایہو آسرا میری کتاب دیوچہ
 دم واپسین نال ایمان رکھیں اوں مشکل وقت بے تاب دیوچہ
 اوں ہول ویلے جاواں ڈول ناہیں پواں بول کلمے طیب طاب دیوچہ
 آمین سراجِ دُعا تیری منظور مقبول جناب دیوچہ

ثنائے جناب رسالت مآب صلی اللہ علیہ وسلم

اج شمر مقصود موجود ہو یا مہر ہو گئی فیض مآب دی اے
 میں قربان اج میرے دہان وچوں خوشبو آؤندی پئی گلاب دی اے
 قربان حضور دی آمد اں تھیں دُنیا نور دے نال معمور ہو گئی
 پئی صدیاں دی کلکدی تڑپدی سی ابر رحمت تھیں دھرتی مسرور ہو گئی
 صاحبِ خلقِ عظیم رُوف الرحیم نبی رحمت مولا عالی شان والا
 توریت انجیل منسوخ کرن آیا آخری حکم قرآن والا

لگی شوق مضرب دی ضرب کاری تار پئی میرے رباب دی اے
 صبح نال سراجِ روان ہو گئی ثنائے پاک رسالت مآب دی اے
 چڑھیا کعبیوں دن توحید والا سیاہی کفر تے شرک دی دور ہو گئی
 نازل ہو یا سراجِ قرآن رب دا ہم کلامی حق مقدور ہو گئی
 خاتم الانبیاء آخِر زمان والا سنے جوڑیاں عرش تے جان والا
 دو جہان سراجِ مقبول اوسدا کلمہ طیب دلدی جان والا

منبع رحمتاں دا مرکز شفقتاں دا حامی شافی حشر دا ہون والا
 رحمت اللعالمین سارے جہاں کارن غاراں وچہ جاجا کے رون والا

عربی قریشیاں حبشیاں نوں ہکی تسبی دیوچہ پروں والا
 ہادی مہدی سراجِ اے صل علی نال پیار گندیاں دلاں دھون والا

اوس دے گلے ترورے جندے شک والے وہی نسبتاں دے سارے باب کھل گئے
 ہو گئے فلسفے ختم یونانیاں دے جدوں درتے اُم الکتاب کھل گئے

دینی دنیاوی سلطانیاں شہنشاہیاں منہ خزانیاں دے بے حساب کھل گئے
 کھل گئے سراجِ ابوابِ فلکی قدسی علوی سارے حجاب کھل گئے

صغیٰ نجی خلیلِ کلیم تائیں رُتبے عالی جناب تھیں ڈھبے آ ہے
 پوتے محبوبِ خدام مقام محمود اُتے جبرائیل سدرہ جا کے رہے آ ہے

ایہ سب جسدے مشتاق شیدا بھلا سوچ تے سہی ادھ کھبے آ ہے
 میں اُہناں نوں کیہ سراجِ آکھاں جہڑے آکھدے نیں ساڈے جیہے آ ہے

ظالماں مشرکاں بے دیناں لاہیاں سدھراں ظلم کمائے پئے
 اے بدذات کمینیاں سلفیاں نے لکھ لاف گزاف سنائے پئے

پتھر مار کے دند شہید کیے کنڈے راہاں دیوچہ وچھائے پئے
 صاحبِ خلقِ عظیم سراجِ پھر بھی اُتے مشرکاں کرم کمائے پئے

جوس سورج نوں دُہیا موڑی اسی ایویں میریاں خیالاں نوں موڑ جاویں
واگلوں عرشِ معظم سراج دے دل اپنے نقشِ قدم نوں چھوڑ جاویں

چن تر وڑ کے تے جوڑن والیا مختار امیر اٹکا ہو یا دل بھی جوڑ جاویں
اے کاشف الدجی تنویر الہدی میری باطن دی اکھ اگھوڑ جاویں

میرا درد سنبھوڑائی جاویں راہیا دیس پیارے دے جان والیا
قدموں چہ بلائے سراج اپنا راتی چوری چوری جلوے دکھان والیا

واسطائی قسمت جاگدی دا گل سن زیارتاں پان والیا
کریں عرض گنبد خضر اکول جا کے روبرو سلام سنان والیا

دُھی ہوئی عشق اوسدے دی لوں لوں وچہ کستوری
عشق سراج اوہدے میرے دیوچہ رہن نہیں دتی دُوری

جلوایاں یار دیاں نے کیتی جان میری بھی نوری
دم دم شوق اوہدے دا صدقہ میں حاضر وچہ حضوری

العشق

حسن آفریں حسن دی آفرینش کیتی جلوہ نور عرفان کولوں
اللہ نور السموات والارض ظاہر نور زمان و مکان کولوں
جن و انس ارض و فلک ماورا زبان و بیان کولوں
فیض یاب ملائک بارگاہی اس بارگاہِ ذی شان کولوں
ہر کسے دا بجزہ نوشت کیتا منشی ازل ازلی فرمان کولوں
کسے تخت شاہی کسے دخت دنیا شاکی کوئی گردشِ آسمان کولوں
ملی سرکشان مہلت نشور تیکر قربان فراخ ہمتان کولوں
ہک رووندے درد تھیں مارڈیاں کسر سمجھدے کوئی فغان کولوں
دے کے سختیاں عشق ازماوندائے کامیاب کردائے امتحان کولوں
لائے قاتلاں ڈھیر مقتولاں دے نگھ پار جاوَن رگ جان کولوں
مجبور عنقائے خیال شاعر اس مسافت بے پایان کولوں
ایس عشق دی کھیڈ دا بھید مخفی کھلا نہیں کسے رازدان کولوں
بہتر ہے سراج خاموش ہو کے باہر نکل جا ایس میدان کولوں

گُنت کُنْزاً مخفیاً فاحببت کن نکلیا عشق لسان کولوں
ہوئی آستادہ کائنات ساری ایس عشق ہی فیض یزدان کولوں
حسن عشق دا ازلی رابطہ اے ایہ پیش ہے ہر عیان کولوں
فیض ایزدی ابردا فیض ترشح مستفیض عشق مہربان کولوں
لاریب مراتبے خفی جلی رحم دل اوسے رحمان کولوں
کسے تاج داری کسے خاک ساری بے نیاز کوئی دو جہان کولوں
سرشار کوئی مال منال اندر مستوار کوئی نشے عرفان کولوں
مدہوش کوئی درد آغوش اندر بے ہوش کوئی مئے عرفان کولوں
باریاب غراب گلاب اُتے محروم بلبل گلستان کولوں
نیناں کھویاں خون حلال کیتا تیز کر کے نوکِ سنان کولوں
ڈانواں ڈول ہے کشتی خیرات تھے مدوجزر بحر بیکران کولوں
کر کر لکھ تھکے جستجو عارف لا پہچان ہے مگر پہچان کولوں
ہوندی نہیں تعریف توصیف عشق کسے قلم تے کسے زبان کولوں

عشق مجازی

پیر پیر اُتے خطرہ شرفی کامیاب ہوندے پختہ کار اتھے
 اتھے ٹھلناں کم ہے تارواں دار ہندے متارو وچکار اتھے
 ٹھگن نال بہانیاں داناں نوں دے کے عارضی نشہ خمار اتھے
 قتل گاہ مشہور ہے سوہنیاں دی سراں دھڑاں دے ہون وپار اتھے
 فیر پرت نہ ویکھدے جھا کدے نیں سچ جُج ہے تہ قہر دیوار اتھے
 پینیاں منگیا بہیں نہ ویٹ کدھرے ٹوے ٹپے نی بے شمار اتھے
 جتنا ہو سکے اگاں نکل جائیے رہنا چاہی دے جھٹ دھنوار اتھے
 وت اُونہاں دا کسے نہیں نام لیا جہڑے گم ہوئے راہ دار اتھے
 پلہ پکڑ لئیں کسے راہ بردا جہڑا رستیاں دا واقف کار اتھے
 لک نہج سراج تے چل اگاں چیتا بہیں نہ ہتھاں ہار اتھے

تلکن باز ہے عشق مجاز وادی چلناں سچ دینال درکار اتھے
 گجاں کڑکاں وچہ ایہندی مارو کپر کڑ کدے نے شرر بار اتھے
 سچے کھبے راہزن دین و عقل بچ نکلناں بہوں دشوار اتھے
 خالہ جی دا ایہ نہ گھر سمجھیں سدا موت دا گرم بازار اتھے
 ہوار جہڑے جھاتی گھت چکے ہوئے جلوپاں دے طلبگار اتھے
 چیتا چیتا مت ساکا جوش آوی رکھیں ہوش حواس سنوار اتھے
 خطرناک ایہ عشق مجاز وادی ڈاکو راہزن بڑے مکار اتھے
 اُڑے وچہ اڑانیاں کئی سفری اچے ہن تیکر گرفتار اتھے
 رکھیں یاد جیکر ایدھر جاونا نیں کریں اپنا کفن تیار اتھے
 بنال رہراں کدی نہ پونچدے نیں جہڑے چلن آپ مہار اتھے

عشق حقیقی

جہڑا ایس درواز یوں لنگھ جاوے جاندی اوس نوں مل رسید آکھن
 عارف ایس مقام علی تائیں بام معرفت در توحید آکھن
 قالو رہنا اللہ تم استنقا تم بے شک ایہ منزل سعید آکھن
 تم باذنی نعرہ انا الحق دا مست ہو کے اتھے شہید آکھن
 شداد نمرود فرعون جیسے تاہیوں اوہناں نوں شفی مرید آکھن
 آفرین اوہناں مرداں کلاماں نوں صاحب ہمت رجل رشید آکھن
 لا الہ الا اللہ اہل نظر کثرت وچوں پاؤن راہ دید آکھن
 رب ارنی ارنی دمدم طور ہستی دا کر کے شہید آکھن
 چمکن وچ سراج بلندیاں تے لاؤن چانناں دا نگ خورشید آکھن

قفل باب حقیقت دا کھولنے نوں چاہیے عشق مجاز کلید آکھن
 المجاز قطرة الحقیقة عاشق ایس نوں بالتشہید آکھن
 ماراں کھان اپر بڑدے جان اگاں آخ کھلسی باب امید آکھن
 ایہ اک عجب مقام ہے محویت جاوے بھل تجرید تفرید آکھن
 دعویدار انا اللہ تم غیر اللہ کیستی اوہناں نے آہی تقلید آکھن
 اے قربان اوہناں مرداں سالکاں تھیں چپ و راست سزائے شدید آکھن
 ویکھن ہک نوں ہک ہی جان دے نے جاوے بھل سیاہ سفید آکھن
 رجن نہیں دیوانے جلوپاں دے ساہ ساہ ہل من مزید آکھن
 فایم تو لو تم وجہ اللہ ہو کے غرق وچہ نور توحید آکھن

دعا

سننے والیا سب دیاں فریاداں فریاد تیتھے بار بار میری
 دیہ زندگی شرع دی پابندی صراط المستقیم تے رکھ رفتار میری
 روشن دل دا کر چراغ میرا کھنڈے چاننی وچہ سنسار میری
 یمن برکت بخش زبان تائیں ہووے قدسی سدا گفتار میری
 ہو جائے منظوری حاضری دی بانصیب عالی دربار میری
 کوئی نہیں مان علم عقل بندگی دا گنہ گار ہاں بندہ غریب تیرا
 تو قیر تنویر و قار اقتدار چارے عزت آبرو مند جہان اُتے

تیرے باجھ میرا دادرس کہو اہکوا ذات تیری مددگار میری
 صرف اپنا رکھ محتاج مینوں اگے غیر نہ بانہہ پسار میری
 دیہ رُوح نوں اپنا عشق ابدی منزل لاہوتی رکھ سنوار میری
 بلبل میں بھی ہاں شناخواں تیرا بھر دے موتیاں نال منتقار میری
 پالے لاج سراج سلطان عربی سارے نبیاں داسدار میری
 آرزو اے اپنی پاک مجلس کر لوے منظور حبیب تیرا
 وقت نزع سراج روان ہووے کلمہ طیب میری زبان اُتے

گزرے شاعر

اللہ بخشے شاعراں گزاریاں نوں رحمت رب رحیم دی پاگئے نیں
 رہسن جیوندے حشر تک نیک بخت ہو یا کیہ جے خاک سما گئے نیں
 فخر دے گئے پسماندگاں نوں سارا دیس پنجاب سہا گئے نیں
 کوئی سمجھ نہیں آوندی کیہ لکھئے کوئی کسر نہ چھوڑ دانا گئے نیں
 پاکے آہنے باغ سخن اندروانگ بلبلان دے گیت گا گئے نیں
 عامل مردا آہے جو کجھ آکھدے سن اوہ عمل کر کے دکھلا گئے نیں
 کہی اُنکی رکھنی قالیاں نیں عالی مرد جو سخن الا گئے نیں
 واری آئی نقالاں بے عملاں دی جوہری موتیاں دے ڈھیر لا گئے نیں
 ایس باغ سخن دیوچہ مالی رنگ رنگ دیاں بوٹیاں لا گئے نیں
 خوش نصیب بہشت بریں پوتے کارن پھلیاں باغ لگا گئے نیں

ذکر پاک لکھ کے پاک نفساں دا کر اپنا نام بقا گئے نیں
 وسے رحمت خدای مرقدان تے کر خاک بھی خاک شفا گئے نیں
 بھلے سمیں تے مرد بھی بھلے آہے لے بھلے دی بھلی جزا گئے نیں
 اک اک گل دے بے شمار منصف کھرے فیصلے لکھ سنا گئے نیں
 ڈھوڈھرکاں رہ گئے گھاں گھاں کر دے ہنس اڈ کے ہو عتقا گئے نیں
 گئی اصل تے رہ گئی نقل کچھ اوہ سچ دے سمیں وھا گئے نیں
 نال حال دے قال دی ریس کہی اوہ تے آرمودہ فرما گئے نیں
 دے گئے زینتاں مجلساں محفلاں نوں بے ذوقاں نوں ذوق عطا گئے نیں
 جوگ نیناں دی جو کے نت راتی کلر خون جگر دا پا گئے نیں
 ستے آپ گوریں مٹھی نیندا ندر بھار سراج سردے پا گئے نیں

ایضاً

شاعر مرد پنجاب دی دھرتی دے گن گن لکھناں گل محال دی اے
 عربی قول تلمیذ الرحمان شاعر سچی شاعری الہام دینال دی اے
 سچا عشق طبیعت نوں کرے ستر اچھڈے میل نہ وچروال دی اے

خوش نصیب جہاں تائیں ہوئی حاصل پرواز بلند خیال دی اے
 دسناں لوکاں نوں آپ بدعمل ہوناں کیہ شاعری بد خصال دی اے
 جویں اگ سونے تائیں گالدی اے پھر کر کے سدھ نکال دی اے

کرے دلاں تے اشرکلام اوسدی زخمی جان جس شاعر کنگال دی اے
محمد بوٹا اس باغ وچہ عجب بوٹا خوشبو کھنڈی ہوئی اوس نہال دی اے
الہی بخش دی سسی بے وی جیوں پئی بول پیار دا پالیدی اے
عالم پوری غلام رسول عالم کیہ گل اُس صاحب کمال دی اے
عبدالستار قادر کلام شاعر عام فہم اوس دے قیل و قال دی اے
لکھی کئی پنجابی شاعراں نے داستان سوہنی مہینوال دی اے
ملک سخن اندر وارث شاہ وارث گیارنگ دھرتی جنڈیال دی اے
کرگئی مست السنت پنجاب تائیں کوکی بنسری عجب مرال دی اے
کھڑی رُنی کھڑی شریف اندر قلم محمد بخش ابدال دی اے
اک اک شعر اوہا تامل موتیاں دے طبع رنگی ہوئی ذوق جمال دی اے
دیوانہ غوث اعوان سلطان باہو کیہ مثال اوس صاحب کمال دی اے
دردمند شاعر درویش صفت ستھری سادی گل جلال دی اے
بھیرے وچہ آزاد آزاد مطلق قادری نسبت خوش اقبال دی اے
میرا ہم عمر شاعر نام دائم واسو گری منڈی دینال دی اے
درداں ماریاں کوکناں بانبہ کھلیاں ضبط کرناں گل محال دی اے
اللہ پاک توں جانناں دلاں دیاں ایہو غرض ایس میرے سوال دی اے
قلم کاراں دی جیہ میں ویکھ رہیاں پئی آئی ان آئی نکال دی اے
دل کسے داد کھ نہ جائے میتھوں میری قلم زبان تے رہے پاہرا

بے چاریاں درد دیاں ماریاں نیں دسنی اپنی ورتی حال دی اے
پنچ گنج باذوق ولادت النبی مرزا صاحبان تحریر کمال دی اے
مجھی وانگ جیوں تڑپدی ہوئی تسی اصلی گل اوسدے اپنے حال دی اے
طبع آتشی آتشی قلم راہیں جس راہ جاندی اک بالدی اے
مثنوی مقبول پنجاب اندر تصویر یوسف ماہ جمال دی اے
انصاف دی گل اے نہیں لکھی سوہنی فضل شاہ دینال دی اے
بازی لے گیا کل پنجابیاں تھیں لکھی جیوں ہیر سیال دی اے
احمد یار اُستاد پنجابیاں دے لمی ڈور عقائے خیال دی اے
صاحب یمن برکت والا درد کٹھا ہر تصیف لطیف خیال دی اے
تذکرہ مقبلی ہدایت المسلمین کیا گل بدیع الجمال دی اے
میاں محمد صدیق سپرالالی اچھی طبع اوس خوش مقال دی اے
میرے نیڑے شہماری دے وچہ واسا، واسی چھوڑ آیا ہواں دی اے
واعظ از ہر دلپذیر شاعر کشمکش رہندی قیل و قال دی اے
دسدائے اوہ بھی انج کل لکھ رہیا داستان سوہنی مہینوال دی اے
گل کسے دی چھیڑ کے درد منداں دسنی ہوندی اپنی ورتی حال دی اے
اوہ لذت درد عطا مینوں جھڑی عشق حقیقی دینال دی اے
رکھ ہوش حواس بجا میرے بری بات شامت اعمال دی اے
آمین سراج ہزار واری تیں پر نظر اللہ ذوالجلال دی اے

کھڑی والیا

کھڑی والیا روشن ضمیر مردا روشن سفر العشق چراغ تیرا
روشن قلم تے روشن کلام تیری روشن دل تے روشن دماغ تیرا
ہائے کٹھیا تیغ عشق دیا زخماں نال سینہ داغ داغ تیرا
قربان مردا تیری سادگی تھیں منظور ہے رنگ بلاغ تیرا

محفوظ خزاں دیاں جھونکیاں تھیں رہسی چراں تیکر لایا باغ تیرا
کتھے بلبل باغ عرفان دیے ہم صغیر ہووے کوئی زاغ تیرا
معمور کیف صہبا کولوں آوے نظر لبریز ایام تیرا
بے انصاف سراج جو نہ منے کھڑی والیا زور دماغ تیرا

ایضاً

دوہاں ہکی دوارے تھیں فیض حاصل دستگیر تھیں توں دستگیر تھیں میں
حیران قلمکارا درد مند تیری درد بھری تحریر تھیں میں
ساقی میکدہ غوث دی بزم اندر آہس پونچیا ذراتا خیر تھیں میں
گل ایمان دی پایا سکون قلبی اللہ والے روشن ضمیر تھیں میں

میرے اُستاد

مولوی تاج الدین اُستاد اوّل میرے بسم اللہ الرحمن والے
مقامی مولوی محمد دین صاحب اُستاد میرے قرآن والے
دیواند سوامی ٹھاکر پنڈ میرے برہم چری گیان دھیان والے
مولوی جلال الدین محدث کامل وچہ جھلانیان درس بنان والے
ملکوال مولوی الہ دین صاحب چشتی حیدری ذوق عرفان والے
رکھدے آہے سیاسی مزاج حضرت دوبار وچہ چیل دے جان والے
کامل الطب مخدوم محمد اعظم بھیرے اپنا مطب چلان والے
رکھی طب دی اوہناں بنیاد میری نظری عملی قانون سمجھان والے
صاحب خلق خوش سیرت تے پاک طینت مہربان سارے خاندان والے
پہلا سبق پیار محبتاں دا پڑھایا اوہ سہ گھروں پڑھان والے
پاون رنج کے بھلے جناب وچوں میری جان تے بھلے کمان والے
کچھ دن رہیا دیوبند بھی نال قسمت اُستاد آہے بڑی شان والے
دل و جان وچہ اہناندی یاد تازہ زندگی بھر نہیں بھل جان والے
۱۹ سال تائیں درد ررہیا ردا کھاہدے دکھ کے کل جہان والے
حضرت محمد انور امیر قبلہ سجادہ نشین درگاہ سبحان والے
میریاں خواہاں دی مل گئی تعبیر مینوں میری سستی تقدیر جگان والے
میر قافلہ راہبر ساکال نوں منزل مقصود پوچان والے
عرفان والے قرآن والے مکبیر، نماز اذان والے

ساڈے پنڈ مدرس پرائمری دے دیدھڑ ضلع گجرات دے رہن والے
گلستان بوستان سکندر نامہ تائیں مینوں فارسی نظم پڑھان والے
اپدیشک ودوان شاستری دے مینوں بھاشا سنسکرت پڑھان والے
کامل اکمل موحد مفسر عالم بڑے پختہ یقین ایمان والے
فارغ التحصیل جلیل قدر اپنے وقت بڑی آن بان والے
مینوں صرف ونحو پڑھان والے پھر منشی فاضل کران والے
طبیہ کالج دہلی دے ممتحن سال و سال تشریف لے جان والے
مینوں دلی نال لے جان والے طبیہ کالج وچہ داخل کران والے
مینوں ماں پیو دا پیار جتان والے میرا داغ یتیمی مٹان والے
عمر گزر گئی اے یاد مینوں انج پکویا پکوان والے
جو کچھ سریا نہیں دریغ کیتا مہربان رہے فیض ورتان والے
قرآن تفسیر حدیث نبوی بڑے قاعدے نال پڑھان والے
رحمت اللہ علیہم سراج دمد آہے رنج کے لطف احسان والے
آخر پیاس بجھی جدوں جا پوہتا چشمہ آب حیات گیلان والے
سید قطب عالم نائب غوث اعظم بھیرہ مرکز فیض عرفان والے
اوسدی دید و جد اللہ ماشاء اللہ میری طبع دی واگ پرتان والے
حضرت چن دی چانی ونڈ رہے نیں میری دستگیری خاندان والے
ادام اللہ سراج کونین اندر میرے سر شاہی سائبان والے

عرضِ حال (۱۹۹۵ء)

الحمد للہ میری ذات اُتے اج رنج فضل کردگار دے
 صحت عزت شہرت شرم بھرم رزق حلال اپنے روزگار دے
 کیتوس حمدیاں آپ یتیم مینوں مان کھس گیا شیر خوار دے
 ماں باپ دے باہج یتیم بچہ سدھراں لیندا ہندا ہو کے مار دے
 کوں پا لیا پوسیا اوہ جانے احسان مولا پالٹھار دے
 علم بخشیا اتنا صد شکر چاہیا جتنا میرے درکار دے
 بخشے چار فرزند تے اک دُختر رنج دان داتے دیون ہار دے
 وڈا ڈپٹی کمشنر تو قیر فائق بخت اقبال روشن برخوردار دے
 دو جالخت جگر تنویر شائق ایم بی بی ایس ڈاکٹر معیار دے
 نورِ نظر وقار عظیم ترجیا منیجر حبیب بیکار دے
 منیجر بنک تے نالے ادیب شاعر اُردو ادب مضمون نگار دے
 سلمہم اللہ تعالیٰ الحمد للہ بڑا فضل تے کرم غفار دے
 نوے سال پئی ہوندی اے عمر میری رہیا طب پیشہ روزگار دے
 ذوق شوق عرفان وجدان قلبی ذکر فکر ہی ذات سنوار دے
 دتا پیار داسبق اُستاد انور اگوں میں بھی دتا پیار دے
 ساڈی قحط الرجال اج وچہ جال آئی کون قال تے حال نثار دے
 رومی جامی نظامی دے شوق والا کھڑی سوں گیا مرد افکار دے
 خاتمہ بالخیر سلامت رہے دان عشق سچی سرکار دے

دنیا دین نعمتاں سب حاصل لطف و کرم سچی سرکار دے
 گنہگار عاصی دمد اندر پیا شکر حق گزار دے
 میں منہ نہیں ویکھیا مایا نندا فیر ذکر کیہ لاڈ پیار دے
 کیس چنناں اُسدا منہ مٹھا کیس پھیرناں ہتھ پیار دے
 میرے سارے سنوار دا گیا آپے سارے جگدے جہڑا سنوار دے
 علم اوہ جس تے عمل جائے کیتا نہیں تے بالکل گدھے دے بھار دے
 سارے خوش نصیب بلند قسمت اختر سعد سارے پروار دے
 دن دن ہو وندا جائے جلیل قدر سرتے سایہ شجر سایہ دار دے
 خوب رو خوش خوا ماشاء اللہ مہربان ہر دُکھی بیمار دے
 جان پدر اقتدار جاوید چوتھا قلمکار تازہ افکار دے
 بامراد صاحب اولاد سارے اللہ حافظ کھڑے گلزار دے
 پاون رُتبے جلیل طویل عمر ایں ہر اک باعث عزت وقار دے
 سلوک ذوق تصوف دی زندگی بھر رہیا شغل ایہ لیل و نہار دے
 لذت عشق دی جنہوں نصیب ہوئی کیا بخت اوس بخت بیدار دے
 افسوس اوہ محفلاں ختم ہو یاں شغل ہو رہی ہو رسنار دے
 کتھے سنگ آساڈیاں ہانیاں دا کسے نال نہ لطف گفتار دے
 گوشہ گیر ہوندے جاندے یا محرم واقف کوئی نہ رہیا اسرار دے
 امین سراج ہزار واری کلمہ طیب نور مزار دے

بادشاہ پور

کدھی ویہت دی بادشاہ پور نگر مشہور چہ گوندل بار دے
 لگے رنگ زمیناں تے مالکاں نوں بخت جاگ پیا زمیندار دے
 ہر قسم دے فصل لہرا رہے نیں پھل آ گیا ہر دیار دے

کیتا ہو یا آ یا شاداب نہراں ہاڑی ساوئی سماں بہار دے
 کیڑے گھن دے ٹر گئے ہند ہندو کچھ جنس نوں بھا بازار دے
 ملکی جنساں کما دکپاہ کنک کوئی انت نائیں پیداوار دے

بے حساب کماؤ پتراں دا آ گیا دھن سمندروں پار دائے
 وچھ گئے جال ہر سوسڑکاں پکیاں دے نقشہ بدل گیا ساری بار دائے
 بنیاں جدوں دائے پاکستان وطن دن دن جاوند رنگ نکھار دائے
 وطن پاک دی عظمت دارب حافظ پرچم سبز نشان وقار دائے

پیٹھکاں بنگلے بلڈنگاں ہر کوئی پیدا ودھ تھیں ودھ اُسار دائے
 بن گئے قصبیاں وچہ سکول کالج علم ذات صفات سنوار دائے
 اپنا دیس تے اپنی کمائی ساری بے حد فضل ایہ پروردگار دائے
 آمین آمین سراج سانوں بڑا مان مدنی تاجدار دائے

بادشاہ پور والیو

بادشاہ پور والیو یاد رکھ سوساڈے پنڈ اک درد مند ہو گیا
 جوگ نیناں دی جو کے نت راتی کھوہ پریم پیار دا جو گیا
 کج فہماں ناخن شناساں دیوچہ اپنی قیمتی عمر نوں کھو گیا
 کیسر کشمیر نکھت فردوسی کلر شور زمیں وچہ گو گیا
 راتاں کالیاں دل دابال ڈیوارور وںجواں دے موتی پرو گیا
 مٹھی شیر مادر بولی پیاری دا منہ میل کچیل تھیں دھو گیا
 کسے اوپرے دیس دا پنچھی سی جھٹ وچہ پنجاب دے رو گیا

کسے حال پچھیا اتھروں پونجیاں نہیں زندگی بھر ہکڑا رو گیا
 کسے چوتھی دیاں چیرکاں سنیاں نہیں پتہ لگا جد کھوہ کھو گیا
 راگ ڈھوڈراں ساگی سڈھیاں نوں اپنی دھن وچہ دھناں نوں جھو گیا
 رُتی نال کیاریاں مہک اٹھسن بیں پیار دا دلاں وچہ بو گیا
 اہل دل قدر داناں سخن فہماں تے صرافاں اگے ڈھوڈھو گیا
 دھم پے گئی دیس پنجاب سارے گھر گھر ورتا خوشبو گیا
 ہوگی منزل مقصود سراج حاصل کلمہ پڑھ مٹھی نیند سو گیا

پڑھنے والیا

پڑھنے والا میری کتاب تائیں کر غور میری التجا دے وِچ
 رکھیں یا رسمہال ادراک تائیں ہر لفظ دی صحت شفا دے وِچ
 میں ایہ جگر دا خون اُلٹیائی دُکھی ہو کے رنج و بلا دے وِچ
 کیتی مہر مولا لایا فضل ساون تپدے ہاڑ مجاز دے تادے وِچ
 گھلیاں بوٹیاں آپ بہشت باغوں میرے مالی نے سحر و عشا دے وِچ
 تازی زندگی بھری ماشاء اللہ باخوش اس دی روح افزا دے وِچ
 کھوہ نیناں دا جو کے آپاشی کیتی پئی ہر شب یلدا دے وِچ
 خیر منگیا وِچ آسمان چوتھے حصہ پا بھانڈے بے نوا دے وِچ
 لا لاں نال چا بھری زنبیل میری آیا جوش دریائے سخا دے وِچ
 مہربان شفیق رفیق میرا شاکر ہاں میں اوسدی عطا دے وِچ

بیدل ہونہ پڑھیں کلام میری پڑھیں ایس نوں ذوق صفا دے وِچ
 زیر برنوں وِچ خیال رکھیں جاویں بھل نہ وقف رہا دے وِچ
 پبا جھلیا برا فراق روڑا ہو کے منتظر فضل خدا دے وِچ
 باغ و باغ کیتا کلر شور میرا مشکور ہاں صبح و مسا دے وِچ
 پاس صحت بیمار مجاز والے اس باغ دی بوے خوشا دے وِچ
 اس باغ نوں سدا بہار موسم گرفتار نہیں خزاں دی وادے وِچ
 کیتا رب نے باغ تیار ہو یا رہیا فرق نہ نشوونما دے وِچ
 آیا رحم دبیر فلک تائیں پایا خیر چا کاسہ گدا دے وِچ
 ڈٹھے چمکدے درشا ہوار تاباں لاون چانناں شب یلدا دے وِچ
 قدرت بخششیں میری زبان تائیں پایا اثر میری املا دے وِچ

شعر شعر دیوچ تریاق دھوڑی غوطہ دے کے استنا بے وچ
مردہ دلاں وچ زندگی نویں آوے پورا اثر روحانی غذا دے وچ
وچ میلیں دل دیاں ٹانگیاں نوں ایسا اثر شافی موسیٰ دے وچ
زخمی دلاں کارن اکسیر کامل مرہم بنے گی وچ رسا دے وچ
بھلا ہووی سراج نوں یاد کریں اللہ واسطے نیک دعا دے وچ

کتاب لکھنے دا سبب

گودڑی والا سنت نند لال جس نے لیلیٰ مجنوں دا قصہ بنایا
میاں احمد یار قادری نے اوس نوں پیار دا سبق پڑھایا
اک دن شوق سیتی فضل شاہ والا قصہ سوہنی دا اوس بنایا
پھر گودڑی والے نے سنے سنگت چار ورمیرے او تے پایا
درد والیاں درد دا پتہ ہوندا جہاں آپ ہنڈا ازمایا
مذہب عشق اندر سرخرو ہو گئی جویں لہراں تے کھید وکھایا
گلوگل اندر گل گل پئے گئی میں لکھنے دا ذمہ چایا
صاحب ذوق میرا ہمراز ہدم دل درد مند اوس نے پایا
میں بائی سالہ تے اوہ پنجاہ سالہ ہم مشربی فرق مٹایا
لکھی ہوئی سوہنی داستان سوہنی سوہنی طرز دینال ادا یا
لکھ توں بھی سوہنی مہینوال قصہ تینوں رب ایہہ فن عطا یا
سوہنی دھرتی پنجاب دے وچ سوہنی سوہنا اپنا نام کڈھایا
نازک جیہی کمہاری کڑی آہی مرداں ہار اوس قول نبھایا
سچا رب سراج نبھا وی گا جہڑا بیلیاں بھار چوایا

تیاری

کہیا من کے پیاریاں دوستاں دا میں اج قلم دوات سنواری اے
پیا گجداے شوہ مجاز ٹھٹھیں نیت پار لے دیں دی دھار لئی اے
قصہ سوہنی مہینوال دا لکھنے نوں طبع اپنی کرتیاری اے
دستگیر دی دھیر سراج اپنی بیڑی رب توکل اُتار لئی اے

ایضاً

میں لکھنا نہیں اپنا درد نامہ مینوں سار نہ سوہنی مہینوال دی اے
پئی تڑپدی اے قلمدان اندر ندی نیناں دی پئی اُچھال دی اے
کوئی محرم ہوندا تے میں رودسدا مینوں پیڑ کوئی کسے کمال دی اے
عشق محرقہ تپ بحران رڈی میرا بچناں گل محال دی اے
شمیل^(۱) پٹھیا بیلیا موڑواگاں تینوں سرت نہ دکھی دے حال دی اے
قسم رب دی اج ہے آدیکھیں بنی مون کوئی اوپرے حال دی اے
ترناں پئے گیا بحر مجاز مینوں کوٹھی کنبدی پئی کنگال دی اے
ایدھر طبع بے تاب سیماب صفت اوہدر قلم انگیاں اُبال دی اے
کدی رووندی دل گجرات جاندی کدی بلخ بخارے نوں بھال دی اے
اج قصہ دی پئے گئی لوڑ مینوں اُنج تے ہک پوندی پورے سال دی اے
اکھیں دیکھنوں بولنوں جیہہ رہ گئی میری مرض کوئی موت دینال دی اے
بچھاں مڑ بے سوچیا آگھرنوں مدت گزر گئی سارے انہال دی اے
وادی عشق مجاز درپیش میرے ایہ منزل منصور دے نال دی اے
ذوق دیدار نہیں بہن دیندا جھگی پار میرے مہینوال دی اے

(۱) میاں غلام نبی چدھر

حال حال دیاں دساں قال اندر اپر سمجھناں گل محال دی اے کوئی شاہد ہوئی تجھسی بولیاں نوں لکھی گل ساری منزل حال دی اے
توڑے واہن چہناں وچ کانگ مارو کوئی سار نہ ڈھم ہنہال دی اے ہمت دل دے وچ سراج مینوں انور پیر کامل لچپال دی اے

خاکہ

خاکہ وچ تصور دے کھچ آندا میں آج ذکر سوہنی مہینوال لکھاں گل کسے دی لے کے گل جاواں درد اپنے میں پردہ ڈال لکھاں لکھاں سوہنی داسن عارضی یا یار اپنے دے خدو خال لکھاں آناں بخت تھیں کھچ کے شاہزادہ اُونہوں وچ گجرات چروال لکھاں المددانوڑ میر خضر میرے رہے خیال میں ہوش دینال لکھاں اے ساقی بزم اک بخش کاسہ درد مندوں دے درد داحال لکھاں
ہائے میں کسے دے حال ملال لکھاں یا تے اپنے درد اُبال لکھاں پونجاں اتھروں وچ مہینوال دیاں یا تے میں اپنے آنسو لال لکھاں ڈباں آپ میں عشق چہناں اندر اپر ڈب گیا مہینوال لکھاں کڈھاں آہ تے ساڑ پنجاب چھڈاں یا میں ضبط کر کے سنیاں حال لکھاں دبیر فلک توجہ نگاہ کرم رکھیں دھیان میں نظم کمال لکھاں آمین سراج ہزار واری لے کے آ سرا ذوالجلال لکھاں

اپنا درد

لکھن لگیاں اپنا درد نامہ میری قلم دی لبوں تے خون آیا دھر یا مطرب مضرب رباب اُوتے درد انگیز نغمہ ارغنون آیا سنبھلو عالمو فاضلو داناؤ مجلس وچ اک صاحب جنون آیا قربان ایہو جہیاں آمدان تھیں گوریں ستیاں نوں جھون جھون آیا بجلی گری کوئی وادی ایمن اُتے طور قلب مشتاق مفتون آیا شوق مشربی میخوار داو کیکھ کے تے ساقی لے مئے گل گون آیا بخارات جذبات بیدار ہو گئے خیالات وچ فکر موزون آیا حاضر قافلے کھلے ہزار میرے کوئی بڑا پرسوز مضمون آیا
ماری کسے جراح نے تیز نشتر جاری ہو زخم اندرون آیا متن متن تن رگاں نوں وجد طاری ترنم ریز طاؤس قانون آیا ہوش مندوں دی ہوش گواہ نے نوں افسوں گر پھوکن افسوں آیا اوہ تک گوشہ نشین بھی نکل آئے واہر وڈھول انج گھٹ گھنوں آیا تڑپیا مجر وچ دانہ سپند مضطر سیماب نوں کدوں سکون آیا انج خم دے خم عطائے پیا کیفِ سرمدی وچہ مجنون آیا دبیر فلک مائل گوہر ریزیاں تے ہر لفظ دُرِ مکنون آیا بزمِ ادب دے وچ سراج میرا خلمہ آتشی سرنگون آیا

میر یا ساقی

ساقی مہرباناں صدقہ مے خانہ دیہ اک پیماہ مئے ارغوانی شوق عاشقانہ ذوق عارفانہ فکر شاعرانہ کیف جاودانی
ہواواں مستانہ کامل دیوانہ لکھاں افسانہ طرزِ لاثانی عقل فرزانہ دیہ سراج تاکیں ساقی مہرباناں تیری مہربانی

شروع قصہ سوہنی مہینوال

صدی دسویں بارہویں ہند اُتے حکمران مغل خاندان آہا
 اوہدے عدل انصاف نوں دیکھ کے تے نوشیروان داروح حیران آہا
 رعیت شاد تے ملک آباد سارا امن چین جہان روان آہا
 لنگر چوکیاں ہر ہر شہر جاری سراسر شاہی فرمان آہا
 علم و ہنر کمال تے قدردانی خود تخت والا قدردان آہا
 نہیں سی ظلم و ستم دانا م کدھرے اُتے تخت دے شاہجہان آہا
 رہن چور اُچکیاں لٹیاں دا کتے رہیا نہ نام و نشان آہا
 شرع نبی داوروچہ ملک سارے تاہیوں نائب النبی سلطان آہا
 ناہی بھکھیاں نگیاں روک کوئی مہربان شاہ مہربان آہا
 اہناں خوبیاں نال سراج اُس دم ہندوستان جنت نشان آہا

خطہ پنجاب دریا چنہاں

رتا لال چنہاں دا نیر خونی سچ مچ ایہ خون دے رنگ دائے
 ایس خون پیتا کیاں عاشقاں دا ایہہ پیونوں خون نہ سنگ دائے
 ایس دی چپ وچ گج ندا غیبی ایدی موج وچ جوش اُمنگ دائے
 ایس راویوں کھرل اُداس کیتا لیا سراسر روڈے لنگ دائے
 ایس ناز جھلے پئے نازکاں دے جھولا ہیر دے ایہو پلنگ دائے
 ایہد روڈ کوئی خون آلود چشمہ جمن گنگ نہ ایہدے پاسنگ دائے
 اسدے نیر وچہ عشق تاثیر کوئی جذبہ ایسا وچہ تازی اُمنگ دائے
 فیر کسے پاسے نہیں جان دیندا ہک وار جس نوں پکڑ ڈھنگ دائے
 مدد ایس دی موج نوں اوج خضریٰ ایہ نذر حسیناں دی منگ دائے
 عزت بیگ نوں بلخ تھیں کھچ آندا وڈا پیار ایس نوں اپنے سنگ دائے
 لیاں تاریاں سنے کواریاں دے رہیا ہیر نوں چانہ جھنگ دائے
 بیٹھا پکڑ مہار سراج اس دی دولا ولی جو پیر چھنگ دائے

حضرت محمد کبیر الدین شاہ دولہ دریائی قادری (گجرات)

دولہ ولی چنہاں دا پیر کامل رتبہ ایسوں خضر سجاد دائے
 بیٹھا پکڑ مہار چنہاں دی نوں شاگرد الیاس اُستاد دائے
 دولہ پیر منور ضمیر سچا دستگیر ہر دل ناشاد دائے
 لیندائے نذر اولاد دی مرد کامل لے دیوندا خیر اولاد دائے
 امر حق تھیں شکم مادر اندر نقش جاوندا جم بہزاد دائے
 ٹوپی پوش دولہ دریائی لوڈا بودلہ شاہ بغداد دائے
 لنگر فیض گجرات وچ عام جاری داتا سخی ہر نامراد دائے
 قیدی امر دا نیر چنہاں والا تابع دولہ دے حکم ارشاد دائے
 اللہ اوس دی آس نوں کرے پورا خواہش مند جو نام نہاد دائے
 لنگر عام سوالیاں بھکھیاں نوں منگتا کوئی بھی کسے بلاد دائے
 مرقد پاک تے نور ظہور ربی فخر ہند پنجاب سواد دائے
 نظر کرم سراج تے غوث اعظم میریا حامیاں وقت امداد دائے

گجرات وچہ تلہ کمہار

گل عام گجرات عنایت اللہ المشہور تلہ کمہار آہا
 نامور کاریگر بھانڈیاں دا نیڑے دور اوسدا اشتہار آہا

دے کے خاص خمیر اوہ کرلیندا مٹی موم دے وانگ تیار آہا
 بڑی قدر قیمت اوہدیاں بھانڈیاں دی خاص وعام اوہدا خریدار آہا
 شاگرد تمام کمہار اوسدے اپنی قوم دے وچ سردار آہا
 دتا رب دا گھر نہ کمی کوئی مال دھن والوں مالدار آہا
 آکھے کس کم دھن تے فن میرا دسدا بے رونق گھر بار آہا

معروف ہستی اوہدا ہر بھانڈا ہولا پھل نالے پائیدار آہا
 رنگ روغن جاذب نظر خوبصورت کردا اوپرے نقش نگار آہا
 کاریگر نالے خوش اخلاق تلہ سارے شہر وچ آبرودار آہا
 اک بے اولاد ناشاد رہندا شوہدا ایس گلوں بے قرار آہا
 بے اولاد دی دے غم سراج اوس نوں کیتا ہو یا مایوس بیمار آہا

گھاڑ وازل دا

کس قدر دلکش ہیں مٹی کے ظروف
 اے تیرے قربان صنایع ازل

گھاڑ وازل دا گھڑے کمال بھانڈے اوہدے نال داکتے کمہار کوئی نہیں
 گوناگوں بھانڈے بوقلموں اوس دے اوہ تھے چلدی عقل و چار کوئی نہیں
 منڈی بھری ہوئی اوہدیاں بھانڈیاں دی بھانڈا ہک اوسدا بیکار کوئی نہیں
 اک روغن حسن دے نال روغن اُتے اکناں نقش و نگار کوئی نہیں
 ڈورے اک کھورے گورے ہک کورے بسے ہکناں رخ سنگار کوئی نہیں
 ہک بھن رلا وندائے خاک کچے ہکناں پکیاں دا اعتبار کوئی نہیں
 ہکناں سوہنیاں دیوچہ میل کوچی ہکناں کوچیاں وچہ زنگار کوئی نہیں

نامہ محبوب کے رنگیں حروف
 تیرے امرکن کے نظارے ملفوف

بھری بھانڈیاں نال دکان اوسدی ہوندا برتنان انت شمار کوئی
 ہوش ناک چالاک گلگوئے قدرت واحد نال اوہدے صلاح کار کوئی نہیں
 بھانڈا کوئی نہیں ایسا جگ اندر جس بھانڈے دا خریدار کوئی نہیں
 اک سادہ مراڈرے صاف اندروں پچھو سچ تے اوہناں دے ہار کوئی نہیں
 اک ٹھڈے رلدے ہور نویں ایہ جاپدی بند رفتار کوئی نہیں
 ہکناں کھوریاں نوں دتی عمر لمی اک کورے مگر پائیدار کوئی نہیں
 بس بس سراج خاموش توں بھی بھانڈے بھرے دیوچہ چھنکار کوئی نہیں

صنایع ازل

قصے صنایع ازل دے بھانڈیاں دے چھڑے چین ماچین فرنگ دیوچہ
 کاریگر حقیقی سبحان اللہ گھڑے پیا بھانڈے رنگ رنگ دیوچہ
 اوہدا ویکھ بھریا بھانڈا قدرتاں دا عقل گم ہووے خانہ دنگ دیوچہ
 کئی کھورے تلکدے چراں تیکر ہکناں کوریاں بھندائے ڈنگ کے دیوچہ
 سولی چاہڑنچا وندائے وانگ پتلی فیر کلدائے سرترنگ دیوچہ
 کاری گر کمال نقاش قدرت بھرے رنگ عجیب بے رنگ دیوچہ
 لقمان بقراط سقراط دانے رہے دنگ اوہدے فرہنگ دیوچہ

ایران یونان توران اندر ہند سندھ تے بنگ تلنگ دیوچہ
 اوہدیاں بھانڈیاں برتنان مات کیئے نقش چین تے چنگ آہنگ دیوچہ
 اصل اوس صنایع ازل دی تھیں نقل کارخانے اثر رنگ دیوچہ
 آب آب رلے اک اک اندر باد باد اندر سنگ سنگ دیوچہ
 فیرسٹ کے عشق دے وچہ آوے رنگ دیواندائے کچے رنگ دیوچہ
 آب و طین تے کرے گلین نقشے رنگارنگ عالم نیرنگ دیوچہ
 آفرین سراج نقاش قدرت نقش خام نہیں اوہدے پاسنگ دیوچہ

تلہ کمہار

کاری گر گجرات دیوچہ تلہ پیسی جگ مشہور دکان اوسدی
 ہو یا دیس پردیس مشہور تلہ ٹری گل وچہ سارے جہان اوسدی
 نیاں وچہ تمام برادری دے من کل کمہار زبان اوسدی
 دھن مال ولوں فارغ بال آہا کیتی وار بھلی رحمان اوسدی
 دن رین بے چین دل گیر رہندا جھگی بناں اولاد ویران اوہدی
 بہ کے وکھری روہندی رہے ڈکھڑے رہندی نت سدھراوندی جان اوہدی
 آکھے دیکھ خدا دے کم جھلے مایوس رکھناں نہیں شان اوہدی
 اوسدی ویکھ بے خانماں عاجزی نوں کرے دعا ہندو مسلمان اوہدی

کرے بے نظیر تیار برتن دور دور سوغات لے جان اوسدی
 دور دور تھیں آوندے لوک ویکھن ہوئی دیس پردیس پہچان اوسدی
 اوہدی گل تے مکدی گل آخر کیہ مجال جے گل پریشان اوسدی
 مگر بے اولاد ناشاد شوہدا گھیری ایس اندیشے نے جان اوہدی
 اوہ تے مردی درد نوں جری رکھے آہی زال بے حال پریشان اوہدی
 تلہ دیوندا رہے تسلیاں جی جدوں ویکھدا جان حیران اوہدی
 لا تقطعوا من رحمت اللہ ایہ تسلی ہے وچہ قرآن اوہدی
 کرے دُعا بھی اثر سراج تاہیوں ہووے جدوں رحمت مہربان اوہدی

دُعائیں

تلہ بے اولاد ناشاد شوہدا کردا رہندا عرضاں جناب اگے
 ہنجوں ویلدا رہندا سجدیاں وچہ پھر رکھ کے پاک کتاب اگے
 جاندا پیٹا بڈھا پا بھی دسدائے ہتھوں گئیائے نکل شباب اگے

یارب کردے ایہ بھی کمی پوری تیرا فضل کرم بے حساب اگے
 مولا سکلیاں ڈھنگراں ہرا کرناں کچھ دور نہیں تیری جناب اگے
 کھیتی میری بھی ہو جائے سراج جل تھل کیہ دیراے کرم حساب اگے

تیرے بے انداز خزانیاں تھیں اک ذی روح دی مینوں لوڑ سائیاں
 اس بے اولاد دی نچے اندر ہو یاں بڈیاں بھج کے سوڑ سائیاں
 اک بوند مراد دی بخش مینوں تیرے کرم دے واہن کروڑ سائیاں

صدقہ زینت عرش حبیب اپنے میتھے فضل دی نظر نوں موڑ سائیاں
 دھیرج مند میں تیری جناب داہاں میری آس اُمید نہ تروڑ سائیاں
 لایحتاج سراج محتاج تائیں فکر اں غماں دیوچہ نہ چھوڑ سائیاں

سائل پر تقصیر دربار حاضر پا خیر سخی رحمان مینوں
 لنگھیا جاوندائے موسم بہار باغوں دسدے پئے آثار خزانوں مینوں
 تشنہ لب ہاں صدف دے ہار میں بھی اک بوند ہووے فضل داں مینوں

خالی موڑ ناں نہیں آئیں شاہی دیہ مراد اللہ مہربان مینوں
 اللہ راسی دی آس نوں راس کردے کیتا پاس اُداس حیران مینوں
 ابر کرم سراج کریم داتا کوئی سمجھ نہیں طرزِ فغان مینوں

مقولہ

یارو وچہ حساب نہیں آوندیاں مہربانیاں رب کریم دیاں
 جدوں حکم دیندائے باروں وسنے دادیندا گندگیاں دھو قدیم دیاں

اوہدا در کھلا سدا مانگتاں نوں نہیں رشوتاں فضل عمیم دیاں
 العطش پکار دے صدف تائیں ہوون بخششاں ابر کریم دیاں
 صلائے عام اوسدا خاص وعام تائیں مہربانیاں لطف عظیم دیاں
 جدوں فضل اوسدا شامل حال ہووے جاوَن ساعتاں درد الیم دیاں

منگن ہار اوہدے دربار وچوں لٹے لوٹیاں گنج نعیم دیاں
 مردہ کلی وچ پے جائے جان تازہ کھولے جھاکیاں بادیم دیاں
 نا اُمیدیاں اوہدی جناب وچوں کاراں ہین شیطان رحیم دیاں
 نظر کرم سراج تے مہرباناں رحمت بارشاں تیریاں قدیم دیاں

تلے دی دُعا منظور اور لڑکی دی پیداواری

ڈھلدی عمر اندر بڑھیاں مایاں تے کیتا کرم اللہ کردگار سوہنے
 صدقے خیر خیراتاں ونڈیو نے حرص اولاد دے دیکھ آتا سوہنے
 اپنے وقت موعود تے دھی جی خوش بخوش ماپے طلبگار سوہنے
 کن کلمہ بانگ رسول والاد دل و جان ہو گئے باغ و بہار سوہنے
 دھی پت دافر ق نہیں مایاں نوں صاحب اولاد کیتا رب ستار سوہنے
 مائی چال چائی جانی گود پائی پڑھدے رب دے شکر ہزار سوہنے

لگی گھر وچہ اُمید اولاد والی چا بخش کیتی بخشن ہار سوہنے
 در ماندیاں رڑھدیاں جان دیاں نوں بنے چالا یالا ون ہار سوہنے
 پڑھدے شکر نخل ثمر دار ہو یا ستے بخت ہو گئے بیدار سوہنے
 ڈٹھا روح اپنا خاک کی آشیانہ روح جسم بن گئے دونوں یار سوہنے
 سوہنی اوسدا نام نکالیو نے اوہدے ویکھ کے نقش و نگار سوہنے
 کیہ پتہ سراج مقصود اوہدے کیہ لکھیاے لکھن ہار سوہنے

مایاں دیاں خوشیاں

چالی سال دی عمر وچہ دن ڈھلے تلے گھر لڑکی پیداوار ہوئی
 پھلدار ہو یا شجر مراد خیریں جاتا زندگی باغ و بہار ہوئی
 رڑھدے جان دیاں نوں لایوس چاکدھی خوشی مایاں بے شمار ہوئی
 خوبصورت جیہی مورتی سوہنی دی دستخط سوہنے قلم کار دے نیں
 ماں باپ نوں سکھ داساہ آیا فضل ہو گئے پروردگار دے نیں
 ستاں پتراں دے نالوں دھی پیاری چم چم کے رتجھ اتار دے نیں

صاحب اولاد ہو گئی بھاویں دھی جانی مائی رب دی شکر گزار ہوئی
 لتھا بے اولاد دی دادا داغ دل تھیں اللہ پاک ولوں بھلی وار ہوئی
 اولاد سراج ہے ثمر جنت دونوں فضل جے نیک کردار ہوئی
 آئے دین مبارکاں ساک سارے بخت جاگ پئے تلے کھار دے نیں
 با اولاد دل شاد آباد ہو کے صدقے خیر خیراتیاں وار دے نیں
 ٹر گئی تلے دے گھروں سراج خزاں گھر وچہ آ گئے رنگ بہار دے نیں

سوہنی دا بچپن تے پڑھائی

پوری آس اُمید ہوئی مایاں دی اللہ پاک نے کرم کما چھڈیا
 لوہندیاں سکدیاں مایاں سوہنی تے ناز پروری دازور لا چھڈیا
 پہلا دوجا ترجیا سال سوہنی بڑے ناز دے نال لنگھا چھڈیا
 چھویں ستویں سال تائیں سوہنی نے سارا پڑھ قرآن مکا چھڈیا

توڑے دھی سی پھر بھی تلے اپنا اولاد دی داغم بھلا چھڈیا
 جوڑا شامی غریباں نوں دے چھڈیا جہڑا سوہنی صبح ہنڈا چھڈیا
 چوتھے پنجویں سال وچ مایاں نیں اوہنوں پڑھن مسیت وچ پلچھڈیا
 ستویں اٹھویں سال اُستاد تائیں کئی وار دہرا سنا چھڈیا

پکی روٹی معراج نامہ نور نامہ پڑھ کے اٹھواں سال مکا چھڈ یا
 ماں باپ اُستاد بزرگاں دا اوہنوں ادب آداب سمجھا چھڈ یا
 نانویں دسویں سال پھر ماییاں نے اوہنوں پردے گھر بہا چھڈ یا
 آمد فضل بہار نے کن اوسدے پیغامِ شباب سنا چھڈ یا
 اوہدا دیکھ کے ذہن اُستاد اوس نوں لکھناں پڑھناں نال سکھا چھڈ یا
 دھیاں بھیناں شرم حیا گھناں ہولی بولنا خوب سمجھا چھڈ یا
 نسری آوندی نازاں دی پلی ہوئی اوہدے قدرے سروشرما چھڈ یا
 لکھی ہوئی سراج نہ مٹدی اے ماییاں کر اپنا حق ادا چھڈ یا

سوہنی داشباب

دسواں بار ہواں سال دوشیزگی دا سوہنی دن دن اُسری آوندی اے
 ماں باپ دی لاڈلی بھوہک پئی ناز ہزار ہنڈاوندی اے
 صبح بعد نماز تلاوت دے نال ماں کمیں رُجھ جاوندی اے
 کچیاں پکیاں بھانڈیاں چک چک کے جتھے باپ آکھے دھردی جاوندی اے
 منتاں من من لدھی ہوئی دھی رانی دیکھ ویکھ مائی صدقے جاوندی اے
 فطرت جاگ پئی دیکھ آئنا ظاہر پئی اپنے آپ شرماوندی اے
 نیک مت اُستاد دی سوہنی نوں پئی نیک اطوار سکھاوندی اے
 فارغ ہودکان تے جار ہندی ہکلاپے باپ دا ہتھ بٹاؤندی اے
 ماں باپ خوش نہال ہو گئے سوہنی دانگ پتراں بن دی جاوندی اے
 ہم جولیاں نال سہیلیاں دے رہندی چھٹندی لاڈ ہنڈاوندی اے

سوہنی دی دوشیزگی

سال بار ہواں تیر ہواں حشر ساں رنگی رُت شباب دی آرہی اے
 رُخ زیا بن دایاں بدر کامل اگوں چودھویں چن دی آرہی اے
 بدن رنگیا گیا شباب کولوں فطرت مستی دی رُت لیا رہی اے
 بھلاں بھری ہوئی چنبے دی شاخ وانگوں خوشبو ماحول کھنڈا رہی اے
 جو بن حسن جوانی نزاکتاں دی اٹکلاں اپنے آپ سکھا رہی اے
 پئی ہووندی شمع جمال روشن پروانیاں دی موت آرہی اے
 دھم پے گئی شہر گجرات سارے اک حوکہ ہاراں گھر آرہی اے
 اسم بامُسمیٰ سراج سوہنی اپنے نام ورگی بن دی جا رہی اے

شبابِ کامل

چوہدواں پندر ہواں سال جمال کامل سراسر ہو گئی کائنات روشن
 جلوہ حسن کولوں ماشاء اللہ بحر طور ہو یا پات پات روشن
 گم سم سہیلیاں دم بخود دیکھ ویکھ کے سوہنی دی ذات روشن
 جو بن جوت جوانی دارنگ اپنا بس ہو گئے شش جہات روشن
 اے سبحان اللہ پڑھیا دیدہ وراں صاحب نظراں دی ہو گئی برات روشن
 جویں ماند ہو جان سراج تارے کرے چن جویں چودھویں رات روشن

پلاں تیرتے نین دو دھاری خنجر گیسو شب یلدا سبحان اللہ
 آفتاب ماہتاب نوں نال اوسدے ہووے نسبت کیا سبحان اللہ
 لباب سرخ یاقوت تے دند گوہر گوشے نور نما سبحان اللہ
 لیا لٹ سراج نوں دید پہلی اے صل علی سبحان اللہ

خونی چونڈیاں لٹک قندھار رولا اکھیں تیز کناریاں سان چڑھیاں
آبدار خمدار ابرو خنجر وچ چلیاں دو کمان چڑھیاں
جانے رب ہن کس دی موت آئی فوجا قتل دے لے سامان چڑھیاں
اٹھیاں بدلیاں حسن دے دیس وچوں او تے تسیاں مہنہ وسان چڑھیاں

زُلفاں ناگناں ہیشتر زہر بھریاں اک اک اُوہ ناگ آفات کالی
ہوش جاوندی بھل مداریاں دی پاؤن ناگ بسے جدوں جھات کالی
گویا آب حیات تے پہونچے نوں پہلی آہی اُوہ شب ظلمات کالی
جویں بدلاں تھیں چین باہر آوے نور و نور ہووے کائنات کالی
کئی زُلفاں دے ڈنگے پھرن روندے کیتی کنیاں دی اوہناں حیات کالی

ایضاً

تابش حسن محبوب تھیں وچ پانی پانی پانی ہو یا نیلو فر دا دل
نافرمان مانے نہ نہ فرمان کیوں نہ راضی رکھنا سو دلبر دا دل
شونخ ویکھ کے تے نیناں بانکیاں دی نرگس دا پیا سدھر دا دل
غبنغ ویکھ اوسدا جو بن رس بھریا پیا گھٹھ اے عرعر دا دل
نال اک نگاہ دے کرے قابو بو قلمون جیہے جادوگر دا دل
نکھت ویکھ اوسدے گیسو عنبری دی پریشان ہو گیا عطر دا دل
وانگوں لیلیۃ القدر دے قدر پر تو نور و نور جویں صادق سحر دا دل

ایضاً

اُچا قد سفید دے دے وانگ پتلا باغ حسن دے وچ افسر قاتل
لے کے قتل دے نال سامان سارے تیار زرہ بکتر قاتل
برچی مار کے تے نیناں ترکھیاں دی جاوے سٹ وچ دراج ڈگر قاتل
ہور تازہ زخم لگاؤنے نوں روز آؤندائے بن سنور قاتل

زُلفاں ناگ متھا آفتاب ورگا مڑگاں تیر تے نین خنجر قاتل
رکھے بکل دے وچ چھپا ہنر دے دوتھیاں اوس دے ستم گر قاتل
سگوں ہسدا ویکھ کے زخمیاں نوں ایسا سنگدل اوہ دلبر قاتل
حال حال پکار دے وچ راہاں ہائے ظالم ستم گر قاتل

آب دید پلا کے مار سانوں انج تیاں قتل نہ کر قاتل
پیاں تڑپدیاں کہن سراج لاشاں بیداد بیداد کافر قاتل

حسن ازلی

روشن جمل جہاں وچہ یارو روپ میرے دل بردا
اوسدے حسن منور اگے مدھم نور قمر دا
اوس ماہتاب اگے جیوں تارا یوسف چن مصر دا
بدھے ہتھ سراج حسیناں ہر سوہنا اوتھے بردا

کالی رات کرے نورانی دے دے حسن تجلیاں
پریاں دے دل بریاں بریاں پیون دھو دھوتلیاں
حوراں چھڈ فردوس بریں توں آ مہاٹھاں ملیاں
آ سراج جھلیندیاں کچھے مار پراں دیاں جھلیاں

آہو نظر اوہدی دا کٹھا مکیا جاندا مکیا
پھل گلاب حسن اوسدے دی ریس کرن نوں رُکیا
ڈردا تیر خدنگ اوسدے تھیں جا جنگلاں وچہ لکيا
ماری چنڈ سراج صبا نے شبنم منہ وچہ تھکيا

ایضاً

کیہ مجال سکے جھل شیشہ یار میرے دی جھاتے
گلاں پھلاں ساریاں دیوچہ اوسیدی خوشبو اے
چمکے مکھ سراج بدر تھیں وچہ سیاہی راتے
سورج چن ستاریاں دیوچہ حسن اوسدے دی ضو اے
کول آرزو اوہدی وچہ کرے پئی کوکواے
بلبل تائیں سراج پھلاں وچہ اوسدی جستجو اے

ایضاً

خضر بھل گیا آب حیات چشمہ ماہ رخ دا چشمہ حیات ڈٹھیاں
شب قدر بھی بن گئی قدر والی اوسدے وصل دی شب برات ڈٹھیاں
ظلمات بھی ونج ظلمات چھپی زلف والیل دی کالی رات ڈٹھیاں
کھل گئے سراج حجاب مخفی روئے یار دیاں تجلیات ڈٹھیاں

ہوشِ دلا

بس بس کر ہوش بے ہوش وحشی ذرا طبع دی واگ سمہال دلا
پوجا حسن دی فرض بنا بیٹھوں ظاہر ہو گیا تیرا حال دلا
کاہنوں اتنا اُچھلیا آونائیں ذرا روک کھاں جوش اُبال دلا
لکھ لکھ تھکے قلم کار اگے کودک طفلی تھیں پیر سال دلا
کاغذ پیپا قلم دی نوک جل گئی ایڈی حسن دی اگ نہ بال دلا
کیوں ساڑنائیں دلاں ہورناں نوں جے تے آپ ہو یوں سڑال دلا
حسن یار نوں کر تحریر سکے تیرے قلم دی کیہ مجال دلا
آخر ہار منی بھنی قلم سمہناں سکے جھل نہ حسن دی جہال دلا

ہووے قید وچہ قید تحریر تیری ایسا یار دا نہیں جمال دلا
کھڑی قلم روندی کھڑی والٹرے دی حسن یار دیوچہ خیال دلا
قصہ لکھ گجرات دیوچہ سوہنی نور حق ہے روشن مثال دلا
سوہنی بارغِ حُسن دیوچہ کھڑیا اک گل ہے بے مثال دلا
عاشق ہو راضی کرسی جند بازی تکدا رہیں پروانے دی چال دلا
جا پونچیں بامِ صفت اُتے خام وہم ایہہ اپنا نکال دلا
کھا کے چوٹ ڈگانویں کوٹ والا کھید حسن مداری دینال دلا
ایس شمع دی دیدنوں تڑپ رہیائے بلخ وچہ پتنگ مہینوال دلا
ایس گل دی آوندی پئی بلبل چل کر اوسدا استقبال دلا
دیکھیں بھج کے لاٹ سراج اُتے ہوسی کوں پتنگ حلال دلا

مقولہ شاعر

سوہنی شمع مثال سراج روشن کرن دیکھ کے صبر پتنگ کوں
دیکھ ہن پروانے دی آونی نوں جاسی لاٹ تے کھید پتنگ کوں
دیکھ ویکھ انجام محبتاں دا جاوے بھل ناموس تے ننگ کوں
کاماں بن کے ٹکلیا کامیاں دا کیستے یار دی دیدنوں ڈھنگ کوں
جدوں سوہنی ہنھ پرنا یو نے چھوڑ دیوندا اپنا سنگ کوں
بھار چا کے گئے نبھا دونویں ہوئے ڈب اخیر چہنگ کوں
لہجے مر کے وصل پروانیاں نوں رنگے جاندے ہو بے رنگ کوں
سر پر آوناں سو پھیرا پاوناں سو بھل جاوسی اپنا سنگ کوں
علی بیگ غریب دے لاڈے نوں کیتا عشق گجرات ملنگ کوں
گلیاں ہونجیاں پونجیاں نال تلیاں چارے فیریلے وچ منگ کوں
بوہے یار دلدار دے جارہیا بیجیا ہر درواز یوں منگ کوں
دس دس سراج ضرور سانوں حسن عشق دا ہو یا جنگ کوں

مقولہ شاعر

سوہنی ناز ادا دی پروردہ نہ کوئی فکر اندوہ جہان اوسنوں
جو بن وچہ بہار ماشاء اللہ کیتا رب نے خیریں جوان اوسنوں
عزت بیگ کوئی دسدے دیس لے سوہنا آکھداے کل جہان اوسنوں
آوے دوڑ دا چھوڑ داکم سارے ایسا دیہ کوئی شوق طوفان اوسنوں
ستاں پتراں تھیں رکھے ماں لاڈی آساں دتیاں رب رحمان اوسنوں
چل شاعر ہن دیس بدیس پھرے کوئی آن ملائے ہان اوسنوں
بھرتی کر کے عشق دی فوج اندر لے آگجرات زندان اوسنوں
سوہنی شمع مثال سراج روشن کر وانگ پتنگ قربان اوسنوں

المدد اے خضر

المدد اے خضر رفیق رہبر توں مسافر نواز غریب پرور
اے دبیر فلک نگار خانے ہر نامہ نگار تے توں افسر
اے کاتب ازل میں سوہنی دالوڑن چلیاں کتوں نجیب گھرور
راہی ہاں میں بلخ دے جاوے دا وچہ راہ کئی ہوش ربا منظر
کلک عنبری کر دیہہ قلم میری آوے چھنڈ دی عطر عبیر عاطر
ازلی سنگ سراج پتنگ دونویں ہووے پورا عہد میثاق پرور

جوشِ جنوں

ابوش اے جوشِ جنون عجل کر گردانِ مثلِ آسیا مینوں
کوچہ گردیاں سب سرد دیاں نیں دیہہ وسعتِ سیرِ صحرا مینوں
زعمِ عارضی عارضہ دن تھوڑے عزمِ بالجرم وچہ پکا مینوں
سست مست مستم سکرات اندر کر غلط نشیوں مستثنیٰ مینوں
محملِ حرص دے پاکے وانگ پنوں لئی جاوندے نے ورغلا مینوں
جے تے گیوس مکران دیوچہ خالی مہنے دیوسن ساک بھرا مینوں
میرے مدنِ تراب نوں کرتا باں چاضیا دیہہ نور الہدیٰ مینوں

دیہہ مژدہ خارِ دشت تازہ ذوقِ مستقل آبلہ پا مینوں
لٹو دل لٹو جلوہ عارضی تے پیا لٹدائے بھلوے پا مینوں
شاہ راہ مشہود لگا کے تے وَنچ منزل مقصود پونچا مینوں
ستا پیا ہاں غفلت دی تان چادر چنڈ درداں دی مار جگا مینوں
میرا رہ گیاے سنگ بھنھورا اندر واگاں موڑ واپس پرتا مینوں
الحجاز قنطرة الحقیقۃ ایس زینیوں بام چڑھیا مینوں
کھوٹ داج نہ رہے سراج اندر سچ مچ سراج بنا مینوں

شاہ سلیمان والے بخارا

راوی دسدے نیں اوس سمیں اندر شاہ سلیمان او تھے تاجدار آہا
خوش خیال بلند اقبال اوسدا رعب دبدبہ ہر دیار آہا
ککے زئی افغان پٹھان مغل کسے قوم دا ناں انکار آہا
وانگن حسن مہندی دانشوراں سخنوراں تھیں پر دربار آہا
رعیت شاد تے ملک آباد اوسدا راضی اوس تے پروردگار آہا

نوجوان فرمانروائے بلخ رحم دل عادل نیکو کار آہا
سمرقند ہرات قندھار غزنی سکھ اوس دے نام ثار آہا
مدگار مسافراں راہیا دا ڈاکو رہن برسر دار آہا
ہر علم تے ہنر دے ہون چرچے قدردان شاہ باوقار آہا
قائم شرع رسول سراج دم دم سلطنت شاہی اشتہار آہا

علی بیگ مرزا

علی بیگ مرزا بلخ شہر اندر وچہ تاجراں ملک التجار آہا
جگہ جگہ گماشتے میر منشی شہر شہر و پار کھلار آہا
ہر منڈی اوس دے کاردار حاضر ہر جنس دا اوہ خریدار آہا
نیک دل مخیر شریف طبع عابد زاہد باکردار آہا
سال و سال تقسیم زکوٰۃ اوس دی ہر یتیم اوسدا وظیفہ خوار آہا
دولت عزت منصب سب حاصل نام دار آہا کامگار آہا
اوسے شہر وچہ حضرت شفیق بلخی ولی اللہ کامل بزرگوار آہا
ہر جمعرات اوسدی خلوتِ خاص اندر حاضر ہوندا شب بیدار آہا

دولت مند ثروت مند ہر طرح دور دور اوسدا کاربار آہا
لین دین حساب کتاب اوسدا سارے ملک اوسدا اشتہار آہا
مال آوناں جادوناں سال سارا رہندا شروع اوس دا ہموار آہا
ہر تیسرے چوتھے سال علی حرین نورین دا ہوندا زوار آہا
خوش نصیب شاہی دربار وچہ بھی معتمد صاحب اعتبار آہا
اے پر اک کمی صبری کسے اگے کردار نہیں یہ دکھ اظہار آہا
علی بیگ اوسدا معتقد پورا دلوں جانوں اوسدا تابعدار آہا
حضرت پیر شفیق بھی رب اگے اوسدے واسطے عرض گزار آہا

کامل صدق خدا دی ذات اُتے اُمید رکھدا براقر آہا مُنْتَرِ بَصُو حَتّٰی یَأْتِیَ اللّٰہُ بِأَمْرِہِ اوسے ساعت دا انتظار آہا
چٹے وال آ گئے سایہ عمر والا پیا ڈھلدا تیز رفتار آہا سنی جاوی انت سراج اوسدی بالیقین اوس نوں اعتبار آہا

مرزا علی بیگ دے گھر اولاد دی اُمید

لا تقنطوا من رحمت اللہ ایہ بڑی ڈھارس دکھیا ریاں دی آخر صدق یقین دے پار بیڑے تائید اے صدق سنواریاں دی
علی بیگ دی رب فریاد سن لئی اوہ سندا رہندائے ساریاں دی لگ پئی گھر وچہ آس اولاد والی نبض جاگ پئی دلوں ہاریاں دی
بیوی علی بیگ دی نیک سیرت ہمدرد آہی دکھیا ریاں دی ہوئی حاملہ قدرت کاملہ تھیں آساوند آہی کہاں واریاں دی
گھر وچہ خوشیاں دے وج گئے شادیانے گل کھنڈ دی گئی اشاریاں دی نفل شکر پڑھے خاندان سارے جاگی آس خیر خواہاں ساریاں دی
ختم نفل حضرت بیوی فاطمہ دے بھری گئی جھولی منگن ہاریاں دی لاریب سراج ہے سن لیددا اللہ اپنے پاک پیاریاں دی

مرزے علی بیگ دے گھر فرزند دا جمنناں

نوماہ نوروز دے نو ساعت جدوں گزرے رب رحیم ہويا میٹی کلی گلاب دی کھل گئی جھولا فجر دا باد نسیم ہويا
جیمیاں صبح صادق لڑکا خوبصورت گویا فیروز یوسف نو تریم ہويا کھنڈیا نور آفتاب دا فجر ویلے ظاہر سب تھیں دریمیم ہويا
دائی دیکھ اوس نوں ہوئی سودائی حسن دیکھ کے ہوش دو نیم ہويا کیتا پاک عطر عنبر نال اوس نوں کول عود لوبان شیمیم ہويا
ریشم وچہ لپٹیا بسم اللہ سر چھتر قرآن کریم ہويا گنج العرش تعویذ گل پایو نے ہر شر کولوں مستقیم ہويا
سورج چن چڑھے کدوں چھپدے نیں سایہ ابردا بھوایں عظیم ہويا آیا سراج شہر مبارکاں نوں گھر علی دا دارالنعیم ہويا

مبارک بادیاں

علی منتظر وچہ دیوان خانے نفر دتی مبارک باد بھائی تینوں لکھ کروڑ مبارکاں وے خانہ کیتائی رب آباد بھائی
مرزا سن کے جھڑیا وچہ سجدے کیتا رب ناشاد نوں شاد بھائی پڑھے لکھ کروڑ شکرائیاں دے اُسدا فضل بے انت اعداد بھائی
دتا ڈھیر انعام غلاماں نوں حاصل ہو گئی دلی مراد بھائی رڑھدے جان دیاں نوں لایا چاہنے گئی غماں دی مک میعاد بھائی
سکدی جاوندی ولدی کلی کارن گھلی فجر دی باد مراد بھائی کھولے دان دیوان سراج مرزے کیتا غماں تھیں رب آزاد بھائی

خوشیاں

علی بیگ نے نال کمال خوشی کھول چھوڑے درخزائیاں دے مروارید سٹے وار ووار چھٹے موتی رلن پئے وانگ دانیاں دے
پستہ مغز بادام تے کئی میوے ونڈے ٹوکرے کئی خوبائیاں دے سن جن جگ مبارکاں دین آئے تحفے لے کے نال شکرائیاں دے

بھائیوں گھر گھر بھاجیاں ونڈیاں میں تھیں مصریاں اتے مکھانیاں دے
 جنہاں آکے کن وچہ بانگ پڑھی بھرے گھراوہناں ملوانیاں دے
 دتیاں آن ودھائیاں مانگتاں نیں شالا بخت قائم مغل خانیاں دے
 دتی آ مبارک باد جس نے سروپا دتے سچے بانیاں دے
 ماپے جامیاں وچہ نہ میوندے سن گئے غماں دے گزرا یام ہین
 دُعاے خیر ستویں دن آکھو نیں ونڈے ٹوکرے کئی بادام ہین
 ختنہ جھنڈ دا فرض ادا کیتا لکھ شادیاں نیں دھوم دھام ہین
 ہو گئے خوشحال نہال ماپے پڑھدے شکر رب دا صبح شام ہین

بھر بھر بک پئے وار دے لال بھائی جویں سوہندے کاج شہانیاں دے
 دایہ لے مایہ شادمان ہوئی تیور ہور زیور گانیاں دے
 رہیا نت نہ بھکھیاں مانگتاں دا لے لے دان ہوئے وانگوں رانیاں دے
 بیٹھے محفلاں لا سراج مرزے جلسے کھاوندے وانگ پرانیاں دے
 ست دن جشن تے مجلساں خوشی دیاں بیٹھے ویر مشیر تمام ہین
 کارن رسم ادا نیگی فتنے دی سدے اوہناں حکیم حجام ہین
 دیکھ بچے داحسن و جمال سارے ہو گئے ساک رشتے شاد کام ہین
 گئے غماں دے لکھ سراج ویلے کیتے خوشیاں آن مقام ہین

فرزند اعزت بیگ نام رکھناں

مہربان رؤف الرحیم مولا خاص و عام اُتے لطف عام اُوسدا
 علی بیگ پڑھے لکھے لکھ شکرانے لوں لوں ہو یا شاد کام اُوسدا
 پورا سال فرزند دی خوشی اندر رہیا مگلتیاں تے لنگر عام اُوسدا

رب کریم ایں اپنے بندیاں نوں مایوس کرناں نہیں کام اُوسدا
 پتر عزتاں شوکتاں نال آیا عزت بیگ رکھوے نام اُوسدا
 آغاز سراج تے دیکھیاں ویکھیا جاوسی جویں انجام اُوسدا

عزت بیگ دانا زائ بھریا بچپن

مائی گود پایا لخت جگر اپنا پڑھ بسم اللہ دودھ پلا وندی آ
 نوکرانیاں نفراں انت کوئی نہ اک رکھدی تے اک چا وندی آ
 تھوڑا ہسدا تے روند ا بہت مرزا مائی لوریاں دے سوا وندی آ
 دو بے سال وچہ لال مسوڑیاں تھیں کلی دند والی دس آ وندی آ
 کالی کنڈلاں والی جھنڈ سرتے پئی حوراں دا رُوح بھر مانی آ
 دو بے تریجے سال پیار نال مائی پئی قیل تے قال سکھا وندی آ
 قدم پھدا پھدا مور تک پئی دولتاں ماں لٹا وندی آ
 پنج سال دا نو نہال ہو یا آس پئی اُٹھدی باپ ماؤں دی آ

کدی چا وندی پڑھ الحمد للہ کدی وچہ پنکھوڑے دے پا وندی آ
 جیوں جیوں ودھدا جا وندا لخت جگر آس ودھدی جا وندی ماں دی آ
 جبکر ستیاں ہوندا چر او سنوں رہندی پیر فقیر منا وندی آ
 مالن گئی سی بھل چنپیلیاں نوں نت باغ دا جان بھلا وندی آ
 اکھیں کالیاں متھا ہلال ورگا جیجھ ا بے ولا کڑے کھا وندی آ
 ہوئی راس زبان ولاکیاں تھیں کلمہ طیب دا سبق پڑھا وندی آ
 کدی دوڑ دا باپ دیول جاوے کدی ماں پھر کول بلا وندی آ
 دسے کون سراج بچاریاں نوں بچہ نذر دریا چہناؤں دی آ

عزت بیگ دی پڑھائی

چوتھے پنجویں سال اُستاد آگئے بنیادی تربیت بنان والے
 علم دین اسلام پڑھان والے بول چال دے طور بتان والے

عزت وڈیاں دی شفقت چھوٹیاں تے ماں باپ دا قدر بھان والے
تیر ہوئیں چوہوئیں سال اُستاد آگئے دن ڈھنگ جو جنگ میدان والے
حاصل کل علوم و فنون ہو گئے جتنے ہنرسن اوس زمان والے
سال بار ہوئیں تیر ہوئیں تک مرزے پڑھ لے علم مروجہ جہان والے
نیزہ بازیاں تیر اندازیاں تے سکھے گرتلوار چلان والے
سکھے ادب اطوار سراج مرزے وچہ دربار سلطان دے جان والے

عزت بیگ دی جوانی

سوہنا خوبصورت قد مغل مرزا جوئیں سرو جھولے بوستان اندر
ہرن لگ پئی مس جوان والی سوہے سبزہ جوئیں بوستان اندر
علی بیگ دالا ڈلا جگ جیوے ہیرا بے مثل حسن دی کان اندر
رکھے وانگ یعقوب محبوب اوسنوں صاحب فخر بیٹا خاندان اندر
چرا رَ ب جلال جمال والا کامیابی ہر میدان اندر
بلخ وچہ نمایاں نظر آوے عزت بیگ سارے اپنے مان اندر
نظر بد تھیں رہے محفوظ مثالا خیر خیر اوسدی صحت جان اندر
جانے کیہ سراج غریب مرزا یوسف رہناں نہیں سدا کنعان اندر

نوجوان مرزا عزت بیگ مغل رہندا اے اوسنوں شوق سواریاں دے
کدی جنگلاں ول شکار کھیڈن مرزا جاوند نال شکاریاں دے
خوباں ویکھ جوان نوں جان صدقے رہن نین ٹڈے متواریاں دے
جدھر تکداسدا پھٹ مرزا ہیرے دل دے وانگ کٹاریاں دے
علی بیگ دریغ نہ مول رکھے عزت بیگ دی ناز برداریاں دے
کدی چڑھ تازی سٹے جاں تازی نیزہ بازیاں نال کھڈکاریاں دے
کدی براں نال مقابلہ سوکدی ہرن مارے وچہ باریاں دے
پریاں چھوڑ کوہ قاف مہا ٹھہلی درجے ملن مثالا خدمت گاریاں دے
جاون نہیں خطا نشانیاں تھیں چھٹے تیر نظر شرمساریاں دے
مانے لاڈ سراج ہزار مرزا بد لے عشق لیلی گلاں ساریاں دے

عزت بیگ کاروبار سمہال لیا

علی بیگ مرزا خاندان عالی والا نسل پیسی مغل ذات اوسدی
شاہ سلیمان دی دوستی نال اوسدے منے وانگ برادری بات اوسدی
بھاگ جاگ پئے علی بیگ والے کیتی غماں تھیں رب نجات اوسدی
عزت بیگ سانجھے کاروبار اوسدے لئی پکڑاوس قلم دوات اوسدی
طبقہ امراء وچہ شمار اوسدا شاہاں نال آہی ملاقات اوسدی
نال دوستاں دے علی بیگ سنے مجلس گرم آہی دن رات اوسدی
دانشمند فرزند دلہند اوسدا ہو گئی خورسند حیات اوسدی
شب وروز سراج افروز اوہداتی رب نے کھول برات اوسدی

اسلم بیگ وزیر

شاہ سلیمان دا اعلیٰ وزیر مرزا نامی نام سی بیگ اسلام اوسدا
باتدیر وزیر مشیر خاصہ اقبال مند بخت بالا بام اوسدا
اوہدے گھر دُختر اک نیک اختر گویا شاہ پری ملکہ نام اوسدا
پیسی شہنشاہی اعتماد اوس نے ویکھ ویکھ حسن انتظام اوسدا
امیر بلخ دا پیسی خطاب اوسنوں جاری رہے انعام اکرام اوسدا
نوجوان دوشیزہ سحان اللہ چن چوہدویں پھرے غلام اوسدا

صورت صفت خدائی تصویر ملکہ جوش جو بنے وچہ تمام اوسدا
 عزت بیگ بھی نت دربار جاندا بیسی باپ مدار المہام اوسدا
 چھوٹی عمر تے شاہ دے من بھایا کرے قدر سلطان مدام اوسدا
 عزت بیگ دیاں ویکھ خوبیاں نوں دل ہوندا جاوند ارام اوسدا
 نال زال دے کرے خیال پختہ دیے حال احوال تمام اوسدا
 آکھے عجب لائق فائق مغل مرزا حسب نسب بھی عالی مقام اوسدا
 بیگم آکھدی ہور کیہ لوڑ نائیں ملکہ نال چاکرو پیام اوسدا
 دونویں جی صلاح تدبیر کر کے رہن سوچدے نیک ہنگام اوسدا

علی بیگ دا اسلم وزیر کولوں ملکہ بیٹی دارشتہ منگناں

علی بیگ بھی نت خیال رکھے عزت بیگ دارشتہ پاوے دا
 اک روز نو روز سی عید کوئی بیسی دن کوئی سن بدلاوے دا
 لے کے نال امیر مشیر ٹریا مطلب ملکہ دارشتہ پاوے دا
 اسلم بیٹھاسی وچہ دیوان خانے شروع شغل سی عید مناوے دا
 جلسہ گرم سی چنگ ورباب والا جاری دور پینے تے پلاوے دا
 ساقی بزم کمسن پریرزا دے ول جاندا بزم گرم اوے دا
 مطرب طرب وچہ تاراں نوں پئے چھیڑن وقت سوچدے تان اٹھاوے دا
 بیسن چلھیاں تے دیگاں کھنک رہیاں بیسی مطہاں زور ہلاوے دا
 کیتا شغل شراب وکباب کافی رہیا انت نہ خوشی مناوے دا
 اسلم پچھیا دوستو کرو ظاہر مطلب قدم رنجہ فرماوے دا

وزیر اسلم بیگ اگے علی بیگ دا بیان

علی بیگ اشرفاں دے وانگ کہیا کراں عرض باادب ہزار بھائی
 صد الحمد ہوئی ملاقات تیری مینوں باعث صد افتخار بھائی
 آئے رکھ کے اک اُمید پوری اسی سب تیرے دعویدار بھائی

کامل شوق بیسی ملاقات والا عید روز نیاز درکار بھائی
 لے کے اک آئے مدعا دلی ایہ سب میرے رشتہ دار بھائی
 لہ بخش مینوں ناطہ بیٹی دا رہساں عمر بھر شکر گزار بھائی

بے شک میں نہیں تیرا ہم قدر تیرا میں رعیت تے توں سردار بھائی
عزت بیگ فرزند دلبد میرا توں ویکھیاے کتنی وار بھائی
چٹیاں میریاں دی تینوں لاج ہووے تیرا شرم تے بھرم ہزار بھائی
اسلم ٹھیر کے آکھیا کیہ آکھاں نہیں ہو سکدا انکار بھائی
میرے کچھنے دی ٹور نہیں تینوں تیرا اپنا ایں اختیار بھائی
شالا رہے خیریں سدا لال تیرا اقبال رہن مدگار بھائی
کیتا نال دلیل جمیل ناطہ حاجت نہیں کوئی اصرار بھائی
قصہ مختصر نال تعظیم اسلم کیتے چارخصت سارے یار بھائی

رشتے دیاں دواں گھراں وچ خوشیاں

علی بیگ نہ میوندا وچ جائے ویلا خوشی دا رب دکھایو سو
ہوئی خبر بخارے دیوچہ سارے پتر گھر وزیر منگایو سو
بھائی خوش خوش جھلن مبارکاں نوں اللہ رج کے کرم کما یو سو
کردا دن پونے دان پیا مالا مال کنگال بنایو سو
دے تنگیاں نوں تھان لٹھیاں دے اتے بھکھیاں مال ورتا یو سو
کیتا مغل منگیوے دا شغل پورا بے حسابا دھن ورتا یو سو

مبارک بادیاں

آئے دین مبارکاں مغل مرزے تے رئیس آئے علی دان لے لے
برخوردار دے بخت سکندری جی جیوے خضر دی عمر جوان لے لے
علی بیگ مبارکاں پیا جھلے آون پئے تحفے سلطان لے لے

والی بلخ دی خوشی

علی بیگ تے اسلم بیگ تائیں تحفے شاہی دے کے ارجمند کیتا
قلمدان دیوان دادے کے تے خاصا وچہ اوسنوں خورسند کیتا
ہو گئے خوشیاں دے در سراج کھلے اللہ غماں دا بوہا بند کیتا

اسلم بیگ دے گھر

اوہدر ملکہ دی ماں بھی گھر اپنے لکھ لکھ مبارکاں جھلدی اے
بھڑ بھڑ کے تے تھال میویاں دے پئی گھر گھر بھاجیاں گھلدی اے
پھل پھل بھندی بلبل وانگوں جھاکی کھل گئی کرم فضل دی اے
اللہ کرے تے توڑ سراج چڑھے خبرے لکھی ہوئی کیہ ازل دی اے

ملکہ وزیرزادی

ملکہ شاہزادی جڑی ویکھ قسمت دلوں مل بیٹھی رتجھاں بھاریاں نوں
عزت بیگ جیہا پیادر جھولی پھل پھل دستے کڑیاں ساریاں نوں
چمکن وچہ نگاہ دے لکھ آساں دلوں دھر بیٹھی انتظاریاں نوں
ہائے ارمان ایہ ملکہ نوں کیہ پتہ گھاٹا عمر دا پیا وپاریاں نوں
میوے پئی نہ چولیاں چنسیاں وچہ ویکھ ویکھ کے تے کڑماں چاریاں نوں
رتجھاں کھول دی وچہ سہیلیاں دے دل چال چاڈاریاں نوں
بیگم بناں گی جناں گی لال سچے تے ہنڈاوساں پئی سرداریاں نوں
روناں عمر دا پیا سراج آوسنوں پئی رووسی قسمتیاں ہاریاں نوں

مرزا عزت بیگ

عزت بیگ مرزا گھر ماییاں دے پیا ناز ہزار ہنڈاوندائے
چہرہ قمری مشہدی پگ گلہ گنبد وانگ اُسار لیاوندائے
چغہ کیسری غرنوی ایرانی طرح طرح پوشاک وٹاوندائے
ہر دربار منظور اطوار اوسدے ہر سخن قبول من بھاوندائے
جوڑے ون پونے سواوندے نیں صبح شام نویں بدلاوندائے
لنگی پگ سنہری تے کدی خاکی ملاگیری پنجابی سجاوندائے
گھیرے دارشلوار جلال آبادی جوڑا قندھاری پیریں پاؤندائے
ویکھ ویکھ کے مغل سراج بانکا پری زاد غلام سداوندائے

شاہ زور مغل نوجوان مرزا پھرے رن وچہ پھیر دا تازیاں نوں
رستم دنگ ہووے ویکھ ویکھ کے تے گرز بازیاں تے نیزہ بازیوں نوں
فتح لکھی ہوئی ہر میدان اندر جدھر جاوندا جتدا بازیوں نوں
ہاتھی دیو گینڈے چیتے پھرن لکدے ویکھ ویکھ اوہدیاں تیر اندازیاں نوں
عربی کوتلاں دا شاہسوار مغل کھیڈاں کھیڈاں داسی لالا بازیوں نوں
باپ شکر دے پڑھے سراج کلمے دیکھر بدیاں بندہ نوازیوں نوں

علی بیگ تائیں آخر عمر اندر دتا رب عجیب و غریب فرزند
ناز پیا لڈاوند خان زادہ بیسی دُرِ یتیم نجیب فرزند
کرے ساہ دانہیں وساہ اوسدار کھے اپنے سدا قریب فرزند
ایہ پتہ سراج نہیں باپ تائیں ہوئی قبر بھی نہیں نصیب فرزند

ساقیا

آساقیا گیسواں والیا او کدھر گیوں مینوں مجبور کر کے
جی چاہوندائے لذتاں چھوڑنے نوں دیہ اک مستی دا جام بھر پور کر کے

عزت بیگ نوں نبھ لے جاونائیں ہن عشق نے قید مجبور کر کے نکتہ نظر ہے ایہو سراج میرا جاواں جگ وچہ نام مشہور کر کے

عشق

زور آور مریدا شیر ببر جھڑا عشق دے پیش سلامیاں نوں پی پی پلپلے خون لاہڑیاں دا کھا کھا نازک اندامیاں نوں
جدوں آوندانہ لے جاوندائے شاہ زور بہادر اں تامیاں نوں راج بھاگ چھڈ کے تخت و تاج چھڈ کے کرن شاہ منظور غلامیاں نوں
بھلا بھلا کوں عشق چھوڑ دینا عزت بیگ جیہاں کھریاں سامیاں نوں ایہدے پیش سراج نہ پیش جاوے ایہ من دا نہیں وریامیاں نوں

عزت بیگ

عزت بیگ پیا گھر مایا بندے ہر طرح دے ناز ہنڈاوندائے کھیڈاں کھیڈاں دانال ہم ثنائیاں دے کوئی فکر نہ جی تے لیاوندائے
اک پل بے نظر تھیں ہووے اوہلے باپ خادماں گھل بلاوندائے کر کے سیر شکار جاں گھر آوے جاندا ٹھر کچڑا ماوندائے
آساں دتیاں رب رحمان اوہناں باپ ددم شکر بجاوندائے جو کچھ منگدا سنگدا نہ بابل ہتھیں اپنی لا پوچاوندائے

مرزے علی بیگ دادیوان خانہ

تاجر بلخ بخارے دے تاجر نہ رکھدے دور تیکر کاروبار آہے روم شام تے ہند بنگال لنکا جاندا چلن تیکر پھیرا مار آہے
مال ملک دا گھوڑیاں نچراں تے جاندا قافلے بے شمار آہے ایدھروں لے جاندا اوہدروں لے اوندے ملک ملک دامال انبار آہے
لے جاوئاں آوئاں شروع رہندار ہندے سال دو سال گزار آہے نو جواناں نوں شوق سوداگری دا پھر دے دیس بدلیں ہشیار آہے
علی بیگ قدیم دے خاندانی اپنے ملک ملک التجار آہے لوکی اوسدا مال لے جاندا سن کئی کئی اوسدے حصہ دار آہے
ہانی عزت بیگ دے ملک ملک جاندا سال دو سال گزار آہے تحفے لے جاندا کارن دوستاں دے جیوں جیوں ہوندے نگلی یار آہے
علی بیگ دیوچہ دیوان خانے بہندے رل کے جدوں تجار آہے لین دین نفع نقصان دیاں کردے رہندے لیل ونہار آہے
چھڑ جاندا دیس پردیس دیاں ہر ملک دے شروع اذکار آہے خطہ ہندوستان نشان جنت دلی لاہور دیاں دسدے یار آہے
نوجوان بتاوندے اوہ تھے جو یں کیتے دلاں دے ونج و پار آہے سن سن کے تے عزت بیگ دے بھی ہوندے رہندے جذبات بیدار آہے
مرزے عزت بیگ دی زندگی دے ہوندے راستے پے ہموار آہے جتھے عشق دے ڈھول سراج وگنے اوہ پڑے ہوندے تیار آہے

سوداگراں دیاں گلاں تے ملاں دی تعریف

تاجر ملاں دے قصہ چھیڑ بہندے جیوں جیوں گل کے تائیں یاد ہے جی کوئی آکھدا مصر ہے لاثانی کوئی آکھدا شہر بغداد ہے جی
بے شک سفر وسیلہ ظفر ہوندا ایہ آکھیا کسے استاد ہے جی گھریں بیٹھناں کم زنائیاں دامرداں واسطے سفر مراد ہے جی

رب اکھیاں پیر پران دتے ٹرن پھرن دی ایہ بنیاد ہے جی
 مکی گل شہراں وچوں شہر دلی بے مثل جہان آباد ہے جی
 لاہور پنجاب دا تخت شاہی راوی رود دے اُتے آباد ہے جی
 سلطان الہند جمیری دا پیر مرشد حضرت داتا گنج بخش اوتا ہے جی
 خوش گوار پنجاب دا ہر موسم خوش آب و ہوا دل شاد ہے جی
 سن سن تعریفاں جوان مغل دلوں دلوں ہوندا رہندا شاد ہے جی
 جہڑی گل نوں جمیاں جوان ہو یا رکھی جاوندی پئی بنیاد ہے جی
 بڑے چر پیماں موجاں مانیان سور ہیا بڑے چر گھر آزاد ہے جی
 سوچے کوں کچھ اپنے مایاں تھیں ایہ بڑی مشکل اُفتاد ہے جی
 ایدھر شوق بھی دن دن تیز اوسدا پائی آوند اُفتاد ہے جی

ٹرکے دیکھو خدا دیاں قدرتیاں نوں قل سیر وفی الارض ارشاد ہے جی
 دلی اپنی بس مثال آپے دُنیا وچہ عروس البلاد ہے جی
 سارے صوبے پنجاب دا کالج اے ایسا شہر نہ وچہ بلاد ہے جی
 سر راہ چناب دی دوہیں طرفیں گجرات وزیر آباد ہے جی
 حسن صحت مشہور پنجابیاں دی جا پے ہر بندہ پری زاد ہے جی
 نالو نال عشق بھرے کن پیا لہدی سفر دیوچہ مراد ہے جی
 پیا لگدائے عشق دادا اوس تے نیڑے ہووندی پئی میعاد ہے جی
 جہڑی اصل مراد ہے زندگی دی اوہ فرض پیا ہوندا یاد ہے جی
 خوب جان داسی بڈھیاں مایاں دی ایہو آخری اک اولاد ہے جی
 آخر باپ دے کول سراج اُوس نے کیتی پیش چادلی مراد ہے جی

عزت بیگ نوں سفر داشوق

عزت بیگ دے دل دماغ اُتے بیسی سفر داشوق سما یا ہو یا
 اپر مشکل اجازت مایاں دی بیسی ایس گلوں گھبرایا ہو یا
 اک جھٹ دا نہیں وساہ کر دے کئی واری اوس ازما یا ہو یا
 جدوں سیر شکار نوں جاوند اسی رہندا ماں دا روح اورا یا ہو یا
 کوں گل چھیڑاں نال مایاں دے عزت بیگ سوچاں وچہ آ یا ہو یا
 کتنی واری گیا کراں عرض جا کے اپر نہ بولے شرمایا ہو یا

سر پر دیکھساں چل لاہور دلی نال دوستاں متا پکایا ہو یا
 اوہ جان داسی بڈھیاں مایاں میں ہاں کھوکھ جایا ہو یا
 جیکر ستیاں ذرا بھی دیر ہوندی مڑ مڑ آوند باپ گھبرایا ہو یا
 گھل گھل چھدی نوکراں نفراں تھیں اے نہیں میرالال آ یا ہو یا
 نافرمانی ماں باپ دی ہائے توبہ بیسی رب دے غضب ڈرایا ہو یا
 دلی شوق سراج بہانہ سی بیسی عشق فساد مچایا ہو یا

باپ کولوں اجازت منگنی

اک دن صبح صبح عزت بیگ اپنے باپ کول دیوان خانے آئے
 پڑھے شکرانے مولا مہربانیاں میتھے رنج احسان چڑھایا
 ہکی پتر دے نال میں سو پترا تیرا رنج کے کرم خدا یا اے
 چم چم رے نائیں پیاباں اوسنوں نال پیار دے کول بہایا
 جے اجازت ہووے تاں حضور مینوں ہندو کیھنے داشوق آئے

بڈھے باپ وظیفے نوں چھوڑ کے تے چم نال کلیجے دے لایا
 کچھلی عمر دیوچہ جوان عاصا مینوں تدھ ہی آپ عطا یا
 توہیں دتا توہیں را کھار ب سچیا تیرے فضل وچوں حصہ پایا
 عزت بیگ نے موقعہ دیکھ کے تے اپنا مطلب کھول سنایا
 نال مال سوداگری لئی جاساں لوکاں جا جانے کما یا

نالے شوق مینوں دلی ویکھنے دا کھڑا دور یا دیس پر ایائے
 باپ سندیاں سار حیران ہو کے پھر جم سینے نال لایائے
 ساڈی عمر نوں ویکھ نادان بچیا دیہوں ڈیگری دے اُتے آئیائے
 اسلم بیگ کل گھل کے نفر خاصہ شادی واسطے آکھ سنایائے
 تیرے سہرے دے ویکھئے پھل کھڑ دے ایسے سال خیال بنایائے
 شہر شہر تیرے حصہ دار تاجر اوہناں کول تیرا سرمایائے
 پھیرا سال چھما ہیں دا ہوو نا ئیں اگوں جیوں حضور فرمایائے
 بچیا ایہہ کیہ آیا خیال تینوں ایہہ کس بے درد سکھایائے
 کیہ ساہ دسنا اے زندگی دا کیس ساہاں نوں گن کے پایائے
 تیرے مایاں دی ایہہ مراد پوری ہوون والٹری اے اللہ چاہیائے
 تینوں لوڑ کیہ بچیا مسافری دی توں سفر نہ کدی آزمایائے
 رنج رنج کھاہ ورتا سراج پیا تہنیوں رب نے رنج عطایائے

باپ اگے عزت بیگ دیاں عرضاں

عزت بیگ اٹھ باپ دے قدم چمے میرا توں ایں دین ایمان قبلہ
 صرف شوق مینوں دلی سیر دے نہیں ایسوچہ کوئی نقصان قبلہ
 چاہیا رب نے جھب ہی پرت اوساں بہناں نہیں کوئی گھت مکان قبلہ
 کیہ مقدور جے کراں کلام وافر رعب ادب تھیں بند زبان قبلہ
 چند ماہ رہ کے چند ماہ تیرا قدم بوس ہوئی تیرا آن قبلہ
 دیہواذن دُعا سراج تائیں جاوے دیکھ آوے ہندوستان قبلہ

علی بیگ

منہ سر جم کے آکھدا فیر بابل بچیا اتنی ضد اصرار نہ کر
 ویکھ عمر ضعیف نحیف میری ایہ تکلیف میتھے روادار نہ کر
 لاغر جسم نہیں جھلدا بھارا ایڈا درد و غم دا مینوں شکار نہ کر
 اسلم بیگ نوں کیہ میں آکھساں گامینوں اوس ولوں شرمسار نہ کر
 آکھ لگ کے کسے آوارہ دے میری طبع کمزور بیمار نہ کر
 عزت بیگ جوانی دا واسطائی ماں باپ دے جگر فگار نہ کر
 تیرے نال اُمید ہے زندگی دی خانہ دل ساڈا مسمار نہ کر
 حاوی ہو سراج جذبات اُتے ایڈا طبع نوں سر اسوار نہ کر

عزت بیگ دی ماں

عزت بیگ دی ماں جد گل سنی شوہدی سندیاں سار حیران ہوگئی
 آیا گھرتے بچے نوں نال سینے لالیا گویا ہک جان ہوگئی
 ویکھ باپ ضعیف دے چٹیاں نوں کیڈی جان اوسدی ناتوان ہوگئی
 میں یچی پیغمبر دی ماں وانگوں ہساں جھک کے وانگ کمان ہوگئی
 تیرے بخت اقبال دے نال بچیا گڈی ساڈی ذوافشان ہوگئی
 ملکہ رانی دی ماں شیراز بیگم سن کے گل اوہ بھی پریشان ہوگئی
 عزت بیگ نے سمجھیا مایاں نوں مشکل جا پدائے گل سمجھان ہوگئی
 ہائے لال میرا لمے سفر چلیا میں ماں صدقے قربان ہوگئی
 دانشمند ہو کے میرا لال بچیا کیوں طبع تیری بے دھیان ہوگئی
 بچیا کاروبار سمہال اپنا ایہہ کیہ پردیس دی جان ہوگئی
 توں آئیوں تے الحمد للہ میں وانگ زلیخا جوان ہوگئی
 نظر لگ نہ جائے میں ماں واری اہناں خدشیاں دیوچہ جان ہوگئی
 پردیسی داچت پردیس ہونداے طبع نویں تھیں نویں دھیان ہوگئی
 کسے پاسوں نہ ملے سراج ڈھوئی جے تے رنج مادر مہربان ہوگئی

ماں اگے عرضاں

قدمی جھڑ کھندا مہربان مائے بناں تیری رضا نہ جاوساں میں
عمر خضر شالا میریاں مایاں دی سائے طوبی دے عمر ہنڈاوساں میں
ایہ سفر میرا مائے شوق دائے چاہیاریاں چھیتی پرت اوساں میں
کچھ نہیں رہ گیا جا پداوس میرے ناں گیتے کیہ بناوساں میں
رکھساں یاد اوہر پل پل مایاں نوں ہک گھڑی نہ دلوں بھلاوساں میں
مینوں نال دُعا دے کرو رخصت تاں جا پداے فک جاوساں میں

تیرے قدماں دیوچہ بہشت میری اہناں چھوڑ کتھے چین پاوساں میں
بے اندیش جہان دے فکر اں تھیں سکھ چین جیتی دے پاوساں میں
جے ناں گیا مائے عمر ساری یاراں دوستاں تھیں شراوساں میں
وحشی دل ہو گیا منہ زور میتھوں کوں ایس دی واگ پرتاوساں میں
آ جا رہے نیں قافلے نت اوتھوں لکھ لکھ کے خط پوچاوساں میں
ماں دی دُعا سراج جبریل دا پر خیریں جاوساں تے خیریں آوساں میں

عزت بیگ دی ماں

لگا جاونا نیں لخت جگر میرے سانوں لا کے عمر داروں بچیا
جے تے مر گئی ماں اڈیک کردی منجی گور پوچاوسی کون بچیا
ایہ کیہ خیال آیا میرے لال تینوں ایہ پھونکیا کیوں افسوں بچیا
سفر ستر برابری کہن دانے سفر وچہ کئی مشکلاں ہوں بچیا
آس ٹھڈی پئی دُنی ٹھڈی پئی پئے مین میرے چھم چھم چون بچیا

جہاں ماواں دے پت پر دیس ہوندے کدوں سکھ دی نینداوہ سون بچیا
تیرا باپ وجھاپ درلاپ اندراوہنوں سوڑ نہ دیوسی سون بچیا
کر عقلندی نہ کر عقل مندی چھوڑ دیہہ پر دیس دا بھون بچیا
دلی دور کر عقل شعور جائی ضد چھوڑ ایسی اداگون بچیا
اے چشم و چراغ سراج میرے ہوسی نال نصیباں دے بھون بچیا

عزت بیگ دیاں تسلیاں

کوئی دلی پنجاب نہیں دورا تھوں انجیں لوک اجان ڈران مائے
اگے صوبے پنجاب دیوچہ پہلا بیری پور ہے شہر ملتان مائے
اوتھوں دلی دا سفر دو منزلہ اے والی ملک داستان جہان مائے
پھر لاہور پنجاب دا تخت صوبہ داتا گنج بخش فیض رسان مائے
شاہ چن چراغ پہاڑ پنڈی امام بری ولی کوہستان مائے
دُعا مایاں دی شامل حال ہوسی اللہ پاک رہی نگہبان مائے

سمرقند ہرات قندھار غزنی ایہ تے اپنے تھان مکان مائے
سماندل بار محمد مقیم قبلہ پاک پتن فرید سلطان مائے
ساری ہند ولایت دا دل دلی چند روز اوتھے گزران مائے
کبیر الدین گجرات شاہ دولہ ولی حضرت غوث دا نور نشان مائے
دیندا حاضری آوساں ساریاں دی صحبت ولیاں ایمان دی جان مائے
آمین سراج ایہ سفر منزل آسان چڑھے پروان مائے

ماں ولوں اجازت

ماں چم کلیجے دے نال لایا میریا بچیا مین اُجالیا دے
خیریں جاہ تیرا رب رسول راکھا اساں منتاں من من پالیا دے

رکھیں یاد لالاروندیاں ماییاں نوں توں حجرے غمدے ڈالیاوے
شالا آنجیں خیریں منہ دسیں جویں چلیاں کٹھ وکھالیاوے
مشکل ویلے حضرت غوث پاک تائیں دمدم سوریں میریالا لیاوے
دنگیر دی دھیر سراج جہاں اوہناں موہوں منگیا پالیاوے

اجازت

ماں باپ بچاریاں حد تیکر اوہدے سفر دا پیا انکار کیتا
عزت بیگ مڑ مڑ ہتھ جوڑ کے تے نال منتاں پیا اصرار کیتا
جدوں سمجھیا ایہ سمجھدا ننیں مجبور ہو کے چا تیار کیتا
نورِ نظر بچیا جاہ خیر ہووی اللہ پاک تیرا نگہدار کیتا
عزت بیگ کر آخر سلام سجدہ جلدی آونے دا اقرار کیتا
لکھی ہوئی سراج نہ مڑے کدی بھادیں جاوے جتن ہزار کیتا

مقولہ شاعر

داندہ اپنی کرے جہنوں چمک یار و فیرو سنوں کسے سمجھاوناں کیہ
ترے پئے لیندے ماں باپ شوہدے کوئی سمجھے اوہنوں سمجھاوناں کیہ
کھیتی گھٹ سی قیس دینال عامر گل عام مشہور دہراوناں کیہ
نازک بدن جیسی سسی شاہ زادی تپدے بھٹھ تھلاں وچہ جاوناں کیہ
ترے لین پئے ماں باپ جتنے پتر اوہناں دا دکھ وند اوہناں کیہ
ہو کے بلخ دا چونواں خان زادہ گجرات مہینوال سداوناں کیہ
ہووے عشق دے ہتھ مہار جسدی اوہنوں موڑناں کسے پرتاوناں کیہ
کوئی نقش ٹھیرن بھلا پانیاں تے اتے پتھراں نوں جوکال لاوناں کیہ
مالک تخت ہزارے دا ہو کے تے رانجے جھنگ وچہ مال چکاوناں کیہ
جہاں نال ورتی اوہا جان دے نے بے وسیاں تے تہمتاں لاوناں کیہ
ٹنگی ہوئی گجرات زنبیل جسدی اوس بلخ دا راج کماوناں کیہ
ایہ کھیڈاں سراج سب عشق دیاں عزت بیگ تے دوس نکاوناں کیہ

عشق

کارستانیاں عشق وریام دیاں مغل و سدے نوں کوں پٹیا سو
پنجہ مار کے عشق دے باز تر کھے ہیبت ڈال بلبل نوں چھٹیا سو
نوناہال گلاں کمال مرزا دسدے باغ وچوں مڈھوں پٹیا سو
پچھلی عمر اپنی بڈھیاں ماییاں نوں دھکاوے کے موہندیاں سٹیا سو
خونخوار بلا دا عشق ظالم کیاں لاڑیاں دا خون گھٹیا سو
دھاڑے مار قزاق بے درد ظالم جھگا دیکھ کے تے ساہن لٹیا سو
اچا ساہ نہ دتا سولین مڑ کے ایسا چاہڑ شکنجے وچہ گھٹیا سو
علی بیگ دے ہار دا لال سچا گھٹے رل جاسی جدوں ٹٹیا سو
خونخوار بلا دا عشق ظالم کیاں لاڑیاں دا خون گھٹیا سو
کئی کھوہنیاں گال سراج بیٹھ کیہ مجال بے نیر بھی پھٹیا سو

ایضاً

جابر عشق دا محکمہ حکم حاکم پھرے جگ وچہ جنگ سپاہیاں دا
گھلے اہناں نیں کئی اسیرا گے رہیا انت نہیں توہیاں لاہیاں دا
ڈھکاں بنھ شاہ حسن دے پیش کرناں ایہ کم ہے اہناں تنخواہیاں دا
جہڑے جاوندے پرت نہ آوندے نے زنجیر زلف دیاں پھاہیاں دا

سچ چکھو تے عشق دے نام اُتوں گھول وار چھڈاں تخت شاہیاں دا
ایسے عشق دیاں مہربانیاں تھیں زندہ نام ہے عاشقاں ماہیاں دا
گھراں والیاں گھریں ضرور جاناں کہیا آسرا کوڑیاں ساہیاں دا
لک بنھ سراج تے چل جھپتی کھوٹا پندھ پیا ہو وندائے راہیاں دا

عزت بیگ دیاں سفرتیاں

عزت بیگ نوں مایاں اذن دتا لگے ہون اسباب تیار آ ہے
بے حد مال متاع سوداگری والدے گئے شتراں اُتے بھار آ ہے
نال کئی غلام تے نفر نو کر جھڑے خاندانی نمک خوار آ ہے
زلو نام اک خادم خاص گھر دا اوس تے ہر طرح اعتبار آ ہے
پھر سلام کرن بیٹا باپ رل کے گئے شہنشاہی دربار آ ہے
فرمان شاہی راہ داریاں دا دتے لکھ کے نامہ نگار آ ہے
اسلم سنے پھر آئے دیوان خانے اہل سفر کردے انتظار آ ہے
مائی کھلی محل تے دیکھ رہی سی جیوں جیوں ملدے پئے بلی یار آ ہے
شکل بنی ہوئی سی پھر باپ بیٹا آئے حرم خانے آخر وار آ ہے
کوئی پیش نہ گئی بے چاریاں دی کیتے ترلے پئے ہزار آ ہے

گھوڑے نچر اُٹھ سامان سفر جو جو اہناں درکار آ ہے
خیمے پانلاں دریاں قنات چوباں رکھے محملاں وچہ سنوار آ ہے
کیتی بہت سپرد تاکید اوہناں اوہ مسافری دے واقف کار آ ہے
اوسدے ہتھ مہارسی قافلے دی اوس دے ماتحت خدمت گار آ ہے
شاہ سلیمان دتے شاہ جہان کارن تحفے بے بہا بے شمار آ ہے
عزت بیگ عزیز شریف زادہ دتے پروانے مہراں مار آ ہے
عزت بیگ تائیں مل مل کے تے رجدے نہیں پئے رشتہ دار آ ہے
رہی تاب نہ ہو بے تاب ڈگی پنجوں پئے کردے لگاتار آ ہے
چم چم لایا سینے نال مائی وقتی طور لئے سینے ٹھار آ ہے
سینے لاسراج فرزند مائیں منہ متھا پُمدے وار وار آ ہے

مقولہ

عزت بیگ دے ماں بیورج مل لوار گھڑی وت ہتھ نہ آونی ایس
ایہ رنگاں محلاں نوں چھوڑ چلیائے ایس جھات نہ پرت کے پاؤنی ایس
ایس اپنے قبلہ گجرات اندر گلی گلی وی کھیہ اڈاؤنی ایس
ایس تروڑو گاؤنی قلم ہتھوں عشق پھاوڑی ہتھ پھڑاؤنی ایس
اہنوں عشق کھیلی دے وچ سٹ کے ایہدی ذات صفات گواؤنی ایس
ملکہ رائے فی تینوں کون دے سے تیری خوشی دی گھڑی پراہونی ایس
اوہ ہور کوئی نوں بھلیں چکیں یاد بلخ بخارے دی آونی ایس
جو بن رگی ہوئی ایہدی جوان دیہی سک سک لکڑی ہو جاؤنی ایس
ایس شوہ چنہاں وچہ ڈب مرنائیں کیس ایسدی قبر بناؤنی ایس

وت ایسد امنہ نہ ویکھناں بے جدوں ایس نے کنڈ وکھانی ایس
گجرات چنہاں دی من اُتے کلی لکھاں دی ایس بناؤنی ایس
اپنی ہستی دی دھوڑ اڈاؤنی ایس رُل رُل مٹی سر پاؤنی ایس
کلغی ٹوپی، کلاہ اُتار کے تے سر کوڑے دی ٹوکری چاؤنی ایس
بھن آکڑاں تے خان زادیاں نوں پہچان مہینوال ہو جاؤنی ایس
اوہ ہور کوئی شمع جمال جس نے ایس پتنگ نے جان جلاؤنی ایس
توبہ درد بھری داستان ایسدی کیس سنئی کہنوں سناؤنی ایس
کوئی جانہ تھاں مکان ہوسی جتھے روندیاں رات لگھاؤنی اے
افسوس سراج پھر لاش ایدی کمھیاں کچھواں مچھواں کھاؤنی اے

ماپیاں داعزت نوں وداع کرناں

ماپیاں چم چم لال نوں وداع کیتا جاہ رب تیرا نگہدار جانی
اللہ نبیؐ تے حضرت غوثؒ تیرے سنگی ساتھی ہر دیار جانی
اسلم بیگ کہیا ہتھ پھیر کے تے عزت بیگ نوں نال پیار جانی
گھر بار دار ہے خیال تینوں چیتا نہیں نہ سانوں وسار جانی
وگی تری تیاریاں کوچ دیاں لئی قافلے چک مہار جانی
دھندو کار سراج غبار اندر گم ہو گئے شاہ سوار جانی

عزت بیگ دادلی پونچناں

راہیاں وطن تائیں خیر باد کہیا رکھ آسرا پروردگار یارو
دانی پانی دی چھک بیتاب کیتا لئی عشق نے پکڑ مہار یارو
شالا عمر دراز مسافراں دی رہے چلدے لیل و نہار یارو
دن رات کر کے پوتے شہر دلی کیتے پینڈیاں مارخوار یارو
پوتے منزلاں کٹ کے جداں دلی ڈیرے لادتے باہر یارو
میر خیاں نے خیمے تیار کیتے دیتاں پائلاں خوب سنوار یارو
میخاں جڑ کے کڑ کے نال تازی دتے لاه اٹھاں اتوں بھار یارو
لیا دم آرام دے نال راتی ہوئے رب دے شکر گزار یارو
ہوئی فجر تے اٹھ کے سار باناں لے اٹھ تمام قطار یارو
عزت بیگ نے بھا پو شاک بدلی کوتل پیش کیتا خدمت گار یارو
زلو نال غلام وزیر لیا کارن سیر ہو گیا تیار یارو
ہوئے شاد تک شہر آباد دلی پھرن لکھدے وچہ بازار یارو
پھرن چھکدے عربی کوتلاں تے پری زادیاں تے ٹولے ہار یارو
کارن مال اسباب خریدنے نوں تاجر آ گئے خریدار یارو
خالی ہو گئے تھان تازیاں دے کردے روک نہ مول ادھار یارو
ہور کئی غلام بے دام ہو گئے اوہدے حسن کیجے گرفتار یارو
عزت بیگ نت محفلاں لا بہند اکر کے شوق دا گرم بازار یارو
کی پرواہ سراج ہے سوہنیاں نوں راضی جہاں تے رب غفار یارو

دلی شہر وچہ مرزا

دلی شہر وچہ کھنڈ گئی گل سارے واہ و احسین جوان مرزا
پھر دا سیر کردا کوئی شاہزادہ عجب جیہا سوہنا افغان مرزا
واقف شہر دے ہو گئے رئیس سارے کرن سد کے گھر مہمان مرزا
نال شوق دے لوک نواب راجے پئے واقف کار بنان مرزا
پھرے سیر کردا نال دوستان دے عزت بیگ مغل سلطان مرزا
دور دور تھیں آوندے لوک ویکھن خوبو خوشنود جوان مرزا
نال دوستان دے پھرے مست کھیوا ماہ روسرو بستان مرزا
آکھن نال پیارے دے یار سارے کرے وطن اپنا ہندوستان مرزا

تازہ محفلاں نت سجا بہند ایش و طرب دے جوڑ سامان مرزا دلی شہر دیوچہ سراج آ کے لاہے دے دے پئے ارمان مرزا

عزت بیگ داشاہ جہان دے دربار جاناں

اک دن نال اجازت شہنشاہی شاہ جہان دے گیا دربار مرزا خوب جان داسی آداب شاہی بیسی حاضری دا واقف کار مرزا
پڑھدا تخت اگے خطبہ تیموری نال ادب تمیز سنوار مرزا پھر پیام سلام تے شاہی تحفے دیندا خدمت وچہ گزار مرزا
شاہشاہ ہو یا خورسند سن کے خوش رو تے خوش گفتار مرزا حاضرین سراج سب من گئے دانشمند تے ذی وقار مرزا

دربار وچہ عزت بیگ دی عزت

علم عقل تے شکل دا دھنی مرزا شاہ جہان نے بہت قبول کیتا احترام دے نال بہایو سو اعلیٰ مرتبہ شان حصول کیتا
علم عقل دے نال دربار کولوں عزت بیگ خراج وصول کیتا شاہ جہان نوں بہت پسند آیا پیش اک انعام معقول کیتا
مہربان ہو کے عزت بیگ اُتے شاہ جہان احسان نوں طول کیتا خلعت فاخرہ ہووے انعام شاہی نالے کل معاف حصول کیتا
کھان پین اٹھن بہن نال مرزا خاصے دوستاں وچہ قبول کیتا جدھر جاوے مغل نوں نال لیددا شاہ جہان اپنا معمول کیتا
عزت بیگ نے دل پرذوق تائیں خوشیاں لذتاں وچہ مشغول کیتا اُلفت ویکھ سراج دی مغل مرزے کدی دل نوں نالوں کیتا

دلی شہر

رغبت نال دلی دلی شہر اندرون جوان تاجر بے وسواس پھر دے کدی لا پوشاک بخاریاں دی کدی ہند دالا لباس پھر دے
لوکی مغل دے پھر دے شیدائی اوہدے زلف دے دام وچہ پھاس پھر دے صاحب نال مصاحبان وانگ خادم مگر خان دے دس پچاس پھر دے
پھرن لٹکدے چھیل پٹھان نڈھے کر دے دل دی سرد پیاس پھر دے باغ حسن وچوں گل گل اتوں بلبل وانگوں لبیدے باس پھر دے
بکوہان مغل نو جوان گھبر و دلوں بھل پردیس دا واس پھر دے وانگ راجیاں نازیاں کوتلاں نیں ت سیر کر دے آس پاس پھر دے
طرحدار طرار امیر زادے دلاں و سدیاں نوں کر دے ناس پھر دے چھ ماہ سراج گزار دلی آخر وطن ول ہو اُداس پھر دے

دلی تھیں واپسی لاہور ول

عزت بیگ نوں وطن دی یاد آئی رخصت وچ منگی شاہ جہان کولوں اعلیٰ حضرت کرو عطا رخصت ہن جی بھریاے ہندوستان کولوں
شاہا تیریاں بندہ نوازیں دا شکر ادا نہیں ہوندا زبان کولوں میں غلام مدام بے دام تیرا تیرے لطف و کرم احسان کولوں
کیتے جو سلطان نے دان میتھے کراں شکریہ کہڑی لسان کولوں شالا روز افزون اقبال شاہی سدا خیر گردش آسمان کولوں
سدا خلف الرشید فرزند تیرے شادمان تیرے سائبان کولوں مقہور مردود اعدا تیرے غم دور شاہی خاندان کولوں

سدا بخت اقبال سکندری جی وافر ظل تیرا شاہان کولوں
 شاہشاہ تعریف توصیف تیری بلند مرتبہ میرے بیان کولوں
 تیرا تخت طاؤس عروس وانگوں رہے سجیا تہہ سلطان کولوں
 شاہا دل نہیں من دا پیا میرا ہوواں دور تہہ فیض رسان کولوں
 عرصہ ڈھیر وہایا گھروں آیاں غلطی رج ہوگئی نادان کولوں
 راضی ہو کے دیہودعا حضرت معافی ونج منگاں والدان کولوں
 شاہ جہان جد رخصت دا نام سنیاں ہس آکھیا خلق احسان کولوں
 فی امان اللہ ہور میں کیہ آکھاں شالا خیر سدا رحمان کولوں
 شاہ جہان مغل مہمان تائیں کیتا شاد انعام سامان کولوں
 اک دست انداز بندوق دتی جائے چوک نہ کدی نشان کولوں
 دوست یار جدوں واقف کار ہوئے عزت بیگ دے سفر اعلان کولوں
 عزت بیگ ستھری کیتی جاوناں کھٹیا کیہ پیار ودھان کولوں
 قصہ مختصر مغل نے لئی رخصت مل مل کے دوستان کولوں
 اپنے دلوں تے ہو گیا وداع مرزا تحفے لے کے شاہ جہان کولوں

قائم دائم تیرا بخت و بخت شاہی محفوظ گردش دوران کولوں
 شالا سارے جہان وچہ شہنشاہی عدل انصاف جاری ہر آن کولوں
 تیرے قلعے ہشدرہات دا کوٹ شالا ہوئے وانہیں دشمنان کولوں
 اپر وطن وچہ میرے ضعیف ماپے ہون تنگ میرے وچھڑ جان کولوں
 اوس دن بھی بہت اصرار کر کے رخصت لئی مادر مہربان کولوں
 گھراں والیاں انت نوں گھریں جاناں لئو سلام آخر کاروان کولوں
 دل نہیں رجا اے عزیز میرا تہہ جیہے عزیز مہمان کولوں
 آویں پیا کدی کدی وقت فرصت کوئی فرق نہیں تیری جان کولوں
 ہاتھی گھوڑے توڑے اشرفیاں دے کوئی انت نہ چھوڑ یادان کولوں
 دتے مٹ شراب دوا تشے دے ہادے جھلیا جائے نہ گھٹاجان کولوں
 چھہ مار ملدے وارو وار سارے زخمی دل فراق دے بان کولوں
 کہیا کوڑ پیار پر دیسیاں دا بھل گئے ہاں مہموں لگان کولوں
 آملان گے نال نصیب سجنوں شالا خیر رہے آسمان کولوں
 اینہیں اوس نوں پتہ سراج آجے اوکھا جان ہوسی ہندوستان کولوں

عزت بیگ دالا ہور پونچناں

رخصت ہو کے سنگیاں دوستان تھیں قافلے طرف لاہور چلان کیتا
 سندر گھوڑیاں پکڑا سوار ہوئے وگی تری تے کوچ کروان کیتا
 گزری خیر دی رات تے صبح نوری خورشید دا نور عیان کیتا
 عزت بیگ اپنے زُلو اپچی نوں صوبیدار دے ول روان کیتا

دتا کوچ دا حکم غلام زلو تیار سب سفر سامان کیتا
 پینڈے کٹ کے منزلاں لمیاں دے آ شہر لاہور مکان کیتا
 دھندے اپنے اپنے جگ لگا جیوں جیوں کسے دار زرق رحمان کیتا
 صوبیدار نوں خبر سراج ہوئی عزت بیگ نوں اوس مہمان کیتا

لاہور دا صوبیدار

مرزا ونج ملیا صوبیدار تائیں استقبال کارن آویں
 رُعب ویکھ مغل نوجوان والا سایہ کل دربار تے چھایوین
 دتا مغل نے حکم خزانچی نوں تحفے بلخ دے پیش ٹکایوین

کیتی بہت تعظیم تکریم اوسدی اُتے تخت دے کول بہاویوین
 دے حکم نامے شاہ جہان والے جیوں جیوں منصب اوس تھیں پائیوین
 دتے مغل نوں بھی صوبیدار تحفے کجھ چک لے کجھ پرتاویوین

فیر شوق لاہور دی میر کارن گھوڑے شوخ طرار منگایو نیں
 ڈٹھا پھر کے لاہور دا طور بانکا دلی شہر نوں دلوں بھلایو نیں
 کدی کابلی لا لباس پھر دے کدی ہند لباس لگایو نیں
 ہو گئی واقعی شہر دیوچہ کتنی رج رج لاہور ہنڈایو نیں
 صوبیدار بھی مغل دے نال چڑھیا دلی واس لباس لگایو نیں
 آکھن شہر لاہور فردوس ثانی خطہ خلد بریں ٹھیرایو نیں
 پھرن سیر کردے نوجوان مغل دام زلف وچہ جگ پھسایو نیں
 اوڑک ہو اُداس سراج اوتھوں چت اپنے وطن ول چایو نیں

لاہور تھیں روانگی

عزت بیگ نوں وچہ لاہور سے یاد مایاں دا انتظار آیا
 صوبیدار نے آکھیا واہ یارا ابے کل توں ایس دیار آیا
 عزت بیگ نے آکھیا کیہ دساں میرا چت اج ہو بیزار آیا
 پیاسا سال ہوندائے گھروں نکلے نوں کر مایاں نوں بے قرار آیا
 ہوساں رب رسول دے پیش مجرم جے تے اوہناں داتق و سارا آیا
 آون دیوندے نہیں سن مول مینوں دے اوہناں تائیں اعتبار آیا
 رخصت لے مرزا صوبیدار کولوں ڈیرے اپنے تیز رفتار آیا
 زلو کر اسباب تیار چھیتی مینوں وطن دا بہت پیار آیا
 حضرت عشق بھی مغل دے نال بیسی جیوں جاپا سونیڑے دار آیا
 کیڈی ایس نوں وطن دی یاد آئی کیڈا مایاں دا غم خوار آیا
 توبہ عشق مریدا شیر بھکھا کھاندا ایہو جیہے کئی شکار آیا
 صوبیدار تائیں ہس کہن لگا میں اج وطن ول ہو تیار آیا
 ساتھوں اتنی طبع بیزار ہو گئی اگے اتنا وقت گزار آیا
 میری طبع رج گئی اہناں شہراں تھیں مینوں یاد اپنا گھر بار آیا
 ہوئی اوہناں نوں ہن اڈیک میری کیوں نہیں ابے برخوردار آیا
 لینی اوہناں دی خبر ضرور جلدی چھیتی آوساں کر اقرار آیا
 کر معاف تے دوستار ہو راضی میں ہن سیردا شوق و سارا آیا
 آقا آوندا ویکھ کے نال ادب حاضر ہو زلو خدمت گار آیا
 میری طبع نوں نہیں آرام اج کل میرا دل ڈاڈا بے قرار آیا
 پیسا ہووندا اوہدا مقصود حاصل آکھے تھہ ایہ عجب شکار آیا
 اہنوں بھہ گجرات وچ رکھنائیں ایسے واسطے ایہ پینڈے مار آیا
 کھاوے ترس نہ عشق سراج ہرگز اگے کئی ایہ پور نگھار آیا

مرزے دا گجرات پونچناں

پھر پھر کے ہند پنجاب اندر شوق وطن دی کھچ مہار آئے
 رخصت لئی لاہور دے دوستاں تھیں سامان سفر سب ہو تیار آئے
 لے شہر لاہور دے گھن اوہناں جو جو تحفے درکار آئے
 واپس ٹور کے چھوڑ کے دوستاں نوں صاحب سفر لنگھراویوں پار آئے
 جے قدم چناب دے آب اوسدے مہینوال میرے نامدار آئے
 اگوں نظر پئی گجرات اوہناں دوروں نظر محل مینار آئے
 عزت بیگ نوں گھر دی تاہنگ جاپے اوہنوں یاد ماپے بزرگوار آئے
 خیمے پٹ کے سٹ کچاویاں تے تازی کوتلاں کر سنگار آئے
 رخصت کرن کارن عزت بیگ تائیں صوبیدار سنے کئی یار آئے
 سورج وقت غروب تے جاپو ہتا پتن لنگھ چنہاں تھیں پار آئے
 ڈٹھی اپنی کرب و بلا مرزے ایویں دیدڑے ہو سرشار آئے
 ڈیرہ آن سراں دیوچہ کیتا پینڈے منزلاں لمیاں مار آئے

گزری رات ہوئی پر بھات بیلی کارن سیر دے وچہ بازار آئے
 خوب آب و ہوا مرغوب طبع لکھی چوگ اندر گرفتار آئے
 پھاتھا جال دیوچہ ہما ڈٹھا حضرت عشق سجا ہتھیار آئے
 دتے ڈال پریم دے لال ڈورے کسے طور ایہ ہتھ شکار آئے
 ہائے ہائے دہائی دہائی تو بہ تڑپی قلم کہڑے جذبات دیوچہ
 اللہ جانے ایہ کیہا پیکیاے شور میرے دل دی کائنات دیوچہ
 ویکھ شہر گجرات دی ڈول بانگی دونویں پچھلے شہر وسار آئے
 چند روز اتھھے گزراں کرئیے آپس وچہ ایہ ہوا قرار آئے
 ہن جان نہیں دیوناں مغل ایٹھوں تاہیوں کرایسوں گرفتار آئے
 بے رحم سراج اس عشق کولوں لکھاں گھر برباد خوار آئے
 پرسوز کوئی الم ناک منظر پیش نظر ہے اج دی رات دیوچہ
 آندا عشق نے نبھ سراج مرزا ہتھ پیر بنھ کے گجرات دیوچہ

ساقیا

اج میریاں ویکھ بے چینیاں نوں میریا ساقیا درد وندوایا او
 آفرین عشقا ہمتاں تیریاں نوں نت سحرے گل کھلایا او
 تے رُوح نوں دیہہ بھر پور کر کے اک نشے داجام ورتاویا او
 مگے رُوحی امداد سراج تیری جاوے راگ دراگ دا گایا او

مرزے دے گجرات ڈیرے تے وطن ول خط

عزت بیگ گجرات دیوچہ بیٹھانت بحریاں محفلاں لاوندائے
 یار آکھ رہے بار بار اوسنوں زُلو پیا ہزار سمجھاوندائے
 جھڑے کم آہے ہو گئے تم سارے نالے قافلہ پیا گھبراوندائے
 متاں متاں نال ولا رہیا دیکھ حال چل باپ تے ماوندائے
 کہیا تاں غلام نے سنو صاحب جیکرا بے نہ جی جلاوندائے
 آوے صبر کجھ تیریاں ماییاں نوں مینوں اونہاندا ڈراوندائے
 عزت بیگ نوں پسند پسند آئی کاغذ قلم دوات منگاوندائے
 زلو چار اسوار تیار کیئے بڑی نال تاکید سمجھاوندائے
 لیا روک چناب دے آب اوسنوں وطن جان تے جی نہ چاہوندائے
 چل صاحب اپنے وطن چلے عرصہ ڈھیر دہاونداندا جلاوندائے
 اوہ کیہ جان داسی جھڑا کم اصلی اوہ ہن پیا ویلا آوندائے
 منے اک نہ مغل نادان مرزا کم اثر نہ نیر چہاوندائے
 لکھو ماییاں دے ول خیر عرضی بندہ قاصد تیز دوڑاوندائے
 وعدہ سال داسی اوہ گزر گیا زُلو رو رو کے سمجھاوندائے
 کمیٹی حال دی لکھ تیار عرضی فیر ہتھ غلام پھڑاوندائے
 دن رات سراج رواں سفر قاصد وطن دے ول دوڑاوندائے

قاصداں دا وطن پہنچناں تے خط پوچاناں

نوکر گھراں دے او درے ہوئے چلے چکی وطن دی شوق مہار جانی
 ہو گئی وطن پر دیسیاں جان تازہ جدوں ویکھیا بلخ بخار جانی
 ماپے بستر غم تے پئے موہندے دن رات اندر انتظار جانی
 پنج وقت نماز تھیں ہو فارغ سجدے ڈگ روندے زار و زار جانی
 پینڈے کٹ پوتے اپنے وطن خیریں ہوئے رب دے شکر گزار جانی
 ہو کے شاد کمال نہال قاصد علی بیگ دے گئے دربار جانی
 ربا آن خیریں ساڈا لال چھیتی خیریں دلاں دی کھج مہار جانی
 آکھن رب جی کیہ سبب ہو یا کیوں دیر لائی بر خوردار جانی

ہندی نت اڈیک دیوچہ ملکہ بھالاں دیوندی سوسو وار جانی
 نت ڈیگری چڑھ چبارے تے رہے دیکھ دی راہ دکھیار جانی
 روندی رہندی اودرائی ہوئی ماں تیری اونہوں یا دکوئی کم نہ کار جانی
 توبہ قلم بھی لکھ نہ سکدی اے علی بیگ دا حال زار جانی
 کدی کدی دربار وچہ جاو ندا سی ایپر چپ کیتا بے قرار جانی
 پوہتے اچراں ونج دربار قاصد نمک خوار اوسدے وفادار جانی
 علی بیگ چم لایا نال سینے تپدی جان ہوئی ٹھری ٹھار جانی

مرزے علی بیگ ول پتر دا خط

تقریر تحریر تمیز عقلوں جل شان ہے ذاتِ خدا قبلہ
 ہون لاتعداد درود دمد خدمت پاک ختم الانبیاء قبلہ
 حضرت غوثِ اعظم سرکار دئے دمد مینوں آسرا قبلہ
 بے انداز نیاز سلام سجدے میری طرف تھیں صبح و مساقبلہ
 پوہتا امن امان دینال دلی مال و بیچائے نفع پا قبلہ
 تیری نال دُعا دے قدر پایا کجھ روز لنگھے اوس جا قبلہ
 رنج لاہور دی سیر کیتی نالے حاضری کل اولیا قبلہ
 میرے آونے دا انتظار رکھو وچہ اپنی پاک دُعا قبلہ
 میری طرف تھیں لکھ لکھ سلام سجدے اگے پاک دامن میری ماقبلہ
 اسلم بیگ جناب دی وچہ خدمت کراں عرض میں سر جھکا قبلہ
 رشتہ دار جتنے مہربان سارے میرے یار دوست آشنا قبلہ
 اعلیٰ حضرت شاہ سلیمان عالی سدا بخت اقبال سوا قبلہ
 رکھناں یاد اپنے عزت بیگ تائیں دیناں نہیں غلام بھلا قبلہ
 اک دم نہیں بھلایا مایاں نوں دتا جگر جدائی نے تاقبلہ
 ماں باپ دی یاد ہے جان میری بے وطنی دا آسرا قبلہ
 نامعلوم فرزند بے وطن تیرا رہی کتنے تائیں جدا قبلہ

کیتی ایستادہ کائنات اوس نے اک کن دا لفظ فرما قبلہ
 بزرگ وارا صاحب کبار سارے پاک آل اوسدی باصفا قبلہ
 مشکل وقت آلوے گا سار میری مرشد پاک میرا راہ نما قبلہ
 دست بستہ ماں باپ دی وچہ خدمت کردائے عرض بیٹا خاک پا قبلہ
 شہنشاہ کیتی بڑی مہربانی عزت بخشی کوئی بلا قبلہ
 رخصت لے کے پھر لاہور آیا سفر واپسی وطن دا چا قبلہ
 اج کل گجرات وچہ آب و دانہ میرا ایہ سارا ماجرا قبلہ
 رب کشی دن جدائیاں دے سکھ دیوسی دُکھا مٹا قبلہ
 شالا خضر تھیں عمر دراز پاؤ سایہ مایاں ظل خدا قبلہ
 خاک سار ولوں اندر حرم خانے میرے ادب سلام دعا قبلہ
 گھر گھر بخارے دیوچہ سارے میرا دیناں سلام پہنچا قبلہ
 نت تیز نوخیز تے ارجمندی تخت بخت دا سایہ ہما قبلہ
 متاں بھل جاؤ پردیسیاں نوں جلدی چماں گا قدم آ قبلہ
 اج کل تیاری ہے واپسی دی ہوساں شاد زیارتاں پا قبلہ
 اچن چیت جدائیاں پائیاں نیں غلام فلک ہے بری بلا قبلہ
 تیری یاد سراج دی زندگانی کدی خواب وچہ کھ دکھا قبلہ

خط دیاں خوشیاں تے پتر دیاں اڈیکاں

علی بیگ فرزند دا خط پڑھ کے اپنے آپ نوں سجدے دگا دتا
نورِ نظر دی خیر دی خبر دے کے توں بجھدا ڈیوا جگا دتا
سن کے ماں شوہدی جاپئی وچہ سجدے ڈبدی جاوندی نوں بنے لادتا
کول اپنے سدیا قاصداں نوں اوہناں نال انعام رجا دتا
چائیں چائیں سلام پیغام اوسدا گھر گھر دیوچہ پہنچا دتا
چنتا چتہ وجود دی گئی ساری جاتا بچھرا رب ملا دتا
تیرا لکھ لکھ شکر خداوند توں رج کے کرم کما دتا
گیا دوڑدا ہسدا حرم خانے رقعہ پڑھ تمام سنا دتا
پڑھے شکر خدا دے دھن ونڈ دی صدقہ بے حساب ورتا دتا
جوڑے گھوڑے تے توڑے دولتاں دے کرنو کراں نوں غنیا دتا
اسلم بیگ دے سارے پروار سن کے نقد قاصداں بے بہا دتا
رکھی تانگ سراج پھر آونے دی غم فکر اندوہ بھلا دتا

مقولہ شاعر

آ شاعرِ قلم دا موڑ تازی ڈیرہ بلخ بخارے ونج لا بیٹھوں
عزت بیگ گجرات اڈیکدائی کیوں اوسنوں دلوں بھلا بیٹھوں
تیرا فرض سی خط پوچا ونے دا اوس فرض نوں کرا ادا بیٹھوں
اللہ کرے تے توڑ سراج چڑھے بھارا بھار کتاب دا چا بیٹھوں

مقولہ شاعر

یارو شعر دا شغل ہے جگر سوزی شاعر بھن بھن جگر نوں کھاوندے نیں
لوکی رات نوں نال آرام سوندے میٹھی نیند اطف اٹھاوندے نیں
ہتھ جوڑ کے تے گل پاپلہ چوتھے فلک تے کوک پوچاوندے نیں
بحر سخن اندر غوطہ مار کے تے موتی ڈونگھویں ڈھونڈ لیاوندے نیں
اک تخت ہے موتیاں نال جڑیا جتھے بہہ کے عدل کماوندے نیں
نقشہ کھچ لئیدے پیش واقعے دا ایسا کامل تصویر ٹھیراوندے نیں
ہووے پیڑ تے نکلدی ہائے موہوں شعر دکھیاں دے چوٹاں لاوندے نیں
دل سرد دے سخن بیدرد ہوسن اُتے دل نہ نقش جماوندے نیں
دن رات دادل دماغ ساڑا کسے وقت آرام نہ پاوندے نیں
شاعر جاگ وراگ دینال روندے وچہ اکھیاں رات لنگھاوندے نیں
پوندے نال نصیبیاں دے پھل جھولی تاں جگ دیوچہ ورتاوندے نیں
ایویں کوں نہیں آوندے ہتھ موتی پہلوں بازی جان دی لاوندے نیں
جدوں وچہ مراقبہ فکر بہندے شاہاں وانگ دربار سجاوندے نیں
کردار ہو کے حاضر وچہ خدمت اپنی اپنی بتی سناوندے نیں
کیہ شعر دی سارے پیڑیاں نوں رسیاں نال جو قلم اٹھاوندے نیں
اوہ کرن نہ کرن سراج بھاریں جہڑے شعر بے اثر بناوندے نیں

ساقیا

آج ساقیا نشہ پلا ایسا ہوواں مست میں جام شراب لے کے
آئی چتر رُت بہار رنگی وچہ طبع دے جوشِ شباب لے کے
جھوم جھوم بھراں دریا راتے مجرا فجر دا چنگ ورباب لے کے
گیا گزر خزاں دا دور دورہ اپنا چمن تھیں عمل خراب لے کے

کردی باغ تھیں مجرے صبا نکلی اپنے دامن وچہ بوئے گلاب لے کے
تختہ چمن تے ناز انداز بھری اٹھی شاخ چنبیلی دی داب لے کے
نازمین گلاب اوہ مہک اٹھیا شاخاں پتیاں کل اسباب لے کے
ہری دُوب کیا خوب مرغوب طبع آوے اٹھدی اثر تراب لے کے
کلی طبع دی وانگ گلاب کھڑگئی کیف زاہو گئی مئے ناب لے کے
جلوہ گر ہے اج قانون فطرت کائنات اندر نواں باب لے کے
ہو کے منتظر کسے داجاگ پیاز گس نیناں وچہ مستی والا خواب لے کے
آمد دیکھ گلاب دی آگئی بلبل اپنا دل بے تاب لے کے
ہرے بھرے ہو گئے سبز پوش نخل پئے جھومدے روح شباب لے کے
چتر چودھویں اج سراج بیٹھا پھر قلم دوات کتاب لے کے

گجرات وچہ عزت بیگ دے اگے تلے کمہار داذ کر

کر کے حسن دا گرم بازار مرزا ڈیرے لا بیٹھا گجرات ہے جی
واقف کار گجرات دے لوک ہو گئے کنیاں نال ہو گئی ملاقات ہے جی
عزت بیگ دے راتی مست چھیلا یار سد لیا ون کلاوات ہے جی
اہناں شادیاں وچہ مشغول مرزا حضرت عشق نے پائی جھات ہے جی
دیکھو ہنس ایہ مغل نادان منڈا کوں عشق دے چڑھدا گھات ہے جی
اک روز مرزے عزت بیگ تائیں کوئی یار سنا وندا بات ہے جی
بھانڈے ہر قسم کرے تیار ایسے نال عقل سلیم دی ذات ہے جی
تحفہ وطن دیول لے جان والا برتن بے نظیر سوغات ہے جی
تلہ اپنے کسب کمال کچھے مشہور ہر شہر دیہات ہے جی
پیوے بیلیاں نال پریم پیا لے خوش خوش اوہدی اوقات ہے جی
نت سحریاں محفلاں لا بہند دن عید تے رات شبرات ہے جی
جلسے عیش و نشاط دے گرم رہندے دھن ویڈا وانگ برسات ہے جی
ایسے وقت نوں پیا اڈ یکداسی ویکھاں کدو پھر دی کرامات ہے جی
کرسی یاد پیا اہناں و بیلیاں نوں دکھی ہو گئی ساری حیات ہے جی
کاری گراک ہے کمال اتھے تلہ نام کمہار دی ذات ہے جی
اوہدے نقش و نگار نوں ویکھ کے تے اثر نگ مانی ہوندے مات ہے جی
جبکہ دیکھنے تے جی چاہوند اے منگوا دیکھو کھڑی بات ہے جی
سنی جدوں سراج تعریف مرزے زُلو سد یا نیک صفات ہے جی

تلے دی دُکان تے زُلو داجا ناں تے سوہنی دا ویکھناں

ہیسی عشق چروکناں نال مرزے پھر داجا اپنا نت سام بھائی
لایا سوچ تلوار دا وار ایسا پاسی مغل نہ کدی آرام بھائی
زُلو اک کمہار اُستاد اتھے کاری گر آکھن تلہ نام بھائی
زُلو سن کے حکم بازار اندر گیا پچھدا اوہدا مقام بھائی
کھلا ہو غلام اک طرف او تھوں اچراں بھیڑ ہو لوے تمام بھائی
سرتے لال دُوپٹہ شال مخمل شرم کھاندی سی شفق شام بھائی
جدوں بھیڑ دُکان تھیں نرم ہوئی زُلو گیا اندر جگر مقام بھائی
ایسے وقت نوں پیا اڈ یکداسی آپے ہو گیا انتظام بھائی
جاری رہے گا زخم ناسور اوسدا لاعلاج بیمار مدام بھائی
جاؤں تھیں خرید لیا بھانڈے دسن اوہدا بے مثل ہے کام بھائی
پوہتا تلے دے وَنچ مکان اُتے خریدار کھلے خاص و عام بھائی
پنی نظر اچانک طرف سوہنی ناز نال بیٹھی زیر بام بھائی
سرتا پاشاب دے رنگ رگی حور جنتاں دی گل فام بھائی
تلے کمہار دے کول سراج جا کے کردا وَنچ غلام سلام بھائی

زُلو غلام دا واپس آ کے مغل آگے سوہنی دا ذکر کرناں

کھیا ونج غلام نے تلے تائیں مینوں بادیئے چند دکھا یارا
 زلو دیکھ کاری گری دنگ رہیا عجب ایسے ہتھ صفا یارا
 کھڑا لوے کھڑا واپس موڑ دیوے دین اک تھیں اک سوا یارا
 مرزا بادیے دیکھ کے شاد ہو یا آکھے ایہ تحفہ بے بہا یارا
 کدی بادیے پکڑ کے دیکھ اسی کدی کوزے پرتا پرتا یارا
 ویکھو ہن مرزے عزت بیگ اُتے لگا عشق شکاری دا دا یارا
 عزت بیگ غریب نوں دن والی دتی گل غلام سنا یارا
 اول عمر شباب دی نوں آمد گویا مرد آزاد رعنا یارا
 زاہد دیکھن تے زہدیاں روہڑ دیوں سٹن تسبیاں ہوش بھلا یارا
 کراں کیہ تعریف بیان اوس دی اوہ سوہنیاں وچہ پکتا یارا
 اوسدا نام سوہنی گل اندام سوہنی سوہنی اوسدی ہر ادا یارا
 سندے سار کلام غلام کولوں ہوندا گیا مغل مبتلا یارا
 خیریں ہسدے کھیڈ دے مغل تائیں دتی چھری غلام وگا یارا
 پیچ و تاب کھاوے کہ کدوں رات جاوے مینوں صبر آوے ویکھاں جا یارا
 آخر تڑپدے مغل دی رات بیتی کھنڈی فجر دی نور ضیا یارا
 فارغ ہو کے زلونوں کہن لگا مینوں چل محبوب دکھا یارا

مقولہ شاعر

نور پیر ویلے عزت بیگ مرزا نور حق دا پان جمال چلیا
 ہوڑے کون انج پنہ موت اندر علی بیگ غریب دا لال چلیا
 ہائے ہائے ایاناں بک جھلا پھاسن وچہ شکاری دے جال چلیا
 پیا جا پداے عزت بیگ لوکوں ایہ بنن بھاویں مہینوال چلیا

جان بچھ کے تے برقی طور کولوں موسیٰ وانگ ہوون پامال چلیا
 ستے عشق دے شیرنوں دے چوکاں کیوں ہون نادان ہلال چلیا
 کھریاں رگڑ سی نہ رہا ہوسی اہجے وچہ لوڈاں مغل بال چلیا
 ہوئی کشش سراج پتنگ تائیں کوئی آپ تے نہیں کنگال چلیا

مرزے داتلے دے گھر جاناں تے پہلی وار سوہنی نوں ویکھناں

غیبی شوق نے صبر دے رخت جالے مغل چلیا شوق دیدار جانی
جس بھارتھیں لئی پناہ ملاں مغل اوہ چکن لگا بھار جانی
عزت بیگ دیدار دے شوق اندر پوہتے ہٹ اتے دونوں یار جانی
انہاں رسم سلام ادا کیتی اوس جھلیا نال پیار جانی
فرصت تلے نوں نہیں سی اٹھنے دی چھڈ جان والی ناہی کار جانی
عشق پٹ اٹھایا سکھی ستا ذرا اٹھ ہن ہشیار جانی
چلیا جج تے ہوس قبول شالا اوہدی حاضری حسن دربار جانی
ویکھن کیہ بیٹھا ہو یا چک اُتے رُڈھا کم دیوچہ کمہار جانی
فیر کہیا اُستاد جی اجنبی ہاں اسی بھانڈیاں دے خریدار جانی
سدے مار آواز سراج سوہنی باہر آ آئے خریدار جانی

سوہنی ہتھوں بھانڈے خریدنے

اندر بیٹھی ہوئی سی ماں کول سوہنی اوس سنیاں باپ بلا وندائے
فتنہ محشر اک اک قدم اوسدا جا پے پیا انبر تھر تھر اوندائے
مغل پہلی ہی جھال نہ جھل سکیا ڈول گیا قدم لڑکھڑا وندائے
سوہنی جان گئی کدو اجان آ ہی صاعقہ ہوش حواس بھلا وندائے
اوس بادیئے لیا کے دھرے اگے چک لوجہڑا من بھا وندائے
کرے پیا وٹا سٹا مرزا جا پے کوئی پسند نہ آ وندائے
سوہنی جھڑک کے آکھیا جاہ جیویں جے تے کوئی پسند نہ آ وندائے
ساڈا گٹھ مشہور پنجاب سارے معروف ایہ تلے دے نا وندائے
مرزے چک لے بادیئے جھڑک کھا کے دوقن ہتھ غلام پھڑا وندائے
قصہ مختصر ہار کے دین دنیا مندے حال مرزا ڈیرے آ وندائے
اندروں نکلی نال ادا جویں چن بدلاں تھیں باہر آ وندائے
الہڑ مست جوانی دا طور اپنا نیم غمزہ نہ سانھیا جا وندائے
نوکر سمجھیا ایہ بس گیا ہتھوں جلدی نال سنبھال بہا وندائے
ایپر اوسنوں کیہ پرواہ آ ہی حسن بے نیاز کہا وندائے
ایدھر بادیاں دی کہنوں ہوش آ ہی زُلو انجیں پیا ملر اوندائے
اک چک دا اک پرتا وندائے پیا دید دا وقت ودھاندا وندائے
بھرے پئے بازار ہٹ بھانڈیاں دے ویکھو جہڑا من بھا وندائے
وت گاہک نہیں گیا ہو رکتے جہڑا ہک واری ایتھے آ وندائے
منگی قیمت دے کے سوہنی نوں اپنا دل بھی پیش ٹکا وندائے
ہن اگلی لکھ سراج جویں دھوڑاں اوسدیاں عشق اڈا وندائے

مرزے دا بے حال ہو کے ڈیرے اوناں تے بے قراری

جلوہ طور تھیں کھا کے غش مرزا حال ڈیرے بے قرار آیا
درس مجاز دا پہلا ہی سبق پڑھیاں پچھلا پڑھیا کل و سار آیا
اگے لکھاں کرنگ اس گلی زُل گئے مرزا جس ویہڑے پہلی وار آیا
سو سو مبارکاں عشق تینوں تیرے ہتھ ایہہ بڑا شکار آیا
توبہ عشق زور آور دے کار نامے لکھاں و سدے گھر اُجاڑ آیا
پہلی دید دے نال ہی علم عقل ہوش صبر سب کرن نثار آیا
شاہ زادگی تے خانزادگی دی سٹ دستار او تھے کلغی دار آیا
اونہاں پرت نہیں تکیا اج تیکر جہڑا ویکھ ایہ قہقہہ دیوار آیا
کھیڈ نویں پھر پئی پنجاب اندر بڑا تیز رفتار کھڈکار آیا
پے گئی دُہائی دُہائی جگ وچہ ڈاکو انج دا مارو مار آیا

نازک بدناں دا ویری عشق ظالم نہیں ایسوں ترس زہار آیا
سگ گئے جنگلاں وچہ نکھر گئے تھلیں نہیں زندگی بھر قرار آیا
چھوڑ شاہیاں رُل گئے کوہ قافیں پیش جہنما ندے عشق خونخوار آیا
عزت بیگ نوں بلخ نہیں یاد رہناں جویں رووندا چھڈ پروار آیا
گھروں نکلیا دیس بدیس پھر دا پنجاب اندر آ خرکار آیا
پھڑ پھڑ فرزانے کیتے دیوانے ایسا چاہڑ کوئی نشہ خمار آیا
ڈٹھے دیگاں وچہ ہوندے سوڑ عاشق سڑے انج نہیں دھوں بھی باہر آیا
بڑے بڑے بھرماں شرماں والیاں نوں کر نشتر ایہ بھرے بازار آیا
مرکھپ جاسن غریب ضعیف ماپے پچھلی اونہاندی کر خوار آیا
شمالا منزل مقصود سراج حاصل شو ہدا بڑے لمے پینڈے مار آیا

مقولہ شاعر

اوس پنچھی دا بچنا بہت مشکل جھڑا باز دی وچہ لپیٹ آیا
ایہ من دا نہیں اٹوئیاں نوں جس جن دی وچہ جھلیٹ آیا
گیا ہسدا رووندا مغل ولیا بنھ بکیاں جھل کے ہیٹ آیا
لاڈ مغل دے یاد سراج کر کے ڈاڈا دل دے وچہ ولیٹ آیا

مرزے دی بے قراری

مغل پا کے اپنی تقدیر جھولی ڈیرے آڈ گا برے حال یارا
ڈاٹن ہجر دی کالجہ کھا گئی پئی رڑکدی جھڑکدی بھال یارا
امن چین آرام حرام ہو یا اوہدی خواب ہو گئی خیال یارا
مرض ہور تے ہور دوائی لکھی جگر کا ہڑیا کا ہڑیاں نال یارا
ہوناں کیہی فائدہ دارو آں داد تے لکھ شربت گھول گھال یارا
آخر دے دوا دانا ٹر گئے بیٹھے نوکر ہو ملال یارا
مرزے دکھریاں زلونوں کھول دیا مینوں ایہہ شربت نہ پیال یارا
کہیا ہس کے زلو نے خیر ہووی اتنا ہو نہ زود خیال یارا
کل صبح بہانے بھانڈیاں دے چلیں چل کچھ عقل دی چال یارا
آئی قہر دی رین نہ چین مرزے سارا جگ ستا خوشحال یارا
مچھی وانگ بے آب بے تاب کھلم تڑپے پیاسیماب مثال یارا
ایسے حال اندر اوہدی رات گزری کھنڈیا جگ تے نور جلال یارا
چپ چاپ اُبھے ساہ بسترے تے گئی بھل اوسنوں قیل و قال یارا
وچہ پلک دے جھلک دکھا کے تے کیتا عشق بیدرد حلال یارا
جاتا نوکراں آب و ہوا بدلی آندا دوڑ طپیاں نوں بھال یارا
اصلی روگ وجوگ نہ جاوے نیں ایویں گئے اوسدا اندر گال یارا
باہجہ وصل دے عشق دی مرض ہتھوں جاوے پکڑ دی زور کمال یارا
پچے دیہن تسلیاں مغل تائیں رکھن دل دلاسیاں نال یارا
میرے روگ دا صرف دیدار دارو مینوں چل محبوب دکھال یارا
گزرے چین دی رین جناب ولوں صبر کر گل کل تے ڈال یارا
سارے شہر تیری عزت آبرو اے اٹھن بہن شریفاں دینال یارا
بستر مار دا مار دے ڈنگ پیاساعت سمجھدی سال مثال یارا
جتھے عشق آوے او تھے نیند کھی دیوے نیند نوں عشق نکال یارا
ہوئی فجر تے اٹھ سراج ٹریا مرزا یار دا پان جمال یارا

ایضاً

عزت بیگ تڑپیاں رات کئی جیوں سپند مظر آتش دان اوتے
ساری عمر دے ناز قربان ہو گئے اک پہلی شب ہجران اوتے

نجر ہوئی غلاموں نال لے کے پوہتا تلے دی ونج دکان اوتے
صبح وقت نکلی گھروں باہر سوہنی آفتاب جویں آسمان اُتے
سوہنی بے پرواہ کیہ پیتہ اوسنوں کی بنی ہوئی کسے دی جان اُتے
جالینوس لقمان بوعلی سینا ہوئے جتنے طبیب جہان اُتے

دل بے اختیار بے تاب ہو یا سجدہ ریز سنگ آستان اُتے
لکھ ویہندیاں دکھ رواں ہو گئے مینہ وس پیا سکے دھان اُتے
اوہ جاندی سی گا ہک صبح شامی اوہندے رندے نیں ساڈی دکان اُتے
دید یار سراج دوائے عاشق لکھ گئے نیں اپنے دیوان اُتے

ایضاً

زلو کہیا اُستاد جی دیہو بھانڈے تلہ اندروں کڈھ لیا وندا جی
سوہنی سامنے آنگن دیوچہ کھلی جو بن جوت نہ سامھیا جا وندا جی
زلو موقع سمجھ کے جان بھجھ کے کوئی رکھدا کوئی پرتا وندا جی
مرزا تشنہ جمال نہال ہو کے خوشحال ڈیرے اپنے آ وندا جی
صرف یار دے اک دیدار کارن پیا مال تے دھن لٹا وندا جی
ہووے جدوں سویر نہ دیر لاوے در یار دے سیس نوا وندا جی
اگلے چا کے رکھدا چا اندر پھر ہووے خرید لیا وندا جی

خاص الخاص ہی سمجھ کے گا ہک اوہناں خاص الخاص ہی پیش نکا وندا جی
جان بلب مرزے عزت بیگ تائیں پیا آب حیات پلا وندا جی
آخر خان چند پسند کیتے مگے دام جھولی وچہ پا وندا جی
نت آون دی پکڑلی چال مرزے جاندا ہووے خرید لیا وندا جی
عزت بیگ دے وچہ مکان یارو بھانڈا گھاڑ نہ کیتے میا وندا جی
بس ایہو دن رات خیال اوسنوں چیتا وطن دا بھلیا جا وندا جی
بے پرواہ سراج ایہ عشق مادھو جتنے جاندا رنگ مچا وندا جی

مرزے داروز تلے دے کولوں بھانڈے خریدن داکم تے نوکراں دانس جاناں

مغل جا وندا دید دا ہو پیا سا دل تے ناہ رہیا اختیار اوسنوں
نال مال دے تلے دا گھر بھریا چھوڑی دھن دی ناں اپار اوسنوں
کرداتلہ بھی اوسدی دلوں عزت پکا سمجھ کے تے خریدار اوسنوں
بڈھا وانگ یعقوب دے باپ تیرا ہوسی نت تیرا انتظار اوسنوں
رو رو کے ولا سمجھا رہے وفادار خادم نمک خوار اوسنوں
جدوں کرے اصرار بسیار زلو مغل جھڑک کہندا خبردار اوسنوں
قصہ مختصر مغل دا شغل ایہو بھلیا جا وندا وطن گھر بار اوسنوں
جاندا در دلدار تے بے ناغہ جا پے سال مثال دهنوار اوسنوں
بھل گیا کھاناں پیوناں نہا وناں جی نہ رہی تن بدن دی سارا وسنوں
بھلا کدوں تک فوج دا اوج قائم کچھ نہ جے سپہ سالار اوسنوں

ایسے شغل اندر ہمہ تن شاغل ہووے بھل گئے کاروبار اوسنوں
بھر بھر کے تھیلیاں زردیاں دیندار ہے بن کے خریدار اوسنوں
جھلا بن نہ ہوش سنبھال لالا شوہدا کر تھکا اصرار اوسنوں
ہوسی وانگ وراگناں ماں تیری ہوسی پل نہ چین قرار اوسنوں
رکھے اک نہ چیت نادان مرزا ایسی جوش جنون اُلا ر اوسنوں
زُلو لے پلوڈھا ہیں مارو وندا ویکھ ویکھ کے تے بیقرار اوسنوں
اوہنوں اپنا آپ ناہ یاد کوں اوندے یاد ما پے غم خوار اوسنوں
دھمدی روندیاں رین بے چین اوہدی ہنوں لین نہ دیوندے دار اوسنوں
اکو گرم اڈ یک جے کدوں دھمیں رات جاپدی دوزخاں ہارا وسنوں
ڈٹھی نوکراں جدوں انج دھن رڑھدا سمجھ گئے کوئی نہیں سارا وسنوں

لوٹی نوکراں بھی دھری ہر پاسے جان گئے بالکل بیکار اوسنوں اوہدے ہوش حواس نہ جانی آہے کویں یار رہندے خدمت گار اوسنوں
پھڑ پھڑ پیر سمجھا ولا تھکا رو رو زلو نمک خوار اوسنوں ہن کیوں رووند اپیائے سراج زلو تھیں آپ کے کر کے گرفتار اوسنوں

مقولہ شاعر

قلم جھل ولینے کڈھیائی زلو خادم اُتے افسوس کہیا وفادار غم خوار لاچار زلو دیناں اوس غریب نوں دوس کہیا
عزت بیگ جیہا نامدار آقا دیندا عشق تاہیں پال پوس کہیا گئی مغل تے ورت سراج لکھی اوہنوں قید کرایا اوس کہیا

ساقی

جھٹ پٹ چامٹ اُلٹ ساقی جی جل گیا میرا پیاس دینال دتی آ میں پیوندا جاوساں گا میرا بنے کیہ ہکی گلاس دینال
جوش عشق آغوش وچ پوش مینوں میرا کیہ بے ہوش حواس دینال لاگ بارودنوں بھڑک اٹھداں چکاں بن کے چن آکاش دینال
اے مشتری فلک المدد اللہ تیرا جوڑ ہے کنجھ دی راس دینال رکھیں خیال سراج مہینوال پاوے شاہی ہٹ تھوڑی جیہی راس دینال

مرزے بھانڈیاں دی ہٹی پائی

عزت بیگ دے وچہ مکان یارو رہیا بھانڈیاں نہ شمار کوئی جدھروں تکیے آوندے نظر بھانڈے خالی رہیا نہ درود یوار کوئی
جتنے اگے شاہی سامان آہے بیش بہا چیزاں زرتار کوئی کجھ بھانڈیاں واسطے وک گئے کجھ بیچ کھائے خدمتگار کوئی
اک روز زلوتاہیں کہن لگا مینوں دیہ صلاح کھاں یار کوئی جبکہ کہیں تے کتے گجرات اندر دیواں کھول دکان بازار کوئی
سن کے گل غلام بھی سمجھ گیا دیسی نواں فتور گزار کوئی لگا کہن بیکار دے رہن نالوں چنگا صاحبہا کرن وپار کوئی
بھانڈے پالیاں خادماں جوڑ دتے مرزے کھولیا ہٹ پسار کوئی کتے پئے سرپوش تے گاگراں جی بنی کوزیاں عجب قطار کوئی
لایا ڈھنگ محبوب دے دیکھنے دا ایہ عشق ہے عجب ہشیار کوئی ہویا وچہ گجرات مشہور مرزا آیا نواں دکان دار کوئی
نت جاوند یار دے ویکھنے نوں خالی جاوندی نہیں دہنوار کوئی بھر بھر بک اوتھے دھن سٹ آوے نفعے نال ناہا سروکار کوئی
مہنگے لے آوے ویتے آن سستے آکھے دیوناں لوے ادھار کوئی چال دیکھ کے مغل دی نوکراں نے جاتا ہن نہیں انہوں سار کوئی
کوئی اٹھ نوں لے کے اٹھ گیا گھوڑے لے کے ہویا فرار کوئی جدھر کسے دا چاہیا جی گیا گیا بلخ تے گیا بخار کوئی
انھاں عقل دارب نے سانجھ وتا بیٹھا سانجھ کے زرو دینار کوئی جیوں جیوں کسے دے تھو وچہ مال آیا بیٹھا چھ مروڑ کے مار کوئی
بناں آہرواں کم نہ کرن کامے ہوندی فوج نہیں بے سردار کوئی ہو گئے یار بے زار فرار اوس تھیں رہیا کول نہ اک بھی یار کوئی
کنڈیں دے گئے عزت بیگ تائیں رہیا کول شوہدے نہ غم خوار کوئی اوکھے وقت سراج ازما یا اے اللہ پاک باہجوں نہیں یار کوئی

مقولہ شاعر

سنگی چھوڑ گئے عزت بیگ تائیں ایہہ دوستی دایار وراہ کوئی ناں
سکھاں وچہ تمام جہان ساتھی اپیر وقت مشکل درد خواہ کوئی ناں
آفرین عشقا عاشق مرد تائیں سنگی چھوڑنے دی پرواہ کوئی ناں
اپنی دھن وچہ مست سراج مرزا اودہے وچہ چیتے گھانا لہ کوئی ناں

مقولہ شاعر

ایہہ عشق چھڈا دندائے ہر پاسوں جدوں اپنے پیچ وچہ بچدائے
عزت بیگ دی عزت نہ رہی بھاویں اپیر یارنوں ملن ایچ دائے
رانجھا چھڈ گھر بار ونج چاک بنیاں بنوں چھوڑ آیا تخت کچدائے
مست المست سراج بازار اندر ہو کے دیوندا تے بھانڈے وچ دائے

مرزے دا بھانڈے وچنے دا ہوکا

مغل بہ کے وچہ دکان اپنی ہو کے دیوے پکار پکار لوکو
وَن وَن دے بھانڈے پئے اتھے جس قسم دے تساں درکار لوکو
نمک دار صراحیاں ڈھیر پٹیاں پانی رکھ دیاں نیں ٹھنڈا ٹھار لوکو
ہور ہٹیاں تے بھانڈے بہت مہنگے اک بادیہ چار دینار لوکو
میریاں بھانڈیاں وچہ ہے خاص خوبی ہو لے پھل نالے پائیدار لوکو
روک نہیں تے لے اُدھار جاؤ دو دن دائے اعتبار لوکو
راہو جان دیو ذرا خیال کریو دیکھو عشق دا ونج و پار لوکو
کدی ہیریاں داساں میں ونج ہارا اج کچ دے نال پیار لوکو
کرسی محنتاں کدی قبول شالا جھڑا عاجزاں دا مددگار لوکو
میرا باپ عالی علی بیگ مرزا اودہا وچہ جگاں اشتہار لوکو
صرف اک پیارے دی دید کارن دتا چھڈ میں بلخ بخار لوکو
دیہو چھوڑ جھور انیاں ساریاں نوں عزت بیگ کو کے بار بار لوکو
مینوں شوق تلے دیاں بھانڈیاں دا گئے بھل ماپے غم خوار لوکو
اونہاں کیہ معلوم معصوم بچہ کیتا کسے ظالم گرفتار لوکو
ہوسی خاک در خاک سراج جس دم کرسی تاں دلبر اعتبار لوکو
آؤ آؤ خرید لئو بھانڈیاں نوں خریدار لوکو خریدار لوکو
کوزے بادیے بھانڈیاں روغنی جی بنی گاگراں عجب قطار لوکو
آؤ آؤ خرید لئو بھانڈیاں نوں خریدار لوکو خریدار لوکو
ستے لے جاؤ عزت بیگ کولوں درم اک تے بادیے چار لوکو
روغن حلب تھیں نواں منگوا یائے آندے آویں اج اُتار لوکو
آؤ آؤ خرید لئو بھانڈیاں نوں خریدار لوکو خریدار لوکو
مہنگے لے آواں ستے دیاں اگوں آناں روک تے دیاں اُدھار لوکو
میرے کچ نوں کرے گا سچ سائیں آساں دیوی گادیوں ہار لوکو
آؤ آؤ خرید لئو بھانڈیاں نوں خریدار لوکو خریدار لوکو
اودہا لاؤ لا اج گجرات اندر بھانڈے وچ دائے بن کمہار لوکو
دیکھو میریاں بدنصیباں نوں ابے نہیں دلدار نوں سار لوکو
آؤ آؤ خرید لئو بھانڈیاں نوں خریدار لوکو خریدار لوکو
نت رکھ دے ہو وین شام ویلے میرے آونے دا انتظار لوکو
ماپے غم میرے وچہ مردے سن مینوں مار چھڈ سی غم یار لوکو
آؤ آؤ خرید لئو بھانڈیاں نوں خریدار لوکو خریدار لوکو

تلے دامر زے کولوں حال پچھناں

عزت بیگ شوہد اپنی حسب عادت جاندا تلے دی نت دکان اُتے
 ہووے وچہ بہانہ بھانڈیاں دا اپر چت رہندا درس پان اُتے
 تلہ دیکھ کے آوناں نت اوہدا رہے سوچدا گل دھیان اُتے
 ہک روز بہا کے کول اوہوں تلے گل چھیڑی بھیت پان اُتے
 بڑا شوق تینوں بھانڈے وچنے دا ایہہ کیہ چاء مغلا تیری جان اُتے
 کرنا ئیں بے قدری میریاں بھانڈیاں دی کیہ گل اے تیرے دھیان اُتے
 مہنگے لے جاویں ستے دے چھوڑیں بدھوئی لک ایڈے نقصان اُتے
 مغلا ویکھ کے تے چالاں تیریاں نوں آوے گل اک ہو زباناں اُتے
 اک مت دیواں تینوں یاد رکھیں پویں دس نہ کسے اجان اُتے
 مینوں جانپنا ئیں پیانگ سچا لاویں لیک نا ئیں خاندان اُتے

جویں گل تے پونچدی نت بلبل اتے پروانہ شمع دان اُتے
 ناغہ کرے نہ دھرے ضرور متھانت جا کے در جانان اُتے
 ایس مغل نوں روگ ضرور کوئی ایہہ وندائے کسے ارمان اُتے
 مینوں دس مسافر بلخ دیا کیہا روگ کوئی تیری جان اُتے
 میں سنیا ئیں بڑے درد بھرے ہو کے دیوندا ہیں دکان اُتے
 اج رنگ بھی ہووے دا ہووے تیرا پہلی سرخی نہیں دہان اُتے
 گھٹا نت چوی ہزار دائی لگوں کیوں انج دھن رٹہاں اُتے
 بھوایں مار فلاکیاں چڑھ بیٹھائیں گھوڑے عشق دے نر جوان اُتے
 کسے دن نہ پاویں سکھ مہیوں لا پر دیس مکان اُتے
 چالاں تیریاں ویکھ سراج جاپے ہو میں بھلیا کسے نادان اُتے

جواب مرزا

بابا کیہ میں اپنا آپ دساں میری درد بھری دسنے ہار کوئی نہیں
 خبرے کون ہاں کی بلا ہاں میں ایس گل دی تے مینوں سار کوئی نہیں
 بابا بے قدری تیریاں بھانڈیاں دی کہتی میں کدی خاکسار کوئی نہیں
 بکوشوق مینوں تیریاں بھانڈیاں دا نفعے نال میرا سروکار کوئی نہیں
 چپ کر رہو چھیڑ نہ ساز میرا پھر رہنی تاب زہار کوئی نہیں
 ملیں واہن بیاں اللہ آسرے تے بھوایں پیادساں ایہد اپار کوئی نہیں

بے خانماں حال برباد ہاں میں میرا وطن بھی بلخ بخار کوئی نہیں
 صرف اتنا پتہ ضرور لگدائے میرے جھل دیوچہ اپار کوئی نہیں
 ایہہ بھی یاد رکھیں تیریاں بھانڈیاں دا میرے وانگ ہونا خیرا کوئی نہیں
 کوئی خبر نہیں کوئی رٹہاں ہیا ہاں دھن مال دامنوں پیار کوئی نہیں
 جے میں دس بیٹھاتے پھر بس بابا تیرا میرا چلناں و پار کوئی نہیں
 پچھیں کیہ تے کیہ سراج دسے بابا جان دیہہ مینوں ازار کوئی نہیں

سوال تلہ

گلاں نال نہ انج ولا مینوں سچ دس کیہ راز اخفا ایں توں
 نوری نور وچوں یا توں خاک وچوں ناری نار وچوں یا ہوا ایں توں
 اولفا فیا راز لفیف بھریا پردہ چک کے دس کیا ایں توں
 بول بول توں کیہ ایں سرگھا پھر دا موہنڈیاں تے کفن چا ایں توں

مطلب کیہ پنجاب دیوچہ تیرا پھر دا کیہ لے کے مدعا ایں توں
 کہڑی چیز تینوں چکی وندی اے اُتے کسے محبوب خدا ہیں توں
 اوہدر وچہ گجرات کہا تیری ایدھر مجھ تھیں لا پتا ایں توں
 کجھ نہیں آوندی سمجھ سراج تیری خبرے بندہ یا کیہ بلا ایں توں

جواب مرزا

بس بس مفسرِ تاب ناہیں کمزور ہاں حد تھیں پاردا میں
 راہی بلخ دا آ پنجاب وڑیا ٹریالے کے کم و پاردا میں
 دلی کجھ تے کجھ لاہور رہیا ایویں کئی جانی آیا ٹھاہردا میں
 آہی سفر دی حد گجرات تیکر ہن واپسی دی نیت دھاردا میں
 چگن چوگاں چھڈ آہنے سنگ ٹریا پنچھی ہاں بابا جھڑے ڈاردا میں
 ہائے میں کیہ دساں گئے اڈنگی کلا رہ گیا چیچ پکاردا میں
 ایویں ڈھونڈا آن پنجاب وڑیا قلعہ ویکھ ڈریا دھندوکاردا میں
 اک دن مل گیا مینوں نصیب سیتی کیتا شکر اوس میلن ہاردا میں
 میرے برے نصیب میں کیہ آکھاں رہیا روند اخون گزاردا میں
 میری اوہ پچھان نہیں کر سکیا گلہ کیہ کراں اغیار دا میں
 ہوسی کدی تے وطن دی یاد اوسنوں وسن ہار نہیں ایس دیاردا میں

بھری ہوئی نال درداں داستان میری پابند ہاں کسے اقراردا میں
 میرے نال سنگت آہی ڈھیر ساری میر قافلہ کن پرواردا میں
 پشت پدر اندر شکم مادر اندر آیا دو پرے کئی گزاردا میں
 نبھ گیا تے پیاسٹھا پینڈا شاکر دمدم رب غفار دا میں
 لتھے ویکھ کے تے اک جوہ ساوی نقشہ کی کچھاں اوس باردا میں
 اوجھڑ پئے نوں مدتاں بیت گھیاں پھرناں ڈھونڈا ٹکراں ماردا میں
 پے گئی ہکی دی دس گجرات اندر پتہ کرن آیا اوس یاردا میں
 رو رو کے اپنی وچہ بولی حال دسیا ہجر قہار دا میں
 بیٹھا یار نادان وسار بولی پتہ ایہہ کیتا دلدار دا میں
 سکھاں وچہ بیٹھا اوہ بھلا مینوں دکھاں وچہ کیوں بھلا وساردا میں
 روحاں وچھڑیاں انت سراج ملناں رکھیا آسرا پروردگاردا میں

مقولہ شاعر

سایاں سچیا رُوح بے تاب ڈاہدا ہن میل چانخیریں وچھنیاں نوں
 کدوں حوصلے مالکا دیوسیں گا عمراں پا بچاریاں رُنیاں نوں

تیرے ابر کرم دا کیہ جاوے پاٹھنڈن کلیجیاں بھنیاں نوں
 یا نصیب سراج نجات مل سی لوں لوں وچہ درد پریناں نوں

مرزے نوں دکان وچہ گھاٹا

قصہ مختصر مغل دکان اتے بھانڈے ویتچدا رہے پکار دیندا
 ایویں لنگھدیاں جاندیاں راہیاں نوں بناں پچھیاں رہے اوجھار دیندا
 لوٹی دھری گجراتیاں بھانڈیاں دی اکوں مغل بھی نال پیار دیندا
 ایس چال اندر مال مغل تائیں مدد کدوں تیکر مددگار دیندا
 رورو آکھدا ہائے اج کون دردی میریاں مایاں نوں جا کے سار دیندا
 ہٹیوں لیکے یار دے گھر تیکر ہائے میں زردے کوٹ اُسار دیندا

آئیں چار دنیا تھیں اک اکوں اک درم لیکے بھانڈے چار دیندا
 لطف ایہہ حساب نہ وہی کھاتہ جنہوں دیوندا فیر وسار دیندا
 جڑیاں پالیاں ابجے گجرات اندر بھانڈے رہیا جو مغل کہہار دیندا
 گئی لبہ لاہوت دکان اوسدی نفع کس طرح ایسا وپار دیندا
 بابل گھلدا اٹھ لدا دھن دے پھر کھول میں ہٹ بازار دیندا
 صدقے ہو کے لاٹ سراج اُتے جندوانگ پتنگ دے وار دیندا

گجرات وچہ مہینوال دی پریشانی

عزت بیگنوں نت دیاں گھائیاں نے کرچھڈیاں گھار یارا
سنگی چھوڑ گئے انہوں بوڑ گئے اپنی ہتھیں چنہاں وچکار یارا
لے لئی دکان بھی مالکاں نے ہسی جہاندا کراہیہ دار یارا
ڈانوال ڈول پھرے روند اوچ گلیاں آوارہ تے بے مہار یارا
پاٹی ٹٹی پتنگ دے وانگ شوہدا شہروں دور کتے باہر وار یارا
اگے حیلہ بہانہ سی بھانڈیاں دا زر کول ہسی بیشار یارا
آئے یاد غریب نوں وطن ماپے اپنے ناز انداز ہزار یارا
آیا یاد رخصت ویلے ہائے توبہ بڈھی ماں دی حالت زار یارا
آئے یاد اسلم بیگ مانگ ملکہ اپنے ہور جانی رشتہ دار یارا
عشق ساریاں سر چوالیاں کجھ نہ رہیا اوسدے اختیار یارا
دتا ہویا سرگوڈیاں وچہ شوہدے ہنجوں کرن پیاں تار تار یارا
شالا وخت نہ پین سکھاریاں نوں ہون نہیں اوہ حال خوار یارا

کجھ یار تے کجھ کمہار لے گئے باقی رہیا سو گیا اُدھار یارا
رہ گیا کلا ساری خیر سلا بس اک اللہ مدگار یارا
خالی پلہ جھاڑ کے نکل آیا کول اک نہ درم دینار یارا
نس گئے سب نمک حرام نوکر آہے خاندانی نمک خوار یارا
سوچاں سوچاں یار دل جان دیاں آپے ڈھاوند آپ اُسار یارا
ہن کوں اُس گھر اُس گلی جاوے ہسی تلے دادیناں اُدھار یارا
اوہ مستیاں شوق شکار والے اوہ دیوان خانہ خدمتگار یارا
جوں باپ خمیدہ کمر ملیا سینے لا اوسنوں آخر وار یارا
ڈیکاں مار کے بے قرار رُناں عرش کنب گیا تھار تھار یارا
ہن یار ول جان بھی بند ہو یا کوں پاوسی ونج دیدار یارا
مغلاں لان والے دتا کھان والے گئے مغل نوں چھوڑ سب یار یارا
ایسے طور سراج غریب مرزا رووے پیا شوہدا زار و زار یارا

ایضاً

پھرے پیاہر اس اُداس ہو کے کیتا فکراں غماں بے حال اوسنوں
نکوئی سنگ ساتھی دکھی چند پچا تھی چھوڑ گئے سارے بھائی وال اوسنوں
اجے ایہ ملیا پہلا سبق یار وکدی عشق کرسی مہینوال اوسنوں
اُنجیں راہ وچہ روند اڈیکدا سی عشق آملیا چال چال اوسنوں
آکھے میرے ہونداں غم نہ کر دیاں چل محبوب وسال اوسنوں

کون پچھدا اوسدا حال مضطرب جان بھی آہا محال اوسنوں
نہن جان جوگا کتے جان جوگا لیا بنھ پریم دے جال اوسنوں
کی کرے گا جرے گا سر آئی ناہی عذر دی رہی مجال اوسنوں
دے حوصلے خوب تسلیاں جی ڈٹھنا جدوں ودھ جدوں ملال اوسنوں
کنڈیں تھاپناں لا سراج عشق اوہ ویکھ لئی جاوندائی نال اوسنوں

ساقیا

کراک پیار دی نظر میخوار اُتے بھر دیہہ اک بادیہ لال ساقی
کرے گولیاں وچہ منظور دلبر سدے جگ مینوں مہینوال ساقی

وطن رشتہ دار تمام گالے ہن عزت بھی سٹاں گال ساقی
یا نصیب سراج مقبول محنت دیواں پیا جھاڑ و پکاں نال ساقی

عزت بیگ داتلے اگے ترلا کرناں

جنڈی عشق نے مغل نوں پائی ہوئی گھرتلے کمہار دے آئے
اگے کارخانے اُتے بیٹھ تلے کوزے بادے پیا بنایاے
نہوں جھان ہو کے بیٹھا کول اوہدے سارا حال احوال بتایاے
سنگی چھوڑ گئے بھکھیاں سمجھ مینوں پالے دور تے وطن پرایاے
ناہی جان مصیبتاں سہن جوگی نہ میں دکھ اگے ازما یاے
شرمندہ ہاں نقد نہیں دے سکد اہہ اقرض تیرے کولوں چایاے
تلے ویکھ نیرنگیاں فلک دیاں سر پیر تیکر تھرایاے
کعبہ اوسنوں یاردا گھر آہا نال ادب دے سر جھکایاے
قبلہ یار دا اپنا سمجھ قبلہ مرزے جھک سلام سنایاے
آکھے پیا دکان دیوچہ گھاٹا میرا ختم ہو گیا سرمایاے
لئی مالکاں کھوہ دکان میتھوں بنیاں مجھ تھیں نہیں کرایاے
تیرے باجھ نہیں بھرے شہر اندر واقف ہو میرا ہمسایاے
اوس رقم بدلے مینوں رکھ کا ماں کر ساں جو میرے ذمہ لایاے
غصہ کچھ تو کچھ سراج ترس تلے مغل نوں انج سمجھایاے

جواب تلے

بس بس نہ رو کے دس مینوں میرے کول نہ پیا بسور مغل
جویں تده رکھی لوئی بھانڈیاں دی کدوں وچہ و پار دستور مغل
متیں دے تینوں سمجھایا پیا ہوسیں انت خوار ضرور مغل
تیری دسدی طبع ملوک زادی ہووے جی ملول رنجور مغل
میریاں بھانڈیاں وچہ نہ کدی گھاٹا تیرا اپنا کوئی قصور مغل
زر وچہ اُدھار اڈا کے تے ہن یاد آئی وُطن دور مغل
رکھی اک نہ چت تے تده میری آہیں دھن اُتے مغرور مغل
بھٹھہ چاکری کہن سراج ہوندى تیرا بدن نہیں مزدور مغل

سوال مغل

بابا نوکری چاکری بھٹھہ توڑے کارن پیٹ دے پیا بھاساں میں
ہو ساں کدی نہ حکم عدول تیرا سر متھے حکم بجاساں میں
بھادیں کامیاں دا کا ماں رکھ مینوں کسے گلوں نہ شرماوساں میں
دیہہ اج یتیم نوں جا بابا تیرے بھلے نہ کدی بھلاوساں میں
بابا نسل اسیل نجیب میری کیجے قول نوں توڑ چڑھاوساں میں
سمجھاں کسر جے نوکری چاکری نوں کوں وقت پردیس لنگھاوساں میں
کا ماں بن کے اپنے طمع کارن نوکر تلے دا پیا سداوساں میں
دیکھ لوے گا شہر گجرات سارا تیری نوکری جویں بجاساں میں
وقت کھان دے ہٹ کے دور بہاں جدوں دیوسیں گا تدوں کھاوساں میں
تیرا نام مدام سراج وانگوں سارے جگ دیوچہ چکاوساں میں

جواب تلے

تیرا بدن ہے نرم لطیف محل ہوون نوکراں دے گل بھوریاں نی
پیچدار اے پی پی عطر پلپیاں پیاں مات کرن کستوریاں نی
تلا آکھدا مغل باز آ جا تیتھوں ہونیاں نہیں مزدوریاں نی
تیرا چہرہ سرخ گلاب وانگوں سنبل بودیاں بے انگوریاں نی

دیکھو دیکھو کے تیر احسن مغلا پیاں صدقے جان دیاں حوریاں نی
 رعب داب نواب دے وانگ تیرا نیناں وچہ شاہی مخموریاں نی
 تیرے جہیاں نوں مغلا ہر مجلس حاصل ہوندیاں عزت پوریاں نی
 ہوندے نہیں سراج جنجال تیتھوں تیریاں محفلاں وچہ منظوریاں نی

عزت بیگ

بابا شان نواں گی راہگی دے گئے آج کل ہو عتقا میتھوں
 کدی ہوساں کسے دیس شاہ زادہ ہن ہوندی نہیں چوں چر میتھوں
 میری چاکری نہیں احسان تیتھے مطلب اپنا رہیا چکا میتھوں
 اگے جانتاں بابا طبع میری اگوں دیکھیں پیا وفا میتھوں
 نمک چھڑک نہیں زخماں میراں تے نوکر رکھ تے کم کرا میتھوں
 بابا تلپا نیک نصیب تیرے ساریاں خدمتاں پیا دوا میتھوں
 پچھے لو بھ مز دوریاں گئے کردے بھلے بھلے نازک صد ہا میتھوں
 چائی نوکری دلوں سراج تیری ویسی رب رسول نبھا میتھوں

تلے داسو چنیاں

عزت بیگ دیاں دیکھ تر لیاں نوں تلے فکر قیاس دوڑایاں
 کوڑا جوڑتوں واسطے آویاں دے مرزے سن کے شکر بجایاں
 توبہ رب دیاں بے نیازیاں دا کوئی انت حساب نہ آیاں
 ایہ کارستانیاں عشق دیاں کدی ایسوں ترس نہ آیاں
 مرزے آکھیا کم منظور مینوں تلے پھاوڑا ہتھ پھڑایاں
 ویری عشق آیا یار و پیش جسدے نہیں امن دینال و سایاں
 کن کسے دے چیر فقیر کردا کسے بار وچہ نانگ لڑایاں
 کسے زندیاں ساڑیا چھ اندر کسے ودھ کے ندی رڑھایاں
 پھرے ہو نجد اوچہ بازار گلیاں مرزا کسے تھیں نہیں شرمایاں
 راضی ہو چکی پھر دا گلی گلی لوں لوں وچہ ذوق سمایاں
 آخر کر تجویز تے تلے اوںہوں کوڑا ڈھون دا کم بتایاں
 کسے حیلے یار دا مکھ ویکھاں اگ ہجر دی جگر جلا یاں
 عزت بیگ تائیں کاماں رکھنے دا کیڈا تلے احسان جتایاں
 عزت بیگ بخارے دا خان زادہ گجرات وچہ چاک سدایاں
 ویکھو رب دیاں بے پرواہیاں نوں تختوں سٹ کے خاک رلایاں
 کسے دھوبیاں دا رکھے کر کاماں تھلیں تسیاں کسے مروایاں
 کوئی رو وندا نجد تے نظر آوے گھر گھر گھنگرو پا نچایاں
 ہو یا کیہ جے یار دے پیار کارن کوڑا عزت بیگ نے چایاں
 سرتے چھج تے پھاوڑی ہتھ اندر آکھے حج خدا کرایاں
 کیتی نہیں سراج قضا اوںہاں جہاں عشق امام بنایاں

تلے دا گھر جا کے پروار نوں دسناں

تلہ کم لگا کے مغل تائیں جا کردا گل پروار اگے
 ہوسی کم دیوچہ تسہیل مینوں آہے کم بھی بے شمار اگے
 ہوسی نہیں ایہ حکم عدول میرا انہوں جانچیا اے وفادار اگے
 اٹھو ایس دی کرو تعظیم سارے جھکو نوریو مشت غبار اگے
 میں اک نوکر گھر دا رکھیا اے جہڑا آیا ساڈا خریدار اگے
 محرم راز بٹاوسی ہتھ میرا رہندی بنی سی ڈھیر اپار اگے
 تسناں ایس نوں سمجھناں نہیں خادم خدمت گار رہناں خدمتگار اگے
 نور نار سراج محتاج سچ مچ خاک پاک مخزن اسرار اگے

سوہنی دی ماں دا جواب

ماں سوہنی دی آکھدی تلے تائیں کچھ کرکھاں ہوش سمہال میاں
انت ڈنگسی مول نہ سنگ سی آجھولی وچتوں سب نہ پال میاں
جدا ہاگ نہ پیچھ نہ پتہ کوئی اوہدی دوستی وچہ زوال میاں
آخر چاک دینال ناچاک تھیسیں جدوں ہووسی رد سوال میاں
ہوسی انت فساد بپا کوئی کرسی خون کولوں گھر لال میاں
گھر بار سارا ذوق و قار تیرا ساڈے دخل دی کیہ مجال میاں

نمک خوار ملوک غلام زادے ورلے ہوندے نی نمک حلال میاں
کدی ہنس نہیں بن دے کاں کالے چکن دانیوں دی جگہ لال میاں
ہوئے نہیں لائق بھائی چاریاں دے لنڈا مردتے رن ادھال میاں
کھوپے لہہ جان تیریاں اکھیاں دے ایہدے نہ دیکھسیں جدوں اعمال میاں
لگے داغ نہیں جاوندے چادران بھاریں سجیاں وچہ اُبال میاں
تیری وچہ رضا سراج راضی ورت اپنا پاک خیال میاں

جواب تلمہ

تلمہ آکھدا جھیلے توں کیہ جانیں مڈھوں ناقص عقل نسوان دائے
لہہ ہوں سمجھ ہے میریاں بھانڈیاں دی جانے ول دکان چلان دائے
کرسی کوں ایہ اپنی پت داغی سمجھدار اے لُج پہچان دائے
لہہ ہوں چپ چپاتیاں ویکھنا میں سارے ادب آداب نوں جان دائے
ایہ مخزن گنج اسرار مخفی واقف کار رموز یزدان دائے

ایہدی نسل افاغنه وچہ برتر ایہ فرد عالی خاندان دائے
اِنِّی اَعْلَمُ مَا لَا تَعْلَمُونَ مینوں خوف نہ کوئی نقصان دائے
سمجھیں نہیں رذیل یا بچ اسنوں ایہ شرم تے بھرم نوں جان دائے
لال بے بہا گوڈری وچہ ایہدی قدر صراف پہچان دائے
سچ نوریاں ناریاں ساریاں تھیں اُچا شان سراج انسان دائے

تلمے دا مغل نوں سمجھاوناں

تلمہ مغل نوں آکھدا سن بیبا میرا ادب تدھ خوب بجھاوناں اوئے
گلیاں صاف کر شہر گجرات دیاں کوڑا ہونجدا نہیں شرمناں اوئے
تینوں رُلدیاں ویکھ کے گل لایا میرے بھلے نوں نہیں بھلاوناں اوئے
چیتا چیتا مت رہوئی نہ ہوش چیتے تنگ ناموس نوں داغ نہ لاوناں اوئے
کوئی روک نہیں میرے گھر تینوں جو چاہو ناں پیوناں کھاوناں اوئے
بندہ نہیں نہ کریں فتور کوئی آساں صدق تیرا ازماوناں اوئے
بریوں انت نکالیا حوایں گا اُتے برے نہ نیت ڈولاوناں اوئے
اَلدِّیْنَا مَرْزُوعَتُهُ الْاٰخِرَہُ جہیا بیجنا تہا اٹھاوناں اوئے

ایہ لے پکڑ لے ٹوکری پھاوڑی نوں کوڑا آویاں کان لیاوناں اوئے
کام کرودھتے لو بھہ ہنکار کوڑا اوہنوں چک کے باہر وگاوناں اوئے
جویں خوشبو وچہ گلاب ہوندی میرے گھر وچ انج ساوناں اوئے
ہر کم نوں وچہ خیال رکھیں مڑ مڑ نہ پیا اکھواوناں اوئے
ولا تقر باھذہ الشجرۃ بس ایسوں ہتھ نہ لاوناں اوئے
ولا تعشو فی الارض کوئی نہیں فساد جگاوناں اوئے
چنگ مندہ بن اپنے ذمے تیرے میرا فرض ہستی سمجھاوناں اوئے
عزت اپنی سانجھ سراج رکھیں اُتے جان نہ ظلم کماوناں اوئے

جواب مرزا

مغل ہتھ بٹھ آکھیا آ منا مڑ مڑ نہ بھاویں سنا مینوں
تیری بندگی نوکری چاکری دی ہمت دیوہی رب عطا مینوں
بسر و چشم منظور ہے حکم تیرا جہڑا جی چاہی کم لا مینوں
اپنا آپ کیتاے تیرے ذمے بابا جویں چاہیدائے انج بنا مینوں

جاناں گل تھیں گل تھیں نہ جاناں دتا سبق اُستاد پڑھا مینوں
اپنی طرف تھیں پورا خیال رکھساں رکھسی برے تھیں رب بچا مینوں
تیری جھڑک نوں فائدہ سمجھساں گا پیار ج کے ہونغا مینوں
زشت کار سراج تعریف اپنی آپ سنیں گا خوب ازما مینوں

مقولہ

حضرت عشق سراج ہے عجب منصف ایہ ماڑے نہیں انصاف کردا
دوہاں دلاں نوں ساڑ دائے ہک جیہا نہیں کسے دی روشیاف کردا
عزم بالخدم حق پیام اسدا نہیں وچہ کلام دے لاف کردا
کھلے رنگ میدان وچہ آؤندائے نہیں جنگ ایہ وچہ غلاف کردا
بھنے حق نہ محتان کیتیاں دا کنڈی تول میزان صراف کردا

ہکی دل نوں لاؤندائے اگ جدوں دوہے دل نوں نہیں معاف کردا
شمع اپنا آپ جلانے جدوں سڑے تاں پتنگ طواف کردا
دیندا نہیں مغروریاں رہن مطلق کنڈے کھگھیاں لا کے صاف کردا
سنگلاپ وچہ ہکی نوں مار سنگل اوہدا اثر جا کے کوہ قاف کردا
دس دس سراج ضرور اگوں کوں مغل تے عشق الطاف کردا

سوہنی چاک دی گل سن کے اوہنوں ویکھن جاناں

سوہنی جدوں سنیاں صفتاں چاک دیاں نیبی جذبے جی گرما یا سو
اثر عشق تھیں پسریا من پتھر اوہنوں پکڑ بلاق اٹھایا سو
اگے مغل سی اپنے شغل اندر جہڑا تلے نے کم فرمایا سو
توڑے مغل خوار سی وچہ گھٹے شان جو بناں خاک رُمایا سو
پہلی نظر ہی ویکھیا جدوں سوہنی بس ویہدیاں ہوش بھلایا سو
مغل ماہ جبین حسین گھبرو قدوں باغ دا سرو شرمایا سو
خبرے کیوں ایہ ہونجدا پھرے گھٹا گھٹے وچہ کیوں حسن رُلایا سو
لئی وندائے آرزو کہڑی ایہ کیہ دا جہان نوں لایا سو
ایسی کون کوئی پری اندرانی ملک عرش دا فرش ہٹکایا سو
ایہ تے جا پدائے کوئی شاہزادہ جرم گال کے چاک سدایا سو
کوں جیوندی وندی ماں ہوئی ایسا چن جولال کھڑایا سو

پیا عشق دا جاگ پیوند ازلی چاک ویکھنے دا شوق آیا سو
ایویں دوڑ کے دل دُکان آئی سندے سار قرار نہ آیا سو
کوڑا ناہ پر رُل گیا وچہ کوڑے ظالم عشق اس حال پونچایا سو
چھپے چن نہ اپنی تاب کولوں سایہ بدلاں دا توڑے چھایا سو
گردش کھابہ گئی مٹھیں میٹ کے تے رُعب حسن تھیں سرچکرایا سو
ویکھ ویکھ نہ رجدی پئی سوہنی آکھے کسے کرماں والی جایا سو
کارن پیٹ دے چاکری نہیں ایس دی کسے لو بھنوں ویس وٹایا سو
پھٹیا جا پدائے لٹیا ڈاکوؤں دا کسے مان متی چٹیک لایا سو
کارے ہار کوئی ڈائن خون پینی مارن لگیاں ترس نہ آیا سو
قلم پکڑیاں ہتھیاں نوں پون چھالے خبرے پھاوڑا کوں جلا یا سو
روندی ہوئی نصیباں نوں پئی شوہدی ہائے اوسنوں مارونجایا سو

ایہدی دری نڈھی ہڈھی نال دُکھاں پہناں دھڑیاں دارب پایا سو
 کسے باغ دا پھل ایہ تر و تازہ قسمت تروڑ کے خاک رُلا یا سو
 خبرے کون نڈھی سوہنی من موہنی دام رُلف دیوچہ پھسایا سو
 کیستی عشق نے بہت مجبور سوہنی اثر دے کے جی نوں تیا سو
 ہنجوں موتیاں دی لڑی جھڑی جھولی خون اکھیاں دا اُبھر آ یا سو
 کوئی مغل نوں سار نہ ایس گل دی حضرت عشق انصاف کمایا سو
 چرتک او ہلے بیٹھ کے رہی تندی ویکھ ویکھ کے جی بھرمایا سو
 چھدی ہوئی انجیں راہ جانیاں شوہدا کونت مزدوری نوں آ یا سو
 پچھاں کوں میں ایس پردیسی کولوں کھڑی گل نوں جرم گویا سو
 بڑی ظالم ہتھاری بے درد کوئی ذبح کر کے مار ونجایا سو
 جیوڑا لوچدائے گل کچھنے نوں اپر شرم نے اجے سمجھایا سو
 گئے سچ تھوڑے تڑی دے ڈاڈا رو رو حال ونجایا سو
 ستے پئے تے نال نصیب فضلوں دِلربا تائیں اثر پایا سو
 ویکھ چاکھ کے چاک سراج سوہنی ونج ماں نوں انج سمجھایا سو

سوہنی دی ماں نال گل

سوہنی آ کھدی چاک میں ویکھ آئیاں جہڑا بالے نے آندائے نال مائے
 ایہ کوئی نور ظہور خداوندی سراپا تنویر جمال مائے
 ایہدا بو پڑا کھ تے نین کالے متھے وچہ شاہی اقبال مائے
 مکھ دیہدیاں پیندی اے ٹھنڈ سینے وانگ فرشتیاں ایہدا اجلال مائے
 پھرے رووند اپونجھدا اتھرواں نوں بھریا جاپدائے دُکھاں نال مائے
 کسے مان متی جادو ڈال کے تے لیا بھہ ایسد اوال وال مائے
 بڑیاں نال نزاکتاں جاپدائے پلایا ہو یا اے نخریاں نال مائے
 رُلدا عشق انھیری دیوچہ آ کسے کرماں دی سڑی دالال مائے
 خبرے ویکھ کے اوس نوں کیوں اٹھن میرے جی وچتوں اُبال مائے
 ڈٹھے سنے وچہ فراق ہزار ہوندائے ذرا چل کھاں پا جمال مائے
 پئی جھل مبارکاں بھاگ بھریے ایہ چاک نہیں فی کوئی لال مائے
 چھین چن نہیں وچہ بدلاں دے اتے گھٹیاں وچہ نہ لال مائے
 ایہدی طبع نہیں کوڑا ڈھون والی ایہدی وانگ نواباں جھال مائے
 خبرے کیوں ایہ چاکری پھرے کردا جانے رب ایسد اصلی حال مائے
 دُکھی نین بکلیں چھمیں چووندے سوہو کے گھٹیاں وچہ پامال مائے
 آ یا رس بھانویں لاڈا مایاں دا کسے گل اُتوں بول چال مائے
 ایس اج تک ہتھ نہیں لایا کم نوں نازک بدن ہے بے مثال مائے
 جس تت بھرتی دالال کھڑیا جانے رب اوسدا کیہ حال مائے
 لیا گھیر مینوں بے سوادیاں نیں اوہدا ویکھ کے حال کو حال مائے
 ہوویں سنے سراج نہال صدقے اوہدے ویکھ کے تے خدو خال مائے

کلام مائی

مائی آ کھدی سوہنی بھلا ہو یا اوہنوں بناں جی آ یاں میں کیہ آ کھاں
 تیرے باپ نے رکھیا چاک دھیے اُتے اوہدے میں کیہ آ کھاں
 پتہ واہ دا لگدائے راہ پیاں بناں ورتناں پایاں میں کیہ آ کھاں
 کوئی کوئی چڑھدا سوہنے پاراس تھیں ایہ بحر بے پایاں میں کیہ آ کھاں
 چنگا ہو یا تے سوہنی کھٹ کھاسی اجے سنیاں سنیاں میں کیہ آ کھاں
 جیوں جیوں ہڈھی کڈھی رنگ پیالے بناں ازماں میں کیہ آ کھاں
 توڑ چڑھے تے بھاگ سو لکھنے فی اجے نہیوں لگایاں میں کیہ آ کھاں
 جانے غیب دا حال سراج مولا ہوئی کیہ نمایاں میں کیہ آ کھاں

مرزے دا شغل تے نوکری

مغل شغل اپنے ہمہ تن شغل ہو رہل گئے کاروبار اوسنوں
 گلیاں ہونجہ پھرے گجرات دیاں دتا حکم جویں سرکار اوسنوں
 گیاں بھل اوہ شاخیاں شان بھریاں گیا چیتویں بلخ بخارا اوسنوں
 مدت گزر گئی ایسے حال اندر چڑھیا ہو یا سی شوق خمار اوسنوں
 ملن واسطے پار دے یار تائیں ترناں پے گیا بحر بے کنار اوسنوں
 عجمی اسپ راہور طویل منزل بھل گئے تھرہاٹ ہنکار اوسنوں
 اُتے اگ ہو یا کڑھ کڑھ شیر کھویا باقی رہی نہ کوئی اپار اوسنوں
 عزت بیگ سردار ولا نٹاں دا کرنے پے گئے صاف بازار اوسنوں
 شیریں واسطے شاہ فرہاد وانگوں کٹنا پے گیا کوہ ابار اوسنوں

جھاڑ وٹو کری صدق یقین سرتے کوڑا ہونجے دی آہی کار اوسنوں
 پھرے گھٹیاں وچہ خوار ہوندا ایہو کم سی لیل و نہار اوسنوں
 بھل گئے نازنوا بیاں دولتاں دے ناہی اپنے آپ دی سارا اوسنوں
 کردا جاندا طے منازل انوں عشق کیتا ہو یا سرشار اوسنوں
 اللہ اللہ اس قلم عشق وچوں ناؤ خدا لگاوسی پار اوسنوں
 گیاں شوخیاں ڈنگیاں بھل اُڑیاں لیا شاہ سوار سنوار اوسنوں
 خطرہ پے گیا اُبل کے ویٹنے داہیسی وقت کوئی لوے اُتار اوسنوں
 چاکر شا کر یار دی چاکری وچ ہو رہل گئے کل افکار اوسنوں
 ہمت رہس سراج بلند شالا ملسی مزدوری آخر کار اوسنوں

مقولہ شاعر

توبہ نار العشق دی وچ بھٹھی ڈٹھے نرم کئی فولاد ہوندے
 کئی شانناں اُمیداں دے ناز پرور ناکام اُتے نامراد ہوندے
 ایسے دے دام وچہ خیر نہیں کیہ لذت قیدی ایسے دے دام وچہ شاہ ہوندے
 سفر العشق وچہ سکھ آرام کیہانت سحرے دکھ ایجاد ہوندے
 ایہدے اک اشارے دے نال ڈٹھے طور جیسے بلاد برباد ہوندے
 ایس بندہ نواز دے پیش پے کے چھوڑ چین دے چین فرہاد ہوندے
 زور چور کردائے موتی چور ایسے اعلیٰ پہلوان اُستاد ہوندے

چھوڑ آ کڑاں شان مغروریاں انوں سدھے تیر وچ ایس خداد ہوندے
 چھوڑ آبادیاں بے بنیادیاں انوں وچ خراب آباد ہوندے
 ایہدے دفتر نہیں حذر ہائیاں دی قیدی قیدیاں کٹ آزاد ہوندے
 ایہدے حکم وی نہیں اپیل کوئی ایہدے خود مختار ارشاد ہوندے
 بیٹھ آریاں چیر دا عاشقانوں پھر بھی عاشق ڈٹھے شاد شاہ ہوندے
 سٹن ایسے پیش ہتھیار سارے باوجود لشکر امداد ہوندے
 قصہ نور سراج دس گل اگلی منزل عشق وچہ ایہو سودا ہوندے

مرزے دی نوکری تے ملے دا خوش ہوناں

وچہ یار دی نوکری مست مرزا کوڑا نت آنے سرتے چایا
 کاماں بن کے نکلیا کامیاں دا ناہیہ عشق ہے بری بلا یارا
 بیٹھا ذات صفات بھلا ساری ٹیکہ نگ ناموس نوں لا یارا
 پالے وطن تے بھین بھرا سارے دتے ساک آشنا بھلا یارا

وانگ گولیاں حکم قبول سارے رکھے خدمتاں کل بجا یارا
 پھرے گھٹیاں وچہ خراب ہوندا موتی بلخ دا بے بہا یارا
 اکو یار دی نوکری مست پھر دا رہیا گن پیار دے گا یارا
 کٹھا پریم پریت دی ریت پالے پریتیت دے قول نبھا یارا

جسدے پیار وچہ ایڈا خوار ہو یا اُس نوں پتہ نہ کوئی پرو یا را
 ایسے واسطے رہے ملول خاطر رہے نین اوسدے ترسا یا را
 ایپر نال بہانے کم دے جی رہے ویکھدا اکھ چرا یا را
 مگھ ویدیاں دُکھ بھلا چھوڑے دیوے چاکری نوں سجر اتا یا را
 عزت بیگ نے کول دُکان نٹلے دتیاں کئی اروڑیاں لا یا را
 بناں کہے دے رہے دھیان لگا جاندا کم نوں نہیں گھسا یا را
 نازک بدن کمزور لطیف جیہا دتا خاک دیوچہ رُلا یا را
 تلمہ ویکھ کے اوسدے کم تاں آکھے ایہ کاماں باوفا یا را
 جاپے مرد عقیل اسیل جایا ہووے جھڑکیاں نہیں خفا یا را
 ویکھ ویکھ کے کار سراج اوسدی تلمہ رہے کہندا مرحبا یا را

مرزے ول سوہنی دی توجہ

قصہ مختصر ایہی شغل ہر دم مغل صاحب شان شوکت دے نوں
 اوہ وڈیاں شاہیاں بھل گئیاں والی بلخ دی سلطنت دے نوں
 کلر ہو خجدا پھرے گجرات اندر آفرین اوس مردہمت دے نوں
 ہائے افسوس آج ملکہ نوں کون دے ویکھے آکے حال کنت دے نوں
 چوری چوری سوہنی بھی رہے تندی مغل سرٹی گھٹا گھٹ دے نوں
 آوے ترس آکھے خبرے طلب کہڑی ایس چپ کیتے نوکر وندے نوں
 گل کچھنے نوں جیوڑا سوچداسو آوے موج جدوں قلم رت دے نوں
 ایپر عشق دی اجے سی شروع منزل حاوی خیال رکھے لُج پت دے نوں
 گھن عشق دا جاندا سی ہولی ہولی تھم تھم دی چھت دے نوں
 اُتوں پیڈا اکھا جیا گیا اندروں ڈگا سمجھو کوٹ تبت دے نوں
 حضرت عشق سراج عجیب منصف نہیں بھن دا حق محنت دے نوں
 کھول دس مزدوریاں کوں ملیاں اُس چاک غریب مدت دے نوں

مرزے دا مہینوال بنناں

شوہدا مغل دم دم اپنے شغل شاعل نت اٹھدا سچ سویرا آہا
 اپنی نوکری نوکری پھاوڑی دی اوندو وچ گلیاں جھاڑو پھیر آہا
 پھیرے پھیریاں تے گیرے گیریاں تے اگلی سدا چاوندانیر آہا
 کیتے صاف ویہڑے آدی کول نیڑے دتالا اروڑیاں ڈھیر آہا
 صبح وشام بلکہ پنجے وقت شوہدا اونداشہر سارے جھاڑو پھیر آہا
 اوندے دل و دماغ دی سلطنت نوں کیتا عشق سلطان نے زیر آہا
 تلمہ غنی سی بخت بیدار اوندے کول مال مجھیں گائیں ڈھیر آہا
 آخروڑا چھڈا کے مغل کولوں دتاناں مجھیں اوہنوں چھیر آہا
 انج تے شادی نوکری یاردی وچ پینڈے عشق دیوچہ دلیر آہا
 کھوتے بھدا کھولدا رہے مرزا ہر کم دے وچ اگیر آہا
 اوس دن مرزا عزت بیگ شوہدا بن گیا مہینوال چوہیر آہا
 آس یاد پر جدوں سراج پیچھا شوہدا بہہ جاندا اتھروں کیر آہا

مہینوال

مغل یاردی طلب دیوچہ ڈاڈا ہو یا خاک اندر خاک رہیسی
 اللہ اللہ مزدوریاں ملن لگیاں ستا بخت ہو گیا بیدار ہیسی
 اک دن بہا کے کول اوسنوں تے آکھیا نال پیار ہیسی
 بس چھوڑ ہن کوڑا ہوئے نوں سانوں اتنا ہی درکار ہیسی
 گھٹے وچ نہ ہو بے حال پیا مجھیں سانجھ تے چار ہن کار ہیسی
 مرزے پھاوڑی سٹہ ہتھ پھڑی کھونڈی اوس ننان حکم سرکار ہیسی

ہن مجھیاں چارنے جان لگا کدی بیلے تے کدی بارہیسی
بھل گئے یار آشنا قبیل کنبے گیا چیتوں بلخ بخارہیسی
مجھیں چاردا ماردا رہے آہیں رہندا رووندا خون گزارہیسی
سوہنی نال جد نین دو چار ہون شرم کھاندی شرمسارہیسی
کتے ونج نوکیلا رو لیندا آنسو ویٹ لیندا بے قرارہیسی
اکو آسرا زندگی شام ویلے ہوندا یار دا جدوں دیدارہیسی

اوس دن نام مہینوال دھرا لیا عزت بیگ نے واسطے یارہیسی
اکو یار دی دے وچ مست پھر دا اپرا بے نہ گل گفتارہیسی
آوے شام ویلے ویکھے شام تائیں کچھ قرار دل بے قرارہیسی
مہینوال غریب دے وچہ سینے سگوں ہووندا ہور لنگارہیسی
ہائے جانیاں نہیں معلوم تینوں مر گیا تیرا جہڑا خدمت گارہیسی
دیکھے جدوں سراج محبوب تائیں دیندا دکھ تمام وسارہیسی

مہینوال

کوڑا ڈھوڈھو کے رت چوچو کے شوہدے مرزے دا برا حال ہویا
شان رب دے بلخ دا شاہزادہ مجھیں کھوتیاں دا چروال ہویا
سہمہ گیا سب سردیاں گرمیاں نوں ہوجھیا اُنہاں سیال ہویا
مال بٹھے کھولے کدھے نال بولے ہیسی کون اوسدا محرم حال ہویا
ہوندے سوہنی دے پئے جذبات زندہ جیوں ویکھدی چاک بے حال ہویا
نہ اوہ کچھ سکے نہ ایہ دس سکے ہیسی مشکل جھیا سوال ہویا

حکم من کہار دا چپ کیتا کھونڈی پکڑ لئی مال دے نال ہویا
عزت بیگیاں رُل گنیاں وچہ گھٹے ہن نام اوسدا مہینوال ہویا
اوہ چمکدا بدر منیر چہرہ سک مک کے وانگ ہلال ہویا
ہر حکم کہار دا منہ متھے کدی ناہ اوہ رو سوال ہویا
نال نوکراں کھل کے گل کرنی کڑیاں کواریاں امر محال ہویا
ایہو حال سراج مہینوال داسی دھکے کھاندے نوں پورا سال ہویا

سوہنی دا مہینوال نوں پریشان ہوندا ویکھناں

اک دن سوہنی گئی تے ویکھو سو شوہدا بیٹھ ہسکڑا رو رہیا اے
کسے ہوری زبان دے بول بولے کوئی درد بھری ورتی چھو رہیا اے
ڈاڈا دکھی ہو کے بھرے پیہا ہو کے بڑیاں نال دکھاں ڈھار رہیا اے
کھلی ہوئی چپا تڑی کول سوہنی آکھے بڑا اکھا شوہدا ہور رہیا اے

سرگوڑیاں دیوچہ دھریا ہویا جھم جھم اوہرا تھروں چورہیا اے
جاپے ڈوگھے واہن وچہ پیہا ہویا غولے کھاندے روح ڈورہیا اے
سوہنی پئی ویکھے پونجھ پونجھ شوہدا چہرہ تھروں دے نال دھورہیا اے
ہوئی کیڑ سراج بے تاب مرزا اٹھ کے بنھ کے ہتھ کھلورہیا اے

سوہنی دا مہینوال کولوں پہلی وار پچھناں

سوہنی پچھدی چاک مہینوالیا وے کیوں دکھی پریشان ایس توں
وکیو ویکھ تینوں رہندی سوچنی آں دیندا نوکری نال دھیان ایس توں
بابا کدی کدی کردائے گل تیری میں سنیاں مغل پٹھان ایس توں
گھاٹا پیہا و پار وچہ دسدے نیں ہن آیا ادھار مکان ایس توں

انج پیاروونا نیں چیرکاں مارڈیکاں بھریا جاپدا درد طوفان ایس توں
توں کدی نہیں بھکھ تہس دسی رہندا چپ کیتا نمہوں جھان ایس توں
خریدار رہیا نیں ساڈیاں بھانڈیاں دارکھی شہر دیوچہ دکان ایس توں
چپ چپ بکل ماری لگا پھرنا نیں انج جاپدائے بے زبان ایس توں

لنگھ جاوے گھڑی مصیباں دی اتنا کیوں بے آس حیران ایں توں کہے واعدے پئے سراج تینوں ہس کھیڈ جے اے جوان ایں توں

سوہنی داتسلیاں دیناں تے مہینوال تے ترس کھاناں

نہ جھک میں پچھ کے جاو ناں سچی گل تیتھوں مہینوالیاوے
کہے واعدے وخت جنجال تینوں چن جیہی تہہ دیہی توں گالیاوے
دس کہڑا پردیسیا دیس تیرا پنجاب دھرتی رُلن والیاوے
کتھے سٹ آیا نہیں جنم والیاں نوں بڈھیاں اکھیاں دیا اُجالیاوے
جہاں ماواں تے پت کھڑا چ جان اوہاں نہیں کدی ڈیوالبالیاوے
تیرے جہیاں نہیں سجھیاں چا کر یاں نازوں سچ جان والیاوے
بول پنچھیا اوپرے دیس دیا کہڑے طے تینوں پنجرے ڈالیاوے
چیتا رکھ پیا پچھتاویں گا جے توں نال بہانیاں ٹالیاوے
ایہ لے میرے دوپٹے دے نال پہلوں اتھروں پونچھاپنے روون والیاوے
آب وگل اُجاڑ وچ پھریں اڈا کسے باغ دیا گل لالیاوے
مرگئی ہوسی رو رو کے جس نال نازاں تینوں پالیاوے
پچھدیاں رہن چوراہے وچ راہیاں تھیں کسے لال میرا ڈٹھا بھالیاوے
کہنوں روگن وراگن کر آیا نہیں کسے تے دے ہیاں دیا چھالیاوے
میں اچ پچھ کے جانائیں سراج تیتھوں سچی دس مینوں مہینوالیاوے

مہینوال داسوہنی نوں رو رو کے اپنی ورتی دسی

مہربان تک کے جانان تائیں مرزے پھولیا دروے تائیاں نوں
سینے وچہ چروکناں لئی پھر داہی تنگیاں بے حسابیاں نوں
دھاگے صبر تر وڑے شوہدے ہتھ جوڑے پیرچم کے شرط آدایاں نوں
دتا رو کے گوش گزار سارا جو کچھ ورتیاں جگر کبابیاں نوں
چھڈیاں شاہیاں تیرے پیار کچھ جھلیاں سختیاں بے حسابیاں نوں
میں نہیں کوڑا چایا سر کوڑا دتا چھڈ میں شان نوابیاں نوں
بے پرواہ پیار یا کٹھیاں ول کدی موڑ دوں نین شرابیاں نوں
والی بلخ ولایت داتدھ کچھ چھڈا جوٹھیاں پھرے رکابیاں نوں
چاک چاک سینہ تیرے چاک دائے پھاٹاں جویں کباب شاہیاں نوں
رُنازار روزار لاچار کے ہو کے جگروں کڈھیاں اضطرابیاں نوں
کدوں تیک پچاوند ضبط کردا بے تاب آہیں سیماں نوں
اگ عشق دی حوصلے ساڑ چھڈے نینوں چھنڈ یاد رگابیاں نوں
آکھے اے نہیں تینوں خیال سچاں آیا جھل میں کیڈ خرابیاں نوں
آکھے سال ہو یا ایسے حال اندر پئی جھل دی جند گردابیاں نوں
بنیاں چاک کم ذات گجرات اندر جھلیاں سختیاں بے حسابیاں نوں
وطن دور پردیسیاں تیریاں دا نہیں بلخ دی سار پنجابیاں نوں
حد ہو گئی بے پرواہ سچناں ہن تے چہریوں پلٹ نقابیاں نوں
مری ہجر دیوچہ سراج حیر دیسیں کی جواب جنابیاں نوں

ایضاً

والی بلخ بخارے دا خان ہو کے کاماں آن میں بنیاں کمیاں دا
لمی رات فراق دی پیا کٹاں کدی دس پیسی تارا دھمیاں دا
لنگھ گئی خوشی دی لہر دو پہر میری سایہ سر میرے چھایا غمیاں دا
یا نصیب سراج اُمید رکھیں پندھ مک جاسی واٹاں لمیاں دا

ایضاً

تیرے کان مہینوال سدوایا میں چھڈ دتیاں عزتیاں وڈیاں نیں
تیرا نوکراں ول دھیان ناہیں کلر ڈھونڈیاں گھسیاں اڈیاں نیں
ہن آترسانہ ترسدے نوں درواں میریاں نے کوہراں چھڈیاں نیں
صدتے تیریاں بے پرواہیاں دے کاہڈاں میریاں چنگیاں کڈھیاں نیں
کہنوں روکے دوس افسوس دیواں آساں درجناب تھیں وڈھیاں نیں
خون ماس سراج دا جل گیا ہن جلن پیاں دُکھی ہڈیاں نیں

ایضاً

بے پرواہ سجنان کدی سوچیاں کتھے میں تے نال دے یار کتھے
ہائے کدے اوہ ویلڑا شوخیان دا خبرے گئے اوہ شوق شکار کتھے
کتھے نوکری تلے کمہار والی شاہ سلیمان دا عالی دربار کتھے
کتھے دوستی شاہ جہان والی اتے کرنے صاف بازار کتھے
ہائے کدے نزاکتاں شوکتاں تے دُکھی ماں دے لاڈ پیار کتھے
ربا میریا او دلی سفر ویلے کرناں ماں دا حال پکار کتھے
ملکہ مانگ نوں ہووی تاہنگ رہندی اوہدے وانگ کوئی دکھیا کتھے
ماری چھال قلزم عشق میٹ آکھیں اللہ جانداے ایہدا پار کتھے
کتھے گیا اوہ قافلہ سنگ میرا زلو جیہے سنگی غم خوار کتھے
کتھے گئے اوہ محفلاں لان والے میرے رات دن غم گسار کتھے
کتھے گلیاں شہر گجرات دیاں میرا وطن اوہ بلخ بخار کتھے
ادب روکدائے مگر ضرور کہساں کتھے میں تے تلمہ کمہار کتھے
مینوں سوئیے غضب دی ڈاہ پوندی کتھے میں میرا پروار کتھے
اللہ جانداے بڈھا باپ میرا پیا ہووندا ہو سی خوار کتھے
روندی ہووی اوس وقت نوں یاد کر کر اوہنوں ماڑیاں وچہ قرا کتھے
سن سن کے آوے سراج حیرت کتھے توں تے تیرے اشعار کتھے

ایضاً

بھلا جاناں کیہی حرج ہوندا کدی کھیویاں نیناں نوں موڑ دوں چا
لنگھیا سال مٹی گھٹا جھپدے نوں کدی حال ہی پچھیا ٹوڑ دوں چا
ایڈی بے پرواہی قربان جاواں ایہ نازنخرے کدی چھوڑ دوں چا
جے تے ناہ سراج نوں پار کرناں ایہ بھلا سی وچہ ہی بوڑ دوں چا

ایضاً

جان جان نہ جان توں جان میری جاساں اپنا فرض نباہ ایویں
لئی عمر دی نیت نماز عاشق جاتا فرض دا ترک گناہ ایویں
ولیاں جال میں انگ پتنگ وانگوں سڑ مار کے ہووساں ساہ ایویں
تیرے واسطے بلخ بخار چھڈ یا دتا نگ ناموس نوں لاہ ایویں
جاسی ایہ ارمان نہ جان میری رہساں رووندا میں اُجھے ساہ ایویں
بے پرواہیاں ویکھ نہ چھڈ جاساں توں رہو بھایوں بے پرواہ ایویں
مینوں عشق تیرے اس راہ لایا کہ کدی چھوڑ نہ جاساں راہ ایویں
جاساں وانگ چکور نہ ہو رکھ رہے رہساں ویکھدا مکھڑا ماہ ایویں
جدوں مراں گا کھڑاں گا عشق نالے رہسی قبر وچہ بھڑکدی بھاہ ایویں
قدماں وچہ بہا کے دُکھے نوں ڈٹھے نہ الڑے گھاہ ایویں

صدقہ حسن دا نہ ترسا اتنا کدی مکھ تھیں پلڑا لاہ ایویں
 جی جی توں مان جوانیاں نوں رج رج کے سدھراں لاہ ایویں
 رکھیں یاد جوانی دا واسطہ ای مرچکیاں نوں ساہ ساہ ایویں
 جم جم توں مان جوانیاں نوں تیری عمر نادان دی خیر شالا
 جی جی ہنڈا توں جوڑیاں نوں تیرے ڈورے دھانی دی خیر شالا
 تسے روح نوں نہ ترسا اتنا تیری پاک دامانی دی خیر شالا
 تیری نویں نویں آس نوں رنگ نواں میری آس طولانی دی خیر شالا

ہن نہیں تاب بے تاب دے جیوڑے نوں اٹھے غضب دی پسلیوں ڈاہ ایویں
 اساں جی کے کیہ بناوناں ایں مر گئے تے مکسی پھاہ ایویں
 کس تے دوس افسوس سراج دھراں مڈھوں لکھیا لیکھ لاہ ایویں
 مال حسن دی دیہہ ذکات مینوں تیری اٹھدی جوانی دی خیر شالا
 تیرے دھانی پھلکاری دی خیر ہووے میری تن عریانی دی خیر شالا
 پا خیر جوانی دا واسطہ ای تیرے حسن لاشانی دی خیر شالا
 درد نال سراج محبوب اگے اپنی عرض زبانی دی خیر شالا

مہینوال دی زاری

سجناں تیری جوانی دی لہر تازہ اُتے سحر عاشق لباس دا بھی
 تیرے واسطے میں اس حال پوہتا چیتا بھلیاں دی واس دا بھی
 ذرا نازاں اندازاں نوں چھوڑ کے تے پچھدوں حال اک چاک اُداس دا بھی
 اگے روح مجروح کمزور میرا اُتوں زور فراق گھراس دا بھی
 ہائے میں کیہ دساں گن گن دکھڑے نالے ہجرتے زور افلاس دا بھی
 جس جاتی میں بہہ کے رورناں ہاں قطعہ سڑ جاندا تے آس پاس دا بھی

ذرا موڑ کھاں نازاں دی فوج تائیں ویکھ حال اس عاشق اُداس دا بھی
 بیٹھا ذات صفات رڑھا اپنی کدی سندوں حال بے آس دا بھی
 ایڈی بے پرواہی میں کیہ آکھاں ذرا رکھدوں ہتھ دھرو اس دا بھی
 بھلا جانیاں کہنوں میں دوس دیواں جھلی جاو ساں نہیں اُکاس دا بھی
 اک میں ہاں ڈولیا نہیں ہن تک چور ہو وندا قلعہ رہتاس دا بھی
 قلم اگ دی سٹ سراج ہتھوں سڑیا جا وندا رُخ قرطاس دا بھی

ایضاً

مہینوال نے رو رو یار اگے سارا درد طومار اظہار کیتا
 جویں نازاں نال پروان چڑھیا جویں گھر پیا کاروبار کیتا
 دلی دیکھنے عاشق جاگ پیدا نے پانی جویں بے اختیار کیتا
 دلی پہنچ کے جویں سودا گراں نے لین دین دارج و پار کیتا
 پھر دی لاہور واپسی دی استقبال جویں صوبیدار کیتا
 سن کے تیرے باپ دی کاری گری تیرا پہلا آن دیدار کیتا
 تیرے نت دیدار دے واسطے میں پیا بھانڈیاں نال و پار کیتا
 میرا ویکھ کے جھل کولل پیا ترلا نوکراں بے شمار کیتا

جویں پچھلی عمرے مایاں گھر اللہ پاک اوہنوں پیداوار کیتا
 ہوئی ملکہ شہزادی دینال نسبت اسلم بیگ جویں برخوردار کیتا
 جویں لئی رخصت روندیاں مایاں تھیں جویں قافلہ اوہناں تیار کیتا
 جویں شاہ جہان نے سد کے تے دربار اپنے منصب دار کیتا
 رورو کے دسیا گجرات آ کے ڈیرہ قافلے نے شہروں باہر کیتا
 تیری پہلی نگاہ دی کیہ دساں اپنا دین ایمان نثار کیتا
 کیہ دساں میں سوئے تُلے تائیں دے دے کتنا مالدار کیتا
 آخر بھکھیاں ویکھ کے چھوڑ گئے میں بھی نہیں خیال زہار کیتا

کچھ اونہاں دے وس نہ رہیا میرے مینوں عشق آہا بے مہار کیتا
 ہر شے جانیاں تہیتھوں ہزار صدقے کدی یاد نہیں گھر بار کیتا
 مغل جوش جنوں دے وچہ اپنا گریبان سارا تار تار کیتا
 تیرے واسطے آکے چاکری دا ترلا تلے اگے حدوں پار کیتا
 تدھ پچھیاے تاں میں جانیاں اوئے تیرے سامنے پیش لنگار کیتا
 ورتی کھول سنائی سراج آوس نے مرضی نال جاوے اعتبار کیتا

ایضاً

دھاگے صبر دے عشق دی اگ ساڑے مہینوال رُنا زار و زار یارا
 مینوں نوکری دی بھلا ٹور کھڑی چھوڑ آیا میں نفر ہزار یارا
 اسی وک گئے تیری چھک اندر توں کر نہ کر اعتبار یارا
 دتا شان بھلا سرداریاں دا بن کے کامیاں دا خدمتگار یارا
 کبھی شاہ گماشی نال تلے کیہا بھانڈیاں نال و پار یارا
 توں من نہ من ایہ سچ میرا مینوں نہیں پرواہ زہار یارا
 سوہنی چپ چپاڑی سنے پئی اکھیں نیویاں تے شرمسار یارا
 گئی گل نکل کلیجڑے تھیں ہو گئے جگر دے ٹکڑے ہزار یارا
 منتر عشق دے ول ول جکڑ لیا سنی سن ہووے پئی بے قرار یارا
 کھندا اک تیرے دیدار کارن پیا جھلناں دُکھ ہزار یارا
 تیرے عشق نے لکھ نہ چھوڑیاے جھاڑ و دیوندا پھراں بازار یارا
 وطن جاوناں نہیں نصیب میرے تیری زُلف داہاں گرفتار یارا
 ایس پردیس دھرتی تیرے باجہ بھلا ہو کون میرا غم خوار یارا
 ہوو کوئی مقصود نہ غرض مینوں بکو دید تیری درکار یارا
 تیری شمع جمال کمال اُتوں ہو ساں وانگ پتنگ نثار یارا
 اندر بول گیا دل ڈول گیا سن کے درد بھری گفتار یارا
 پائی عشق تاثیر تقریر اندر لئی پلک اندر سوہنی مار یارا
 لیا عشق نے مار سراج آوسنوں سدا رن دا ایہہ سالار یارا

سوہنی نوں سن کے اثر ہوناں تے محرم حال ہوناں

مہینوال کنگال بے حال شوہدے ڈاڈا رو رو حال ونجایا سو
 سوہنی کھول کھلو کے رہی سندی سندے سار قرار سدھایا سو
 لگی اک مہینوال دے ہوکیاں دی پتھر دل نوں جیوں موم پگھلایا سو
 بے اختیار ہو کے بے قرار ہو کے ہو کے مہینوال نوں گلے لگایا سو
 ہو یا روح نوں ایسا سرور حاصل بس ہستیوں وہم بھلایا سو
 ہو گئے ناز نیاز یک جان باہم حسن عشق دیوچہ ملایا سو
 اللہ اللہ مہینوال دی کیہ دساں روح فلک الافلاک پہنچایا سو
 بھلے چیتوں کون و مکان آوسنوں کونے کون مکان چھپایا سو
 کیتا مست بے ہوش آغوش دلبر وصل یار دے ہوش بھلایا سو
 دُکھی ہو کے یار دی جھڑ قد میں زخمی کالجہ چیر دکھایا سو
 پے گئی چنگ بار دودی کوٹھڑی وچ قلعہ شرم دا ساڑ گویا سو
 پیا ازل دا یاد اقرار اُلفت لوں لوں وچ ذوق سمایا سو
 گئے سینوں چولی دے ٹٹ دھاگے انگی وچہ نہ بدن سمایا سو
 حسن عشق دیوچہ تحلیل ہو کے ظاہری باطنی فرق مٹایا سو
 لہندی پیار نہ رجدی مول سوہنی گویا جہدا رُوح ادرا یا سو
 صدقے جائے عشق دی بندگی تھیں حق سچ معراج کرایا سو
 سارے سال دیاں مزدوریاں دا صلہ عشق نے اج عطایا سو
 اج اتنا ہی شادمان کیتا جتنا عشق نے پیا روایا سو

روندا بس نہ کردا درد بھریا جھولی وچ دریا وگایا سو
 سوہنی لوے پیار تے نین پونجے مل کے برم گرایا سو
 واگاں چھٹ گیاں ہوشاں لٹ گیاں تنیاں ٹٹ گیاں جوش آیا سو
 ہو کے ہم کنار سراج سوہنی دل عاشق دا انج ٹھیرایا سو

کلام سوہنی

صدقے جاواں گھماواں میں جان تیتھوں اتنا رو نہ ماہی بے وسیاوے
 میں تے دیکھ دیکھ تینوں رہندی سوچدی ساں ایہ زلف کسے وچ پھسیاوے
 مار گھتیا لڑیا بلخ دیا دس کے حال توں جیوڑا کھسیاوے
 جے میں جان جاندی تینوں طلب میری تیرا اتنا روح ترسیاوے
 ہن توں جانیاں اگلی بھلا دلوں تیرا عشق میرے من رسیاوے
 صدقے جاواں توں چھوڑ مسرتاں نوں حسرت وچ مکان وسیاوے
 ہائے میں مرگئی زلدار ہیوں ایڈا اگے کیوں نہیں مینوں دسیاوے
 ہائے میں کیہ جاناں زلفاں میریاں نے تینوں ناگناں بن کے دسیاوے
 گھول گھتی آں مخنتاں تیریاں تھیں کلر ڈھونے تے لک کسیاوے
 تیری قسم میں قد میں جھڑی رہندی کردی رہندی تیری پتسیاوے
 جو بن مٹ شراب طہور میرا یہ لے پی گھن بھر بھر تسیاوے
 سہندوں دکھڑے کیوں سراج اتنے جیکر توں ہوندا مینوں دسیاوے

کلام مہینوال

عاشق آکھیا سو پنے سچ دساں رہیا چپ میں تاں آگاہیاں تھیں
 تیری بے نیازی تھیں رہیا تھکدا جاواں متاں نہ خشک گراہیاں تھیں
 دُکھی روح تے ڈھیر مجروح پیسی اپر رکھیا باز میں ساہیاں تھیں
 وچو وچہ میں حوصلے رہیا دیندا دُکھی جی نوں توہیاں لاہیاں تھیں
 توں جان پیار یا بھلا ہووی کہہ ڈا عذر پر دیسیاں راہیاں تھیں
 سنے یا نہ سنے خدا جانے ڈردا رہیا میں بے پرواہیاں تھیں
 میں ہکڑا ایس پردیس دھرتی ایسے ہووندے نے کم باہیاں تھیں
 ویکھ ہنے دلدار سمہال کرسی حال پچھسی گا درد خواہیاں تھیں
 نہ توں پچھیا نہ میں دس سکیا رہیا جیوندا تیریاں ساہیاں تھیں
 کیتی لاٹ سراج تے جند صدقے سر یا ایہو پٹنگ سپاہیاں تھیں

کلام سوہنی

مہینوالیا ایہ تے گل نہ کر جے توں دسدوں میں نہ من دی کیوں
 جس ویلے توں خریدار آہیں جے میں جان دی گھروں تن دی کیوں
 میں تے جھوٹی آں اوس ویلے نوں گل نہ پچھی تیرے من دی کیوں
 جے توں کچھ بھی دسدوں حال اپنا بھلا شرط پیار دی بھن دی کیوں
 ہائے میں تتی کارے ہار پاپن مینوں جن والڑی جن دی کیوں
 پہلے دن ہی دُکھڑے ونڈ لینیڈی ایڈی بے پرواہ میں بن دی کیوں
 اللہ جانداے تینوں ہوڑ لینیڈی سکی بنی رہندی مال دھن دی کیوں
 پردہ رہیا تیناں اکھیں میریاں تے آئی نظر نہ چاننی چن دی کیوں
 ہائے افسوس اج ہووندی ایہ حالت تیرے نازک تن بدن دی کیوں
 جے میں کچھ بھی سوچ سراج کردی تیرے نال تکلیف ایہ بن دی کیوں

کلام مہینوال

بھلا سوہنے اگلی تے گئی گزری گزری گئی داناں جہاد کریئے
میں ڈھیر ہنڈائے میں دُکھ پئے ہن غماں تھیں جان آزاد کریئے
رج رج رُنا دل بھر بھنا ہن ایس ناشاد نوں شاد کریئے
سچی بارگاہ پاک جناب اندر دونوں رل کے کوک فریاد کریئے
اگلے عاشق گئے نبھا واری فرض اپنا اسی ہن یاد کریئے
جاوے گل اپر جاوے گل تائیں ثابت قدمی وانگ فرہاد کریئے
ایہ قول ہے بھلیاں داناں دا گزری گئی نوں نت نہ یاد کریئے
اگوں ہن حیاتی دے دن جہڑے رل کیلئے ہک مراد کریئے
دیوے رب تاں ہنڈالواں دلوں فکر اں نوں کڈھ آ زاد کریئے
اللہ کرے تے رہس بہار تازہ ایہ عشق دا باغ آباد کریئے
بیر پائیے عشق دے وچہ پنڈے ذرا نفس دے روسوا د کریئے
سوئے عشق تھیں سڑ سراج وانگوں دلوں بدی دے دور فساد کریئے

کلام سوہنی تے پیار دا اعتبار

قدم چم کے یار دے کہے سوہنی میری جان تیتھوں بلہار ماہی
تیرا رُخ ہے صفحہ قرآن مینوں دید حق ہے تیرا دیدار ماہی
صدقے جاواں نہ رہ گئی مول کوئی دکھاں تیریاں وچہ اپار ماہی
لیساں پا جھولی دکھاں تیریاں نوں ہن غماں دا بھارا تار ماہی
اللہ چاہے ہن قول دا تول ہو سی جاساں ڈول نہ میں زہار ماہی
گولی بنی رہساں رہساں وچہ قدماں بھائیں دکھڑے سبے ہزار ماہی
میں روونی آں اوس ویلے نوں جدوں توں آہیں خریدار ماہی
نچا رکھ میں انت قربان تیتھوں چیتا توں ناں ہمتوں ہار ماہی
میں مقتدی توں امام میرا تیرے امر تھیں نہیں انکار ماہی
خانہ کعبہ ہے کعبہ ہو ر ناں دا میرا کعبہ ہے بلخ بخار ماہی
اگلی گئی تے پرتدی نہیں تیتھوں اج تھیں میں تیری جاں نثار ماہی
چاہیا رب نے تینوں نہیں خوف کوئی ددم رہساں خدمت گار ماہی
لج لیک کولیک نوں جھاگ ویساں تیرا چھوڑ ساں نہیں پیار ماہی
ہن جیون مرن تیرے نال میرا میرے سچ دا کر اعتبار ماہی
میں سوچدی رہی پرناں پچھیا جھلی بنی رہی شرمسار ماہی
تیری میں تے توں سراج میرا دلوں نند چھوڑے کمہار ماہی

کلام مہینوال

تیرے پیار دے واسطے سوہنے فی دساں پئے جھلے نقصان کیہ کیہ
وطن بھل گیا رُل ڈل گیا میرا مل گیا ٹٹا شان کیہ کیہ
نہ میں سوہنے جا کے ذات کچھی کردے ہوسن شریک زبان کیہ کیہ
خبرے تیرے شہر گجرات والے ہوسن آ کھدے لوک نادان کیہ کیہ
کرناں پیا جوانی دا بیٹھ ماتم بیٹھا رو ہڑ میں شان گمان کیہ کیہ
دانت پت گئی عقل مت گئی مک رت گئی دساں جان کیہ کیہ
میں سوہنے ایس پردیس دھرتی تیرے رکھساں یاد احسان کیہ کیہ
اللہ جان دائے میرے مایاں نوں مہنے دیوندے ہوسن پٹھان کیہ کیہ
مینوں سوہنے نہیں ایہ زخم تھوڑے پنھیاں پٹیاں کراں در مان کیہ کیہ
ہائے میں کس نوں پھول سراج دساں میرے دل دیوچہ ارمان کیہ کیہ

سوہنی دیاں نتاں

مہینو الیا اگے میں شرم ماری مہنے مار نہ پیا شرما ہن تے
آکھیں سچ نقصان تے ہن تھوڑے ایپر دکھڑیاں دی انتہا ہن تے
ہن جانیاں چھوڑا لاہمیاں نوں دتی مرض تھیں ربّ شفا ہن تے
منزل ختم ہوئی نثر نظم ہوئی پوہتوں وطن تے وطن بھلا ہن تے
فاذکرونی اذکر کم گئی کیتے دی مل جزا ہن تے
میں جے آکھنی مینوں پتہ نہیں سی گزر گئی نوں دلوں بھلا ہن تے
قدی جھڑ معافیاں منگنی آں بھل گئی نوں بخش خطا ہن تے
پیڑاں لوں گی چن وجود وچوں لوں لوں تے لیاں دوا ہن تے
مہینو الیا سمجھ ایہ رمز میری پئے ملن گے ساک بھرا ہن تے
گیرے چھوڑ سراج افسوس نہ کر لیوئی زلف دیوچہ پھسا ہن تے

مقولہ شاعر تے دوہاں دا پیار

حسن عشق دی ازل تھیں ذات ہواک دوسرے دے بھائیواں دونویں
ظاہر حسن تے باطنی عشق نامی کامل رکھدے جاہ جلال دونویں
جدوں نال اتفاق دے ہون متفق دیون غیر نوں گھروں نکال دونویں
سوہنی نال مہینو ال دے اک ہو گئی مل گئے جلال جمال دونویں
گئے صبر و ضبط دے چیر پینڈے چلے تیز پیار دی چال دونویں
دتا شرم تے بھرم مٹا سوہنی ہوئے عشق دیوچہ کمال دونویں
مہینو ال کنگال نوں چین آیا ہوئے دیدڑے کجھ بحال دونویں
شامیں جدوں مجھیں لے کے گھر آوے ہون مل کے بہت نہال دونویں
فرصت پاکے تے سوہنی دے مایاں تھیں بہندے ہونو کیلے لال دونویں
مئے شوق دا پیوندے جام بھر بھر پیاروں گل گلوکڑی ڈال دونویں
ہو یا شروع تھیں انہاں داسنگ پکا آپس وچہ ایہ ہم خیال دونویں
طاقت ہیچ جہان دی انہاں اگے ہر شے نوں لین سمہال دونویں
حسن عشق دووچھڑے ملے جانی ہوئے مل کے بہت نہال دونویں
ہو یا پک پیار تیار دتے رخت صبر و حیا دے جال دونویں
اک گھڑی نہ وسدے ملن کولوں ساعت جان دے سال مثال دونویں
جدوں ہسدے رل کے ہسدے سن جدوں رووندے ہون ملال دونویں
راضی ہو کے چاردا مجھیاں نوں گئے غم و الم دے کال دونویں
سارے دن دے ہجر دے چھیر قصے نال شوق کرن قیل و قال دونویں
سوئی اُلفت دی دوہاں دے دل سیتے ہن ٹٹے ہوئے محال دونویں
رچی خوشی سراج دو جانیاں نوں پئے لذتاں لین وصال دونویں

سوہنی دا پیار

گوہرا پیار پایا سوہنی نال ماہی گئی بھل اوہ صبر سہار نے نوں
کعبہ سمجھ کے یار دے وطن تائیں کردی سجدے بلخ بخار نے نوں
مہینو ال نت فخر نوں پکڑ کھونڈی مجھیں لے جاندا نیلے چار نے نوں
خونیں بدلیاں چال تبدیل ہو گئی گئی جھاگنے جھاگ نکھار نے نوں
جدوں شام نوں شام نوں دیر ہووے نین اُبلدے خون اُبھار نے نوں
بہندی کھول قرآن مجید مصحف صرف یار داد درد چنار نے نوں
اتناں کتناں وتناں بھل گیا بھلی جاوندی اے ہر کار نے نوں
کھلی رہے چبارے تے راہ نکلے رہیا صبر نہ دن گزار نے نوں
کیتا چھانی کالج یار کارن شربت پیار دا صاف نتار نے نوں
ماہی مجھیاں دے کیوں چر لایا چھاتی پھر کدی سی ڈھاہیں مار نے نوں

جاوے پیش نہیں کوئی سوہنی دی جاوے دیوے نہ مجھیاں چارے نوں
 گھڑیاں گندیاں دن دیاں جان گھڑیاں پونجی صبر دی چل گئی ہارے نوں
 مرن مجھیاں سائیاں سنے شالا چننا کیسی میرے دلدار نے نوں
 بلدا بھٹھ محبوب بن گھر دے شالا اگ لگے گھر بار نے نوں
 راضی ہو یا سراج مہینوال پھرے لیا موہ کڑی کمہار نے نوں
 بھلیاں تاوناں گنھ پکا و نیاں کم کار نے گئے وسارے نوں

ایضاً

یارو نال سوہنی عشق حد کیٹی مہینوال اُتوں جند گھولدی آ
 سیاں وچ نہ چین آ رام اوسنوں سارا دن رہندی تاہنگ ڈھولدی دا
 جھلدی ناز نہ رجدی لاڈ پیاروں جی جی کردی جدوں بولدی آ
 بیلے وچ بہانیاں نال جاوے چھناں گھیوتے ددھ دا گھولدی آ
 فرصت پاکے تے چوری مابیاں تھیں کول بہ کے ڈکھڑے پھولدی آ
 مجھیں چار جدوں شامی گھر آوے نال رل کے بندھدی کھولدی آ
 کردی رہے سپرد مچھانیاں نوں کریں لال پراوٹھی ڈھولدی آ
 مہینوال سنگ ڈکھڑے پھولنے نوں رہندی وقت نوں کلا ٹولدی آ
 ہو یا پک سراج مہینوال تائیں سوہنی پکی دس گئی قولدی آ
 رہندی حوصلے رہے مہینوال تائیں بندی صدق تھیں ہن نہ ڈولدی آ

ایضاً

ذوق وصل کیٹی مخمور سوہنی مستی چھا گئی گرب گھیلیاں دی
 بناں یار نہ چین قرار اک اونہوں کھا وندی لگ حویلیاں دی
 کرے بشر اں ڈیگری یار خاطر سازے زلف خمدار پھیلیاں دی
 بانے بدل دی یار مناوے نوں جوں اُٹھدی آس نویلیاں دی
 جویں رلکدے صبح نسیم جھونکے کلی جا وندی کھل چنیلیاں دی
 کھلی رہوے چبار تے گھڑی گھڑی اونہوں بھل گئی تاہنگ سہیلیاں دی
 مرگاں پکاں تیر انداز تر کھے تر کھی دھار اکھیں سرمیلیاں دی
 چھوڑ بانڈیاں تاوناں بھج نکلے جدوں رنک سینو دی ڈھیلیاں دی
 ہو یا عشق دا حسن سراج راہبر مرضی اک ہو گئی دوہاں بیلیاں دی
 اللہ بسم اللہ میں قربان صدقے آ ہی جان بے تاب اکیلیاں دی

مقولہ

بلبل دا دل ہے گل چھاں دل گل دا بلبل سودائی بیٹھے
 اک دوسرے نوں قابو کرن کارن دونوں دام تزیرو چھائی بیٹھے
 جتنے حسن بازار سراج ساکن غرض مند تمام قصائی بیٹھے
 پاسے رب دے جس نوں فتح حاصل باقی نیت تے دونوں ہرائی بیٹھے

ایضاً

طالب اُتے مطلوب اک جان ہو کے حسن عشق دیوچہ ملا چھڈیا
 سا لک پنہنج کے منزل مقصود اُتے ماضی رنج نوں دلوں بھلا چھڈیا
 بلبل تے گل نے مل کے ذات پات دا فرق اڈا چھڈیا
 گویا عشق نے حسب دستور اپنے معشوق نوں عاشق بنا چھڈیا
 ہو یا ذات وچہ ذات شمار قطرہ جدوں اپنا آپ گوا چھڈیا
 کیٹی بوند نے بود نابود جس دم بس دوئی دا وہم مٹا چھڈیا

ہم خیال ہو کے مہینوال تائیں سوہنی ذائقہ وصل چکھا چھڈ یا
بل گل دا بلبل چم چم کے رتا لال گلال بنا چھڈ یا
بارور ہو کے باغ پریم اندر سوہنی اپنا آپ نوا چھڈ یا
بے خود ہو فضائے عشق اندر ہتھوں جیوڑا دوہاں اڈا چھڈ یا
اگوں گل بھی اوسدی وچہ اُلفت زخمی کالجہ کھول وکھا چھڈ یا
جیوے پئی سراج گل گوندھی عزت بیگ مہینوال بنا چھڈ یا

سوہنی دی بے اختیاری محبت

سوہنی اوج اقبال پونجا دتا ہتھوں چھوڑ پٹنگ پیار دے نوں
بھتہ لے کے جاوندی نت نیلے راضی رکھدے چت دلدار دے نوں
ڈیگر نال مہینوال دے اون ویلے ساز رکھدی پٹنگ نوار دے نوں
قصہ مختصر ہاڑ سیال گزرے مہینوالڑے مجھیاں چار دے نوں
ترناں پئے گیا عشق چتہاں مارو عزت بیگ سلطان بخار دے نوں
جل گئی پروانے دے ہار مطلق شمع سمجھ کے رُخ دلدار دے نوں
چھیڑو کہن دو بے رج بہار یار واس چاکڑے تلے کمہار دے نوں
اوہدیاں دیکھ خوشامداں پیار بھریاں بھس پئے گیا جنگ بھنڈار دے نوں
چیتا بھل گیا وطن تے ماپیاں دالئی وندا شوق دلدار دے نوں
دیہہ دعا سراج مہینوال تائیں شالا ونج دیکھے ساحل پار دے نوں

عاشقاں دے پیار دا ظاہر ہوناں تے اُونہاں دے اندیشے

مٹھا پیار دوہاں بیلیاں دا ڈٹھے لامکان یرانیاں دے
اک دوسرے دی شمع جمال اوتے جندوار گئے وانگ پروانیاں دے
مہینوال ونج چار دا مجھیاں نوں وچہ بیلڑے دے جھل کانیاں دے
چڑھیاں ہو یا سرمستیاں پریم دیاں دؤویں وندے وانگ دیوانیاں دے
سوہنی یار دے پیار سرشار کیستی خوف بھل گئے بھیت بھانیاں دے
دیکھ پتیرے دوہاں دی چال والے شے آگئے دل بیگانیاں دے
حاسداں چغل خوراں اتے نظر بازاں کیے سدھے تیر نشانیاں دے
لگی ہون وچار بازار گلیاں وچہ ترنجناں تے چکی ہانیاں دے
آتش عشق تے مشک نہ چھپدے نیس ایہ قول اگے مرداں داناں دے
دے عشق نے ڈھول وگا گھر گھر بس کھل گئے بھیت پرانیاں دے
کوئی جان دا خوف نہ جانیاں نوں بس خوف آہے وچھڑ جانیاں دے
پے گئے فکر ایں اندیشاں وچہ دؤویں سوچاں کرن وانگوں نمہوں جھانیاں دے
ملے باجہ نہ لنگھدی اک ساعت چھپ ملدے نال بہانیاں دے
پچھوں تاوندے نیر برساوندے نیس ویلے کر کر یاد دہانیاں دے
بیٹھا ذات صفات رٹ ہاساری جھگے گال چھڈے مغل خانیاں دے
پی پی کے جام گل فام شیدی ہو گئے مست قلوب مستانیاں دے
کردی رہے دلداریاں یار دیاں نال ون پونیاں بانیاں دے
گئی گل نکل گجرات اندر بھیت کھل گئے اللہ آنیاں دے
تھوڑی گل ودھا کے ہون لگ پئی جدوں آگئی منہ زانیاں دے
پے گئے رو لے بھنڈ تندر بھٹھی وچہ داریاں مجلساں خانیاں دے
اونہاں واسطے پئی از غیب بجلی گئے اُلدے دور زانیاں دے
لئی عاشقاں بھی سن گل ساری بجلی کڑک پئی سرتنیاں دے
ماہتاب گلاب شاداب چہرے ہو گئے وانگ پھلاں کرمانیاں دے
بیڑی پئی سراج طوفان اندر بھل گئے حواس مہانیاں دے

اونہاں دے پیار دا ظاہر ہوناں تے مقولہ شاعر

دوہاں بیلیاں مٹھرا پیار پایا حسن عشق دا گرم بازار ہویا
 اے راج نہ وصل دے جام پیتے ناہ سدھریں ونڈ پیار ہویا
 گل نکلدی نکلدی نکل گئی سماں بدلیا کج رفتار ہویا
 چال سوہنی دی ویکھ کے تاڑ گئے بدن سارا پروار ہویا
 جیوں جیوں سوہنی نوں دساں پین لگیاں سر آن غماں والا بھار ہویا
 ہٹ جان بھی بہت محال ہئی پکا رشتہ سی نال یار ہویا
 عشق اپنا آپ وکھان لگا نہیں ایس تھیں کدی ادھار ہویا
 مٹھا کھان دیوچہ تریاق وانگوں اترے حلقوں تے زہر مار ہویا
 سروں کڈھ شہزادیاں نشر کردائے نہیں کم ایسا ستر دار ہویا
 اُلی پھرے ولوہنیاں وانگ اونہاں سر جہان دے عشق سوار ہویا
 بھارا بھار پریت دا دو جکوں ہر کوئی نہیں ایسا طلب گار ہویا
 چالے کھاوندے نسدے کئی ڈٹھے لکھاں وچہ کوئی ہشیار ہویا

اونہاں دا عشق عام لوکاں تاں میں دھم جاناں

جدوں حاسداں فاسداں بھیت پایا گل وچہ گجرات رسوا ہو گئی
 پے گئے بھنڈ بھنڈ ارتندور بھٹھی کارن عاشقاں بددعا ہو گئی
 جوڑے منہ زبیاں جوگناں نیں سوہنی چاک اُتے بتلا ہو گئی
 حضرت عشق دے ڈھول گڑ گج پائی آواز خلق نقارہ خدا ہو گئی
 لگی کھمب دا کاں بنان دُنیا خاص و عام وچہ گل کھنڈا ہو گئی
 ظناں وچہ پئے گیاں پروار سارا سوہنی واسطے سحر عشا ہو گئی
 پیا فکر امانت ازل والا گویا سند ملی بلا ہو گئی
 ایہ اک منزل رشیدی راستے دی انتھے لازمی بند غذا ہو گئی
 جویں کوفیاں بند فرات کیتا کارن سیداں کرب و بلا ہو گئی

ہر جاتے تذکرے ایہو جاری چرچا شہر وچہ جا بجا ہو گئی
 رہی جانہ مول سمیٹنے دی اوڑک ہاسیوں گل سبھا ہو گئی
 سن سن کے بول گواہنڈناں دے اوڑک وچہ ظناں اوہدی ماہو گئی
 گل کھنڈ دی کھنڈی کھنڈی ساکاں ساریاں وچہ کہا ہو گئی
 بھلا ایڈ موکالیاں کون جردا کالی رات کمہاراں دے بھاگئی
 چہرہ رشک گلاب کرما گیا جدوں تیز خزاں دی وا ہو گئی
 توبہ ملے گی کس دربار ڈھوئی جے تے عشق نماز قضا ہو گئی
 دنیا سجن العارفین ہے ایہو گھاٹی البلاء للولا ہو گئی
 حاصل ہون مدارج علی جیکر خنجر تلے نماز ادا ہو گئی

لگے پیر نہ تحت اثری تیکر جیکر ذرا بھی لغزش پا ہو گئی تیری ابتدا سراج اوتھے جتھے ہورناں دی انتہا ہو گئی

عشق دا اظہار تے سوہنی دی پریشانی تے فکر

قصہ خاص جد راز افشا ہو یا سوہنی جی دیوچہ گھبران لگ پئی
تنگ آ کے نت دیاں مہنیاں تھیں سنجی ماں بھی کرن گمان لگ پئی
ہو گئے راکیاں دے درپے ظالم ساری قوم اوہنوں دیکان لگ پئی
کردی یاد انجام مقام اپنا سوچاں جی دیوچہ دوڑان لگ پئی
لہراں دیکھ کے قلم عشق دیاں سوہنی بیڑی دیوانگ ڈولان لگ پئی
چشماں وچ حسرت آرزوین کے ہنجوں بارشاں وانگ برسان لگ پئی
اودھر راز دقیق عمیق مضمر گویا راز وچہ راز چھپان لگ پئی
دانے آ کھدے جن تھیں ظن مند امانی شک تھیں پک بنان لگ پئی
دھئے ہوش کر خیر جے لوٹنی ایں تیری چال کچھ سانوں ڈارن لگ پئی
جیوں جیوں سوہنی نوں دس پوے چوکی ساڈی گل ہن ہون عیان لگ پئی
گھیری جان اندیشاں بھاریاں نیں رہن ہر ویلے نموں جھان لگ پئی

سوہنی دا مہینوال نوں دسناں

وکھرے بہ کے یار مہینوال اگے سوہنی سنیاں پٹاریاں کھول دی اے
آگئی عام لوکاں منہ گل ساڈی پے گئی گج اُچی ساڈے ڈھولدی اے
کسے تڑی ماں نوں وطن پایا میرے بھیت تائیں رہندی رولدی اے
اپہر رکھ تسلیاں جان میری بندی شیر وچہ سیر نہ گھولدی اے
سنسی جگ کہانیاں میریاں نوں جگ من جاسی پکی قول دی اے

ماہی پیار ساڈا ظاہر ہو گیا پئی جان اندیشوں ڈولدی اے
دیسن توڑ وچھوڑ تے مروسیاں سوہنی پئی موتی ہنجوں ڈولدی اے
جھڑکاں دیندی اے وانگ متریاں دے گل گل اتوں رنج بولدی اے
تیری دید اتوں قربان جاواں بندی سب لجاں پتاں گھولدی اے
اُونہوں خوف سراج ایلینس دا کیہ جتھے ہتھ وچہ تیغ لا حولدی اے

مہینوال داسن کے سوہنی نال جواب

رو رو سوہنی دلدار اگے جدوں کھول سنایا حال اپنا
دکھ یار دا ویکھ نہ جر سکیا دتا چیر ناسور مہینوال اپنا
اگے روح مجروح نوں ڈھاہ مارو پئی وسدی زور اُچھال اپنا

بھر بھر دیدڑے ویٹدی رہی جھولی پیش رکھیا جگر نکال اپنا
آکھے روکے تروڑ نہ پھٹ میرے میں رکھیاے زخم سمہال اپنا
مساں مساں اُڑیا جڑیا دل ٹٹ جاوی ویکھ کمال اپنا

دُکھاں تیریاں تھیں صدقے جان میری بس رو و نہ جانہ حال اپنا
 بے سامان پر دیسی سودا کی تیرا اگے ربدے کرے سوال اپنا
 اتھے سوہنے کیہ مقدور میرا جتھے دھریا نام چروال اپنا
 کرسی دان سلیمان دا ہو کے کیتا مالک اتھے کلال اپنا
 دکھ وطن وچہ میرے ضعیف ماپے ہوسنت اڈ یکدے لال اپنا
 تیری قسم نہیں شوق سرداریاں دا بس دیوندا رہو جمال اپنا
 رہساں نوکری عمر تمام دیندا خادم سمجھ مہینوال کنگال اپنا
 کرسی آپ نواز شاں سائیں سچا لجاں پالسی گا پردہ ڈال اپنا
 پہلی ایہو دشوار گزار گھاٹی کر دل مضبوط کمال اپنا
 جے تے ڈرنائیں پیر پائیں ناہیں رکھ دل مضبوط سمہال اپنا
 کدھی پارلی ونج ستار لاوی ویکھیں جا مقام تعال اپنا
 ازلی سنگ سراج پتنگ دونوں ہن سنگ نہ سنگ سمہال اپنا

تیرے رون تھیں آروندائے عرش دل دا گیا بھل جنوب شمال اپنا
 جانی میریا کیہ تدبیر میری بیٹھا نام نشان میں گال اپنا
 ہائے ارمان ہک واری جے بلخ جاندا تینوں دسدا رعب جلال اپنا
 مینوں سوہنے بے شمار پیڑاں دساں کیہ کیہ درد اُبال اپنا
 شیدی میں قیدی میں زلفاں تیریاں دا آ یا یاد نہ بخت اقبال اپنا
 میرا جاوناں وطن محال ہو یا گیا بجھ اتھے وال وال اپنا
 پچھیں سوہنے کیہ صلاح میتھوں جویں چاہیں ورت خیال اپنا
 چھوڑ خوف و سواس بے آس نہ ہو رکھ آسرا ذوالجلال اپنا
 اللہ آسرا ای لمے پندھ دیئے لگا عشق دکھان جلال اپنا
 عشق قلزم دا ترن اوکھائے پہلوں دیکھ لے ڈھم سمہال اپنا
 وٹ وٹ لنگوٹا صدق والا رکھ آسرا خضر ابدال اپنا
 قادر کرے گا فیصلے نیتاں دے جیوڑا کر نہ مول ملال اپنا

سوہنی دا مہینوال نوں ازماون واسطے بیان

اندر لین نوں یار مہینوال تائیں اُتوں ہو کے پئی ازماؤندی آ
 ان پچھیاں تروڑ نہ پھل باغوں جیکر جان سندی خیر بھاؤندی آ
 عزت واسطے دیاں دے دیس کس گئے قدم پت بھاری اس ناؤندی آ
 پلی ہوئی اصطبلان تے کھوتیاں دی ہو ہڑی جیہی ایہ نسل سداؤندی آ
 میرے واسطے تھہ نوں حرج ہووے بندی ایس لگوں شراؤندی آ
 جاہل ہن اپنے ماییاں نوں چھاتی پئی ہلدی ہوسی ماؤندی آ
 جھاتی گھت کے یار دے من اندر پئی اوہدی وفا ازماؤندی آ
 رگڑ رگڑ کے پئی سراج ویکھے سونے تا سلاخ لگوندی آ

ہو کے چول چوٹری دلوں سوہنی کوڑی مچی دا پئی ڈراؤندی آ
 آکھ واری آں سوچ کے بھار چاویں ایہ جا پردیس دے تھاؤندی آ
 رکھ خوف کجھ میریاں ماییاں دا غیرت بیٹیاں جان تپاؤندی آ
 پاسن سار کھار گجرات والے اوہناں غیرت جری نہ جاؤندی آ
 جاہ نس جاہ اپنے دیس ماہی گھڑی گزر گئی ہتھ نہ آؤندی آ
 پردے وچہ اگے لنگھ گئی چنگی ہن ہو پئی رنگ وکھاؤندی آ
 سوہنی سفر عشق وچہ پین لگی پئی جانچ کے قدم اُٹھاؤندی آ
 پئی یار دے نال کلام کردی اندروں آپ پئی گھبراؤندی آ

مہینوال دی پریشانی تے سوہنی نال سواب جواب

اکھیں پیش غبار اُبھیر چھایا وچہ غوطیاں جی غلطان ہو یا

مہینوال سن کے حال لال کولوں گھبرا گیا سخت حیران ہو یا

کہنداموڑ نہ سوہنیئے عشق و لّوں بے وس ایہ جی نادان ہو یا
 ٹٹی شاخ تھیں پھل نہ ہرے ہوون دانالکھ توڑے باغبان ہو یا
 دُکھی جیوڑا وس تھیں باہر میرا نشہ پریم دارچیا جان ہو یا
 سوہنیئے اوس نوں موت دا ڈر کہڑا ہک وار جو مر کے فان ہو یا
 ذرا سوہنیئے غور خیال تے کر میرے نسب دا کیڈ نقصان ہو یا
 مینوں سوہنیئے نہیں ارمان تھوڑے گننام میرا خاندان ہو یا
 میرا سوہنیئے تیرے بیان کولوں تار تار سارا گریبان ہو یا
 رنج کر لئے بے وفائیاں نوں کراں عذر ہوواں بے ایمان ہو یا

مہینوال

ورج سوہنیئے مول نہ عشق و لّوں اساں عاشقاں پاک نمازیاں نوں
 اساں بیڑاں دے پیر دے پیر پکڑے دِلوں چھوڑ کے تے جعل سازیاں نوں
 ڈرساں مول نہ کپراں غوطیاں تھیں رب لاوی پار جہازیاں نوں
 سچی پاک جناب تے صاف روشن میریاں حقیقتاں اُتے مجازیاں نوں

آکھیں نس جاہ موت دا ڈر دسیں کیہا ڈر پروانیاں غازیاں نوں
 دتا عشق سمندر وچہ ٹھیل بیڑا حامی سمجھ غریب نوازیاں نوں
 چاہیارب تے کٹ دکھاوساں میں مشکل گھاٹیاں دور درازیاں نوں
 جاویں ڈول سراج نہ عشق و لّوں دیویں ہار نہ جتیاں بازیاں نوں

ایضاً

اساں سوہنیئے جانا نیک لطف ربی سر عشق دے غضب دی سانگ ہوسی
 لئی عشق دی نیت نماز خبرے سنی ہوئی الست دی بانگ ہوسی
 میرے عشق دا فخر شیرازیاں نوں بھاویں وچہ پنجاب کرانگ ہوسی
 راہ ویکھدے ہوو سن نت شامی میرے آون دی اوہناں تاہنگ ہوسی
 ہون پچھدے راہیاں پاندیاں تھیں کوئی دُکھی نہ انہاندے وانگ ہوسی
 لیکے داغ منگیوے دا عمر ساری دُکھی پئی میری ملکہ مانگ ہوس
 مڑساں مول نہ اپنی روش کولوں منزل پار دی اک ڈولانگھ ہوسی

دو جہان وچہ عشق ایمان میرا اک میں ہوساں تیری تاہنگ ہوسی
 چاہیارب تے یوم نشور تیکر میرے راز کمال دی دھانگ ہوسی
 بھاویں برے نصیب سن مایاں دے نت ڈنگدا بجر دانگ ہوسی
 ہوسی باپ نوں تاپ جھاپ والا میری ماں اڈاوندی کانگ ہوسی
 ڈیوے من دے رہن مسیت خانے میرے جانے دانہیں ٹانگ ہوسی
 اوہدے لیکھے کو لکھنے لیکھ آوے اوہدانت داماتمی سانگ ہوسی
 آہ تیز تر برق سراج کولوں ویکھیں ہفت افلاک دو پھانگ ہوسی

مقولہ شاعر

ساقی ماہ رخ جدوں دا بخشیا اے پُر کر کے تے ہک پیانہ
 مستی جام گلگوں نے کر چھڈیا مینوں وچہ یگانیاں بیگانہ

شالا حشر تک رہے آباد دم دم میرے پیر مغال دا مے خانہ
 اوس کن میرے وچہ پھوکیا اے مینوں یاد اوسدا قول ناصحانہ
 والا ضام جدکناں پایا اے نال بتاں جے رشتہ دوستانہ
 برا بھلا نہ آکھ پجاریاں نوں باز آ صوفیا ناداناں
 جھلیا سر ملا متاں شہرتاں نوں غرض مند جیوں آ کھدے دیوانہ
 جے میں اپنی موج وچہ آ جاواں ذرا کراں قائم بزم شاہانہ
 جے میں تان چھیڑاں دکھی نغمیاں دی ہووے اثر کیوں نہ جوشی حیواناں
 بت ناز دا ناز انداز صدقہ کر چھڈیا جیوڑا نذرانہ
 واعظ بے تاثیر تقریر تیری میں ہاں شمع محبوب دا پروانہ
 عابد ساڑ مصلیٰ تے بھن کوزہ سمجھ جاہ اک نکتہ رندانہ
 میرے سخن نوں تولسن مرد عارف سمجھ کی بھلا جاہل ملوانہ

دی جدوں دی عشق نماز مینوں گئی بھل نماز پنج گانہ
 جبکہ پاواناں کعبے والڑے نوں تاں کعبے نوں سمجھ لے بت خانہ
 حق سچ ہر پاسے دسدائے اوس دن تھیں جلوہ جاناں
 کدی صنم خانے وچہ جھات پاویں بخود دسٹ آویں جبہ صوفیانہ
 اساں نچ کے یار منادناں گل پالیناں جنجوں کافرانہ
 آوے بدل کے بھیس جمشید ویکھن گل پالباس فقیرانہ
 جھوم جھوم کے تے میرے پیر بچے بازو باورا دیوانہ
 قیدی ہو گیا مرگ دل میرا اوہدے رُخ دا ویکھ کے تل دانہ
 میں کدی نہ چھوڑاں ساں بت پرستی رکھی رکھ اپنا شان زہدانہ
 بندگی عمر دی یار دا اک جلوہ ایہو دسدائی مذہب عاشقانہ
 پچھو سچ تے ہو یا سراج تائیں حاصل بتاں کولوں شاں عارفانہ

مقولہ شاعر

دلا کاسنوں اُچھلیا آدناں ذرا ہوش ایہ جوش اُبال نہ لکھ
 تینوں وحشیانت سمجھادناں ہاں باز آ توں ایسے خیال نہ لکھ
 توبہ کر نہ کر کول جھلیا کعبہ دیر دی اک مثال نہ لکھ
 کچھ حفظ مراتب نوں رکھ چیتے جگہ بجز دی ذوق وصال نہ لکھ
 گھٹی رکھ اک گھٹ جے پی بیٹھائیں وانگ چاتراں قال مقال نہ لکھ
 گیا گزر منصور دا دور دورہ انا الحق دا نعرہ قال نہ لکھ
 قصہ لکھ جے سکھ عروض بیٹھوں نظر خوردین دی بھال نہ لکھ

ہووے متاں فتور ظہور کوئی ایڈا ہو کے بے سمہال نہ لکھ
 ملاں تنگ دل سن کے مارنی گے ایڈی دوستی بتاں دیناں نہ لکھ
 ایہ سحرے ویر جگانائیں اگے مفتیاں مفت سوال نہ لکھ
 کہہ کرناں پیتا تحریر نئے بدلے ورق دے ورق ہڑتال نہ لکھ
 بیٹھوں پھول دیوان دیوانیاں دا شرح لکھ توں متن تعال نہ لکھ
 ضبط سردی جام نوں میخوارا جذباتی حال احوال نہ لکھ
 ازلی سبق رکھ یار سراج اپنا اللہ لکھ ست سری اکال نہ لکھ

پھر اصلی گل ول شاعر دا واناں

قلم آ پھر مرکز خاص اُتے جدھے وچہ مضمون نگاری آہی
 جدوں یارتائیں ازماونے نوں سوہنی گل بنا سنواری آہی
 مہینوال کنگال بے حال تائیں لگی چوٹ کلیجڑے کاری آہی

قصہ یاد کرکھاں اگے سوہنی دے شروع مہینوال دی زاری آہی
 توبہ کیہ آکھاں جھلی جان بھجھ کے سٹی وچہ بارود انگاری آہی
 درد دے کے آکھدا سوہنیے نی میری اگے ہی جان ازاری آہی

میںوں موت تھیں آج ڈراو نے دی تدھ کی دلیل گزاری آہی
 ذرا سوچ کے تے ہتھ پاوناں سی جے ایہ گڈھڑی جا پدی بھاری آہی
 انی ٹھگنے ملک بنگال دیئے تیرے کول کوئی بڑی عیاری آہی
 میںوں سوہنیئے آج معلوم ہو یا تیری نیت تے مدھوں ہی باری آہی
 بھلا دس کھاں کیہی لوڑ میںوں رکھی بھانڈیاں دی خریداری آہی
 رہیا ڈھونڈا سال اروڈیاں نوں کیتی راج کے ٹہل گزاری آہی
 میںوں سوہنیئے کدی نہ بھل جاسی کیتی وطن تھیں جدوں تیاری آہی
 اللہ جان داے اوہدا حال تو بہ اوہ تے اگے کمزور بیچاری آہی
 میں تے جھل جاساں جو کچھ سر آئی ایہو آکھاں قسمت ماڑی آہی
 تیرے جو بن جوانی دی خیر شالا کدی میرے بھی سرمایہ داری آہی
 دولت عزت شرافت خاندانی سارے شہر ساڈی سرداری آہی
 پٹیا ہند پنجاب دے شوق میںوں گھر راج کے ناز برداری آہی
 وطن نس جاواں دسیں ہن جدوں پھر گئی ہر شے اُتے بہاری آہی

توں انج تے آکھناں ناہ میںوں لینی کالجے مار کٹاری آہی
 جے توں انت نوں ہار کے نساں سی پہلوں کیوں شطرنج کھلاری آہی
 آج رو رو کے پئی دسئی ایں کل یاد ناں ایہ خواری آہی
 منگوں بالے دا چروان کارن کیتی پئی میری خاطر داری آہی
 صرف ظالماں میں تیری دید کارن کیتی پئی ایہ زرناری آہی
 لگدا کیہی سی تملہ کہہرا میرا ایہ سب تیری خاطر داری آہی
 پوندی غضب دی ڈاھ کلچرے نوں چھڑی روندی ماں پیاری آہی
 گلایاں وچ پھردی پریشان ہوئی اوہدی سکھ دی گھڑی ادھاری آہی
 کہسی حشر تک پیا جہان سارا ڈائن خون پینی کہہاری آہی
 جم راج بے فکرا ناز بھریا میری بلج وچ مہر سرکاری آہی
 صبح شام خوشامدی تاجراں دی نفراں نوکراں فوج ہزاری آہی
 ایہ سب کارستانیاں عشق دیاں لکھی ہوئی گجرات خواری آہی
 اُجڑ گیاں دا گھر سراج کہہڑا پٹی کانگ نے چار دیواری آہی

مہینوال دا بیان

ہن میں سوہنیئے چھوڑ گجرات تیری کدی بلج بخارے نوں نہ جاساں
 بھاویں نہیں کوئی چارہ پیش جاندا اپر چھوڑ کے چارے نوں نہ جاساں
 ہو یا حشر نوں جنت دا حکم میںوں تیرے سمجھا اشارے نوں نہ جاساں
 کافی دانی ہے میںوں دید تیری کدی طور چکا وے نوں نہ جاساں

جھلساں دکھ تے دکھ ہزار پیا تیرے چھوڑ دوارے نوں نہ جاساں
 سر رہوے نہ رہوے پرواہ ناں سروسٹ کے بھارے نوں نہ جاساں
 تیری دید تھیں ہشت بہشت صدقے تیرے چھوڑ نظارے نوں نہ جاساں
 جلساں سوز تھیں پیا سراج وانگوں تیرے چھوڑ جھلکارے نوں نہ جاساں

سوہنی دی شرمندگی تے یارا گے منتاں زاری

مہینوال زخم خوں فشاں اپنا جدوں یار نوں چیر وکھایاے
 روندنا دیکھ عاشق خستہ جگر سوہدا جیوڑا سوہنی دا پچھتایاے
 کامل مرد دے ویکھ جذبات کامل لوں لوں وچہ خوف سمایاے
 سیف طبع تیز زبان اسدی سان عشق تے چاڑ چمکایاے

لالہ زار بیسی زنجی دل اوسدا داغاں نال تمام سوہایاے
 ہائے میں ظلم کیتا اپنی جان اُتے کیوں پیا مظلوم ستایاے
 تھر تھر کنب گئی دلوں جھنب گئی ہائے میں کوڑا کیوں از مایاے
 توبہ دو جہان نہ ملے ڈھوئی جے تے کجھ اس موہوں الایاے

رہی تاب نہ ہو بیتاب اٹھی سر قدماں وچہ وگایاے
بھلن ہار پاپن کیتی نادانی ہن کیے دا پھل پایاے
جھڑا قدمی جھڑ کے بھل منے چاہیے اوس تے رحم کمایاے
کدے جاوسی بدنصیب نوکر جے تے مالکاں مار ہٹایاے
ہائے میں بھل گئی بخش گناہ مینوں ناحق دکھ دتا کلپایاے
چاکر معاف تقصیر میری سڑ جائے چھبھ میں کیوں ستایاے
پردے کج میرے پردہ پوش سائیاں بھلن ہار بندہ بھلدا آیاے
ونڈاں نت سراج شیرینیاں میں جے تے یار نے قرب عطا یاے

سوہنی دا بیان

سوہنی یاردی قدمی جھڑی ہوئی سجدہ عشق دا سمجھ حلال دل تھیں
نہ رو نہ دکھیا ہو اتنا سوہنی تیری اے ہر حال دل تھیں
تیرے راہ دی خاک نوں کراں سرمہ دیساں پئی جھاڑ وڈ لفاں نال دل تھیں
سوہنی سوہنی ہو کے مرے شالا کراں رب دے پیش سوال دل تھیں
دو جہان میں تیری امان سوہنی ہو ساس وچہ قدماں پائمال دل تھیں
دستگیر میراں لچپال حامی کرے واہر شاہ دولا ابدال دل تھیں
میں جانیاں انت غلام تیری شک شبہ تمام نکال دل تھیں
تیری تیری ہاں موئی تے جیوندی بھی کیے قول دکھاوساں پال دل تھیں
جوڑا بنان گی جوڑیاں وچہ ہساں پیر جھاڑ نے کان رومال دل تھیں
تینوں پگ داہڑی مینوں شرم بندے ضامن دتائے ذوالجلال دل تھیں
ٹٹ جان والا رہیا نہیں رشتہ تیرے نال پریا وال وال دل تھیں
کعبہ کھ سراج محبوب دے نوں سجدے کراں گی شوق دے نال دل تھیں

ایضاً

میں قربان گئی جانیاں رکھ نہچا چکے بھارنوں توڑ چڑھاوساں میں
کر خوف و سواس نہ جان میری تیرے دکھ اپنی جھولی پاوساں میں
کعبہ جانیاں جانیاں جان تیری کوں کعبیوں کھ بھواوساں میں
توہیں روگ تے توہیں دوامیری تیرے نام داورد پکاوساں میں
سڑ مراں گی عشق دی پتھ اندر تیرے نام اتوں صدقے جاوساں میں
بھلساں نہیں ایہ لذتاں پیار دیاں سردیوساں سر نہ چاوساں میں
میری طرف تھیں رکھ یقین کامل ایہہ امانتاں سانجھ دکھاوساں میں
شاہد رب رسول تے پیر ترجا کسے ہوو دی نہ سداوساں میں
تیرے دل رکوع سجد میرے عشق نیت نماز اداوساں میں
کیے قول سراج دے رب پالے جگ دکھسی جویں بھاوساں میں

ایضاً

تیری ہو رہیاں دو جہان اندر شالا کر قبول میں منڈی نوں
دامن پھڑے دی شرم تے لچ تینوں منظور کر کو جھڑی گندڑی نوں
پئی وسدی وسدی وانگ بدلی تدھے پٹیا سکھ دسندڑی نوں
نام رب دے والیا رونائیں گولی کر کے رکھ لے منڈی نوں
تیری قسم کوئی ہو نہ لوڑ دو جگ تیرا آسراے آساوندڑی نوں
لا جونتیاں لاج سراج ہوندی چھڈیں نہیں پکار کرندڑی نوں

ایضاً

جے تے سمجھ نکارڑی ردیوئی بندی کون وسیلہ ڈھوسی وے
 جے توں ہتھ چایا سا یا لطف ربی عمراں پئی تہمینی رووسی وے
 بندی میں توں بندہ نواز آقا تیری بندگی دا فخر ہووسی وے
 اگلی بخش خدا دا واسطہ ای اگوں کدی بے ادب نہ ہووسی وے
 شالا ہے منظور کم ذات بندی پئی پیر کنگالنی دھوسی وے
 تیرا جھوڑ کے در سراج پاپن کھڑے درتے جا کھلووسی وے

سوہنی دیاں یار اگے عرضاں

جاگے بھاگ میں پایا سہاگ تینوں ہو یا عجز منظور سولانی دا
 تینوں لُج کوچڑی کوچڑی دی پردہ رکھ او یار کنگالنی دا
 کہتا ودھ پروار تھیں ونج تتی اللہ چاڑے توڑ پلائی دا
 یا نصیب پھر ہو رکیہ ہلوڑ مینوں جے تے لقب پاواں مہینوالنی دا
 جیہی جاچ وکھاوسی پئی تینوں کرناچ منظور کلالنی دا
 پالے لاج سراج دی میرا نور اوہا آسرا نین اُبالنی دا

دوہاں دانویں سروں وفادا اقرار

قصہ مختصر دوہاں نے ہو وکھرے پیا ناز نیاز اظہار کہتا
 دشت عشق نشیب و فراز کولوں اک دوسرے نوں خبردار کہتا
 کرنے واسطے طے مجاز پینڈا دوہاں زادِ سفر تیار کہتا
 گھانا پوے نائیں شالا عشق ولوں سودا تا جراں پریم بازار کہتا
 منگی ہتھ اٹھا دُعا دوہاں فانی جگ تھیں دل بیزار کہتا
 دتی ہاتھ غیب تھیں خوش خبری تہاں بحر مجاز نوں پار کہتا
 کدھ شکوایاں گلے اُلا ہمایاں نوں شکر رنجیاں نوں برکنار کہتا
 جاون گل پر گل نہ جائے مطلق پکا دوہاں نے قول اقرار کہتا
 گھوڑا نفس سرکش لگام صبروں کاٹھی صدق دی پا ہموار کہتا
 اساں تن من چا قربان کرناں دوہاں بیلایاں جی تیار کہتا
 اللہ کرے تے پان مقصود قاصد قاصد قاصداں ہو شیار کہتا
 دیسی عشق سراج مراد تینوں جس منزلاں دا راہ وار کہتا

ایضاً

دوہاں جانیاں گوشے دیوچہ بہہ کے سردین دا متا پکایاے
 اک دوسرے دے ہتھ دے کے پکا قول اقرار پھڑایاے
 سوہنی آکھیا جانیاں تہہ کچھے میں ہن بھار ملامتاں چایاے
 جس تھیں نوریاں پئی پناہ منگی اوس بھار نوں عاشقاں چایاے
 چا مقصود پونچا مسافراں نوں لماں قاصد سفر اٹھایاے
 لیا گھیر چو فیر تھیں حاسداں نیں تہہ باجہ جہان پرایاے
 شالا دوہاں جہاناں تھیں جائے دانجا جس نس کے ساتھ ونجایاے
 وچہ اوس جوان لیا ضامن جس بڈھڑی پت ملایاے
 رگن شوق دے عشق رنگ ریز رگی مینوں ہولی رنگ نہ بھایاے
 فیر ہتھ اٹھا دُعا منگی مولا توں رحمان کہایاے
 بخش ثابتی صدق یقین ربا جاوے قدم نہ مول ڈولایاے
 توہیں آسرا ہر بے آسرے دا ڈاڈا دو تیاں شور مچایاے

تو ہیں آپ ایہ دلاں دی گدھ ماری تو ہیں دوریاں تر وڑ ملایاے
جاوے ٹٹ نہ پریت دی تند کچی کچے جگ تھیں دل گھیرایاے
ساڈے صدق یقین دی لاج تینوں لچ پال تہ نام دھرایاے
کجیں کج سراج دے واسطائی تیرا رحم و کرم سوایاے

مقولہ شاعر سوہنی نون مت

جاگ سوہنی پکے صدق دیے مشکل پینڈڑائی کر غور نہیں نی
وڑن لگی ایں تیغاں دی واہڈ اندر پہلوں ڈھونڈ اپنا کفن گور نہیں نی
توں ملنا نہیں چن یار تائیں پہلوں سوہنی بن چکور نہیں نی
گر بن نہیں لہدی گت جھیلے کر گردی ٹہل ٹکور نہیں نی
ایس عشق دے ناڑے تے چڑھن لگیاں پہلوں پیرا ستاؤں سور نہیں نی
چک لے امانت ازل تائیں پہلوں تول اپنا بھار زور نہیں نی
پاسیں شان شہادت وانگ سسی پہلوں اپنا چھڈ بھنھو نہیں نی
توں نچ کے یار منا ونا نہیں مور پانلاں دی سکھ ٹور نہیں نی

سفر عشق مجاز ہے موت بازی ہنھ ہمتاں دی گھنگھور نہیں نی
اتھتھے سردتیاں سراؤندے نیں سرتے جھل جہان دے جور نہیں نی
جے تے اڈدی اڈدی جھڑپوں منگ ہمتاں عشق تھیں ہور نہیں نی
سیوا کر جے ہووی نصیب میوالا ساری حیاتی دا زور نہیں نی
اواگون برباد نہ ہو جاویں دے مالکاں دے ہتھ ڈور نہیں نی
حکمہا الانسان انہ کان ظلوما جہولا پڑھ حکم ربی فی الفور نہیں نی
مومن عشق شہید محروم کفنوں ہن چھوڑ نشان تے گور نہیں نی
اج ایہ پکا جے یاد رہوی بھلکے سبق سراج تھیں ہور نہیں نی

مقولہ شاعر

میریا ساقیا سکیا ویڈوائی پونچ حامیاں دل ناشاد دیا
اٹھ اٹھ ویکھناں ہاں نت راہ تیرا دستگیر ضامن امداد دیا
کوئی نہیں دھیر فقیر نوں باجہ تیرے نصب العین میرے اعتقاد دیا
لیا ویریاں گھیر سراج تائیں چھیتی بوہڑ سلطان بغداد دیا

بھیت دا عام ظاہر ہوناں تے سوہنی نال ماں دیاں گلاں

یارو عاشقاں دا فلک جنم ویری مندیاں گردشاں ایس شریہ دیاں
بدل بھیت دے پاڑ ویران کردائے گجاں گھت چو فیروہیر دیاں
جھولی وچہ انگیاں کدوں چھین تار تائیں جاوے چیر دیاں
کھل بھیت گیا سچاریاں عاشقاں دا گیاں نو بتاں وچہ تشہیر دیاں
مگر عاشقاں دے نظر باز ہو گئے جو جو ہستیاں بدضمیر دیاں
تھوڑا سچ تے جھوٹھ ہزار حصے گلاں جوڑ بنا تقریر دیاں
ماں سوہنی دی سن حیران ہو گئی گیاں طاقاں اڈ سریر دیاں
گل سندیاں چوٹیوں لب نگی گیاں طاقاں اڈ سریر دیاں

ملیاں دلاں نوں ویکھ نہ جر سکے مڈھوں عادتیں ہن بے پیر دیاں
اپرا ایس غریب دے وس کتھے لکھیاں مڑ دیاں نہیں تقدیر دیاں
عشق مشک بھلا کدوں چھپدے نیں ہوں پٹیاں لکھتہ تدبیر دیاں
لگیاں عاشقاں دا بھیت پاوے نوں نظراں کل صغیر کبیر دیاں
اونہاں پالیا بھیت عاشقاں دا رکھاں ہون شلا دستگیر دیاں
دسیاں سوہنی دی ونج ماں تائیں الف یے تائیں کل آخر دیاں
اپنے اپنے گھر ہزار ہون عزتاں ہر غریب امیر دیاں
ہائے سوہنی کر پلٹ چھڈیاں دھاراں پی کے ماں دے شیر دیاں

غضبوں زور نہ ڈکيا جاو ندا سو چکاں اکھیاں وچہ شمشیر دیاں سوہنی سد کے کول سراج مائی بیٹھی کا پیاں پھول تفسیر دیاں

سوہنی نوں ماں دیاں متیں

مائی کول بہا کے سوہنی نوں ہتھ پھیر دی نال دلاسیاں دے
بچہ ڈھولک مار سنسار نگری خوف رکھئے جگ دیاں واسیاں دے
تیری عمر نہیں باہر و تنے دی سے پرت گئے بے قیاسیاں دے
ونج کھوٹیوں انت نوں پوئے گھاٹا ایہ قول نے حق شناسیاں دے
چادر سانجھ حیا دی ستر ہووی چھڈ آ سرے کوڑ بھر واسیاں دے
دھینے دھیاں شرم حیا گہناں اکھیں بند نہ تکتے پاسیاں دے
لوکی چڑی داکاں بناوندے نیں اج سچ پئے بن دے پاسیاں دے
اج جگ کجھ ہور داہور ہو یا ہندے داغ نہیں لٹھیاں خاصیاں دے
دھیان بیٹیاں دی رکھ چال دھپے پھڑ راہ نہیں وسواسیاں دے
ضبط نفس سراج جہاد اکبر حکم وچہ قرآن قرطاسیاں دے

سوہنی نوں ماں دیاں متیں

مینوں سوہنیے انج معلوم ہوندا تیرا اگلا اوہ دھیان نہیں نی
دھپے کوئی نہیں سماں پاسیاں دا چھڈا کسے گلوں ایہہ جہان نہیں نی
نال کامیاں ہناں برا ہوندا دھپے رائے تیری ایہہ شان نہیں نی
مڈھوں راہ بھلیاں دیاں جائیاں دا داغ ننگ ناموس نوں لان نہیں نی
دتی چھوڑ نماز میں ویکھ رہی آں کدی پھولیا تہہ قرآن نہیں نی
خود سمجھ لے ہور میں کیہ آکھاں تیری اپنی عمر نادان نہیں نی
لگ جان جو چٹیاں چادران نوں جانندے دھوٹیاں اوہ نشان نہیں نی
جا کے کچھ کھاں بھلا سراج کولوں تیر نیچ کوئی خاندان نہیں نی

ماں دیاں گلاں سن کے سوہنی دیاں سوچاں اندیشے

اندر مائی دا قہر طوفان تایا جھ وگدی تیز تلوار پئی
ماری شرم نے مہر زبان اُتے آوے بن نہ مول گفتار پئی
لوں لوں وچہ خوف سما گیا تھر تھر کنبے بید ہار پئی
سوچاں ڈال دتے ڈیرے وانگ لشکر فوج عقل دی بن یلغار پئی
لاس لیک کولیک شریک سارے ہوسی جگ دیوچہ پکار پئی
منیاں وچہ برادری باپ تیرا سنسار اندر بھلی وار پئی
کپر قہر کمایا میں نہ تھی عزت بات دی نہیں شمار پئی
چڑھے فکران خیالاں دے گھنے بدل بھاسوہنی رات غبار پئی
اسنہوں فکر ولایا لاگلیں مگر عقل دے ہوا سوار پئی
سوہنی چپ چپاڑی سنے پئی متیں دیوندی ماں ہزار پئی
جدھا دھروہ سی وچہ وجود میرے شاید ڈھک اوہو آن کار پئی
بھیت کھلیا کاریاں میریاں دا بجلی ٹٹ کے سروچکار پئی
باہل زندیاں مول نہ چھوڑی گاجیکر اوس تائیں ذرا سار پئی
کا پے کھاوسن جگر دیوچہ ماپے کچھلی اوہانندی ہو خوار پئی
توبہ میری نہ اُچیاں بول سکسی مہنے دیوسی قوم کہہار پئی
بریاں آکھسی کل جہان مینوں دل مایاں بے اعتبار پئی
عشق کول کھلوٹرا ویکھ اسی جاتوس ایہہ کڑی دلوں ہار پئی
چالے دسدے دسدے نسنے دے پچھان مڑن نوں ہوتیار پئی
میرے ہونداں غیر نوں فتح ہووے میری شاہ زوری وچہ نار پئی

گرز آتشی پکڑ کے عشق حیدر آیا وچہ میدان لکار پئی
گیا وانگ غضنفر عشق حیدر سنسار اندر دھسکار پئی
آمد ویکھ کے شیر دی پڑ وچوں فوج غیر سب ہو فرار پئی
لکڑ شیر دی سن سراج سوہنی ستی خواب تھیں ہو بیدار پئی

ماں نوں سوہنی دا جواب

سوہنی خواب تھیں جدوں بیدار ہوئی گلاں عشق کرائیاں سامنیاں
میںوں کھول ذرا سمجھاتے سہی رسم جگ دی ناں پچھانی آں
گلاں تیریاں آئے ڈرمینوں گیاں میریاں پرت پیشانی آں
کدوں ویکھیا کتے جاوندی نوں چرخہ ہاں کندی وچہ ہانی آں
پھڑاں کدی نہ چال گمراہاں دی حکم رب دے تھیں مسلمان آں
ایہ کوڑ دا جگ فناہ بیڑا کس چادراں بہ کے تانی آں
کہندی ماں نوں کھول کے دس مائے لعتاں گجھیاں میں نہ جانی آں
کویں سچ پئے بن دے ہاسیاں دے اجان آں کجھ نہ جانی آں
کہیا خوف شیطان دا دسیائی میں شیطان مردود نوں رانی آں
کھوٹا فتنہ نہ کراں گی رب چاہیا کھوٹے کھرے نوں عقل وچہ جھانی آں
چاہیا رب تے شرم دی لچ ہو سی کیہ سمجھیاں بے ایمانی آں
کھینڈن دیہہ سراج نوں وقت ایہو سد انہیں رہناں چٹیاں چانی آں

مائی

دھیے خبر نہیں سکھیاں تہہ کتھوں گلاں ترکھیاں ایڈلا ہور دیاں
تیری نظری ہور دی ہور دسدی چالاں ہور جا پن تیری ٹور دیاں
میں جانی آں وچہ ترخناں دے واراں گاؤنی این مغل چھوہر دیاں
میتھوں سچ اکھوانہ تنے نی تینوں ددھ ملائیاں پھور دیاں
تدھ ور گیاں دے الاں کھان بیرے رتجھاں رہ جاؤن کفن گور دیاں
میں سوہنیے باپ دی ویکھ عزت خوئیں چھوڑ دے ہٹھڑے طور دیاں
شوہری ہو کے مرے گی جا پداے چالاں تیریاں دسدیاں ہور دیاں
بن اُستاد نہ گل چھپا میتھوں ہن چھڈ دیہہ ہک دے زور دیاں
تیریاں اکھیاں وچہ جیا نہیں نکال تریڈھیاں نی جویں چور دیاں
مجھیں چار جدوں گھریں اوندائے پائیں پائلاں اٹھ کے مور دیاں
بھل گئے نی کم کاج سارے تہہ شامتاں چائیاں جور دیاں
جویں سسی ضد دیوچہ مرگئی جائیں چھڈ کے شہر بھنھور دیاں
جاپے شہر گجرات بدنام کر سیں پین جگلیں دھماں تیرے شور دیاں
بین بدی دا فصل سراج بدی انتاں مندیاں نرتھ کور دیاں

سوہنی

مائے جھوٹیاں بدراں لانا نیں گلاں سن کے چغل خور کولوں
کدی شرم تھیں پیر نہیں باہر میرا تہہ کی ڈٹھا میری ٹور کولوں
مائے سنیاں سنائیاں نہ بھہ پلے ہتھ روک اپنے ایس جور کولوں
حکم رب دے نال میں پک دامن میںوں فتح شیطان کمزور کولوں
گڑا گھت نہ واسطہ ربدائی بابا سچ منسی تیرے شور کولوں
اکھیں نیویاں لنگ حیا ساقی خوف کھاؤنی آں نفس چور کولوں
لوتی باز سنسار دا کی جاسی گھانا گھرے دا گھرے دے کھور کولوں
کرن لکھ حسود مردود پئے ہو سی پک سراج دی گور کولوں

مائی

چتر بن نہ سوہنے رکھ بچا جا پے اپنی آپ قسطی ہوئی ایں
وڈی ہو لے ماں نوں فیٹھگیں اے وچ پنگھوڑے دی پئی ہوئی ایں
تیریاں اکھیاں وچ جیانا نئیں مینوں اج توں سوہنے سہی ہوئی ایں
کوئی ہو رہی اے تیرے جیہا آیا یا توں جہان تے نئی ہوئی ایں
آکھے لگ جاہن بھی ویلاڑائی نہیں تے پک جانیں مرگئی ہوئی ایں

مینوں تینے انج معلوم ہوندائے توں دوہاں جہاناں تھیں گئی ہوئی ایں
تینے تانہیں جگر یاں ساڈیاں نوں اساں متاں من من لئی ہوئی ایں
مندے تے توں رج کے گھول چھڈے اے پاک دامن توں رہی ہوئی ایں
تیرہمدیاں ہی قصہ پاک کردی جے میں جان دی توں اجیہی ہوئی ایں
کھاہڑا چھوڑ سراج دے لگ آکھے گھر چنگیاں دے توں ڈھنئی ہوئی ایں

ایضاً

کدھر سوہنے گیا حیا تیرا منع کیتیاں تیز طرار ہوئی
شالا چاک نکارے داماں ٹٹی اتے آپ بھی مرے خوار ہوئی
ماں باپ داماں سراج جھڑا اوس تھیں رب دی ذات بیزار ہوئی

مینوں وکھریاں بہ کے مت دتی سگوں ساہو یاں کرن تیار ہوئی
تینوں کدوں دی میں سمجھان لگی ودھدی جانی ایں آپ مہار ہوئی
کیتے مائی تے باپ دے رد کریں جا پے تینوں نصیباں دی مار ہوئی

ایضاً

اُچی ہوناہیں اُچا اگ جوگا ایہ مثل مشہور جہان کڑیے
اوہنوں گھروچہ کسے نہیں رہن دیناں جس چاک دے تینوں مان کڑیے
لکھاں وانگ سراج نہال گلشن پے چپ کیتے قبرستان کڑیے

توبہ کر خدا دے ڈر غضبوں ایڈی ہو نہ نافرمان کڑیے
شالا روندیاں گورنوں ٹور ہووی رہویں عمر ساری پریشان کڑیے
اب جو بنناں بدلاں چھاں وانگوں دودن دا حسن مہمان کڑیے

سوہنی

سچ مچ جہان فناہ منزل نہیں ایس دے وچ وفا مائے
میں ہن مہینوال نہ چھوڑ سکاں ایسا گل تے میرا مکا مائے

تاہیوں آکھنی آں ایس زندگی دی جاواں کسے سروری چڑھامائے
ماہی نال سراج جو کیتیاں میں میں جاوساں توڑ چڑھامائے

مائی

کڑیے شرم کرا ایڈی نہ ہوا تھری تینوں کدوں دی پئی ولاونی آں
ہنے آوندائے گھر اڈ گیا تینوں اوس تھیں اج کٹاونی آں
تینوں دے دے لاڈ وگاڑیائے تیرے نخرے اج مکاونی آں

جوانی ٹیٹے مٹھیے چاک دیے پئی دانقی نوں سمجھاونی آں
منج وانگ کٹا کے مور تیرے بھوہ کھل خوب بھراونی آں
پتے رج وگاڑ دے پالیسیں بھل جاوسیں یاریاں لاونی آں

سوہنی

مائے آنی ان آنی نہ کدھ موہوں اُچا بول کے جگ سنانی ایس کیوں
کچھ ویکھ کے عیب لگا متھے کوڑیاں تہمتاں لانی ایس کیوں
مائے سنی سنائی نوں بنھ پلے تاڑی مار سنسار ہسانی ایس کیوں
کدوں چاک دے نال اتفاق میرا ایویں مفت الزام لگانی ایس کیوں
مائے رہ جا واسطارب دائی پئی تنگ ناموس گوانی ایس کیوں
مہنے دینی ایس وانگ شریکناں دے ایویں بدوبر بنانی ایس کیوں
مہنے چاک دے دینی ایس دھی تائیں ان سنیاں پئی سنانی ایس کیوں
گھاٹا اپنا منگ نہ واسطائی میرے باپ دانام شرمانی ایس کیوں
کدھ ظن ایہ جن تھیں برا آکھن کواری دھی نوں یار بتانی ایس کیوں
متھے بدرائیں لاسراج دیاں میتھوں کوڑ دا سچ بنوانی ایس کیوں

مائی

چتر چتر نہ کر کم ذات کڑیے مینوں ٹھگ نہ نال چترائیاں دے
پچھلی کر خوار نہ مایاں دی برے ہووندے نی مہنے جائیاں دے
تیرے باپ نوں جان دائے شہر سارا نیاں وچہ تمام لوکائیاں دے
چھڈ چال کو چال کمینیاں دی پکڑ راہ بھلیاں دیاں جائیاں دے
کر کر چاؤں چاک نوں دسئی ایس بانے لانت نوں پرنائیاں دے
سانوں جیونے ہار نہ چھڈیائی مہنے کھا گئے نت ہمسائیاں دے
عزت باپ دی ویکھ جے جان لوڑیں رکھ دلوچہ خوف رسوائیاں دے
باپ سن کے مرسی یار مار چھڈ سی پتے پوسیں اکھیاں لایاں دے
اوہنوں شہریاں کر نہ شہر اندر جان داغ نہ کال لایاں دے
پٹ پٹیاں تیریاں ساڑ چھڈاں کیڈے چانی عطر گندایاں دے
دس کھلی چوبارے تے کیہ ویکھیں نین ٹڈ کے بے حیائیاں دے
مندے ڈھکدے ہو سراج آخرا نٹاں ایہو جیہیاں مندیاں چائیاں دے

سوہنی داماں اگے پیار دا اظہار تے متاں

آخر مائی اگے ہتھ جوڑ سوہنی کہندی جھوٹھ بنیاد نہ کا مائے
آکھاں سچ ہن دس نہیں جی رہیا لیا چاک دی کھس ادا مائے
جے میں بھل گئی سودا کر بیٹھی ہن سودیوں نہ بھنوا مائے
تینوں دے داحال میں دس چھڈیا اگوں اپنی وات رضا مائے
جہڑی کل کھلنی اج کھول چھڈاں رکھساں کدوں تائیں گل چھپامائے
وری وردی خیر ہمیش شالا وڈی ہیں توں دیہ دعا مائے
ساجھی دھی دی بن کے واسطائی چا بابے نوں سمجھا مائے
ماواں دھیاں دا پانج سراج ہوون عیباں میریاں تے پردہ پامائے

مائی

پوی قہر خدا دا ترٹ مر میں کچھ سوچ کے سخن الامویئے
لکھیں ہتھ نہ پت پرت آوے خاندان نوں لیک نہ لامویئے
ایہ چاک کم ذات کیہ ساک ساڈا خبرے کون اوہ چھٹھ بلا موئیئے
متاں ٹٹ کے پوی آسمان سرتے ڈر خوف خدا دا کھا موئیئے
نہ کر جگ دیوچہ بدنام سانوں چھڈ چاک کم ذات دا چا موئیئے
سو بھا کھٹھیں کیہ جہان وچوں نین رُلدیاں نال لگا موئیئے

اوہ قدر کیہ جان دے دوستی دا جہاں کھاوناں منگ گدا موئیے
اے ہئی ویلا سدھ سمہال اپنی نہیں تے جاسیا وقت و ہا موئیے
کاہنوں نیت پلینت نوں کریں ظاہر باپ دیسا مار مکا موئیے
تینوں دیوناں نہیں سراج تائیں نہ رکھنا میں گھر بہا موئیے

سوہنی

اوہ بلخ ولایت دا خان زادہ عالی نسب مغل خاندان مائے
بدھا قولوں داد یونداے پیا پاہرا اصل نسل ولوں عالی شان مائے
تیری جانی آں تینوں ہی درد میرا کسے داہور نوں کدوں دھیان مائے
شالا کرے قبول سراج مینوں جہدی ازل تھیں میں امان مائے
اوہنوں چاک کم ذات نہ آکھ پئی کجھ سمجھ کے بول زبان مائے
تیری چاکری دی نہیں لوڑاوسنوں ایویں بھل نہ پئی نادان مائے
جے میں بھل گئیں آں توں کج میرے کر مہر میری مہربان مائے
ہتھ رکھ مہینوال دے سر اُتے تیرا جانساں عمر احسان مائے

مائی دا غصہ

کھندی مار دو ہتھ سوہنیے نی توں جگ گھر ساڈے مندے وار ہوئی
جے میں کسے کہہاری دی دی ہوئی تاں اج چاک تے گھروں کدھانی آں
نی مکا لے کالے کئیں نی تیری لیک تے مگروں لہا ونی آں
جج اجل دی تے ملک الموت لاڑا گن گن کے لاگ ورتا ونی آں
تیرے لک بٹھا کے لال سالو لاواں نال سراج دوا ونی آں
مائی سن جانی دے بول اوہرے غضبوں تپ کے وانگ انگیار ہوئی
ذرا تھہر جا ایڈی نہ پوکا ہلی پتے یاریاں دے تینوں لا ونی آں
کرنی ہاں کتے ساڑ بال تیرا تے اصلوں ہی سروں مکا ونی آں
چھریاں پنج ٹوکا مڈھی اتے بوری گڈھیں تیرے ویاہ دیاں پا ونی آں
نی سدھرا ندیے ویٹے شگنناں نوں رنجھاں تیریاں سب مکا ونی آں

سوہنی

مائے بس بے وس نوں جھس نائیں حد ہو گئی متیں تیریاں دی
ہن مڑن نہیں ہو وندا گل مکدی کچی میہ نہ نہیں نیتاں میریاں دی
جالا لے زور جو لگدائی آگے واہر تھوڑی پکھراں تیریاں دی
وانگ کانگ نہ مغز کھپا پئی مینوں مت نہ دیہ بد خیریاں دی
میری خاک نموداڑا ونے نوں جاہ چاڑ لے کانگ انھیریاں دی
واہرو دستگیر سراج شالا جڑھ پٹی میریاں ویریاں دی

ماں دا غصہ تے غضب

لے کے سوہنی تھیں صاف جواب مائی ہوئی بچ کے وانگ کباب بھاویں
فکراں وچہ شوہدی پئی سوچدی سی پچھلی ہوئی اے آن خراب بھاویں
مائی اہناں دلیلاں دیوچہ آہی بیٹھی گم سم ہو بے تاب بھاویں
آیا وہ بھی سن کے حال کتوں پیسی تڑپدا وانگ سیماں بھاویں
پیچ و تاب کھاندی گئی اٹھ کولوں سن کے دند شکن جواب بھاویں
جو کجھ دھی دے پل پایا سی لیا اج مکا حساب بھاویں
اچراں تلہ بھی گھر آ گیا کر کے بند دکان دا باب بھاویں
اگوں آوندے تے ماں سوہنی دی دتا جلے تے ڈال تیزاب بھاویں

کھول الف تھیں یہ تمام دی کھول مصدری کل ابواب بھاریں
گھٹے وچہ رلدی پئی جا پدی اے تیری عزت عطر گلاب بھاریں
سانوں چاک نے خاک در خاک کیتا بدنام وچہ ہند پنجاب بھاریں
چھیتی کر علاج جو ہو سکی روہڑ وڈھ دریا تالاب بھاریں
دھندالیں دا جھب مکامیاں ایہدی شادی دا کر اسباب بھاریں
تینوں دھی دانہیں دھیان شاید پیا پھر نائیں پی شراب بھاریں
ایہ ہن جان دی نہیں نصیحتاں نوں کرو پیار دادیہو عذاب بھاریں
چاکاں مٹھیاں کدی نہ ڈھٹیاں نی ویکھو ہیر دی پھول کتاب بھاریں
نالے چاک نوں دیہہ جواب شامی اوہدے نال مکا حساب بھاریں
پاسی دکھ نہ لکھ سراج میری ایہنو دے مار کے عذاب بھاریں

ایضاً

وے تو و تنائیں کاہنوں ہو گیرا ذرا ویکھ کھاں اکھیاں پٹ میاں
جہڑا رکھیاں ساہن ہیلے داکر مار گئی موہندیاں سٹ میاں
لگیاں سوہنی نوں بدراں چاک دیاں گئی گل گجرات وچہ پھٹ میاں
بار بار میں کراصرار رہی ساں ایڈے لٹ تے لاڈ نہ سٹ میاں
تینوں اوس دن بھی میں جے ہوڑیاں تھالی وچہ توں لون ناں کٹ میاں
ساڈا لکھ نہیں چھوڑیا کڑی چندری ایہدی واگ گئی تھوں چھٹ میاں
مرجانیاں ہن تے لگ آکھ گیا تیر نشانے تے چٹ میاں
میں تے جھلیا اپنی دانتی نوں اگے ڈھیر رکھی گل گھٹ میاں
تیری پٹنگھ ہلارے تے پٹنگھ دی داسروں گئی لٹر ٹ میاں
جے ہن اٹھیں تاں میں جانساں گی پیاروہن داڑھی نوں پٹ میاں
بھیریا مٹ بیسی تیری دانتی دا اوہدے وچہ نہیں رہ گیا گھٹ میاں
آکھ کسے دے توں نہ لگنائیں ہو ردیہہ سوچو ریاں کٹ میاں
ہن روپیہ بہ کے جن دیاں نوں گئے چور تیرا جھگا لٹ میاں
متاں نواں کوئی چن چٹھا جاوی مارا میں نوں کر کے بٹ میاں
گھروں کڈھ اس چاک ناپاک تائیں بوٹا ایفساد دا پٹ میاں
ہن رکدی نہیں سراج کولوں پے گئی شہر سارے کڑکٹ میاں

تلے دا گل سن کے گھبرا جاناں

پئی تراٹ کہہار دے مغز جا کے کھول حال دسیا جدوں زال اوسنوں
اکھیں پیش غبارا نہیر چھایا جا پے دھرت انبر سارا لال اوسنوں
ہائے اس چاک حرامی نے برا کیتا بیسی سمجھیا نمک حلال اوسنوں
میرے برے نصیب میں رکھیا سی زلدا دیکھ کے کوئی کنگال اوسنوں
جاتا اندروں بھی انجیں صاف ہوئی ملیا ظاہری جویں جمال اوسنوں
اوس چاک نکارے دا عذر کہہرا شامی دیوساں اج نکال اوسنوں
توہیں دس میں کڑی نوں کیہ آکھاں اوہدی ماں ایں توں سمہال اوسنوں
بے شک چاک حرامی بھی برا کیتا میں نہیں آکھدا نمک حلال اوسنوں
توبہ برے موکا لے میں جائیاں دے جا پے میں اسمان بھونچال اوسنوں
مٹھیں میٹ گھبرا کے بیٹھ گیا لگی غیر توں چوٹ کمال اوسنوں
کیڈے اوس دن اوس نے لے تر لے جدوں رکھیا سی چروال اوسنوں
ناہا پتہ آخر نمک حرام ہو سی کیہ کٹھیا اے پال پال اوسنوں
ہوندا اصل تے پالدا لاج ایہو سمجھی رکھیا اپنا بال اوسنوں
بھنساں منہ چپڑاں دے نال اوس داگوں واسطے رہے خیال اوسنوں
کسے وقت نہ کریں وساہ وسدا رکھیں ہر ویلے اپنے نال اوسنوں
پر جے اپنے گھر نہ ریت ہوندی ایسا کرن دی ناہی مجال اوسنوں

توں ہن کڑی نوں دیس انہیں کرناں زیر نظر رکھیں ہر حال اوسنوں
 اندر سد کے کول بہا کے تے جھڑکیں چنگے رنگ اکھ دکھال اوسنوں
 ماواں ہارولا تلا کے تے نال کے بہانے دے ٹال اوسنوں
 جے تے خیر خدا تھیں ہو وندی اے دیندا کسے دینال پنجال اوسنوں
 آکھیں مار و نجاسیا پیو تئیں اے میں نہیں دسیا حال اوسنوں
 میں بھی نہیں بے فکر سراج رہندا کتے روہڑ چھڈساں ایسے سال اوسنوں

سوہنی دی ماں

میاں میں اُس کڑی بے شرم تائیں اگے ڈھیر ولا سمجھا رہی آں
 جانوں مار و نجاسیا پیو تئیں میں تے انج بھی اوہنوں ڈرا رہی آں
 اندر سد کے اپنی دانقی نوں اوہنوں واسطے رب دے پار رہی آں
 جاتا جدوں ولانے نوں جان دی نہیں اکھیں گاہریاں لاں دکھا رہی آں
 نہ میں ماں تے نہ اوہ دھی میری بس میں رنج اوہنوں جن جا رہی آں
 سچ پچھنا نہیں تاں میں نال اوہدے سارے ورہے داسر کھپا رہی آں
 پھریا اک نہیں میرا اوس اُتے منتر کئی کروڑ چلا رہی آں
 اوہنوں کسے دا شرم حیا نائیں لکھاں بھلویاں نال ولا رہی آں
 کڑیے ویکھ ذرا کمہاریاں نوں سانوں مہنیاں نال ستا رہی آں
 کم بخت نہیں من دی اک میری زور اپنا لا ازار رہی آں
 چھیتی سٹ اوسنوں کسے کھوہ کھلڑ بار بار میں تینوں جتا رہی آں
 جا کے کچھ کھاں بھلا سراج کولوں کیہ میں سن سنا رہی آں

ایضاً

کوئی ہئی علاج تے کر چھیتی نہیں دیر ہن مول درکار میاں
 دتی اج میں مت سی سوہنی نوں سنے اک سنا وندی چار میاں
 ڈیگر نال مہینوال بھی آ گیا مجھیں آرنکیاں باہر وار میاں
 تلہ دیکھ کے اوسنوں جل گیا ہویا اوسنوں جرن دشوار میاں
 متاں گال جاوی نام کوڑے دا نہیں ایسا کوئی اعتبار میاں
 دیہہ چاک نوں صاف جواب شامی مجھیں گھر آوے جدوں چار میاں
 مال چھوڑ دا دوڑ دا گھر آیا پاواں یار دا ونج دیدار میاں
 آنے لال اُبال سراج اوسنوں لگا غضبوں کہن کمہار میاں

تلی دا مہینوال نوں رنج ہوناں تے گھروں کڈھناں

چاکا بس ہن مجھیاں چارنائیں تیتھوں اساں نوں نفع کمال آیا
 میری دانقی نوں ہتھ پان لگوں کتوں بن کے وڈا چروال آیا
 دھیاں بیٹیاں تے نکاں رکھنائیں مینوں سمجھیاں کوئی کنگال آیا
 تینوں سمجھ پر دیسی پالیا سی جاتا ہو شوہدا مندے حال آیا
 کسے گھر بھی رہ کے ویکھیاں اے کتوں چنڈا جوٹی دال آیا
 تینوں چپ چپا تڑا جان دے ساں ساڈے گھرتوں ترلیاں نال آیا
 بریوں انت بریاں پون پلے انت نیک تھیں نیک اعمال آیا
 مجھیں کھلیاں بھون دیہہ وچہ ویہڑے آپے بھلیسی جد ہمال آیا
 گیوں بھل بے لنگیا اوہ ویلا جدوں ہو میتھے خستہ حال آیا
 دفعہ ہو کمینیاں نکل ایتھوں تیتھوں رنج کے نمک حلال آیا
 پیا رنج کے نفع بھلیاں دا ساڈیاں عزتاں وچہ زوال آیا
 لگوں کھا کے کرن پلہیت بھانڈے تینوں کتیا نہیں خیال آیا
 بریا انت بریاں گھولیاں فی مندے وقت نوں بد خصال آیا
 کیتوئی شہر دیوچہ بدنام مینوں مندے وقت توں کوئی چنڈال آیا

جاہ دور ہو میریاں اکھیاں تھیں مینوں جا پدائے جرن محال آیا
 آوے کوئی نہ بن جواب اوس تھیں سوچاں وچہ شوہدا مہینوال آیا
 مہینوال کنگال ملال شوہدا بھوری کھونڈڑی موہڈیوں ڈال آیا
 غصہ مغل دا جان دائے جگ سارا مڈھوں بدلدا موت دینال آیا
 تینوں خوف خدائی تھیں جان دیواں نہیں تے جان دوں جویں اُبال آیا
 غیرت جری نہ گئی کمہار کولوں دھکے دے کے باہر نکال آیا
 لیا یار دے مار لحاظ اوسنوں غصہ اندر و اندرے نال آیا
 مندیاں جھل سراج کمہار کولوں اُٹھ علی بیگ دالال آیا

مقولہ شاعر عزت بیگ دا کمہاراں دے گھروں نکلتاں تے غصہ دی حالت

مندیاں سن کے تلے کمہار کولوں عزت بیگ ڈا ہڈا بے قرار ہو یا
 غیرت مغل جوان دی جوش کھاد ارب خاندانی ہوشیار ہو یا
 غیرت وٹ کچیاں جوش کھاوے آکھے کیڈا ایہ تہر تہار ہو یا
 لگے اگ بے داتی دوستی نوں ایسے عشق تھیں میں بیزار ہو یا
 مفت نوکری دیواں تے لواں گالیں بھلا ایہ بھی کوئی وہار ہو یا
 توبہ میری اج ویکھدا نہیں باہل عزت بیگ جتنا بے وقار ہو یا
 مائے میں ننگ خاندان ہو کے نالائقاں وچہ شمار ہو یا
 مغل رووندا سوچدا جاوند اسی حضرت عشق اگوں نمودار ہو یا
 کہند مغل نوں کملیا کدے چلیا میں کہڑی طرف نوں تیار ہو یا
 ایہ تے پھل دی سی جھلیا جھل لیدوں پیر پکڑ لیدوں عذر دار ہو یا
 اے توں نادان ایس مغل چھوہر نہیں ایس رازوں واقف کار ہو یا
 ذرا دیکھ کھاں قیس سلطان ولوں کیڈا عرب دیوچہ سردار ہو یا
 روڈ امر دجلالی دے عشق کچھ چھوڑ شاہیاں تخت لوہار ہو یا
 اگوں نونہال دی ویکھ ہستی کیڈا اوہ تاجر مالدار ہو یا
 پٹنہ چھوڑ لیا گل پا پٹناں کیڈا پیا معیار خوار ہو یا
 اگوں ویکھ کوہ کن فرہاد تائیں راج بھاگ تیاگ معمار ہو یا
 رانجے جدوں شریکاں دے وگ چارے اوہ ناہ اوسدن شرمسار ہو یا
 پچھاں چل نہ کر کول جھلیا شکر کر ویلے خبردار ہو یا
 بھلی نیت دے نال مڑ چل واپس نہیں تے سمجھ اس شیر داوار ہو یا
 توبہ ویل نہ دیوندی پئی دھرتی شوہدا ڈھیر سارا شرمسار ہو یا
 پیا جاگ اوہدا اثر سلطانی گالیں سن کے سرو خمار ہو یا
 جدھے پیش ناہ کسکدا بلخ سارا اوہدے سامنے اج کمہار ہو یا
 چل اوئے چھوڑ بے قدر گجرات نگری اثر غیرت دا اصرار ہو یا
 ایسی دوستی نوں پاواں بھٹھ اندر نہیں ایسدا میں طلبگار ہو یا
 گالیں سندا پیائے کمینیاں تھیں اگوں نہیں جواب نکرار ہو یا
 دفع کر کوچیاں یاریاں نوں اج میں بے عزت حدوں پیار ہو یا
 پئی اوس نوں دس اوہ نس چلیا جہڑا مساس مساس سی شکار ہو یا
 پرہاں چھوڑ حکومتاں عزتتاں نوں نہیں عاشقاں شان درکار ہو یا
 میں حیران ہاں تدھ نبھاوئی کیہ جنہوں اتنے وچہ لنگار ہو یا
 جہاں نام نمود نابود کہیتا اوہناں عاشقاں دا بیڑا پار ہو یا
 باندر بن قلندراں نال پھریا تاں یار دا ورنج دیدار ہو یا
 پنوں کچ کران داشاہ زادہ آکے دھوبیاں دا خدمت گار ہو یا
 صرف شاہنی دے پیار دیدار کارن درد راتے بھکھیار ہو یا
 بائی نجم نسا زنانیاں سن کیڈک اوہناں دیوچہ بلکار ہو یا
 نہر پٹ آندی تیشہ مار مویا تاں عاشقاں وچہ شمار ہو یا
 کہڑے کہڑے میں تینوں گن دساں مرزار اوویوں قتل اورار ہو یا
 آخر یار داباپ ہے اوہ جانے جے تے رنج ملہ بزرگوار ہو یا
 کیڈی یاد آئی عزت خاندانی کیڈا غیرتاں دا خوددار ہو یا

دتی عشق نے مغل نوں مت جدوں نہیں اوس کولوں انکار ہویا آکھے مرشد دے لگ سراج مڑیا بوہے تلے دے تے منت دار ہویا

مہینوال دامر کے تلے دے گھراوناں تے متاں ترلے

مہینوال نوں باہر نکال کے تے بیٹھا آپ سی ہڑا چڑھا بابا
بے شک میں نادان تھیں بھل ہو گئی غلطی رج کیتی نمک کھا بابا
من لیا ہے صاف انصاف شاہی مجرم اپنی لوے سزا بابا
جے تے مار دھرکا ہٹا یوئی جاسی کدے عاجز بے نوا بابا
صاحب توں تے میں غلام تیرا پیا رج کے ہو خفا بابا
ناہی نیت تے کوئی پلینت میری مینوں نفس لیا ورغلا بابا
ایس نفس شریر دے لگ آکھے بیٹھا دے مقام علی بابا
ہیٹوں کڈھ نہ سمجھ بیکار مینوں آوے عشق دے گھت پکا بابا
شفقت کر عاصی بھلن ہار اُتے عیاں بھرے دے عیب چھپا بابا

عاشق چم چوکاٹھ مہاٹھ کہندا مینوں نمک آندائے پرتا بابا
توہیں واسطائی شیر شرم ہو کے عیاں میریاں تے پردہ پا بابا
غلطی رج ہو گئی نادان کولوں بھلاں منیاں بخش خطا بابا
وطن بلخ بخار بہوں دور ایتھوں اوتھوں گھل نہیں لگدی واء بابا
جیکر عذر کراں کافر ہو مراں سٹے دوزخاں وچہ خدایا بابا
ظلمت نفسی ہزار ہزار توبہ ہو گئی نوں چا بھلا بابا
نہیں گل شرمندگی کرن دیندی روسیہ تے رحم کما بابا
منے جگ سارا کاری گری تیری میرے کھوٹ نوں کر کھرا بابا
تیرے بابجہ سراج دا کون اتھھے جاسی کدے عاجز بے نوا بابا

تلے دا ناراض ہوناں تے جھڑکناں

تلے آکھدا فیر کیوں آوڑیوں ایتھوں نکل کم ذات اچکیا اوئے
چلیاں نال پوایا سی ددھ تینوں جھولی وچہ توں بہ کے لکيا اوئے
کھا کھا ددھ ملائیاں پاٹ گئیوں مندے جوش نوں جرنہ سکيا اوئے
تینوں وانگ فرزندناں دے پالیا سی کسے چیز ولوں نہیں ڈکيا اوئے
پایوئی ہتھ شریف دی پگ تائیں بے عیب الماس نوں ٹکيا اوئے
سمجھی رکھیا تینوں شریف زادہ باہروں میسیا اندروں پکيا اوئے
کیتے اپنے دانہیں علاج کوئی تدھ آپ ہتھیں موہرا پھکيا اوئے

نمک کھا ہو یوں بے وفا آخر تدھ دانقی نوں نہیں تکیا اوئے
پچیا سپ دیا بنیوں انت ویری ڈنگ مار دیاں نہیں جھکيا اوئے
چنگے چ کے فائدے دے چلیاں مینوں انت نوں میریا سکيا اوئے
ہوندوں اصل کمینیاں قدر پاندوں بے اصل آہیں تینوں تکیا اوئے
نت آکھا ساں ہنے سمجھ جاسی میں آہس چروکناں شکيا اوئے
عذر چھوڑ تے لوڑ ہن جان اپنی دفع ہو میں تدھ تھیں اکيا اوئے
تینوں دسیاناہ سراج آگے انت برے تھیں جاسیں دھکيا اوئے

مہینوال دے ترلے

مہینوال پھر جوڑ کے ہتھ دونوں گل پٹکا پاسنوار یا اوئے
بوہیوں باہر کھلو کے کرے عرضاں کر معاف بابا کمہار یا اوئے
میری دیکھ غریبی نہ رد بابوں میریا مہرباناں پالٹھار یا اوئے

رُنا نین اُبال کنگال ہو کے شوہدے بھر بھر خون گزار یا اوئے
لچ پال توں اپنی نیکیاں دی جے میں برا کیتا جھکھ مار یا اوئے
میں غلام مدام بے دام تیرا اگلی کج میری کج ہار یا اوئے

کہڑا ہو ر گجرات دا بوہا کھلسی جیکر توں اپنا بوہا ماریا اوئے
 توں چھڈ اپنا نہیں آئیں شاہی جے میں اپنا فرض و ساریا اوئے
 والکا ظمین الغیظ والعافین عن الناس رب نیکاں دی شان اُتار یا اوئے
 عاصی میں عاصی خاطی میں خاطی پاپی میں پاپی اقرار یا اوئے
 دھکا دیہ نہ واسطاً ذات دائی میریا تقویا اتے سہار یا اوئے
 ظَلَمْنَا أَنْفُسَنَا میں برا کیتا چا بخش سائیں بخشہار یا اوئے
 بھلے نال تے ہر کوئی بھلا کر دائے توں کر برے تے بھلا پیار یا اوئے
 عصیاں کار سراج دی شرم تینوں میریا دو جہان سہار یا اوئے

تِلے دا جواب آخری

تلہ آ کھدا چا کا نہ بن چا تر اتھے کار نہ تیری چترائی ہووے
 مینوں یاد ہے تیرا علاج چا کا تیری اُلٹی کھل لہائی ہووے
 ہووے ظالماں تاں معلوم جگ نوں انت برے دابلہ برائی ہووے
 پیریں آپ کہاڑا ماریاے توں خیر آ کھنائیں کوئی دوائی ہووے
 اصل ہوویں تے ڈُب کے مرجاویں جیکر شرم تیرے وچہ رائی ہووے
 لنگھن سنگ کے فیر دانا جتھوں کھواری زک پائی ہووے
 بریاں نال بھلا کرناں انج ہونداے جویں بھلیاں نال بریائی ہووے
 تیری ایہ ملعون ناپاک ہستی اگے توپ دے دھراؤائی ہووے
 تیرے جیہاندی ایہوسزا چا کا اپر مانع خوف خدائی ہووے
 سمجھ بہتری ہو جا دفعہ ایتھوں متاں موت تیری اتھے آئی ہووے
 جتھوں کھاوناں اوتھوں دا برا منگناں بھلا ایہ کہڑی دانائی ہووے
 چلا جاہ سراج اصرار نہ کر میرے گھر نہ تیری سمائی ہووے

ایضاً

قصہ مختصر چر تک رہیا او تھے ایسے طرح جواب سوال ہوندا
 مغل طمعے دیدار نوں سہکدا اسی تاہیوں پیا ذلیل کنگال ہوندا
 سجدے پیکے تے بوہیوں باہر شوہدا قدماں وچہ پیا پامال ہوندا
 آخر تلہ کہندا غضب ناک ہو کے چا کا توں نہیں ہن بحال ہوندا
 میں ہن سمجھیاے اتفاق تیرا ہرگز نہیں مرے نال ہوندا
 گھر بار سارا تینوں سوچیا سی تیتھوں ناہ مخفی کوئی مال ہوندا
 مینوں ہوڑ دار ہیا پروا سارا متر کدی نہیں سپ دا بال ہوندا
 دیوے دغا ہک وار شہتیر جھڑا دوجی وار نہیں استعمال ہوندا
 جتنا بولدا سی تلہ گرم ہو کے اتنا نرم اگوں مہینوال ہوندا
 رہساں جھلدا انت بے عزتیاں نوں اپیریا ردار ہے جمال ہوندا
 درجہ کوئی نہ چھوڑیا ترلیاں دا راضی پیا نہ تلہ کلال ہوندا
 پاندوں ہتھ نہ میریاں عزتاں نوں تیتھوں کچھ جے نمک حلال ہوندا
 ثابت رہیوں نہ اپنے قول اُتے بول پالدوں جے قول پال ہوندا
 عزت اپنی آپ پنا لیدوں جیکر توں لائق چروال ہوندا
 او بے عزتیاں پالدوں لاج ایہو جیکر کچھ بھی تینوں خیال ہوندا
 ایتھوں نکل سراج نہ کروادھا کچھ نہیں ترلیاں وچہ نکال ہوندا

مہینوال دانا اُمید ہو کے گھروں نکل جاناں

مہینوال جدوں نا اُمید ہو یا کہندا بس او روحا لاچار دیا
 طلب تر گئی تیری نوکری چل نوکرا تلے کہہار دیا
 سنے طوطی دی کون نقار خانے کر بس ہن بازیاں ہار دیا
 تیتھوں نبھ گئی اوہدی اوہ جانے مغلا کملیا حد تھیں پار دیا

مغل چمیاں پاک مہاٹھ تائیں رخصت قبلیا عاشق زار دیا
ادب نال ٹردا جاندا پیر پچھلے دھن عاشقا ادب چنار دیا
شوہدے ونج پچھاوڑے ڈھاہ ماری الوداع نوری گھرایا دیا
فلکا توں کیہ کھٹیا بے تر سا مڑھوں ہلیا کج رفتار دیا
عشقا آذر غیب تھیں چیر پردے مردا حامیاں جگر فگار دیا
عزت بیگ نوں خاک در خاک کر کے کدھر گیا ایس وعدے وسار دیا
اج آ کے ویکھ لنگار میرے گریبان غریب دا پاڑ دیا
لامکان جائیں لامکان تائیں لامکان سائیں سنسار دیا

رُنا کوسدا گردشِ فلک تائیں واہ وا بختا نابکار دیا
نانصیب اج آخر طواف تیرا جج عمریا آخری وار دیا
دل نہیں آکھدا چھوڑ دلیز جاواں تیری قبیلا پاک انوار دیا
گلی یار دی سی مینوں جج کعبہ ہائے ظالماں ظلم اطوار دیا
کتے لائی ونج خانہ بدوش تائیں میر قافلہ بے مہار دیا
ہن آ کوئی راہ دکھا مینوں متیں دیندیا تے طعنے مار دیا
کچھ دس جاہ ہن بے وس تائیں جھگے وسدے پٹ اُجاڑ دیا
پالیں لاج سراج محتاج دی ہن بگڑے جگ دے کاج سنوار دیا

مہینوال بچارا

مہینوال ہراس بے آس ہو کے ایویں روند کھلا دیوار پچھے
واقف کسے دانہ یتیم بنیاں ہکی نوکری تلے کمہار پچھے
مڑمڑ ویکھدا جھاتیاں پاکروں متاں نکل آیا ہووے یار پچھے
اج رج کے ڈکھڑے رولواں کدوں لہی سی وقت گفتار پچھے
جاندی وار نہ یار دیدار دتا کرسی ایہ ارمان خوار پچھے
کھلا ایہ ناہ جان دا یار نوں بھی اج ماریا نے ایسے خار پچھے
شوہدا جدوں ڈاہڈا نا اُمید ہو یا ڈیک نکل گئی درد قہار پچھے
الوداع پیار یو سکھ سو ہسو اپنی موج بہار پچھے
ہو گئے پنج پنج من دے پیر بھارے قدم اگاں دل بیتقرار پچھے
چڑھیا کٹک خونئی پریشانیں دا ابجے دسدا سودھند وکار پچھے
گھیر اندوہاں دی فوج مارو اکھیں چوندیاں درد طو پار پچھے
مال چار یا پیا اک یار کارن جھڈ کے اپنے نفر ہزار پچھے
گولار ہی بنیاں اگے گولیاں دے دلدار دے پاک دیار پچھے

گھیاں ٹٹ آساں آکھے کدھے جاساں ڈھائیں ماردا ایس ازار پچھے
کول پاس وی چیز نہ نظر آئی جلوہ یار دے تیز چکار پچھے
لواں آخری پا جمال اوسدا کھلا رہیا ایسے انتظار پچھے
پتہ لگ جاوے دُرباتا تائیں شوہدے گالیں لیاں تیرے پیار پچھے
کون جان دائے کدوں میل ہوئی ظالم ہجر لگا دھاڑے پار پچھے
خبرے کس درگ وچہ سٹیا نے حضرت عشق دے خوف یلغار پچھے
جزع فزع کردانزع وانگ بسمل درد بے درمان طومار پچھے
جاناں بھل نہیں چھڈ چلیاں نوں یاد رکھناں گزرے پیار پچھے
دھکے مار کے باہر کمہار کڈھیا ابجے کھپدائے عشق مہار پچھے
توبہ ایہو انجام محبتاں دا ایہو دسدائے رنگ پیار پچھے
نہ میں اگاں جوگانہ میں پچھاں جوگا کدھے جاساں بازیاں ہار پچھے
بھکھا دید دا ویسچدا رہیا بھانڈے پیساں موتیاں دا خریدار پچھے
ماہی جانے نہ جانے سراجِ مرزے گالیں جھل لیاں اوہدے پیار پچھے

مقولہ شاعر

توبہ عاشقان دے کیڈے نرم جگرے خانی خان جوان کم ذات ہو گئے
جگ جہانداں آہا غلام سارا اج کوئی اوہ وچہ گجرات ہو گئے
کیڈا سخت لحاظ پیار دائے مندیاں سن کے چپ چپات ہو گئے
منیاں جہاں دا علم چو غلطیاں بھی اوہ اج اک کمہار تھیں مات ہو گئے
دتا جہاں دا کل جہان کھاوے ظالم عشق کولوں بے اوقات ہو گئے
بے پرواہیوں خوف سراج دم دم ڈٹھا زہداں عشق دی گھات ہو گئے

مہینوال بچارا

لیکے صاف جواب کمہار کولوں بکل مار مہینوال روان ہو یا
دھکے مار کے باہر کمہار کڈھیا کدھر جاوے سخت حیران ہو یا
گلیاں وچہ ہراس اداس پھر داٹھی آس وچہ پاس غطان ہو یا
آوے نظر چودھار غبار اوسنوں بناں یار ویران جہان ہو یا
خیریں ہسد اکھینڈ دا نال ماہی ناہ وچھڑن دا کدی گمان ہو یا
وچہ پلک دے ہور دا ہور بنیاں ویری آن خونی آسمان ہو یا
کدی رووندا جاوندا دل نیلے کدی آوندا شہر نالان ہو یا
لین چین نہ نین دن رین دونوں کدی بیٹھ جاندا نمہوں جہان ہو یا
نہ کوئی غم گسار نہ یار دردی سارا جگ جا پے چان بھان ہو یا
میلے ویس چپا تزا رہے بھوندا ڈور بھور ہو یا پریشان ہو یا
جکوں بیٹھ نوکیلا رہے رووندا چشمیں تر تے خشک دہان ہو یا
اگے روونداں دن گزاردا سی ہن ڈھیر عرصہ درمیان ہو یا
ڈھانیں ماردا کدی خاموش ہوندا ٹھاہراں بھالداے پھر حیران ہو یا
بنی سخت لاچار سراج اوسنوں مشکل گھر کمہاراں دے جان ہو یا

مقولہ شاعر

یارو برا ذوق پیاریاں دا ایہ ستم نہ جھلیا جاوندائے
پچھو جاشو ہدے مہینوال کولوں کویں اوس دے نال وداوندائے
ایویں واویلا وانگ جھلیاں دے وچہ ویہڑیاں پھیریاں پاؤندائے
اُڈی بھکھ تے تس وجود وچوں خون پھوندا جگر نوں کھاوندائے
کعبہ جان دا سمجھ مکان دلبر نت نیت نماز اداوندائے
نال ہنجواں کر تیار وضو صدق جا نماز وچھاوندائے
کیتا مالیاں باغ دا بند بوہا وانگ بلبلاں پھیریاں پاؤندائے
آیا وچہ فانوس چراغ نوری کویں صبر پتنگ نوں آوندائے
چھایا ہجر گرہن ماہتاب اُتے کویں تاب چکور لیاوندائے
اک وطن پرایا نہ کوئی محرم نالے یار دا ہجر ستاوندائے
گزر گئی نوں یاد سراج کر کے ہنجوں بارشاں وانگ برساؤندائے
جدھر جاوندے دردنا لے رہندا گیت فراق دے گاؤندائے

مقولہ شاعر تے مہینوال دا حال

یارو برے جہان دے روگ سارے منداسب تھیں روگ جدائیاں دا
ایہدا وصل دے باجہ علاج نائیں ایہ نہیں ازار دوائیاں دا
عاشق موت نوں کرن قبول اس تھیں جویں قیدیاں حکم رہائیاں دا
پچھو جابھو ویں مہینوال کولوں ہوندائے پک گلاں آزمائیاں دا

پیا سہ دید دا پیا شہید ہوندا دے کوئی نہ ڈھب رسائیاں دا
جھکے گل چھڈے مغل خانیاں دے چھیڑو بن کے مٹھیاں گائیاں دا
وانگ بوریاں وندا شہر سارے واقف رب اوسدی جھلیائیاں دا
ایہا اوسنوں فاندہ پیا اوڑک گلیاں ہونجھ کے صاف کرائیاں دا
ہن رووندا پھرے حیران ہو یا ایہوانت ہے اکھیاں لائیاں دا
دن رین نہ چین سراج اوس نوں نصب العین ہو گیا بلائیاں دا

ایضاً

مرزا بے درمان حیران پھر دا آج کون کرے غم خواریاں نوں
نہ دستار پاپوش نہ گل جامہ اوہ ویکھ لئو قسمتیاں ہاریاں نوں
پھرے وانگ سودائیاں رات ساری گیا بھل اوہ نیند خماریاں نوں
نہ کوئی یار محرم ہمد آ پے گٹھیں لگ کردار ہندا زاریاں نوں
لمے وال بے حال کنگال والے جٹاں لمکن جویں مداریاں نوں
بوہے یار دے جاوند رات ادھی کھلار ہے کردار انتظاریاں نوں
لیندا رہے کنسو کھلو چوری چکی ہانے دیاں پھر کے باریاں نوں
ہائے ارمان کیہ کھٹیا وٹیا سونال چاملاں لا کے یاریاں نوں
ہو کے دیوندا پھر گجرات اندر سرچک غماں دیاں کھاریاں نوں
آج عشق ایسا بے سامان کیتا بیسی مان دا کدی عماریاں نوں
روندا کر کر یاد برباد ہو یا راتاں ماہی دینال گزاریاں نوں
ماپے دور تے یار مجبور اوہدا ہو کون کرے دلداریاں نوں
عزت بیگ آج منگ کھڑا پھر دا دے کون جانچ بخاریاں نوں
متاں سن لاں یار دی گل کوئی کن لاکھو وندا باریاں نوں
ساری رات اوہ رہے طواف کردا بیت یار دی چار دیواریاں نوں
الغیاث سراج ہن کدھے جاوے مہینوال چھڈ بے قراریاں نوں

ایضاً

وانگ بوریاں دے مغل دیوانہ پھرے وچہ گجرات دے غل پاندا
کر کر یاد نزاکتاں وطن دیاں شوہدا سرمئی اُل اُل پاندا
یاروایہ تے کوئی اچرج نائیں جھڑا پاندا اے ایویں رُل پاندا
کتھے سخن شناس غلام بنی ہوندا کول تے شعر دا مُل پاندا
میرے دیکھ درد لازوال تائیں آپ چلن ناہا بالکل پاندا
چل دیکھ اپنے کشتہ ناز تائیں نیش ہجر تھیں جگر کڑل پاندا
نداوہ ویکھدا پھول کتاب ماضی نہ اوہ وچہ مضمون دے بھل پاندا
زلف یار کیتا گرفتار ڈاڈا کوں وطن ول جان دی کھل پاندا
قیس عامری چھتری سال شوہدا رہیاں نجد پہاڑ تے غل پاندا
میرے گل سخن اتوں ہوشیدا بنجوں لکھ وانگوں بلبل پاندا
میرے بے نیاز معشوق تائیں جا کے واسطے ختم رسل پاندا
ہوندے تم الم سراج جیکر نظر کرم شاہ دلدل پاندا

ایضاً

پھر دا وچہ گجرات یتیم مرزا بھریا درد طومار افسوس داسی
زاغاں بے دماغاں دے ہتھ آ یا نازک گل باغ فردوس داسی
مضطرب پیسے دے وانگ شوہدا پیا تیش ہجر تھیں توسدا ساسی
ماپے دور تے یار مجبور اوہدا ہو کون دردی بھلا اوس داسی
پیا کھید دا خاردی نوک اُتے پاک باز نوری قطرہ اوس داسی
بے آس ہراس سراج ہو کے رہندا گردش فلک نوں کوسدا ساسی

ایضاً

میریاں نارسائیاں ویکھنائیں اوہ بے رحم تے کینہ طراز فلکا
میری اک چنگاری دی مدنائیں تیرا شرق و غرب دراز فلکا
لاچ لاکے تے وطنوں کڈھیائی کیتوئی بے وطن دغا ز باز فلکا
شوقِ ہند دا پا کے طوق مینوں آندا قید کر کے وچہ آ ز فلکا
کرسی دے کے کول بہاؤندا سی کر مصاحباں وچہ ممتاز فلکا
گھالے جھل جھل و سپدار ہیا بھانڈے دے دے بازار آواز فلکا
ناہی رسم ساڈی مجھیں چار نے دی آہی شان دے گل مجاز فلکا
مشکل یار دے بوہے تے پونچیا ساں کٹ کٹ کے سفر دراز فلکا
جھلدار ہیا مصیبتاں سجریاں نوں ہووے قضا نہ عشق نماز فلکا
وطنوں پیوئی جھوٹے دے لارے کر کے طبع میری ناساز فلکا
نہیں مغز وچہ بوئے شباب رہ گئی گئے چیتوں ناز انداز فلکا
مویاں مرن گے نہیں ارمان میرے رہ سن قبر وچہ دل نواز فلکا

وچہ پل دے ساڑ گوا و سیا میری آہ دا سوز و گداز فلکا
جلیاں دلاں نوں کیوں جلاونائیں آ ظلم و ستم تھیں باز فلکا
ماں باپ چھڈائے نی عمر چھوٹی کیتا رنج نہیں حاصل نیاز فلکا
کدے گیا اوہ لطف جو بخشیا سی مینوں شا جہان اعزاز فلکا
ہائے کدے اج قافلہ سنگ میرا کدے گیا زلو محرم ساز فلکا
ایدوں ودھ بے عزتیاں کیہ سہندا پیا ہونچیا گند براز فلکا
توں جاننائیں خاندان میرا پیسی ملک وچوں سرفراز فلکا
بھلا ویکھ کھاں محنتاں میریاں نوں کیڈے پئے کٹے تگ و تاز فلکا
گلی یار دی سی مینوں حج کعبہ او بے انصاف غماز فلکا
کیڈا پیا بے زار خوار کیتو او ٹھگ ظالم چالباز فلکا
کتھے جوہ گجرات دے بیلڑے دی کتھے خطہ بلخ شیراز فلکا
حیلے ختم سراج مہینوال والا گیا رڑے تے رڑھ جہاز فلکا

ایضاً

مغل روند اوتا وچہ گلیاں کدی جاؤندا بیٹھ بازار کدھرے
پھرے بھالدا کھوہ تندور ٹھاہراں متان نظر آوے دلدار کدھرے
پھرے وانگ دیوانیاں وچہ گلیاں ناہ پاؤندا صبر زہار کدھرے
روندا کر کر یاد زمانیاں نوں گئی خوشی دی لنگھ بہار کدھرے
اس زندگی تھیں بہتر موت مینوں بننا یا نہیں لطف قرار کدھرے
یاتے چک کھڑ دے اپنے دیس مینوں تاں بھی چھڈا جندا زار کدھرے
وچہ بیڑیاں جھانکدا پھرے کھلا جاوے بھونڈیاں گزر دہنوار کدھرے
آگئی سختیاں دے منہ جان اوہدی ناہ سکد انس دکھیا ر کدھرے
بھری ویریاں نال گجرات ساری آوے نظر نہ کوئی غم خوار کدھرے

بنناں یار سنسار ویران سارا پاوے مول نہ چین قرار کدھرے
بوہے یار دے راتی ضرور جاندا جانندی روندیاں گزر دہنوار کدھرے
پھر پھر کے تے جدوں تھک جاندا شوہدا بہہ جاندا بکل مار کدھرے
ربا میریا او دھندے مک جاوے جے تے جاؤندا مرد کھیا ر کدھرے
خبرے تاں بھی کوئی تدبیر بندی جے تے پائیاں نوں ہوندی سار کدھرے
بنناں یار دے مشکل جیوناں سی مینوں سائندھے گھت مزار کدھرے
روٹی اوس یتیم نوں دے چھڈا دکھا کے ترس کوئی نیوکا ر کدھرے
ظالم پکڑ چٹا ریاں مگر ہوون جے تے ویکھ پاوے کمہار کدھرے
نہوں جھان سراج حیران شوہدا روندالے لے منہ دیوار کدھرے

ایضاً

عزت بیگ ہر اس بے آس شوہدا ڈاہدا درد فراق ستایائی
کتے ونج ویرانے وچ رہے روندادوہداواسیوں چت گھبرایائی
لمے واں وراگیاں وانگ ہو گئے خوردونوش نوں دلوں بھلایائی
گیا راز دقیق نوں پا عارف نقش ہستی دا نقشہ مٹایائی
موتو قبل انت موتو والا اُس سبق صحنی پکایائی
خاراں وچ بھی گلاں دا نور مخفی اوہدی نظر بصیر نے پایائی
ہر ہر وچ ہردا بھیت رچیا مہندی پتریں رنگ رچایائی
شاعر بے دھیان نادان نہ بن کیوں بھرا ویر جگایائی
اس راز نوں رہن دیہہ راز ایویں کیوں شرع سرپوش اٹھایائی
توبہ کر اس گھر نہ پا پھیرا کیوں پنیترا چال بدلایائی
ڈانوا ڈول پھرے وچ و ہڑیاں دے کسے پکڑ نہ کول بہایائی
مہنے عشق نوں دیندا درد بھرے عشقا ویریا دغا کمایائی
عشقا توں خونخوار بلا دا ایں کیڈا ازلوں روح ترہایائی
سارے جگ اُتے تیرا بول بالا کائنات نوں مارنویائی
دس کھاں نال بھی رہیں پراج تیکر اپنا آپ نہ کیوں جتایائی
دیویں ذکر معصوم نوں پیٹھ آ رے یونس لقمہ ہوت بنایائی
کیڑے پائے فی تن ایوب اندر اسی سال یعقوب روایائی
دند پاک احمد بے میم والا ہائے میں کیہ آکھاں تڑوایائی
وَلَنْبَنُوَنَّكُمْ سخت تیرا امتحان ہوندا کیڈیاں سختیاں نال ازما یائی
پہلوں آپ فرہاد دے نال رل کے نہر پٹے دا ذمہ چایائی
گھر بار چھڈ کے نجد اُتے مجنوں مثل کریر سکایائی
سستی تھل وچ تڑپدی رہی تتی تیرے قول نوں اوس نبھایائی
پھر دا پھر دا آن پنجاب وڑیوں ڈیرہ تخت ہزارے لگایائی
توبہ چھڈ کے شان حکومتاں نوں پھرے وچ گجرات ڈولایائی
جوش فرقت نہ سانبھیا جاوندا سو مجنوں جنوں بنایائی
سچ مچ دا ہو گیا بن مانس گویا ہستیوں وہم مٹایائی
انا انت وہم ہے بے معنی معنی ہست نوں سمجھ کے پایائی
گویا اپنا آپ گوا کے تے اوس اپنے آپ نوں پایائی
ہویا ذات وچ ذات شمار قطرہ وہم انا جد اوس بھلایائی
گلاں بھلاں اندر بلبلاں اندر ادھ آپ ہی آپ سایائی
تینوں یاد نہیں ایسے راز کچھ سیں شاہ سرمہ کٹایائی
گل دور نہیں منصور تائیں کل عالماں دار لٹکایائی
چل ویکھ کنگال مہینوال تائیں پھر دا درد و الم ستایائی
کون سنے تے کسوں رور دے پالے دور تے وطن پرایائی
کبڑی گل کچھ مینوں کڈھ وطنوں آ کے وچ پردیس رلایائی
جیندے پیش پیوں گیوں لے اوسنوں دس کسوں پار چڑھایائی
کبڑی جا جتھے تیرا نہیں سایہ پرچم ہر میدان لہرایائی
عشقا آپ ہی جھاک کے پردیاں تھیں موسیٰ سنے کوہ طور اڈایائی
آفرین او مرد میدان دیا پتر پیو تھیں ذبح کرایائی
جانے کون تیریاں مہربانیاں نوں یوسف کھوہ وچ کیوں وگایائی
عشقا ویکھ کھاں اک لعین کولوں شاہ حسین معصوم کہایائی
بن بن کے آوانیں سانگ سجرے نت اوپرا اولیں وٹایائی
بھلا کھڑے اوس ڈھائے سن بت تیرے تیشہ مار کے سروں مکایائی
کیڈے پئے غریب نے لے تر لے کیوں نہ اوس تے رحم کمایائی
بدل بن کے اوس یتیمی تے کیوں نہ انبروں مینہ وسایائی
چنگ ہیر دی لا کے رانجھنے نوں ونج ٹلیوں مون منایائی

ساری عمر چروا کے چھیڑاوس تھیں ڈولا کھڑیاں گھر پوچایائی
 جاتوئی اچے بخارے دار ہیا کھپہ پھٹے بلخ نوں ورنج لگایائی
 آہی باپ غریب دی عمر پچھلی بڑھی جان اُتے ستم ڈھایائی
 ڈھنڈا وتدا ہووی ناپینا ہائے اوس تے ترس نہ آئیائی
 عزت بیگ چھپا کے نام میرا مہینوال چروال سدایائی
 مینوں کڈھ کے مائی دی گود وچوں کہیا پڑے وانگ پکایائی
 عمر بیت جاسی بھالال دیوندی دی جس راہ اوس لال کھڑایائی
 ملکہ ہائے غضب میری مانگ ملکہ اوس منڈرا لیکھ لکھایائی
 مانن کونت سیاں اوہدے نال دیاں کیڈا اوس داروہ سدھرایائی
 مندا رہیا میں تیریاں کیتیاں نوں جو جو بھی پیا فرمایائی
 عشقا اپنا زور ازماونے نوں کیڈا پنچہ غضب چلایائی
 کچھ ویکھ تے سہی مہانیاں اوہ کیڈا بھر کے پور کھپایائی
 پا اوسل حبیب دا خیر مینوں میرا رج کے روح اُدرایائی

توں کھل جوان سنگ کیہ کیتی اوہنوں زندیاں ساڑ جلائیائی
 مینوں وٹی دی سیر دا لوبھ پا کے گلاں مٹھیاں نال ولایائی
 لسہ روح ناہ جھلدا ایڈ موساں دھکا دے سر موہند وگایائی
 علی بیگ دے باغ دی داب تائیں کتھوں پٹیاں کتھے لایائی
 ہو رکیہ آکھاں عشقا بھلا ہووی چنگا دکھی دا دُکھ ونڈایائی
 اللہ جانداے میرے ہجر اندر کی اوس دے نال وہایائی
 اونہاں ماواں دے برے نصیب لوکو جہاں تکدیاں ساتھ لٹایائی
 اوہدے کہیے کو لکھنے لیکھ آہے اوہنوں نت نت الم سوایائی
 آیا کرن سوداگری ور اوہدا اونہوں وچہ گجرات بہایائی
 پر ایہ ظلم غضب میرے نال ہو یا جہڑا یار تھیں جدا کرایائی
 پئی نہیں کھلو وندی رت میری کیڈے قہر دا پھٹ ڈکھایائی
 توہیں دس ہن جاواں تے کدے جاواں اتھے کون میرا مائی جاییائی
 رکھناں کیہ سراج نے یاد تیرا جیکر نزع نہ یار ملایائی

ایضاً

ہو یا مغل منگتا اگے مانگتاں دے عالی فرد عالی خاندان داسی
 بے درد و دیوار دے کوٹھڑے تے پایا چھت فلکی سائبان داسی
 اج بہن دی جا نہ شہر سارے واہ شان اللہ رحمان داسی
 ڈیکار مار کے بے قرار ہوندا عرش کنب جاندا یزدان داسی
 چشماں تر تے لبان سو خشک دونوں کر ما گیا بوٹا پان داسی
 وجے سرتاں خبر سراج ہووے کون پیڑ پرائی نوں جان داسی

روندا پھرے گجرات دیوچہ مرزا واقف کوئی نہ اوس دی جان داسی
 پہلو وچہ لئی پھر دا شوق عشق بھریا وتدا درد ارمان داسی
 ویکھو عشق دیاں کارستانیاں تھیں حکمران افغانستان داسی
 روندنا جاوند اوس سراں جتھے اول بھارتھا کروان داسی
 خون جگر دا پپو ناں پیا اونہوں نام یار دا ورد زبان داسی
 آپے روونداتے آپ چپ ہوندا ایہو حال اوس بے سامان داسی

ایضاً

برج حمل و ساکھ دا چن نور چمکاں ماردا وچہ جمال اپنے
 شاہ شب طرب دیوچہ بیٹھا ضوریز ہے وچہ جلال اپنے

جلوہ گر ہے کرسی فلک اوتے تارے گن مصائب نال اپنے
 زہرہ مشتری زحل مرتخ ثاقب پہرے پہرواں لے سمہال اپنے

کوکب کہکشاں تابان نیر لا کے بسترے رُخِ شمال اپنے
 کائنات ساری نور و نور ساری ظلمت نس گئی سام کے جال اپنے
 سکھاں وچہ تمام جہان ستا شاہ اپنے گھر کنگال اپنے
 پیادہ سداے سکھ زمین اُتے ماواں لے کے ستیاں بال اپنے
 رُوح چوتھے فلک تے ودا سو کردا پیا الہام دی بھال اپنے
 کیفی مست الست جہان کولوں خوش خوش بیٹھا وچہ حال اپنے
 کیہ معلوم ہے کول دیاں ستیاں نوں ستے سب و سار جنجال اپنے
 مہراں وچہ ہے ساقیے مے خانہ حاضر پیش تے رند قوال اپنے
 تسے رُوح دی ویکھ کے تس ساقی دتے مٹ دے مٹ اگھال اپنے
 پی پی کے جدوں مدہوش ہو یا کرے نغے شروع قوال اپنے
 پانی ندی دا اپنی وچہ مستی و گیا جاوندائے جوش اُچھال اپنے
 شاعر کدھی تے وداے گنگنا ندیا سب فکر اندوہ نکال اپنے
 شاعر سن فریاد بے تاب ہو یا قائم رہیا نہ وچہ خیال اپنے
 نیڑے ہو کے پچھد اکون ایں توں کریں رورو کے دیدے لال اپنے
 چکوی آکھدی پچھنائیں کیہ اڑیا دساں کیہ میں درد و بال اپنے
 وے توں کیوں پچھنائیاں نہیں مینوں ذرا کر حواس بحال اپنے
 چنگا ہم شناس ایں منصفاتوں نہ پچھان سکیں بھائیوال اپنے
 خیر کیہ ہو یا کوئی گل نائیں توں بھئی دکھی ہو یں وچہ ملال اپنے
 تیتھے رُوح ہو یا راضی عاشقاں دا کرن رب تے نت سوال اپنے
 روواں پئی مہینوال دیاں جھوریاں نوں ماپے آ یا سی کر بے حال اپنے
 چیتا رہیا نہ اوسدی نوکری دا مطلب لیو نے جدوں نکال اپنے
 اوہ اڈیا تے میں پھاہی پھاہی دونویں روو نے ہاں جگر گال اپنے

چوکیدار شہاب بھی آپو ہتالے کے نال سارے کوتوال اپنے
 چٹی چاننی چن دی دُدھ ورگی جگ تے پرتوے ڈال اپنے
 عاشق بستر عیش تے پئے جھومن بغل لے کے ماہ جمال اپنے
 جے ہے جاگداتاں اک دکھی شاعر مستغرق ہوے وچہ خیال اپنے
 ویلا برات دا پیا اڈ یکدائے بیٹھا ساز و سامان سمہال اپنے
 پھلاں وانگ پئے دسدے شعر عشق چن چن لیندا تھیلے ڈال اپنے
 شاعر نعمتاں نال نہال ہو یا محو ہو کے وچہ خیال اپنے
 ساقی دیوندا تے شاعر پیوندائے دونویں شروع نے وچہ نگال اپنے
 نالے پیونداجام گلغام شاعر نالے شعر جوڑے پال و پال اپنے
 پیکر خیال لب دریا پوہتا قدم پٹ کے تے چال چال اپنے
 سطح آپ تے نجدیاں جان لہراں دس دس کے ناز اولال اپنے
 سنی اک آواز گداز بھری رووے جویں کوئی درد اُبال اپنے
 ویکھے کیہ بریتی نے ہک چکوی پئی نوچدی اے پروبال اپنے
 بنی چکویئے کیہ تکلیف ایسی مینوں کجھ سنا کھاں حال اپنے
 میں ہاں تلے کمہار دی دھی سوہنی آ ہے حمدیاں نرم اقبال اپنے
 نت لکھنائیں داستان میری بھر دا رہیں وچہ دفتر حال اپنے
 اُنچ تے میں نت ویکھدی رہاں تنیوں راتیں رورو بھریں رومال اپنے
 بھلا ہووی کر بہنائیں یاد سانوں پٹے تینوں بھی ڈھیر جنجال اپنے
 شالا ملی مراد مراد وندا پاویں جا مقام تعال اپنے
 میریاں ماییاں نہیں انصاف کیتا عمراں رہے چراوندے مال اپنے
 دھکے مار کے چا کڈھیو نے کرسی عدل جناب عدال اپنے
 اگے حق دے حشر سراج رو کے دیساں چیرنا سور و کھال اپنے

ساقیا

محفل بادہ آشامی سہامڑ کے پالطف و کرم دی جھات ساقی شوق مشربی اے زنداں تیریاں نوں کدے گیوں چھڈ کے خرابات ساقی

العطش العطش پکار دے نہیں تیرے دیوانے دن رات ساقی
 پیاسکدائی فردوس اُلفت چا وصل دی بھیج برسات ساقی
 روندے نال وراگ دے جاگ دے دی دھم پئی جوانی دی رات ساقی
 خبرے کس قصور تھیں مگر میرے لگی ازل تھیں ہجر آفات ساقی
 میرے نال دے ہو رہی کئی لکھاں بھری پئی ساری کائنات ساقی
 ہر کوئی بیلیندے نال رنگ رتا دن عید تے رات شبرات ساقی
 کرہن کرم کریمی دا واسطائی پئی رووندے دی تھک وات ساقی
 بزم رنداں تباہ برباد نہ کر لا محفل عیش و نشاط ساقی
 کر ختم تار کھینے غارِ فرقت دس چشمہ وصلِ حیات ساقی
 ہن تے فجر بڑھپے دی آگئی اے دس کدوں کر سیں ملاقات ساقی
 لیکے لیہہ ڈگا دربار تیرے مینوں ایس تھیں بخش نجات ساقی
 آ یو اپنی جائی تمام سکھیا دکھیا اک میرے دکھی ذات ساقی
 میرے واسطے ماتمی دیس سحر انت کاغذ قلم دوات ساقی
 اوگن ہار سراج دا آسراے تیری ذات بابرکات ساقی

سوہنی دا ہجر وچہ حال تے ماں دیاں متیں

جس دن کہہاراں دے گھر وچوں گئی چوگ نکھٹ مہینوال دی سی
 بکل مار مہینوال روان ہو یا چلی کوئی نہ پیش گنگال دی سی
 اوہدے بھادی رات ہیر پے گئی پئی تڑپدی سمک مثال دی سی
 ہسی جس جائی مہینوال بہندا او تھے رو رو نیرا اُچھال دی سی
 نکل جاوندی ڈیک بے وسڑی دی جدوں رنگ سنیوندی مال دی سی
 چیتا رہیا نہ ہسنے کھید نے دا کڑیاں نال نہ جنڈیاں ڈال دی سی
 نہ اوہ شوخیاں مستیاں وچہ غمناں نہ اوہ رہی نزاکت چال دی سی
 کیہا ونجناں وچہ ترنجناں دے رہندی رووندی کانگ اڈال دی سی
 بھلیاں تاؤناں گنھ پکا و نیاں اوہنوں سرت نہ کسے جنجال دی سی
 مائی ویکھ کے حال تباہ اوسدا رہندی نال بہانیاں ٹال دی سی
 گزر گئی نوں فیر کیہ یاد کرناں چنگی گزر گئی جہڑے حال دی سی
 خبرے پنچھی یا پھسی اوہ مارواڑی بیکانیری یا چٹھہ بنگال دی سی
 دھپے ہوندا بے بلخ دا خان زادہ کہی سانجھی جاچروال دی سی
 اوہ بے آکھداے رغبت نال میرے شاہ جہان شاہ اقبال دی سی
 دھپے جھوٹھ دی کیہ بنیاد ہوندی شہابی اوسدی بس خیال دی سی
 جس لائی گلہیں اوہدے نال چلی چلی دھی بھی ایس مثال دی سی
 اندر بیٹھ کے چپ چاپ سوہنی بھنڈی رہی سندی سارے حال دی سی
 سوہنی واسطے اوہ دھاڑ گویا کوئی حشر دھاڑ دینال دی سی
 ایویں یوریاں دے وانگ لال تائیں باہروں اندروں وتدی بھال دی سی
 مڑ مڑ چمدی یاردی کھونڈی نوں ہائے ایہ کھونڈی میرے لال دی سی
 ہائے وقت اے ماہی دے آونے دارورو کے نین اُبال دی سی
 سیاں بھل گئیاں کسے کھوہ پیاں بھری وتدی درد اُبال دی سی
 میلا ایس تے کھلڑے کیس گل وچہ کھلیاں مینڈھیاں نہ سمہال دی سی
 رہ گئی بو نہ ناز نہ ہوریاں دی دُنیا اوس بھانے کھید بال دی سی
 چیتا رہیا نہ لاوے سیوے دادن رین اوہ روئیاں جال دی سی
 دھپے ہوش سمہال نہ بن مکلی کہی دوتی چاک چنڈال دی سی
 ہسی جدوں دادفع ہو گیا اوہدتی کھری کوئی اوس چنڈال دی سی
 بوہے بوہے اوہ پالدا پیٹ پھر داپس خورش اوہدی جوٹی دال دی سی
 میں تے جاننی آں جاند اداوہدی بس اک زنبیل رومال دی سی
 میں حیران ہاں اوس سلطان تائیں لہدی شکل نہ لہسدے نال دی سی
 گلاں نال اوس لیا ولا تینوں طبع تیری بھی جمدے بال دی سی
 ہس کھیدتوں ایڈے نہ لاجھورے گزر گئی اوہ خواب خیال دی سی

اوہدے واسطے رونہ ماں صدقے اوہ تے شکل منحوس چنڈال دی سی
کچھ اپنا آپ بھی رکھ چیتے نسبت کوڈیاں وجہ کیہ لال دی سی
شکر پڑھ مگروں لتھی ساڑستی اوہ تے کلکل فجر ترکال دی سی
کتھے توں تے کتھے سراج چاکر وتھ موکلی گگن پاتال دی سی

سوہنی داماں نوں جواب

بول مائی دے سن کے کہے سوہنی متیں دیہہ نہ ماں ہتیاریئے نی
مائے رحم کرو واسطہ ربدائی میری طبع ڈاہڈی دکھاری اے نی
جیوڑا ساڑ نہ نال نصیحتاں دے اگے ساڑیا عشق چنگاری اے نی
سو جھا کر زبان سمہال اپنی کچھ سوچ کے بول کہہاریئے نی
مائے سوچ زمانے نوں جدوں اوس نے رکھی بھانڈیاں دی خریداری اے نی
زر نال بھریا اوس گھر تیرا کردار نچ نہ کوئی وپاری اے نی
ڈھیرے مار داسی کھوئے چار داسی کیڈی پئی اوس ٹہل گزاری اے نی
سارا ہندا اوہدے ملاقاتیاں داشاہ جہان دا خاص درباری اے نی
کرکھاں یاد جد شہر گجرات اندر اوہدی جھولدی وڈی عماری اے نی
سچ کچھیں تے حوصلہ کچھ نائیں اوہدی طبع ڈاہڈی دکھاری اے نی
ہائے نی انہڑیے جمدیوں نچ مینوں مینوں ڈھیر ساری شرمساری اے نی
ہائے میں کیہ آکھاں وطن نس جاسی مینوں یاد اوہدی وفاداری اے نی
میں ہی برا کہیتا بے وفار ہی میتھوں ہو گئی غلطی بھاری اے نی
اپر یاد رکھیں مائے گل میری جیکر رب نے خیر گزاری اے نی
جو گن بن کے دیس بدیس پھر ساں پچھے یار دے وانگ مداریئے نی
دیتا یار نوں دستگیر ضامن وعدے کر کے کیوں وساریئے نی
ماہی نال میرا ونچ بودیاں دادا من پاک اندر لائی یاری اے نی
مائے کدی نہ مڑاں گی یار ولوں مینوں قسم قرآن دی بھاری اے نی
گھر بار دی کوئی نہیں لوڑ مینوں سانجھ اپنا گھر کہہاریئے نی
چپ کر رہ کچھ نہ آکھ مینوں میری اگے ہی چند ازاری اے نی
کیہ مارناں ربدیاں ماریاں نوں ہتھوں حوصلے دے سہاریئے نی
اپر عشق نوں تیری بلا جانے تدھ لاڈھی نہیں یاری اے نی
نی اوہ علی بیگ دالا ڈلائی اوہدی بلخ سارے سرداری اے نی
کرکھاں یاد پردیسی دے کول بھلا چھڈیا کی تدھ پیٹ نگاری اے نی
رہیا ہونجد اعرار وڈیاں نوں شوہدے پئی کیتی خاطر داری اے نی
رس چوپ کے اوہدے وجود وچوں سیوئی گنگ واکوں کارے ہاریئے نی
اونہوں چٹھ جہان دی آکھنی ایس جیندی بلخ وچہ ہر سرکاری اے نی
شوہد اتھاسی رات گزارنے نوں آب ودانے کیتی گرفتاری اے نی
ظالم عشق نے پکڑ کے قید کیتا وطن جان دی بنی لاچاری اے نی
اج وانگ مسافراں پھرے روندانے کون ایہ خان بخاری اے نی
جاسی چھوڑ نہ کدی گجرات تائیں اوہدی اتھتھے ہی حج گزاری اے نی
جان دے ڈھول نوں کیوں نہ پکڑ لیا ایسی عقل نصیباں نے ماری اے نی
گن گن لاہوساں بھاجیاں یار دیاں بھاجی میرے سراوہدی ادھاری اے نی
ہتھ ہتھ مناوساں ڈھولنے نوں پکی نیت اس گل تے دھاری اے نی
ہووے دوزخاں دے تھلے جال جیکر کیہ قول زبان تھیں ہاریئے نی
اَلْعِلْمُ فِي الصَّغَرِ كَالنَّقْشِ عَلَى الْحَجَرِ دیکھ کیڈی حدیث پیاری اے نی
کرساں قضا نہ نیت نماز چھڈی کرنی یار تھیں جان نثاری اے نی
ٹھلساں مگر سراج دے وانگ سسی کرنی رب نے پارا تاری اے نی

سوہنی دی ماں دیاں سوچاں

مائی دیکھ کے سوہنی دے نین خونی جاتوس ایہ لوہے وانگن تپ گئی اے
 بہتر ہے میں اپنی پت رکھاں ایہہ تے حد بے حدنوں ٹپ گئی اے
 میں تے جاتا سی کڑی اے سمجھ جاسی پر ایہ بن سہلی کولوں سپ گئی اے
 کولوں چپ چپا تڑی اٹھ گئی دفتر پند و نصائح دے ٹھپ گئی اے
 ایہہ تے باک گئی اے وانگن ڈین ہلکی جہڑا لہیا کر ہڑپ گئی اے
 چہے چڑھی ایہ کڑی نہ مڑی جا پے میری جان سمجھان دیاں کھپ گئی اے
 گل کیتیاں پوندی اے گل اگوں بھوویں موت داپلڑاںپ گئی اے
 ساڑ چھڈ یائے انہوں روگ گئی ایہ تے روندیاں روندیاں کھپ گئی اے
 نویاں لگیاں تے آپے سمجھ جاسی اے اڑی معصوماں دی نپ گئی اے

ایہدے نال نہیں جاوندی بسر میری بھوویں وانگ سودائیاں کھپ گئی اے
 توبہ ایہ تے کوئی آفات ڈکی اس تھیں کن بلا بھی نپ گئی اے
 چتے ایسدے ویکھ کے جا پدائے ایہ کوڑے دانک کپ گئی اے
 کیہ لینا نین سن جواب ساہوویں ڈروٹ کے تے اندر چھپ گئی اے
 چھٹ بلی دا ہتھ زانائیاں دا ایہ شرم حیا ترپ گئی اے
 مول ایس نوں رنگ نہ بھادسی گایہ تے رگن عشق وچرپ گئی اے
 چتر چتر کرے وانگن طوطیاں دے ایہ تے سکھوڈی لپ چھپ گئی اے
 متاں ڈب مرے کسے کھوہ اندر مائی ایس گلوں ذرا چھپ گئی اے
 ایس قسم دی سوچ سراج کر کے مائی منہ متاں کولوں ڈپ گئی اے

سوہنی دا ہجرو چہ حال

وچھڑی یار تھیں بے قرار سوہنی رہندی روندی حال و نجاوندی آ
 بناں یار نہ کتے قرار اونہوں خالی جا ڈراوندی کھانندی آ
 ڈور بھور ہوئی وانگن جو گناندے کھلی زلف نہ پچھاں ہٹاوندی آ
 کدی لاہ باری ویکھے ول باری دھوڑ دھمدی مال دی آوندی آ
 ناں اوہ ہمدی کھید دی نال سیاں نہ اوہ وچہ بھنڈا دے جاوندی آ
 پیابھٹھ چرخہ اونہوں نہ بھاوے سارے شوق آ رام بھلاوندی آ
 کسے چیز دی نہ تمیز رہ گئی کے کم نوں ہتھ نہ لاوندی آ
 پیابغضب وچھوڑا چکوی نوں ایویں تڑپدی رات لنگھاوندی آ
 بھلے چین تے چاشباب والے والیں تیل پھیل نہ لاوندی آ
 نہ اوہ ہس ہس رکھناں دل تازہ نہ اوہ راگ سہاگ دے گاندی آ
 نہ اوہ ہتھ سوہند یوں لال رتے نہ وچہ چوڑیاں بانہہ سہاوندی آ
 نہ اوہ وتناں کتناں اتناں سوسیاں نال نہ من پر چاوندی آ

رجھے اندرے اندرے وانگ ہانڈی آہیں گھیاں رہے جلاوندی آ
 اندروٹ کے تے چوری مایاں تھیں گھڑے ہنجواں دے برساوندی آ
 کدی چڑھ کوٹھے ویکھے ہر گٹھے بھانن کان گوشے گوشے جاوندی آ
 ماہی مجھیاں دے کیوں چر لایا ایویں پئی اوہ اوسیاں پاوندی آ
 موہندی پلنگ تے رہے بے رنگ ڈھٹھی رہندی گیت وچھوڑے دے گاندی آ
 اندروٹے تے سڑے بے تاب ہووے ایویں پیہر بچھلے باہر آوندی آ
 جاوے سڑجے پلک اک پلک لاوے پلک پلک نہ پلک لگاوندی آ
 رہوے وین دن رین بے چین کردی نہ پوندی تے نہ کھاوندی آ
 نہ اوہ تاب گلاب دی کھڑے تے ناہ اوہ زلف خمدار ہٹاوندی آ
 نہ اوہ وقت کلام دے ناز کیوں انگلی ہوٹھاں دے نال کھاوندی آ
 میلے ویس چپا تڑی رہے بھوندی کسے نال کلام نہ بھاوندی آ
 کنڈا مار کے تے چوری مایاں تھیں پئی کوچ دے وانگ کرلاوندی آ

دن گزردارو وندی دھوندى نوں تارے گندیاں رات دھا وندی آ
 ایویں وانگ دیوانیاں وڑ گٹھے رھندی ماردی سد بلا وندی آ
 اک بری جدائی ستائی ہوئی پئی دیدیوں خون چوا وندی آ
 کھلیاں مینڈھیاں وانگ وراگناں دے پئی جونباں خاک رلا وندی آ
 سیج سیج برابر دی دکھیاں دکھاں والٹری جند ازما وندی آ
 جھیتی آکتوں مہینوا لیا وے پئی جان غریب تر سا وندی آ
 دوجا قید لاچار دکھیاں تائیں ماں مہنیاں نال ستا وندی آ
 دن رین نہ چین سراج اوسنوں پئی اپنا آپ ونجا وندی آ

ایضاً

سوہنی یار دے بھرے تاب کیتی اوہدیاں شوخیاں جان دیاں مردیاں نی
 کھلے وال نہ مول سمہال رکھے اکھیں روندیاں بس نہ کردیاں نی
 ندیاں نیناں دیاں اُچھل وگیاں سوکا نگاں آیاں چڑھ بھر دیاں نی
 اوہدا کھا وناں پیوناں زہر ہو یا اتے سون لوکوں اکھیں ڈر دیاں نی
 سیاں نال نہ ہسدی کھیڈ دی سی راتاں روندیاں جان گزردیاں نی
 اوہدا رو ناں دکھیا ہودوناں جی کارن مایاں دے سرد دیاں نی
 بناں یار دے نظر اُجاڑا آوے کھان ڈھک رہیاں کدھیاں گھردیاں نی
 لیا بھردی پیڑ نہیڑ اوہنوں گیاں مکھڑے تے ورت زردیاں نی
 گوہر ریزخوں ریزدو نین اوہدے گیاں طاقتاں اُڈبھردیاں نی
 نہ موئی نہ جیوندی درد کٹھی ورت گیاں قضا قدر دیاں نی
 اوہنوں چین تے چاہیں یاد رہندے چوٹاں جھلیاں جہاں جگر دیاں نی
 آساں ٹٹیاں ہو سراج سمجھے نکاں بس خدا دے دردیاں نی

ایضاً

سوہنی یار تھیں چھڑی رہے روندی کسے نال نہ کھیڈ دی ہسدی آ
 جگر مرض فراق دی کھا لیا پئی ناگن بن کے ڈسدی آ
 ماڑی چڑھ لاوے تاڑی چار پاسے نیناں تسیاں تس درس دی آ
 روندی آکے پلنگ تے جھڑے موہندی وانگ چھاننی پئی برس دی آ
 لادوا ایہ روگ پریم داے نہ ہر طبع کس دی آ
 درد جھلنے کان انسان بنیاں بیدرد مانند خرس دی آ
 جیوندی جان وچہ گوردے پین سوکھا اپر جان جدائیوں نسدی آ
 خیریں وسدی اُجر گئی درد ماری ہن وانگ بدلی پئی وسدی آ
 رہے ساد مرادڑی چپ کیتی زیور گہنیاں تھیں پرہاں نسدی آ
 آوے نظر نہ جدوں دلدار کتوں ڈیک جا وندی نکل بے وس دی آ
 بیڑی پئی نواڑے نوں تڑی دی سد مار مہنیاں دسدی آ
 ایہ ہجر میدان بہوں کٹھن پینڈا جان کنبدی کس وناکس دی آ
 جانن اوہ کیہ لذتاں درد دیاں دینی نوکری جہاں نفس دی آ
 تیرے شعر دی گز سراج بے شک پئی حاسداں دے سرو سدی آ

ایضاً

سوہنی گھیر چوہر تھیں لئی درداں اوہدا لکھناں درد طومار کہیا
 صدمہ گاہ بلا دی جان اوہدی ظالم آسماں کج رفتار کہیا
 پھر دی چپ چپاڑی مار بکل نیناں بناں دیدار قرار کہیا
 دکھ یار دے پکڑ دکھیا کیتی ایہدے واسطے سکھ سنسار کہیا
 رنجھاں ساریاں اوسدے من رہیاں اوہنوں سدھراں بلج نجا کہیا
 سیاں ڈھیر ولا بلا رہیاں اوہدا جا وناں وچہ بھنڈار کہیا

نہ اوہ انگلیاں رنگ برنگیاں سو اُتے چولیاں نقش ونگار کہیا
ونگاں گجرے تروڑ مروڑ سٹے پیریں جھانجراں دا چھنکار کہیا
مارخور بلاوا عشق ظالم لوے اپنی ڈھونڈ شکار کہیا
اول بن غم خوار پیار دیندائے خیر چھدائے بن کے خار کہیا
تھیا تھئی نچاوندائے زاہداں نوں بھن شوخیاں لوے سنوار کہیا
نکوں نتھ سہاگ دی چھک سٹی کنیں بندیاں دا چکار کہیا
کونت جہاں دے ٹر پردیس جاوَن اُہناں بھاونان ہارسنگار کہیا
کڈھ ڈبیوں سچیاں موتیاں نوں کرے گھٹیاں وچہ خوار کہیا
پہلوں بنے دل کش تے فیر دل کش رنگ بدلد عشق مکار کہیا
آن عشق دی من سراج توں بھی اگے ایسدے عذرا نکار کہیا

ایضاً

کیتی ہجر ازار بیمار سوہنی رہے وین دن رین دکھیا کر دی
راتی نیند نہ آوندی بسترے تے شوہدی رہے دلیلاں ہزار کر دی
پاسے پرندی تڑپدی وانگ پارے تارے گندی فجر بیمار کر دی
وانگ جوگناں کھلے کیس گلوچہ ناہی زلف بنا خمدار کر دی
ناہ وچہ پروار غم خوار کوئی اگے جسدے درد اظہار کر دی
خون پیوندی کھاوندی جگر اپنا ایسے طرح اوہ رات دہنوار کر دی
ماپے ویری تے یار نہ نظر آوے بھلا کر دی تے کیہ لاچار کر دی
ہائے جے اج ہوندا میرے کول ماہی سینے لا کے رنج پیار کر دی
تارے گندی گندی تھک پوے ڈکھی ساہاں دار ہے شمار کر دی
جدوں چین ہی ناہ وجود اندر بھلا کہے پھر ہارسنگھار کر دی
پھرے چپ کیتی جھلے پئی بیتی کسے نال نہ ہس گفتار کر دی
قیدی ہو کے ڈکھی سراج سوہنی وانگ بلبلان رہے پکار کر دی

ساقیا

آ ساقیا کرم کما میتھے تنیوں ول ہے کرم کماونے دا
محفل لا پیار دی رل بہنے حیلہ غم اندوہ ونجاونے دا
لے ہن الوداع دوستو سکھ و سوکارا آ گیا ساڈے جاونے دا
چٹی چاننی چار دن رل کھیڈے ویلا بیتیا سہرے گاونے دا
اچن چیت وللیئے کڑیئے نی لاگی آ گیا گڈھیں پاؤنے دا
رین ستیاں بیت گئی جھلری دی وقت آ گیا کات تلاونے دا
ودعیا کرو مینوں سیو نال دیو ہن کیہ فائدہ رو پچھتاونے دا
چوگاں چگیاں تے کارے مک آئے جھولا جھلیا رت پرتاؤنے دا
چیتا مت چیتے وچوں بھل جاواں چیتا راہی جویں پراہونے دا
ہتھیں اپنی آپ پلا مینوں اک ٹاس پیاس بجھاونے دا
دم دم چوٹ نگاریاں کوچ دیاں کہیا آ سرا جھٹ پراہونے دا
رل ویریاں متا پکایاے سانوں ظالماں دے وس پاؤنے دا
میلے قسمتیاں نال وچھنیاں دے اچے چاسی ہان ہنڈاؤنے دا
پھاٹاں تلیاں ہتھ مروڑنی آں کیتا آہر نہیں داج بناؤنے دا
پیاں پونیاں میریاں پڑ اندر سدا آ گیا چرنے چاؤنے دا
دِتا نویں سہاگ نے نواں دھکا سانوں ندیوں پار وگاؤنے دا
بھل چک معاف چا کرو سیو ایہ ویلڑا بھل بخشاؤنے دا
رکھناں یاد سراج پردیسیاں نوں رب آنسی وقت ملاؤنے دا

ماپیاں سوہنی دارشتہ کرناں تے ویاہ دی تیاری

تِلے گھروں نکالیا چاک جدوں آیا جی نوں کجھ قرار یارو
 بیٹھ زال دے نال صلاح کردا دھی واسطے سوچ وچار یارو
 کیتی جمع برداری تلے اپنی ساک سین سارے رشتہ دار یارو
 بھائی نیڑیوں اک برادری دا او سے شہر دیوچہ کمہار یارو
 ہن ویکھ اکٹھ برادری دا ہو یا فیر اوہا منت دار یارو
 تلے سنے برادری دکھ اُسری لکھے لیکھ ہوئے نمودار یارو
 چٹ مگنی پٹ ویاہ وانگوں اوہ ترت ہو گئے تیار یارو
 دونوں گھر تیا ریاں وچہ ہو گئے لگے اپنے اپنے آہر یارو
 کڑم تلے دے جامیوں باہر دین سے بخت ہو گئے بیدار یارو
 دیوں پئے مبارکاں ساک سارے ملے نہیں پئی خوشیاں دار یارو
 در سوہنی دا وچہ ہانیاں دے پھل پھل پیا ہوندا چار یارو
 شالا مرے ہتیار نہ ہووے تیج سوہنی دا روا دار یارو

مقولہ شاعر

ہائے جگر میرا پیا پھٹائے اس ویاہ دے وار بنان اُتوں
 کھوندے پئے پردیسی داتق ظالم ڈردے نہیں پئے ظلم کمان اُتوں
 آساں تروڑ چھڑیاں مہینوال دیاں ہن لیناں سوکیہ جہان اُتوں
 چھانی خاک مزدور نے دن سارا اک شام دارزق بنان اُتوں
 وختاں نال کسان نے بیس سٹیا قرضہ چک کے کسے دُکان اُتوں
 پکا فصل تے گڑے تباہ کیتا فیض بھیچیا فیض رساں اُتوں
 مہینوال مزدوریاں رہیا کردا کلر پیا گزاریا جان اُتوں
 چوری سوہنی تھیں وار بناوے ڈر کے اوسدے شور مچان اُتوں
 توبہ اُج مہینوال نوں کون دے بازی ہر گئی تیری میدان اُتوں

اہناں ظالماں دے سمجھانے نوں کیوں نہیں ٹٹ پیندا آسمان اُتوں
 فَاَمَّا الْيَتِيمَ فَلَا تَقْهَرْ آیت ویکھدے نہیں قرآن اُتوں
 اگے رووندا سی وچھڑ جانے نوں پیا نوں ایہ غضب طوفان اُتوں
 مرضی رب دی گھر دے رہے بھکھے پے گئے کھان والے مہمان اُتوں
 رہیا جھلد اسال مصیبتاں نوں گرمی سردی نہ سنگیا کھان اُتوں
 ویکھ کھیتی داناس ہراس ہو کے شوہدا ویکھدا پیا کسان اُتوں
 اج اوہ نہ کسے نوں یاد آیا گیا چک انصاف جہان اُتوں
 لگے کرن تیا ریاں کاج دیاں اپنے اپنے قدر پران اُتوں
 ہن رہ بھاویں ٹرجاہ وطن اپنے لکھیا لے لیا ئی ہندوستان اُتوں

سوڈا ہڈیاں دامرضی اپنی تے چھڈن پنج نہ ست گنان اُتوں آساں پوریاں ہوں سراج جبکہ موڑے واگ اج شاہ جیلان اُتوں

شادی دی تیاری تے سوہنی دی سہیلیاں سن کے سوہنی کول اوناں

تنتلیاں بلبلاں وصل اُمید اُتے روڑا قہر قلور گزار آئیاں
پکا اٹھویں وار تیار کر کے دونویں طرفاں ہو تیار آئیاں
چاول اکبری بیگی باسستی کھنڈ بوریاں بے شمار آئیاں
سنی ویاہ دی خبر سہیلیاں بھی ترنجن وچہ اوہ سندے سار آئیاں
اڑیو چلوئی سوہنی دے کول چلے جہڑیاں ہوا تھے غم خوار آئیاں
سب نکلیاں وڈیاں اُٹھ کھلیاں آپو اپنے کم و سار آئیاں
وچے کواریاں اُتے پرنا ئیاں بھی گھوڑے ناز دے ہوا سوار آئیاں
ماہ جمال کڑیاں ہم خیال سمجھے اک دونی نوں نال ونگار آئیاں
انی اُٹھ کے بہو کھاں سوہنے نی تیرے نال اک کرن گفتار آئیاں
جے تے سوہنے نی پرمن دیاں رتجھاں تیریاں ہو بیدار آئیاں
تیرے جیہیاں سوہنے جگ اُتے زندگی اپنی کرن خوار آئیاں
کڑیے جس بازار جال تیری اتھے اسی بھی جھٹ گزار آئیاں
رہیا جس دکان تے ونج ساڈا کراوہناں تائیں شاہوکار آئیاں
کڑیے سدا ایہ وقت نہیں نال رہناں گھڑیاں جو بن دیاں دوچار آئیاں
خیر جہاں نے لا کے نہیں ڈٹھی اوہ تے اڈھوں ہی برکنار آئیاں
جہاں لا کے ادھ وچکار چھوڑی کرن دوجیاں نوں بے اعتبار آئیاں
ہوں حشر نوں اوہناں دے منہ کالے جہڑیاں لا کے تروڑ پیار آئیاں

ایضاً

سدا نہیں جوانی دی رت کھیوی سدا نہیں ایہ حسن جمال کڑیے
سدا نہیں رُخسار انارور گے سدا ہونٹ نہیں سوہے لال کڑیے
کنڈل سدا نہ سرمیلے نین بانکے سدا سیس نہ پٹیاں ڈھال کڑیے
سدا نہیں لباس داشوق تازہ سدا نہیں نخرے وچ چال کڑیے
سدا نہیں چنبے پھل دند کلیاں سدا نہیں لڑیاں پال و پال کڑیے
سدا شوق نہیں ونگاں گجریاں داسدا ہتھ نہ مہندیوں لال کڑیے

سدا نہیں دُکان تے بھیڑ رہنی سدا نہیں وچہ حسن دلال کڑیے
ایہہ حسن مہمان کوئی جھٹ دائے سدا نہیں اس نہنناں نال کڑیے
اوڑک خاک دیوچہ سماو نائیں ایہ جھٹ کوئی خواب خیال کڑیے
اج ویلائی وچکے لے رسدا اپنی بھلکے رب جانے کیہ حال کڑیے
توں سے تیج سہاگ دی مانیں گی دس کیہ کرسی مہینوال کڑیے
تینوں نویں سہاگ دا چا چال جا گیا شوق تینوں وال وال کڑیے

جیتا کر لے نی جدھر گیا بنیا جاسی رسد بھی اس دے مال کڑیے
اللہ بس باقی ہوس وینقی وَجہ رَبِّک ذوالجلال کڑیے
سو بھا کھٹیس کیہ جہاں اُتوں ٹھگی کر کے متراں نال کڑیے
جدوں سروں پچھادیں نے ڈھل جاناں پھر ہوسیا کون لوال کڑیے
جدوں اوسدی پنگھ تے پنگھدی سیں ناہے اوسنوں یاد کلال کڑیے
مہینوال دے نال سراج ٹھگی لیکھے لیسیا جل جلال کڑیے

سوہنی دیاں سہیلیاں نال گلاں

سوہنی عمدی کوٹھڑی پئی آہی سیاں کول اوہدے سبھے آئیاں نی
سندے سار ویاہ دی سار سوہنی تن من نوں کنہیاں آئیاں نی
ہتھ مار منہ متھے تے پٹ کڈھی کھج مینڈیاں دھرت وگائیاں نی
ہائے بھامیرے ایہ کی ہون لگا ستیاں خبراں کیہ سنائیاں نی
لگی کہن سہیلیو سچ منوں مہینوال تھیں گھول گھمائیاں نی
کوتناں والیو نی نال مہنیاں دے تساں ہڈیاں میریاں تائیاں نی
رنگ رتو اپنے ہان اندر سیجاں مخملی تساں وچھائیاں نی
منگیاں ہتھ نہیں آوندی موت بھنیاں اپر جرن محال جدائیاں نی
دیہو دُعا سہیلیو واسطہ جے شالا یار منظور کرائیاں نی

اگے جل رہی سی اُتوں جالیو نے بھر بھر کے بولیاں لائیاں نی
گردش کھاڈگی شوہدی سرے پر نے گرداں کالیاں وسدیاں چھائیاں نے
اگے جھوردی سی وچھڑ جاوے نوں نویاں ہور مصیبتاں آئیاں نی
رل حاسداں ویریاں گھیر یائے وچ ستیاں گلاں جگائیاں نی
میرا وس نہیں چلدا اک رتی زوری یار تھیں جدا کرائیاں نی
تسی سچیاں ہوا بس طرح دیاں تساں مشکلاں نہیں ازمائیاں نی
رتجھاں میریاں ویریاں کھس لیاں کھے وار کوڑے جائیاں نی
میرے صدق یقین نوں رب جانے چا نہاوسی جس چکائیاں نی
دم دم خوف سراج پیارے دائے اگوں مسجد یاں بے پروائیاں نی

سوہنی دی بے قراری تے ماں نال جھگڑا

سوہنی سنی ویاہ دی خبر جدوں ہو یاں دل وچہ بے قراریاں نی
گھیری فکر اندیشیاں جان اوہدی لگا جیوڑا لین اڈاریاں نی
ڈولی پا کے دیون ٹور مینوں جاسن پیش نہ میریاں زاریاں نی
دُکھاں اگلیاں مار بے تاب کیتی دُکھی جیوڑے جرن لاچاریاں نی
سوہنی رووندی ماں دے ول آئی مائے پایاں تہہ خواریاں نی
مائے وانگ متریوں برا کیتوئی انج کرن نہیں ماواں پیاریاں نی

اگے رووناں سی وچھڑ جاوے داہور آفتاں رب اُتاریاں نی
ربا حاسداں ظالماں اڑی بدھی میرے کول امانتاں بھاریاں نی
ربا بھامیرے ہن کیہ ہون لگا تہہ باجہ اج کسد یاں یاریاں نی
ہاٹھاں بھریاں بخہ کے درد اُٹھے لیاں مل اوہناں گھٹھاں ساریاں نی
کوئی دیہہ بلا کھپا مینوں جے تے میریاں ایڈ بیزاریاں نی
دشمن بن کے ہاؤ نہ سٹ دے نے دھیاں ہوندیاں جہاں پیاریاں نی

جہڑے ساک سپہڑے فی کڑم وڈے کاہنوں کریں اوہناں دیاں داریاں فی
 ڈولی جان نہ پوے گی مول ڈولی مہینوال تھیں میں بلہاریاں فی
 مائے تہہ تے ڈھیر اُمید آہی کرسیں میریاں توں دلداریاں فی
 ہوسی تہہ نوں پت دا شرم بھاویں مینوں یارولوں شرمساریاں فی
 کیوں ساڑنی ایں سڑی جلی تائیں اگے ساڑیا عشق چنگاریاں فی
 مرجاوساں جاوساں نہ اوہدر تیریاں ویکھ لیساں کڑماں چاریاں فی
 جہاں غیر دے حق تے نیت رکھی رت جڑاں اوہناں دیاں ماریاں فی
 میرے درد دی ضامنی چاکے تے چنگیاں کیتیاں میریاں کاریاں فی
 مہینوال دے اک اک وال اُتوں لکھ وار میں واریاں واریاں فی
 طاقت بھلے دی نہیں سراج جیکر کاہنوں برے اُتے نیتاں دھاریاں فی

مائی دا جواب

مائی آکھدی چھوڑ خیال کملے کاہنوں پئی وکھانی ایں جھل پیا
 شابا کہیا جگ جہان سارا کہے باپ تے مائی دے چل پیا
 سدا بھاگ سہاگ تے بخت قائم شمالا رہے ساوی تیری ول پیا
 کدھاں کن ہوندے متاں سن پاؤن ویری دانخی دے تیری گل پیا
 میں ماں قربان نہ رو پئی جتنی لے سرے اُتے ول پیا
 دُھیں پتریں رنگ سراج تینوں ہووی رب دا کرم فضل پیا

سوہنی داماں نوں جواب

مائے رب دے فضل دی آس ہوندی مہینوال تھیں گھول گھمایاں نوں
 وائج دوان جود یونائیں نہ دیویں لاواں اگ میں لیف رضائیاں نوں
 ایویں کوڑ دے کریں سمیاں پئی میں نہیں کراں گی بے وفائیاں نوں
 مینوں نہیں سہاگ دی لوڑ کوئی گھت وچ چلھے کڑمایاں نوں
 مت مت دیویں مت نہ دیویں مت ماردی عشق ستائیاں نوں
 جھل جھل نہ جھل سراج والے میرا جھل جھلیوندائے سائیاں نوں

مائی دیاں جھڑکاں

دھینے چاک نکارے دا کیہ ڈٹھو کھے بھلی ایں ویکھ کے چھتیاں نوں
 کوئی نواں ہی چن چڑھا جاسیں بیا جاپدائے تیریاں چتیاں نوں
 کراماں مارے باز نہ آونی ایں پئی تاوونی ایں اساں تتیاں نوں
 کوہ مار کہہار نگھار ولسن پاویں سنے سراج دے پیتیاں نوں

سوہنی دا جواب

مائے موت دا ڈرنہ دس مینوں میں تے اگے ہی جیونوں رجیاں فی
 مائے اک فراق دی اگ ساڑے توں بھی چھلی گھت کے چھجیاں فی
 پچھے یار دے لکھ لکھ موت جھلاں کافر ہو مراں بے تے بھجیاں فی
 بول بول ان بول قبول مینوں بے تے یار سراج تے بکجیاں فی

مائی دا جواب

دھیے اوہ نہیں ہو وندا کج کوئی جدھے وچ نہ شرم دی لچ ہووے
 اُونہوں کھا کے کسے نہ رجنائیں جدھے ویکھیاں دل نہ رج ہووے

لگے داغ نہیں جاوندے کاکاں دے جنہوں وقت کواردی بج ہووے دھیاں ساہورے جدوں سراج جاوَن ظاہرتاں سوچ کوچ ہووے

سوہنی

مائے ساہورے کہے تے کہے پیکے کیڈی توں میرے کولوں کی ایس نی تہا سوہریاں بھی سپرہ دیونا ئیں جیہی توں اگے میری سکی ایس نی
نتاں واریاں زاریاں نہ منیں کسے وڈے خیال دی پکی اے توں اگے ڈھیر سراج تے دین تیرے کیڈی مہر کماوندی تھکی اے توں

سوہنی

مینوں تاہنگ نہیں سوہریاں پیکیاں دی اٹھی حرص من بلخ بخار مائے میں تے چاک مہینوال دی چاکنی ہاں دلوں تے چھڈے کہہار مائے
رج رج گجرات ہنڈا لئی پیا نفع نہ ایس دیار مائے ویکھاں ماہی دادیس سراج بانکا جے تے کرم کرے غفار مائے

مانی

پینڈے بلخ بخار دے دور دس او تھے پونچدی نہیں دلیل دھیے منزل بلخ دی نہیں آسان کٹن پروبال جل جان جبریل دھیے
وچہ راہ دے لکھ اڑانیاں دے اوہدا اک اک قدم ثقیل دھیے کارن لٹنے پاندیاں راہیاں نوں بیٹھے لکھ قزاق بخیل دھیے
جوشاں وچہ ہزار دریا موجیں قطرہ اک اک اونہاں دانیل دھیے کوں لنگھسیں پار بتا او تھوں بناں کسے ملاح وکیل دھیے
باشک ناگ خونی خونی ڈنگ والے نہیں من دے کسے دی کیل دھیے مھن حوصلہ نہیں سراج سارے پونجے کوئی کوئی مرد جمیل دھیے

سوہنی دے حوصلے

سوہنی کہے نہ حوصلے تڑو میرے ہوندے صدق دے راہ آسان مائے راہ نما خضر مہینوال میرا اوہنوں واقفی اوس میدان مائے
ہادی مہدی اوس دے ہار کھڑا واقف کار رموز یزدان مائے سالک سلک دی منزلوں پار چڑھیا ونج پونجیا لامکان مائے
جاوے لامکان امکان کسدا بناں مہینوال دی جان مائے آگاہ اوہ منزلوں ساریاں دا مہینوال میر کاروان مائے
دامن پکڑ مہینوال دا ٹھل پئی آں وچہ بحر عشق بے پایان مائے خضر ناخدا پار چڑھا لیلیسی ہوسی راہ اندر نگہان مائے
دامن گیر میں دستگیر دی ہاں کون اوس تل ہووے جوان مائے دامن پھڑے دی لاج سراج اوس نوں جیدا پاک معراج ہے شان مائے

ساقیا

مئے خانے دیا ساقیا واسطائی اج ویکھ کھاں حال تباہیاں دا کدے گیا ایں درد وند او یاوئے ذمہ چاکے تے درد خواہیاں دا
ساقی تیرے مئے خانے دی خیر شالا اج کھول دیہہ منہ صراحیاں دا یا نصیب پھر کدوں رل بیٹھنا ئیں کیہ پتہ مسافراں راہیاں دا

جنگ بن کے سوہنی دے نبھنے نوں بھلکے آونائیں جنگ سپاہیاں دا
 دل آکھدائے قصہ چھوڑ کے تے لاواں بھیس میں ساڈھواں ماہیاں دا
 ویکھو رب دی اپن اپا قدرت سودا عجب ہے بے پرواہیاں دا
 جھلیا شاعر او تیرے روو نے تھیں ہوئے اثر نہ مول سرساہیاں دا
 سدھا ہوتے رو نہ مول لا لا کر فکر دوات سیاہیاں دا
 کیوں سنگنائیں پار لنگھنے نوں پلے بنھ لے خرچ ملاحیاں دا

دیہ امل وچہ عمل دے آکے تے گاواں گیت اج وداعیاں دا
 ڈولی چڑھدیاں سوہنی نوں نہ ویکھاں نہیں حوصلہ بجھد اکاہیاں دا
 تاج شاہاں دے سرے تھیں لاہ کے تے لئی جاوندائے پتر گھاہیاں دا
 سر پرچ آکارے تے ڈھکنی ایں کہیا آسرا کوڑیاں ساہیاں دا
 گھراں والیاں گھریں ضرور جاناں پیکے کہڑا زور ویاہیاں دا
 ڈولی قبر دیوچہ سراج ہو سی کلمہ آسرا اسان گناہیاں دا

سوہنی داسہیلیاں نوں بلاوناں

آؤ آؤنی سہیلیو کھیڈ لئے مڑ چانی ہتھ نہ آؤنی ایں
 گڈھیں پے گیاں میرے کاج دیاں جنگ ملک الموت لیاؤنی ایں
 میرے سالودے پھڑکے لڑچارے کھارے چڑھدی دی چڑتل گاؤنی ایں
 توبہ توب سہیلیو کیہ کرساں کیڈی پہلی رات ڈراؤنی ایں
 سنیائے اتھوں دیاں کڑیاں ڈاڈیاں نیں اوہاں ون ون مشکل پاؤنی ایں
 کیہ پچھسن تے میں کیہ دساں او تھے کسے نہ مت سکھاؤنی ایں
 دھروئی ربدی ڈولی تے چڑھن لگیاں کوئی آخری گل سناؤنی ایں
 لڑیا بولیا کرو معاف سیو دکھی سوہنی جھٹ پراہوئی ایں

جھوٹے دیہو مینوں سیونال دیو پنگھ آخری اج پنگھاؤنی ایں
 ڈیگر نال گھڑولی نوں بھر آوسو چک لیوئی جس چاؤنی ایں
 مل مل نہوا کے گنڈری نوں میرے گل وچہ چوڑی پاؤنی ایں
 او تھے واہ ننان دے نال میری اوس طرح طرح ازماؤنی ایں
 کوئی اک یا دو تن چارنائیں ترے سوٹھ سہیلیو آؤنی ایں
 مہنے دیوین انی کوچھے نی توہیں جھگڑی کیہ وساوئی ایں
 کجھ کملی نوں دسناں لاگ بھیناں کوں ورتن ونج ورتاؤنی ایں
 اج چین دی رین سراج بھلکے رات ان ڈٹھے گھر آؤنی ایں

مقولہ شاعر

آیا اٹھویں وار ویاہ نیڑے اسان آپ ہی کاج رچاؤنائیں
 کاہنوں ملول کلامیاں کراویں پیا زور دماغ دا لاؤنائیں
 جے تے بلخ بخاریوں جنگ چڑھدی اتے سوہنی بلخ نوں جاؤنائیں
 سوہنی بنھ کے اوہاں نے ٹور دینی اسان رو رو حال ونجاؤنائیں
 جہاں نو نہ سہیر یا سوہنی نوں ایویں اوہاں نے بھی قرض چاؤنائیں

اپیر کاسنوں کاج رچاؤنائیں جے تے سوہنی نوں نہیں بھاؤنائیں
 پونجے رنج سوہنی مہینوال تائیں ہائے میں اوہناں نوں رنج نہ لاؤنائیں
 نہ سوہنی بلخ نوں جاؤنائیں نہ اسان نیں کاج سوہاؤنائیں
 منگ مہینوال دی کھس جاوے اسان لکھدیاں بھی شرماءاؤنائیں
 خبریں و سناں کدوں سراج اوہناں جہاں اٹھویں وار بناؤنائیں

کاج دی تیاری تے سوہنی دی بے قراری

پکا اٹھویں وار ویاہ دائے لگیاں دونویں دھراں تیاریاں نوں
 رشتہ دار بھاجی دار سد نے نوں گڈھیں ٹرگیاں گٹھاں ساریاں نوں

گھر تلے دے میل دی دس آہی تھوڑا چال نہ کہہا ریاں نوں
 رنگارنگ رنگیوندے پئے بھوچھن درزی لاوندے پئے کناریاں نوں
 آمدنچ دی سن کہہا رنڈھے کرن رات دئیں انتظاریاں نوں
 دوہاں گھراں ول جشن مناونے دا چال چاہے سنگتاں ساریاں نوں
 دُکھی سوہنی اپنے آہر اندردن رات کردی رہندی زاریاں نوں
 راتی کر کے منہ بغداد دے ول ظاہر کردی بے قراریاں نوں
 کدے گیا ایں حامیاں مہرباناں کیوں لایائی ڈھلاں بھاریاں نوں
 راتی اٹھ اٹھ ویکھدی رہے شوہدی غوث پاک دیاں اسواریاں نوں
 منیاں توں ایں دستگیر کامل بنے لاونا ئیں منتاریاں نوں
 رہڑی جاوئی آں غم دے بحر اندر منگاں ہوراج کسدیاں باریاں نوں

سوہنی دامائیں پاناں

قصہ مختصر چن دی ستویں نوں مائیاں سوہنی نوں مائیں پاچھڈیا
 سوہنی کھچ کے تروڈیا مینڈھیاں نوں گانا تروڈ کے پرہاں وگاچھڈیا
 کڑیاں سوہنی نوں مہندی لان آئیاں جھر مٹ کول دوالے پاچھڈیا
 لگ سوہنی نوں مہندیے سنگتاں دیے کیوں نہیں توں رنگ حناچھڈیا
 مینوں کجھ نہ کہو سہیلیو فی میری مہندی نے رنگ چاچھڈیا
 کیہ کہندیاں ہو خصم پیو فی تساں کیوں مینوں کلپاچھڈیا
 جاؤ گھر وگھری اڑیو واسطے جے کیوں پٹی نوں تساں پٹاچھڈیا
 مینوں مار دائے خوف لڈکڑے دا کرساں کی جے اوس ہٹاچھڈیا
 سوہنی تاں ہوساں سیو میریونی جے میں قول ملی نہاچھڈیا
 اوہ بے نیاز دربار عشق جنہوں چاہیا دان عطاچھڈیا
 فی میں دیونا ئیں لیکھا ڈاڈیاں دا اوہناں پہلوں سی قرض چواچھڈیا
 میرے کول اوہ پاک امان آہی ہائے نادان میں اوہنوں گواچھڈیا

لٹاں گھل گیاں ہوشاں بھل گیاں گانا باہیں دے نال نہاچھڈیا
 گانا غیر دا کیوں میں ہتھ پاواں ایہ ماہی نوں ہتھ پھڑاچھڈیا
 گھل گھل رنگ ریتے مہندیے فی اوہناں گاؤں داشگن مناچھڈیا
 گاؤں گاندیاں شگن مناندیاں نوں اگوں رور سوہنی سناچھڈیا
 رنگ رتی آں ماہی دے رنگ اندر مولی رنگ میں دلوں بھلاچھڈیا
 ایسے ہتھ دے نال میں یار تائیں ضامن دستگیر دواچھڈیا
 مینوں کوئی نہیں چاویاہ دائے میں ایہ چاٹل دلوں بھلاچھڈیا
 توبہ توب سہیلیو کیہ کرساں جے تے سائیاں نے چت چاچھڈیا
 نہیں تے کوچیاں دی کوچی ہو کوچی انجیں سوہنی نام دھراچھڈیا
 اوتھے فرق نہیں سوہنیاں کوچیاں دابس جس تے کرم کماچھڈیا
 سچا دُرحیاتی دا بیش قیمت کھیڈاں کھیڈ دی کتے کھڑاچھڈیا
 کیہ منہ لے کے پیش سراج ہوساں مندرارج کے بیس وگاچھڈیا

جنگ دا آ وناں تے قاضی نکاح خوان

کارا آوندیاں مول نہ ڈھل لگے نیڑے ڈھک دیاہ دے وار آئے
 سٹ موہنڈیاں تے کالیاں صافیاں نوں خچراں کھوتیاں کر سنگار آئے
 دتی پاگھنوں گڑ گج ڈھولاں دھراہ دھراہ گولے شرر بار آئے
 کوئی گھرے نگارے موت والے ڈفاں ڈھولاں دے بول گھمکار آئے
 چھپی لکدی سوہنی دی جان نازک ہائے ایہ کچے غیوں دھاڑے مار آئے
 کڑیاں جنگ نوں آئیاں لین اکوں ٹولے خوباں دے بھہ قطار آئے
 بیٹھی بیٹھک دیوچہ جنگ ساری حاضر نفر نوکر خدمت گار آئے
 آئیاں سالیاں نوشے دامنہ دیکھن بدل حسن دے کرن فوہار آئے
 ناہی تلے دے گھر بھی تھوڑ کوئی کھانے رنگ برنگ تیار آئے
 بیٹھک وچہ دریاں فرش غالیچے قاضی وجہ بھی بھہ دستار آئے
 آیا لین اجازت گھروں قاضی جویں شرع وچہ حکم اذکار آئے
 بدنصیب سوہنی دیاں مایاں تھیں ہو کے ساری گلوں واقف کار آئے
 برخوردار یئے جاگ اٹھ پڑھ کلمہ ہتھ پھیر دے نال پیار آئے
 نزع وقت بہار تے آپو ہتا جنگ جوڑ بنا کبہار آئے
 سوہے پٹکے سر گجراتیاں دے لک لاجپاں دے چمکار آئے
 پیاطبق گجرات دا کنب سارا ایسے فلک شگاف کھڑکار آئے
 دتی گھت گھنگھور کرنا تریاں ملک الموت دما مے مار آئے
 دھراہ دھراہ کرے سید خوف زدہ جیوں جیوں گولیاں دے دھکار آئے
 ڈھک ڈھک مہراجیا ویڑائی تیرے ڈھکنے دے ویلے کار آئے
 ددھ کھنڈ ملا پلاوندے نیں عطر داناں دے چھکار آئے
 سہرا متھے تے ہتھ مہراج کھونڈی سرتے مکٹ سنہری تار آئے
 گزری رات برات دی دن چڑھے کارن عقد دے بزرگوار آئے
 بیٹھی ہو برادری جمع ساری ساک سین سارے رشتہ دار آئے
 جہڑے فرض اسلام دے مومنناں تے اُہناں کولوں نہ کسے انکار آئے
 سوہنی کسے گٹھے موہندی پئی ہوئی سی اوہدے کول اُستاداں دے ہار آئے
 مسئلے کھول سراج سنان اوہنوں جہڑے اُس وقت درکار آئے

قاضی دی سوہنی نال گل تے نکاح دی اجازت لینا

قاضی آکھدا سوہنے رائے نی پڑھی لکھی ایں توں مسلمان ایں توں
 تیرے ماہیاں دی سدی جنگ بوہے تینوں پتہ اے کدوں اجان ایں توں
 تیرے حق نکاح دا وقت آیا تیری رضا پوچھاں جے جوان ایں توں
 ایہ عارضی گھر سراج پسی ہو نال اصلی گھر روان ایں توں

قاضی

پڑھ بسم اللہ عقد فرض ربی زندگی وچہ ایہ نویں بہار آئے
 سوہنی سنی نکاح دی خبر جدوں گویا پیراں پیٹھ انگیار آئے
 ہتھ بھہ کھندی اُستاد جی سنو میری جے تے رحم کسے میرے بار آئے
 ماپے جان دے نیں میرے روگ تائیں کر علاج شوہدے بے شمار آئے
 ہا ہڑا منوں تسی سرو پا کچھے کرن کیوں مینوں گرفتار آئے
 تینوں نال دُعائیں دے کرن رخصت ساک سین تیرے رشتہ دار آئے
 اوہ سمجھ گئی عمر دی قید کارن میرے بین سارے غم خوار آئے
 میں نہیں رہی نکاح ویاہ جوگی ایہ جنجال میتھوں دشوار آئے
 ورہا ہو گیا مرض و دھدی گئی ٹونے کوئی بھی نہیں درکار آئے
 نویں سروں نہ کہن سراج لوکی قاضی مڈھوں ہی رشوت خوار آئے

قاضی

قاضی آکھداروک زبان کڑیے کدوں عالماں وڈھیاں کھادیاں نی
اُجرت فتویاں رزق حلال فتویٰ بھلا ایہ پھروڈھیاں کاہدیاں نی
تینوں شرع شریف دی خبر نائیں کڑیے کیوں کریں پئی ایویں واہدیاں نی
تھکاں نال نہیں ہووندے چن داغی جگ عالماں تے دلی شادیاں نی
اسی جگ نوں کھول سناو نے ہاں گلاں جو قرآن تھیں لاہدیاں نی
سنے لوٹیاں ماہل فناہ ہوسی کیوں اُلتیاں گیڑیاں گاہدیاں نی
عالم مجتہد اسلام دے نیں کوٹاں عالماں نیں چارے ساہدیاں نی
رشوت خوار سراج نہ ہون عالم دوزخ جا پیسن جھڑیاں آہدیاں نی

سوہنی

سوہنی آکھدی شرع تھیں عذر آناں میری کیہ مجال انکار آئے
شرع دین متین دی شرح برحق اسدے ڈرے بھی نور انوار آئے
راہ زن اسلام دے قافلے دے ایہ وٹاوندے رنگ ہزار آئے
لے مل خرید یزید عالم کر کے وچہ دمشق اقرار آئے
کیتا شرم نہ آل رسول والا انھے لالچوں بد کردار آئے
کیٹی بند فرات یزیدیاں نیں ہاٹھاں بنھ کے بے شمار آئے
دتا جہاں تے ڈکھ بیدوسیاں نوں اوہناں حشر تیکر پھٹکار آئے
شرع سنت سرور دو عالم شک و شبہ نہیں زہار آئے
پراہیہ ملاں کیہ دین دے رکھوالے بددیانت تے رشوت خوار آئے
اتأمروا الناس بالبر وتنهون أنفسكم بڑے دین دے دعویدار آئے
لکھیا باغی حسین دا قتل جائز فتوے لگ اٹھاراں ہزار آئے
تسے ریت تے تڑپدے رہے غازی اپر شکر الحمد گزار آئے
منی بیعت نہ مول رسول جایاں کلمہ پڑھ پڑھ جانان نوں وار آئے
اوہناں سدا صلوات سراج جھڑے خنجر اں پٹھ نماز گزار آئے

قاضی

حق سوہنی تھیں سن کے سمجھو سواہیہ نوں نہیں بیان تھیں بار آئے
تاں سوہنی نوں آکھدا سن بی بی تینوں شرع شریف دی سارا آئے
کارن حق نکاح پڑھاو نے دے حکم وچہ قرآن اظہار آئے
صفی آدم تھیں اج دے تیک بی بی فائنگھو ادا امر گزار آئے
ایہ علم دیوچہ کمال جا پے ایہدے نہ نال بسر زہار آئے
جھڑا امر خدا دا مومنات تے اوہدیوچہ نہ مول انکار آئے
نالے مرضی ماں باپ اُستاد والی رستے نیک کارن برخوردار آئے
جھلی جہاں سراج تکبیر ربی اوہا کھاو نے دے درکار آئے

سوہنی

سوہنی آکھدی حق نہیں شک اس وچہ فائنگھو ہے دین داراہ میاں
قاضی میں نکاح تے نہیں راضی بار بار میں کراں آگاہ میاں
میرا نال مہینوال دے عقد ازلی میرے رب رسول گواہ میاں
پر جے ہون دونوں فرد دلوں راضی بس ایہو ہے امرالہ میاں
میں مل لیاے مہینوال دل تھیں پاواں غیر دے سروچہ ساہ میاں
جبریل میکیل وکیل شاہد حق بات تھیں ہو آگاہ میاں

لکھیا لوح محفوظ دیوچہ جتھے عام پونچدی نہیں نگاہ میاں
جبراً پڑھیں نکاح نہ مول میرا جھلیں نہیں غریباں دی آہ میاں
لاویں لیک ناہیں اپنے علم تاہیں ناجائز عقد دیوچہ شہاہ میاں
لاچ پچھے ایہ ظلم کماہیں ناہیں بڑی سخت جہنم دی بھاہ میاں
آکھے لگ کے میریاں ویریاں دے کوں واسطائی نہ وناہ میاں

تنیوں پک اعتبار دے واسطے میں دیواں ہور کیہ پک سناہ میاں
آہ مظلوماں دی ساڑ گھندی اے وہین وگدے تے سادے گھاہ میاں
جہاں کسے دے حق نوں غصب کیتا دو جہاں وچہ روسیاہ میاں
وَلَا تَشْتَرُوا مَا بِأَيْتَانِي تَمَنَّا قَلِيلًا کرے آیت پاک آگاہ میاں
عالم عمل دے باجہ سرانج جہڑا اوہدے دے جہاں تباہ میاں

قاضی

قاضی آکھدا سوہنے ازل کولوں ایہ گل ہے زیر نگار کوئی
مومن جو جے گھر مومناں دے کن وچہ بانگ اوہدے روادار ہوئی
پیہا عاشقاں صادقان حکم نیاں جہاں شرع شریف دی سار ہوئی
کرکھاں یاد زلیخا دا عشق کامل جہڑی عاشقاں وچہ سردار ہوئی
جھلی بوری نہ کسے بھی کم دی رہی کیڑی پئی غریب خوار ہوئی
آخرا وسدے صدق نوں رنگ لگے جدوں فیہر جوان ٹیار ہوئی
ہیسی اوہناں دا بھی اگے عقد ازلی اپہر ایہ بھی شرط درکار ہوئی
قائم شرع تے دین محمدی اے ایہدی گل ہے خود مختار ہوئی

شرع عالی ہے عقل تجویز کولوں عزت ایس دی اے حدود پار ہوئی
ایسے طرح نکاح دی شرط لازم کارن ہر مومن دیندار ہوئی
بناں شرع عشق بھی کفر لازم میری سوہنے سچ گفتار ہوئی
دُکھی ہو کے جمہریاں رون لگی روندی روندی گور کنار ہوئی
صدقے کر کے نین پران اپنے جھک وانگ کمان خمدار ہوئی
پڑھیا شرع نے جدوں نکاح اوسدا تاں اوہ قابل اعتبار ہوئی
جے تے نہیں سی شرع نکاح جائز کیوں لوڑا اوہناں دوجی وار ہوئی
نہیں شرع دا ادب سرانج جہاں اوہناں رب رسول دی مار ہوئی

سوہنی

سوہنی آکھیا سچ سوہا حق حق اس وچہ نہ شک روال ہے وے
اوسدا ذکر قرآن حکیم اندر کیتا رب دی ذات ارسال ہے وے
ہیسی نال جسدے اوسدا عقد ازلی پڑھیا تھے بھی اوں دے نال ہے وے
سر میرا بھی خم ہے عشق اگے مینوں عذر دی کیہ مجال ہے وے
ٹل جاہ مظلوماں تھیں واسطائی پیہا ویکھدا جل جلال ہے وے
پنجاں ویاں داطع نہ کر رک جا ایہ دُنیا خواب خیال ہے وے

برحق زلیخا دا عشق صادق ہوئی عاشقاں وچہ کمال ہے وے
جھلیوس جدوں تکبیر نکاح والی کیتی شرع نے تاں حلال ہے وے
اللہ پاک حافظ والی عصمتاں دا اوہدا عاشقاں ول خیال ہے وے
اپہر باجہ مہینوال دے ہور دسیں تاں ایہ گل محال محال ہے وے
سمجھا سگوں میریاں مایاں نوں تاں منساں تیرا کمال ہے وے
دس کھاں اوں دن کیہ سرانج کرسیں کھلناں جدوں نامہ اعمال ہے وے

قاضی

چتر چتر نہ کر بے شرم کڑیے اگے بہوں سنیاں اگوں حد نہ کر
ساہواں بولنی ایس اگوں عالماں نوں ایڈی طبع اپنی لمحد نہ کر

جے ہے ربدے فضل دی لوڑ تینوں کیلے مائی تے باپ دے ردنہ کر
تیریاں مایاں جنہوں منظور کیتا اوہنوں چھوڑ دو جانا مزدنہ کر
ہووے پشیمانی انجام جس دا اوہ کم خلاف خرد نہ کر
جھڈ سین کو سین نوں لوڑنی ایں بدنام کمہاراں دی جد نہ کر
چاک مگنی ایں ایدوں سنگنی ایں باز آ جا ایسا قصد نہ کر
رقم مگنی انت سراج شاہاں ایویں خرچ فضول نقد نہ کر

سوہنی

سوہنی آ کھدی رہ جاہ لالچیا اتنا ودھ نہ تیز طرار ہويا
طمعے واسطے جھگڑ نا نئیں نال میرے طبع انت گناہ دی مار ہويا
میں حیران ہاں قاضی ایس گلوں دشمن چاک دا کیوں پروار ہويا
چاک نال میرا عقد پڑھیا ہويا ہے میثاق دا قول قرار ہويا
صبح ازل روحاں جسماں جوڑ میلے پیوند ساڈا باوقار ہويا
ماہی نال میں پک پکا یا سی سودا چھپ کے ناہ زہار ہويا
کیوں آ کھیاں ملد مینوں توں آپ ملد سو وار ہويا
اک مائی تے باپ نہیں ترس کھاندے ترجیجا توں بے رحم وچکار ہويا
ایسے خان دے مال تے جگ جانے تلہ باپ میرا مالدار ہويا
ہن میرا نکاح نہ پڑھے کوئی سو وار میرا انکار ہويا
اوس دن سی ایہ کلال کتھے جھڑا اج اتھے دعویدار ہويا
میں نہ چھوڑ ساں کدی سراج اوس نوں میرا صاف انکار ہويا

جبرانکاح

ابویں چر تک جھگڑ پیار ہیا ناحق تے حق شناسیاں دا
ماں باپ سارا زور لا تھکے مہراں منتاں تے جھڑکاں جھاسیاں دا
ہوندے چارے نکیر نوں کون جھلے دھکے نال دیندے حکم پھاسیاں دا
پے جنج نوں رنج ایہ کیہ بنیاں ہوياں کڑماں حال اُداسیاں دا
لاڑا مارا پوے تے بھرے ہو کے اندر سوڑتے زور اُباسیاں دا
ملاں مڑ مڑ ریش تے ہتھ پھیرے اوہنوں طمع سی دولتیاں خاصیاں دا
تلہ سوہدا پیار مرے داننی نوں خون پت دیاں ستیا ناسیاں دا
بار بار کوکینڈری رہی سوہنی کجھ تے ترس کھاؤ اللہ راسیاں دا
سنی کسے نہ کوک فریاد اوہدی سنگی کوئی نہیں حال ہراسیاں دا
کسے کہیا نہ اج دی رات رکھو حوصلہ ٹٹ گیا اللہ راسیاں دا
سوہنی کملی دے سمجھاوے نوں کھلا جھنڈا سرتے ماواں ماسیاں دا
سوہنی کھو نا نہہ پکائی ہوئی زور ٹٹدا گیا نراسیاں دا
ٹل حوصلہ سوہنی دا ویکھ کے تے گیا حوصلہ ٹٹ اجلاسیاں دا
چھپ کے ولا کے دیوچہ گیا شملہ طرہ پگاں آلواسیاں دا
مڑ مڑ سور دا دولہ شاہ ولی تائیں ٹکے تار ساں ونج چھپاسیاں دا
پیا سوگ نمائیاں کماں نوں پیا مردا لاگ مراسیاں دا
آخر جبراً اوہناں نکاح پڑھیا کہڑا ہوو ندائے پھر کن پھاسیاں دا
اوڑک ایہو مہینوال نے پاوناں سی نفع خدمتاں بے قیاسیاں دا
دھکے نال انہوں سٹو وچہ ڈولی فیصلہ ہو گیا اجلاسیاں دا
ہووے گوردیوچہ سراج شالا کلمہ پاک سنگی اسماں عاصیاں دا

سوہنی نوں تیار کر کے ڈولی وچہ پاوناں

بھیناں سوہنی نوں کھارے بہا کے مل مل کے خوب نہوایا سی
میل مائیں دی لاہ وجود اتوں گل دُٹیاں دا جوڑا پایا سی

سر و پا اک چوڑی اک انگی تنیاں دا بند پایا سی
 جوڑا تیور اوہدے ویاہ والا اوہناں اگدوں جوڑ سنوایا سی
 گھر ساہورے سوہنی دے گھلنے نوں اوہناں ہر طرح نال پھبایا سی
 کڑیاں سوہنی نوں ڈولی وچہ پان لگیاں کلمہ نبی دا پڑھ سنایا سی
 بھائیاں چک لئی ڈولی موہنڈیاں نے اُہناں اچڑا شور مچایا سی
 مائی لا کلیجے دے نال رُنی رنج کے برم مٹایا سی
 سیاں ملن پیاں وارو واروس نوں ہراک داروحد سدھرایا سی
 آخر فی امان اللہ آکھ کے تے لڑ ڈولی دا چا پرتایا سی
 پتے کلاں دی تار تے بولدے دی ٹٹی تار مڑ ساہ نہ آیا سی
 دھاڑا پیا راتو راتیں غیب کنوں جہاں جج دا دیس وٹایا سی
 جھلے آس پرانی تے رہے بھلے ناہی سارا یہ مال پرایا سی

سوہنی دیاں ڈولی وچہ کوکاں

ڈولی چڑھدیاں روندی پئی سوہنی میرا کوچ چلا وناں بابلا وے
 تیرے شہر وچوں لٹی جان مینوں سندے نہیں کرلا وناں بابلا وے
 جم دھی نوں پالیوئی نال دکھاں دکھاں وچہ نہ پا وناں بابلا وے
 سارا جگ تیرا دتا کھا وندائے میرا نہیں سا وناں بابلا وے
 جے تے دھی غریب دی لوڑ ناہی پتر اں گھر وسا وناں بابلا وے
 رکھ اج جو کڑی رات مینوں بھلکے آپ چھڈ آ وناں بابلا وے
 گڈیاں کھیڈ دی رہی میں گھر تیرے سکھیا نہیں سکھا وناں بابلا وے
 اک میں کملی نالے دیس دوجا اوہناں جج ازما وناں بابلا وے
 نام رب دے رکھ لے دھی تائیں گولی پیا سد وناں بابلا وے
 کوڑ کوڑ لوکا دنیا کوڑ دی اے اتھے چت نہ لا وناں بابلا وے

وسے سکھ پیا تیرا دیس شالا اسان وت نہیں آ وناں بابلا وے
 پایا ای وس بیگانیاں آپ مینوں ہورکیں چھڈ او ناں بابلا وے
 دھیاں انت بیگانیاں مال ہوندا گھر نہیں بہا وناں بابلا وے
 اسان اپنی چوگ نکھیر لئی کھا ہدا رنج کے کھا وناں بابلا وے
 دھی جم دی دا گل گھٹ کے تے بیسی مار مکا وناں بابلا وے
 رنج مل لو اں سیاں سنگتاں نوں رہسی نت ادرا وناں بابلا وے
 اگلے جگ دا کجھ نہیں جج مینوں ہوسی کوں ورتا وناں بابلا وے
 اگوں میں کوچجاں دے نال بھری کہڑا جج کھا وناں بابلا وے
 شالا پتر اں دے سدا رنگ تینوں بھین جہاں بلا وناں بابلا وے
 راتی آن کروان سراج لتھا دھی کوچ بلا وناں بابلا وے

سوہنی دامائی نال روناں

کو کے پاہر پاہر پاپی سوہنی حال حال مائے حال حال مائے
 جم جم پساراں نوں رنگ لاو نوہاں تیریاں نی پیڑھے ڈال مائے
 رکھیں یاد نشانیاں میریاں نوں چرنے رہے ٹنگے کدھان نال مائے
 موڑے کون تقدیر دے تیر تائیں لکھ غوث تے ولی ابدال مائے
 رکھ لے اج جو کڑی رات مینوں دکھ سکھ کر ساں تیرے نال مائے
 جے تے بھل بھلیکھ لے گھر تیرے کتے آوڑے مہینوال مائے
 میری ایہ سپرد اخیر دی اے رکھیں اوسدا دلوں خیال مائے
 ہوندائے دل یتیم دا عرش ربی مہینوال یتیم کنگال مائے
 رُلدا عشق انھیری دے وچہ آیا کسے کرماں دی کٹھی بال مائے
 ہائے اوہ درد ستیا کدے جاسی اگے وچہ دکھان اوہدی جال مائے
 وانگ پتراں اوس نوں ہتھ پھیریں کریں اوسدی بہت سمہال مائے

لے ہن جن دیئے الوداع رہیں راضی گیا جائی دا بچ کال مائے
 سانوں اگلے دیس دی تاہنگ ہوئی خبرے کیہ او تھے ورتن چال مائے
 جے تے دھیاں دا گھر سما ہوندا دیندا پٹ کے کوئی نہ وال مائے
 سا جن دم دیئے سکے میریے نی جاندی دھی نوں لے سمہال مائے
 بکل مار مہاجلے اٹھ ویساں شامی گھروں نہ دھی نکال مائے
 پھیریں ہتھ یتیم دے سرائے اوہ بھی کسے نمائی دالال مائے
 روند پھرے نہیں ڈانواں ڈول ہو یاد یوں اوس نوں حوصلے حال مائے
 لویں کول بلا بلا اوہدی چم چم اوہدا وال وال مائے
 سچ عشق دے قول تے رہیا ثابت مائی سچ کر جمیاں لال مائے
 تتی میں ہتیارڑی ظلم کیتا چھڈے سر اوہدے بالن بال مائے
 جاتا جہاں سراج کنگال تائیں جانے اوہاں نوں جل جلال مائے

مائی نال فریاداں

مائے سکے جن دیئے دھی تائیں ہتھ پھیر پر دیس ٹر چلیاں نوں
 نال بودیاں گڈیاں کھیڈ دی ساں کہے ملے سینہ ہوڑے جھلیاں نوں
 مائے سانجھ رکھیں چرخہ سوہنی دار کھیں سام کے پونیاں چھلیاں نوں
 مائے دھر مکھ کیہ بناو سیں نی گھروں کڈھ کے جھل وللیاں نوں
 مائے رب دے نام دا کج شالا دھیاں جاندیاں باہر ہسکلیاں نوں
 اپنی دھی نوں ویکھ نہ رجدی سیں کوں پاو سیں ہن تسلیاں نوں
 کوئی واہروی بنے تے اج بکرے لائے سنگ آ کے سنگوں بھلیاں نوں

سدھراں رہے گی جہاں دے وچہ کھیڈی رنگ رب دے پیکیاں گلیاں نوں
 تیتھوں اپنا داج نکھیڑ لیا اج چک لیا چوگاں رلیاں نوں
 چھو پے ماواں دے دھیاں دے گئے نکھڑ کتھوں پے گئی دھاڑا لیاں نوں
 جان دیہہ پر جان نہ دیہہ مائے گھر رکھ گھرے وچہ پللیاں نوں
 کیوں پایائی وس بیگنیاں دے مائے کر نہ ایڈ کولیاں نوں
 اج کر کوئی کارا نال میرے کدو آں بلیں سوہرے گھلیاں نوں
 نوہاں اون دیاں دھیاں جان دیاں رتیں ویکھ سراج بدلیاں نوں

سوہنی داسہیلیاں نال روناں ودعیا ہوناں

سوہنی مار دی سد سہیلیاں نوں دیہو آخری اج دیدار سیو
 پیا جاپدائے اج تھیں بند ہو یا میرا آوناں وچہ بھنڈار سیو

سوہنی روندی دے اج کوچ ڈیرے ستھے مل جاؤ آخروا رسیو
 کجھ نہیں سمجھدا جوسی کس پاسے لڑوں ترٹ کے کوچ دھیار سیو

کونتاں والیونی سیو کنت کھیڈ وونڈ ووراں دے نال پیار سیو
 ماہی نال میں اترئی متڑی ساں پیسی جو بنے دا بلکار سیو
 جیکر گلیاں وچہ ہراس ویکھو مہینوال میرا دلدار سیو
 اول دعا ہے سنا ادبوں ہوناں فیرا اوسدا منت وار سیو
 ہوندا وس تے جاوندی نس ایتھوں سنجے جی نوں نہیں قرار سیو
 آئی ڈاڈیاں دے دس جان میری کردے نہیں ظالم اعتبار سیو
 ہائے میں تتی کئی گھرتائے مندا جنم پایا مندی نار سیو
 کڑی سوہنی سمجھدی رہی واری موت اپنا کر گئی وار سیو

چولی چنری بھنری بنری دی ہائے ہائے بختاں دتی ہار سیو
 اُچی پچی تھیں ٹٹی پنگھ میری تتی جھڑپیاں دنداں بھار سیو
 سو بھاتے دلداریاں کرنیاں جے میری طرف تھیں لکھ لکھ وار سیو
 راضی رہے تقدیر قدر منے میں ہاں اوس ولوں شرمسار سیو
 لاواں نال کچھڑے ڈھونڈ ماہی کراں کالجے نوں ٹھنڈا ٹھار سیو
 چارا کرو کوئی اڑیو واسطہ جے مہینوال میلو آخر وار سیو
 مہنا جگ دا سرے لے چلی بدنام ہند بلخ بخار سیو
 دھروئی رب دی کچھ سراج تائیں نہ ہی ایس انھیر دی سار سیو

مہینوال نوں یاد کرناں

لے وے بس مہینوالیا بس ہو گئی تھینڈی مینڈی بس مہینوالیا وے
 کرسیں کیہ گجرات دے وچہ رہے کے جاہ وطن نوں نس مہینوالیا وے
 دساں جا کے دلے داحال کینوں دس توں ہی دس مہینوالیا وے
 نزع وقت بیمار تے پونچ کتوں تیرے مکھ دی تس مہینوالیا وے
 جے میں جان دی ویریاں دغا کرناں لاندی رج کے دس مہینوالیا وے
 کتوں بن کے نور تے دیہہ آ کے ڈولی وچہ عکس مہینوالیا وے
 فانی دنیا سمجھ فناہ منزل ایہدے وچہ نہ پھس مہینوالیا وے

دس کیہ میرا وس چلداے پئے گئی ظالماں وس مہینوالیا وے
 ساڈی عمر دی آس اُمید ساری لئی ظالماں کھس مہینوالیا وے
 وسدے شہر وچوں لٹی جاوندی اے تیری سوہنی بے کس مہینوالیا وے
 موئی ہوئی بھی سرکہاریاں دے گڑا جاوساں وس مہینوالیا وے
 ہائے ہائے کو پلڑے سار ہوئی آس سخت بے وس مہینوالیا وے
 نہیں تے رووندی چووندی نین رہساں بھر بھر بس مہینوالیا وے
 چلو چلی آواز سراج دیوے دم دم جس مہینوالیا وے

ایضاً

لے وے یار مہینوالیا جا پداے رل بہن والی گھڑی ہو رہی
 ڈولی ویکھ سامی دے میں ڈول گئی آں جیوندی جان میری وچہ گور ہوئی
 پایا کیہ کچھ فائدہ جگ اُتوں ساری عمر رہی ڈور بھور رہی

کہڑا زور تقدیر دے پیش جاوے میری ڈاڈیاں دے ہتھ ڈور ہوئی
 نیلے خوشی دے کانگ فراق چڑھی ندی نیناں والی زور شور ہوئی
 روندے آئے سراج جہان اُتے آج روندیاں روندیاں ٹور ہوئی

ایضاً

سدھر رہی مینوالیا من میرے کدی بلخ بخارے نوں جاوندی میں
 پیہڑا ڈاہ کے سس دے کول بہندی علی بیگ دی نوہہ سداوندی میں

دیہدی جا کے وطن یتیم تیرا جھاتی وت گجرات نہ پاوندی میں
 لاواں تیریاں شوق دے نال لہندی گودی لال گلال کھڈاوندی میں

نک ہو وندی نتھ سہاگ والی ہتھیں نت بھری مہندی لا وندی میں
نوشہ میریاوے تیرے شوق اندرنت رائگی سیج و چھا وندی میں
ہائے میں ہٹیاڑی نچ جمدی یا تے جمدیاں ہی مر جا وندی میں
دن عید تے شب برات ہو وندی نت سجراسیس گنداوی میں
علی بیگ دے قدماں دی دھوڑ ہندی گولی بنی رہندی تیری ما وندی میں
تیرے ہلچہ سراج خدا جانے رھساں کو نچ دے وانگ کر لا وندی میں

سوہنی دیاں آخری فریاداں

لے ہن فیر مہینو الیا خیر ہووے شالا تیریاں رد بلائیاں وے
تیری سوہنی نوں ننھ کے ٹور چھڈیا انہاں مایاں وڈھ قصایاں وے
آئی ڈا ہڈیاں دے وس جان میری کھا کے ترس نہ کسے چھڈایاں وے
اپر رکھ تسلیاں جان میری ایویں کوڑ دی میں پر نایاں وے
رکھساں سام امانتاں تیریاں نوں کر ساں نال رقیب لڑایاں وے
اج رات میرا امتحان ہوناں ایسے واسطے میں گھبرایاں وے
مراں نہیں حرام دی موت شالا اگے عشق دی ذات جوائیاں وے
کتوں بن کے نور تے وچ ڈولی کرو نچ جلوہ نمایاں سایاں وے
اللہ واسطے دیویں نہ دوس مینوں زوری مایاں نے ڈولی پایاں دے
سنی کسے نہ لوگ فریاد میری رورو کے ڈھیر کر لایاں وے
شالا تیری امان دی خیر ہووے نیماں اج رقیب بد لایاں وے
تیری تیری ہاں موئی تے جی وندی آساں ہور ناں کوڑیاں لائیاں وے
تو بہ میری نہ ملسی کتے ڈھوئی جے تے پکڑ رقیب جوٹھایاں وے
اللہ کج سی اج تیتھنی دا آساں اوسدی ذات تے لایاں وے
جیکر صدق تیرا مددگار ہو یا مینوں کوئی نہیں فیر لوائیاں وے
جھپتی آ سراج ہن ویلڑائی قسم رب دی ڈھیر ادرا لایاں وے

سوہنی دارُ رخصت ہوناں

حال و حال پکار دی سوہنی دی کسے سنی نہ کوک پکار لوکو
روح اڈ اسمان چڑھیا رہیا بت پچھے بے قرار لوکو
ودعیا سوہنی نوں رل کے کرن آئے ساک سین سارے رشتہ دار لوکو
سوہنی واسطے مایاں وچہ ڈولی دتا بسترا خوب سنوار لوکو
اکھیں سامنے لٹیا ساتھ جاندا کھلے ویکھدے رہ گئے یار لوکو
سوہنی اک ہکڑی دور پیڑا نالے ڈا ہڈیاں دے گرفتار لوکو
اگے شوہ مارٹھیاں پیا گجے خرچ دے کے لکھنا نین پار لوکو
آخر پڑھ تشہد تے چک لیندے ڈولی چار کہار قہار لوکو
بلبل مار اڈاریاں اڈ گئی گئی ٹٹ پنجرے والی تار لوکو
پے دیہن تسلیاں جی تائیں ہتھ پھیر سارے دار و دار لوکو
آخر فی امان اللہ آکھ کے تے بوہا ڈولی دا چھڈیا مار لوکو
کوئی سیر نہ رہ گیا پچھلیاں دا ہن اگلیاں ہتھ مہار لوکو
اگے اوس نوں پے اڈیکدے نیں ترے سوٹھ کھلے اسوار لوکو
ہووے گور دے وچ سراج شالا کلمہ پاک ساڈا مددگار لوکو

مقولہ شاعر

ربا حال اوئے سوہنی نوں لئی جان دے ایہ تے زیب وزینت جگدی سی
جو کچھ ہوناں سی ہو کے رہیا آخر گل ور ہے دی آ وندی گل دی سی
راتورات پے وانگن ڈاکواں دے ناہی جیج کوئی دھاڑ بجگدی سی
اج مالکا بن گئے اوہ مالک سوہنی جہان دی کچھ نہ لگدی سی

اوہدی دیدتھیں رہنداسی رُوح تازہ اوہ خوراک میری رگ رگ دی سی
 ویکھ ویکھ کے اوس نوں جیونداساں اوہدی ہر ادا دل ٹھکدی سی
 اوہدی شکل بیسی مینوں وجہ اللہ آئی یاد نہ کدی سرگ دی سی
 ڈیگر نال سوہنی ساتھوں وداع ہوگئی کھید اُجڑی جا پدی جگ دی سی
 وقت پیاس دے پینداساں بک بھر کے پئی نہر شراب دی وگدی سی
 میرے نال نہ بولدی اوہ جانے لگیاں وچ پھردی سوہنی لگدی سی
 سوہنی ٹر گئی چھوڑا نکانیاں نوں رسی ٹٹ گئی شاہ رگ دی سی
 وقت وداع سراج گلزار اندر شکل ماتمی ہر ہر برگ دی سی

مقولہ شاعر

اُٹھ شاعر اہو تیار توں بھی سوہنی دیس بیگانے نوں چلوی اے
 اج عقل اوہدا فراموش ہو یا کجھ اگے ہی جھل ولوی اے
 اوتھے چنگ چنگیریاں ڈول جاوے جتھے اج شوہدی سوہنی چلوی اے
 اونہاں جانہیں ویکھناں حال اوہدا جنہاں نہ کے تے پچھو گھلوی اے
 اگے اوسدے داغ لگا وے نوں بیٹھا مار رقیب پتھلوی اے
 تیرا فرض ہے اوس دے نال جاناں دوجا دیس تے اوہ ہکڑی اے
 ہووے تنگ نائیں امتحان اندر اوہدی منزل بہت کولڑی اے
 پاسے رب دے جنہوں فتح حاصل اج ہونی جنگ دوولڑی اے
 توہیں چل مت جاوے ہراس نائیں اگے روو کے ہوگی جھلڑی اے
 اللہ کج سی اج سراج اوہدا اونہوں اج دی رات اولڑی اے

ساقیا

ساقی آ امداد ویلڑائی سنیاں دوہاں جہاناں وچ راج تیرا
 ساکاں سکیاں دغا کمایا اے اج میں مسکین محتاج تیرا
 واہرو بن مظلوم دا واسطائی شالا ابد قائم تخت و تاج تیرا
 ویلا پہنچ بغدادیا واسطائی پھاتھا ظالماں وچہ سراج تیرا

سوہنی داسوہریاں گھر پہنچناں

ڈولی سوہنی دی گھر سوہریاں دے دتی آن کہاں اُتار آ ہی
 لائے رب نے بھاگ سہاگ والے پڑھدی شکر الحمد پر وار آ ہی
 کڑیاں سوہنی نوں پکھن آیاں جی ترے سوٹھ رل کے ٹیار آ ہی
 سوہنی ساد مرادڑی کل وانگن چپ چاپ بیٹھی بکل مار آ ہی
 چہرہ چمکدار چودھویں چن وانگر ہتھوں چن بھی باج گزار آ ہی
 کڑیاں ویکھ جمال نہال ہونیاں کنتیا حسن ڈا ہدا اثر مسار آ ہی
 سوہنی چپ چپاتی وچہ فکران گھبرائی ہوئی لاچار آ ہی
 اک جان ہکڑی دیس دوجا نامحرماں دے گرفتار آ ہی
 آئی ہسدی ہسدی سس اگوں چال چاتے پیندی وار آ ہی
 دتیاں آن ودھائیاں مانگتاں نیں ملدی نہیں مبارکاں وار آ ہی
 گھٹاں جنھ کواریاں آن کھلیاں جویں چن دے گرد پر وار آ ہی
 زلف مکھڑے تے پریشان پھردی جھوٹے کھاوندی ہونار آ ہی
 شفق ویکھ اوہدے عارضیاں دی بیٹھی چھپ غروب کنار آ ہی
 رعب حسن تھیں بول نہ سکدیاں نیں مرعوب ہر کڑی شمار آ ہی
 گور پہلی رات دا خوف دل تے امتحان دی گھڑی دشوار آ ہی
 ہو کے سخت ہراس سراج شوہدی ہوئی رب تے عرض گزار آ ہی

سوہنی دیاں رب اگے عرضاں

لگا تارکاری چوٹاں دل اُتے جویں وجدی سٹ ودان سائیں
سجدے پئی ہوئی عرضاں کرے پئی مولا توں میرا نگہبان سائیں
اج باہجے تیرے دسے حال کسوں اپنا حال بندی بند یوان سائیں
کر اج بے یار دی آپ یاری شاہدایہ مشکل میدان سائیں
مینوں بخش نجات اس شرکولوں اگے لکھ تیرے احسان سائیں
کون مشکل کشا ج باہجے تیرے میری مشکل کرے آسان سائیں

اوہنوں فکر از مائشی رات پہلی اج زندگی دا امتحان سائیں
پیش منکر نکیر درپیش خطرہ بڑا سخت دسدائے امتحان سائیں
مشکل کر آسان احسان مندا میرے خطا ہو گئے اوسان سائیں
بخش تیغ لاحول دی تیز مینوں ہووے رد ملعون شیطان سائیں
استقامت بول بلی والی رہے ثابت دین ایمان والی
دنیا جگہ سراج آزمائشاں دی نترے کوئی کوئی مرد جوان سائیں

ازمائش

نیڑے آوے پیادقت آزمائش قوت عشق اودھدی مددگار ہوئی
ہتھ وچہ تلوار لاحول والی قوت ایمانی سپردار ہوئی
آیا ہوے دے جدول رقیب نیڑے سوہنی وانگ بجلی کڑک دار ہوئی
اوس ویکھیا پلنگ تے شیرنی ایں غضبناک بیٹھی خون خوار ہوئی
عشق کامل رقیب نوں زیر کیتا غضبوں سوہنی دی جھہ تلوار ہوئی
کھلا بت مثال رقیب باہر جان کنب کنب بید دے ہار ہوئی
اوس سمجھیا ضد نقصان کرسی مندی چپے چڑھی آکھن نار ہوئی
بہتر ہے میں اپنی پت رکھاں نویں نوں دن دی انتظار ہوئی
رکھی عشق دی لاج جناب سچی فتح سچ نوں جھوٹھ نوں ہار ہوئی

اپنے پنج ہتھیاں سمہال سوہنی بیٹھی ہوئی سی خوب تیار ہوئی
کلمہ طیب شہادت تجید طاقت چار طرف اوسدے ☆ مضمہار ہوئی
خبردار مت کوئی فضول حرکت سمجھیں تیغ ثاقب آر پار ہوئی
چمکی اچانک برق شہاب ثاقب ہیبت جھلنی اوہنوں دشوار ہوئی
غیظ و غضب نہ رد کیا جاو نہ اسی اوہ برق بن کے شرر بار ہوئی
قدم اٹھ نہ سکیا رعب کولوں جا پے گرد جادو والی کار ہوئی
آپے سمجھ جاسی کچھ وناں پچھوں جدوں پچھلی گل و سار ہوئی
گیا چپ چپا تڑا نکل او تھوں سوہنی رب تے شکر گزار ہوئی
نہیں کسے دا خوف سراج آوے نوں ذات پاک جہدی مددگار ہوئی

مقولہ شاعر

عشق اپنے طالبان صادقان تے فیض بخشیاں نہیں ادھار کردا
امتحان لے کے دان انعام دے کے کامران کردا کامگار کردا
لائق نہیں دیدار دے غیر محرم بھاویں کوششاں رہے ہزار کردا
آہے طور تے ہو رہی نال موسیٰ خندہ ریزیاں رہیا دلدار کردا

☆ مضمہار (جہاد میدان)

غیر محرم تمام ہلاک ہو گئے محرم رہیا مضطر انتظار کردا
 موسیٰ بناں تمام سن غیر محرم کو یں اونہاں نوں یار پیار کردا
 جھڑا منتظر برق لقادائے پہلوں اپنی نظر تیار کردا
 کیہ مجال نامحرم دی جھل سکے جلوہ اکھیاں ساڑ بیکار کردا
 عشق عرش پوچاوندائے عاشقاں نوں مدد نہیں تھوڑی مددگار کردا
 توڑے تیزی برق لقہا پھر بھی رب ارنی رہیا پکار کردا
 عاشق ہوندے تے کدی نہ چھوڑ جاندا رہندا نور تجلیاں یار کردا
 ویکھے دیدہ عشق جمال دلبر حسن عشق وچہ رہے اظہار کردا
 کوں سوہنی دی مان دا سیج دوتی محرم ہونداتے یار پیار کردا
 عشق منگ سراج جناب وچوں ایہ عشق منظور دربار کردا

سوہنی داسا ہوریاں دے گھر حال

پائی دوتیوں جدوں نجات سوہنی لکھ لکھ الحمد بجاوندی آ
 ہوئی فجر تے اُٹھ کے سیج اُتوں نہا دھو نماز اداوندی آ
 نوری شکل محبوب دی رکھ حاضر رو رو کے حال سناوندی آ
 چھیتی آج بندی دی ویکھ حالت بحر غم اندر رڑھدی جاوندی آ
 موہندی پلنگ تے رہے بے تاب ڈگی کم کارنوں ہتھ نہ لاوندی آ
 اندر سڑے تے دھوں نہ کرے ظاہر آہیں گھیاں پئی چلاوندی آ
 لنگھے دن سارا آہیں ماردی داتارے گندیاں رات وھاوندی آ
 گھیاں شوخیاں شیخیاں بھل اوہوں نہ اوہ چال خلخال ہساوندی آ
 نہ اوہ رنگ برنگ دے انگ بانے نہ اوہ زلف خمدار بناوندی آ
 وانگ جو گناں رہے بے روپ شوہدی پئی جو بنانا خاک رماوندی آ
 سس نال نہ ہس کلام اوہدی دلوں نند نوں نند گواوندی آ
 رہی عشق دی لاج نہ داغ لگا سجدے پئے کے شکر الاوندی آ
 فارغ ہو دو گانیوں درد کٹھی چت یار دے ول لگاوندی آ
 دُراشک خوں ناب بنا لڑیاں ہدیہ یار دے پیش نکاوندی آ
 ماہی پونچ امداد دا ویلائی اوکھی بنی تے پئی بلاوندی آ
 کسے نال نہ گل کلام اوہدی نہ پیوندی آتے نہ کھاوندی آ
 ہووے جدوں بے چین تے وڑگوشتے گوشے جگر دے کٹ دگاوندی آ
 دن رین نہ چین قرار اوس نوں آنسو خون دے پئی وساوندی آ
 اوہوں یاد نہ چاویاہ والے ایس تیل پھلیل نہ لاوندی آ
 دھڑی میتھوں جھڑی تے جھڑی موہندی اُتے ورنہ وری چڑھاوندی آ
 رلی نال ننان نہ جان اوہدی اتے سس نوں بھی نہیں بھاوندی آ
 وچھڑی یار تھیں رہے سراج روندی ڈٹھی خوشی نہ کسے مناوندی آ

ایضاً

سوہنی یار دے ہجر نے تنگ کیتی اوہدے واسطے جان و بال ہوئی
 فرصت پا کے سس ننان کولوں رہے نت روندی ان بھال ہوئی
 پیاں سس ننان ولان دونویں اونہاں نال نہیں بول چال ہوئی
 ہو یا کھاناں پیوناں زہر اوہدا شوہدی ماندڑی وانگ ہلال ہوئی
 ساڑی جند مواتیاں گھیاں نیں بھج بھج کے سوڑ کمال ہوئی
 کسے نال نہ ہی قیل وقال اوہدی دن رات اوہ رہے ملال ہوئی
 ویٹ ویٹ کے خون کلچڑیدا چولی چزی اوس دی لال ہوئی
 اوہدا چت سی یار دے چت اندر دسدی اوہ خوش حال ہوئی
 کون سنے تے کس نوں رود سے اندر بھڑکدی دیگ اُبال ہوئی
 ڈائن ہجر دی کالجہ بھن کھا ہدا سینیس اوس دی جان کنگال ہوئی

کوئی دم نہ دم دا بنے ہمد دم سے جس نوں حال حلال ہوئی
 آئی وچہ نامحرماں چال اوہدی اوہدے واسطے خوشی محال ہوئی
 اک جان تے درد ہزار لاگو اگے ساریاں دے شوہدی ڈھال ہوئی
 سنجہ لوک بے قدر نہ قدر جان شوہدی کوڈیاں دے وچہ لال ہوئی

آپے روندی تے آپے چپ ہوندی آپے تڑپدی رہے بے حال ہوئی
 رہے چپ چپا تڑی کلی وانگن کدی گل نہ کسے دے نال ہوئی
 جانے کوئی نہ اوسدا راز مخفی فریاد اوہدی وال وال ہوئی
 جویں سوہریاں گھر سراج سوہنی توں کج فہماں میری جال ہوئی

ایضاً

سوہنی ہجر آزار بیمار کیتی اونہوں سرت نہ کسے بھی کم دی آ
 ہوئی نیند آرام حرام اوس نوں اوہدی رات دلیلیں دھمدی آ
 اوہدا کھاناں پیوناں کوڑ ہو یا خورش اوسدی درد و الم دی آ
 اوہدے دکھ تھیں رووندا فلک اُچا اوس ویٹدا پیا شبنم دی آ
 رہندی رووندی چووندی دیدیاں نوں بوند بوند جویں چھم چھم دی آ
 اوہدے ازل تھیں نرم نصیب آ ہے لکھی اوس نوں ملی کرم دی آ

پکڑ ظالماں پنجرے قید کیتی اوہ تے بلبل باغ ارم دی آ
 تیج سیخ بن چھدی دریاں نوں تراٹاں مار دی پیٹیر پر دم دی آ
 پیوے پیوے تے جگر دا خون پیوے لذت اوس نوں اپنے دم دی آ
 اوہدے دکھ تھیں روندے رہن تارے کھلے صف بنا ماتم دی آ
 پئی پیوندی جگر دا خون گٹ گٹ تسی جا پدی کسے جنم دی آ
 لکھن لگیاں درد سراج اوسدے نوک جل گئی میری قلم دی آ

سوہنی دا حال

سوہنی سوہنی رہی نہ وچہ درد اں شانناں سوہنیاں اوس بھلایاں نی
 سوگن جوگناں وانگ وراگناں دے لٹاں کھلیاں گل وچہ پایاں نی
 نہ اوہ شان گمان سو وٹیاں دا کڑیاں نویاں جویں پر نایاں نی
 نہ کنڈلاں والی زلف خونی نیناں وچہ نہ اوہ مستایاں نی
 لتھی دھڑی سہاگ دی لتھڑی دی متھا بھن کے تے دھڑیاں لایاں نی
 لئی کھول زبان ننان چندری کردی سس بھی نت لڑایاں نی
 نازیں پلی ہوئی جان بے تاب پھر دی اللہ تیریاں بے پرواہیاں نی

لئی یاردی پیڑ نیڑ شوہدی سوہنے مکھڑے چھایاں چھایاں نی
 بھلے ناز انداز شباب والے اوس شوخیاں روہڑھ گویاں نی
 جاگ جاگ جوانی دی نیند اندر اوہدیاں اکھیاں بھی پتھریاں نی
 ساری رات اوہ ساہاں دی کرے گنتی سڑ جاوے جے اکھیاں لایاں نی
 سس نال نہ ہس کلام اوہدی جنڈیاں نال ننان نہ پایاں نی
 جدوں سکلیاں رہن نائیں کدوں سکلیاں بنن پرایاں نی
 ہائے افسوس سراج جے سجنان بھی ساڈے نال عداوتاں چایاں نی

ایضاً

سوہنی سوہنی رہی نہ وچہ درد اں اوس ہار سنگار نوں کیہ کرناں
 رہے رووندی چووندی دیدیاں نوں اس صبر قرار نوں کیہ کرناں
 پئی وانگ بیماراں دے مل منجی اُس تے کار نوں کیہ کرناں

جدوں چین ہی ناہ وجود اندر اُس مجمع بھنڈار نوں کیہ کرناں
 سکھاں نال وسے پیا جگ سارا اُس وسدے سنسار نوں کیہ کرناں
 گزرے رات جس جاگدے روندے دی بھلا اُس دہوار نوں کیہ کرناں

خشک ہو گئی اُس دی کلی دل اُس ابر بہارنوں کیہ کرناں
جدوں نقش ہی منہدم ہو یا فیر لوح مزارنوں کیہ کرناں
جسدے وچ نہ گل گلاب ہووے بلبل اوس گلزارنوں کیہ کرناں
ہووے اثر نہ وچہ کلام جیکر شاعر وزن اشعارنوں کیہ کرناں

جدوں توس پیہ ہلاک ہو یا ابر موسلا دھارنوں کیہ کرناں
خاک نہیں تے خاکہ فضول باقی کسے سنگ آثارنوں کیہ کرناں
کتے مرجاسی مضطرب شوہدی اُس اُجڑے دیارنوں کیہ کرناں
تیری قلم دی واہد سراج ترکھی تہہ پکڑ تلوارنوں کیہ کرناں

مہینوال دا حال

اوہر سوہنی اک دیوچہ بوٹی ایدھر حال ایسا مہینوال داسی
وانگ جھلیاں و تدا شہر سارے پھر دا چیز گوانی نوں بھال داسی
دے وانگ دیوانیاں پھرے ہجداراتی بوریا خاک تے ڈال داسی
ظالم عشق نے سٹیا پکڑ دھرتی پیا بکرے وانگ حلال داسی
سوہ سوہ کے خون کھچوے دا راہ نیناندے پیا نکال داسی
سنی جدوں ویاہ دی خبر اوس نے آیا طبع نوں چرخ بھونچال داسی
جس لو بھنوں شان گمان چھڈے رہیا اوہ نہ لو بھنڈھال داسی
اوہ تے سایاں آپ سمہال لیا غرض مند جمد اہہڑے مال داسی
اونہوں دیوندی ویل نہ پئی دھرتی اوہدا جیوناں برے جنجال داسی
جیندے واسطے عزتاں شرم لاسے لیا نام دھرا مہینوال داسی
بازی کھید کھڈکار نے زردہاری پاسہ اُلٹ گیا اوہدی چال داسی
لایا عشق دا پھرے بے تاب ہو یا کسے نال نہ بول دا چال داسی

روندا پھرے گجرات دیوچہ شوہدا واقف کوئی نہ اوسدے حال داسی
اُڈی بھکھ پیاس وجود وچوں پھر داریت پریت دی پال داسی
کبھی رات دہاڑ تمیز اوس نوں اونہوں وقت سارا ہکی حال داسی
سڑ مکیا عشق دی خچہ اندر پیا اپنی جان نوں جال داسی
سینے سرنوں عشق دے چاٹ چلھے رہندا دیگ دے وانگ اُبال داسی
رہی سہی بھی آس اُمید ٹٹ گئی گیا کالج پھٹ گنگال داسی
اگے رووندا سی وچھڑ جاوے نوں اُتوں پئے گیا گڑ اکمال داسی
دُنبہ پکڑ بگھیاڑاں نے چیر کھاہدا رہیا آ جڑی مال سمہال داسی
رہندا تڑپدا پھر کدا درد بھریا روم روم تیزاب اُچھال داسی
رہیا نامراد مراد کولوں ایویں لکھیا ذوالجلال داسی
مارشینہ دا کھس کے نس گیا ویکھو حوصلہ کیڈا شغال☆ داسی
رنگ رب دے پیا سراج ویکھے بھریا و تدا درد ملال داسی

ایضاً

مہینوال کنگال نے کسے کولوں سنیاں جدوں سوہنی پرنی گئی اے
نہ کوئی سرت جہان دی رہی باقی ایسی سندیاں پے غشی گئی اے
ایویں چرتک رہیا بے ہوش ڈگا آئی ہوش تے ہوش لٹی گئی اے
کٹھے وانگ کبوتر دے پر مارے وگ اوس تے چھری صبحی گئی اے
جاتا نکل گئے تھم افلاک والے اتے دھرت بنیا دیٹی گئی اے

ڈگا تاڑ زمین تے کھلاتا اوہدی آس اُمید کپی گئی اے
ساہ ست نہ رہیا وجود اندر گویا جان مسافر تھی گئی اے
پیا تڑپدا پھر کدا نیم بسل جند مچھلی وانگ تلی گئی اے
تبی عشق تے درد فراق پنجن دیہی روں دے وانگ پنجنی گئی اے
رو رو آ کھدا مالکا ایہو چنتا میرا خون وجود دا پی گئی اے

روندا وطن تھیں نکلیا بد قسمت و سدا گھر و چوں قسمت چنی گئی اے
 کیلتے مال متاع قربان سارے کول رہ نہ اک پائی گئی اے
 میں تے جاتا سی وچہ دربار تیرے میری عشق نماز پڑھی گئی اے
 ماپے دور تے یار آشنا کوئی نہ پلے رہ ایک بے کسی گئی اے

مائی باپ چھٹے سارے سیر ٹٹے بس قید گجرات دی ڈھی گئی اے
 پیا لکھ نہ فائدہ انت مینوں میری رُلدیاں جڑھ پٹی گئی اے
 الغیث یتیم نے کیہ کھٹیا بازی وچہ پنجاب ہری گئی اے
 آئی پرت آواز سراج اوس نوں تیری کوک درگاہ سنی گئی اے

ایضاً

تو بہ مغل ڈا ہڈا بے قرار پھر دا لکھاں کیہ میں درد طومار اوسدا
 لگیاں وچہ پھر داوانگ جھلیاں دے پسی عشق جنون اُلا ر اوسدا
 ذاتی خواہشاں سب و سار بیٹھا کھان پین تھیں چت بیزار اوسدا
 رنگ رب دے کچھ نہیں کہیا جاندا شان عجب ہے اپن اپار اوسدا
 بھلا کردا تے کیہ لاچار کردا پسی لاعلاج ازار اوسدا
 رو رو آکھدا مالکا عمر ساری گولا رہیا بنیاں خدمت گار اوسدا
 مائی باپ چھڈے ہو رساک رشتے اک بن کے تے خریدار اوسدا
 دُکھی دم نوں ڈھیر اُمید آ ہی ہن درد و نڈاوسی یار اوسدا
 میرے نال اوس رنج کے کھید چھوڑی کدی بھلسی نہیں اُدھار اوسدا

کون سنے تے کس نوں رو دے وطن دور سی بلخ بخار اوسدا
 بھلا مہر دلا سڑا کون دیندا اتھے کون دردی غم خوار اوسدا
 غزلاں فارسی گاؤندا پھرے کھلا ایہو کم سی لیل و نہار اوسدا
 اوہا مغل نوں آکھدے دیوانہ جہڑے کھاؤندے رہے ادھار اوسدا
 جدھے واسطے عزتاں گالیاں سواوہ بھی رہیا نہیں وفادار اوسدا
 کتیا یاد نہ ننگ ناموس اپنا کلر ہو بخدا رہیا بازار اوسدا
 مینوں کیہ سی لوڑ خوشامد دی پسی صرف منظور دیدار اوسدا
 بنے معاملے تے اوہ بھی چھوڑ گیا مینوں انج تے ناہ اعتبار اوسدا
 مانی جانے سراج یا نہ جانے میں نہ چھوڑ ساں کدی پیار اوسدا

مہینوال داحال

مغل وچہ گجرات دے آوارہ پھر داوانگ کسے بے سامان جیہے
 اگے نازک تے فیر سی تن لاغر چکنے پے گئے کوہ آسمان جیہے
 تن بدن دی سرت نہ سار کوئی وحشت زدہ وحشی بیابان جیہے
 خم کھا گیا اوہدا قد بانکا پسی وانگ سرو بوستان جیہے
 مضطرب بے تاب جہان والے اوہدے سامنے طفل نادان جیہے
 اوہدے قلب حزین دے وچہ مضطر لکھاں محشر حشر میدان جیہے
 اوہدے پہلو وچہ کئی طوفان مارو لہراں مارے دے نوح طوفان جیہے
 مقناطیس نے اوسدی تڑپ کولوں شعلے لے کچھ پر ارمان جیہے
 اوہدی مرض نوں ہتھ نہ پاسکن بقراط سقراط لقمان جیہے

ہوون لگ پئے اوہدے دماغ اندر پیدا کچھ آثار حقائق جیہے
 اوس بھار ادبار دے پیٹھ ہوون چکنا چور رستم پہلوان جیہے
 چھالے چھالے ہو گئے کنڈیاں تھیں اوہدے پیر نازک برگ پان جیہے
 سڑ سڑ کھندوری دے وانگ ہوئے نازک وال سنبل ریحان جیہے
 قیس عامری اتے فریاد کوہ کن ابراہیم ادھم سلطان جیہے
 شعلے پر ارمان سوزان لانبو بے قرار شرر افشان جیہے
 چکر کھاؤندے اوہدے دماغ اندر بے شمار حمام گردان جیہے
 اوہدے صدر وچہ جلوہ گزین ہو گئے مخفی نور انوار عرفان جیہے
 آہ تیز تر برق سراج کولوں قلعے جل بل جان ہرمان جیہے

ساقیا

ساقی سوختہ جگر دی ویکھ حالت کیڈک ہجر نے ساڑ جلا یائے
عمر ایں بیتیاں صبر کماوندے نوں انت حوصلہ تدھ ازما یائے
اکملتوب نصب الملاقات جویں کسے درد مند سچ فرمایا یے
میرا ایہ ارمان نہیں جان ہارا رہندا رڑکدا انت سجا یائے
کوئی کسے دائے کون کسے دائے کسے دے دا درد ونڈا یائے
ناہی ایہ اُمید پیاریاں تے جویں کر کے اونہاں دکھایا یے

لکھ دیہہ اک جام وصال مینوں ہوئیاں مدتاں روح ادرایا یے
اگ عشق دی حوصلے ساڑ چھڈے بے صبر ہن نام دھرایا یے
آون سکھ سہنیوڑے سجنان دے ہوئیاں مدتاں روح ادرایا یے
ای جہاں دے پیراں دی خاک ہو گئے سانوں اونہاں بھی چپت نہ لایا یے
مینوں کوئی نہیں آوندنا نظر اپنا تیرے باجھ جہان پرایا یے
ہائے صد افسوس سراج اسماں دھروں مندڑا لیکھ لکھایا یے

سوہنی دا حال تے صوباں سہیلی دا اوناں

دُکھی سوہنی سوہریاں گھر شوہدی رہندی رووندی حال ونجاوندی آ
اندر پیڑ پریم دی دُھم گئی لسکاں ماردی جان کلپاوندی آ
سو وار جے کرے کلام کوئی ہک وار جواب سناوندی آ
دل بجھیا بجھ کے ساہ ہو یا ہن آپ بھی بجھدی جاوندی آ
سولاں پون سولاں سولاں والڑی نوں سولاں ہار سنگار نہ لاوندی آ
ہاہیں ماردی تڑپ دی پھر کدی نوں ہتھوں ہجر دی اگ ستاوندی آ
صوباں نام اک کڑی دانا جیہی بڑی عقل دی تیر سداوندی آ
اگے سوہنی غم دے کھوہ اندر پئی ڈبدی تے غوطے کھاوندی آ
ہائے ہائے نی سوہنیہ کیہ ہو یا ئی تیری حالت غیر دساوندی آ
سوہنی اگے بے تاب سی درد کٹھی سکی جھل نہ لہر چہناوندی آ
روروا کھدی فی بھینے کیہ پچھیں مینوں ہجر دی اگ ستاوندی آ
چھری ہجر دی کیتاے نیم بسمل دل ول تکبیر چلاوندی آ
کوئی ڈھب سبب نہ جا پداے کوئی جان نہ درد ونڈاوندی آ
توں بھی تینے وت نہ وات پچھی کوں اوسدے نال وھاوندی آ
میرا اپنا آپ تے جویں ہوسی بھوایں جیوندی یا مر جاوندی آ

واٹاں بھال دی جال دی پئی چندڑی فالال پاوندی وقت لنگھاوندی آ
بہتارون تے گل کلام تھوڑی چپ چاپ اوہ وقت لنگھاوندی آ
ول آوندی کسے نہ نال سوہنی سنجی سس بھی پئی ولاوندی آ
میلے ویس تے کھلڑے کیس گل وچہ سوہنا مکھڑا نہ چکاوندی آ
کتوں آ مہینو الیا واسطائی رہندی پیر فقیر مناوندی آ
اندر باہر نہ چین آرام اونہوں کسے جانہ دل لگاوندی آ
خاص الخاص سہیلڑی سوہنی دی ملن سوہنی نوں کتوں آوندی آ
اودا ویکھ کے حال تباہ صوباں مٹھیں میٹ کے تے بہ جاوندی آ
مر جانے اٹھ کے دس تے سہی کبھی مرض ایہ کھاوندی جاوندی آ
دُکھی نین گلیڈ واں بھر کے تے موتی رانگلے باہر وگاوندی آ
کیہا پیڑ پرائی دا کسے صرفہ اوہا جان دی جو ازماوندی آ
ہوئیاں مدتاں یا نہیں نظر آ یا مینوں کوئی بھی خوشی نہ بھاوندی آ
صوباں تدھ تے ڈھیر امید آہی جاتا ایہ جائی میر ماؤں دی آ
تدوں سجنان بھی بھل جان چیتے جدوں قسمت کجھ نندر اوندی آ
خبرے کیہ مہینوال دے نال ورتی کوئی اوسدی خبر نہ آوندی آ

کسے آسرا بھین بھرا والا دھیرج کسے دے دم نوں ماں دی آ
ہائے جمن والڑی نچ مینوں جم جا کے گود کھڈاوندی آ
مہنے سچلے سن کے سوہنی تھیں صوباں بھل منی شرماءندی آ
دیندی حوصلے اتے تسلیاں جی پئی اوسدا من ٹھہراوندی آ

وطن والیاں وطن داماں ہونداے اوہدی جا پردیس دے تھاوندی آ
مہنے دیوہی بلخ بخار سارا کالک ایہ نہ دھوتیاں جاوندی آ
عذر معذرت کر کے سوہنی تھیں گزر گئی نوں پئی بخشاوندی آ
کرے مہر سراج یتیم اُتے مہر رب دی ذات کماوندی آ

سوہنی دا صوباں اگے روناں

صوباں توں جے تنے آ کھیا سی تیرے سوہنے درد وندا اوساں نی
مندری کیتی اے مایاں بیدرداں بھلے اوہاں دے کوں بھلا اوساں نی
بحر یار دے لیا نہیڑ مینوں کتھوں تیک ایہ درد ہندا اوساں نی
فیر اپنا تے مینوں نہیں صرفہ پئی جگر تے جان جلا اوساں نی
چھڈی گال گنگال دی عمر ساری ہائے بے وفا کہا اوساں نی
میرے نال اوس کیتیاں توڑ دیاں میں ہن جھات بخارے نہ پا اوساں نی
اوہ اپنے قول تے رہیا سچا کوڑی میں سنسار سدا اوساں نی
چھڈے ساڑ میں بلخ پنجاب دونوں پھوکاں نال کیہاگ بچھا اوساں نی
لانو تیز ملکہ دیاں ہو کیاں تھیں کوں اپنی جان بچا اوساں نی
مینوں آ کھسی دیہہ سہاگ میرا بھلا کیہ میں عذر بنا اوساں نی
اوہ دیاں مایاں بھی میتھوں پچھنا کیں توبہ اُس ولے کدے جا اوساں نی
کئی گھر میں کرتباہ چھوڑے خون جگ دیوچہ سدا اوساں نی
ہائے میں تتی کارے ہار مندی مندیاں ایڈیاں کوں بچا اوساں نی
کوئی ہئی علاج تے کر صوباں نہیں تے میں روندی مرجا اوساں نی
اک وار جے آ گیا نظر مینوں اگوں فیر وساہ نہ کھا اوساں نی
اوس مان متے جھلے کملے نوں مل مل کے برم مٹا اوساں نی
اللہ واسطے کر تجو یز کوئی صوباں گن تیرے پئی گا اوساں نی

ویلے بنی دے آ وساں کم تیرے نال میں قول نبھا اوساں نی
عمر قید تے چالان میرا کدی نال نصیب لگھا اوساں نی
ہو یاں مدتاں یار نہیں نظر آیا کتنا چر میں صبر کما اوساں نی
خبرے کیہ مہینوال دے نال ورتی کوں خبر گنگال دی پا اوساں نی
جے تے نال نصیب دے کدی ملیا کوں اوس نوں منہ کھا اوساں نی
ملکہ مانگ دی کوئی نہیں تاہنگ مینوں تیرے نام دا ورد پکا اوساں نی
اوہ سچا تے میں کم ذات جھوٹی ہائے حشر تیکر شرماءوساں نی
تتی میں اُجاڑ کے سیاں نوں کوں اپنا گھر وسا اوساں نی
میرا پکڑسی حشر دے روز دامن اگوں کیہ جواب سنا اوساں نی
اوہا بھاگ سہاگ کھڑا چھڈیا کوں اوس تھیں لڑچھڈا اوساں نی
دلیسی مول نہ ویل زمین مینوں کتھے اپنا آپ چھپا اوساں نی
صوباں دس کرساں تے کیہ کرساں کیہ کیہ کلک مٹا اوساں نی
یا نصیب جہان کیہ آ کھسی گا جدوں خاک دیوچہ سما اوساں نی
کتھوں ڈھونڈ لیا مہینوال تاکیں تیرے بھلے نوں نہ بھلا اوساں نی
رُٹھے ہوئے دلدار دے پیر پھڑساں گل پلڑا پامنا اوساں نی
کرساں فیر نہ کدی وساہ اوہا جدھر اوہ گیا نالے جا اوساں نی
جیون کوڑ سراج دے باجہ میرا پئی رو وساں جان جلا اوساں نی

سوہنی نوں صوباں دیاں تسلیاں

صوباں آکھدی سوہنے رکھ نہچا مہینوال نوں ڈھونڈ لیاوونی آں
تیرے دم دے واسطے سوہنے نی غم اپنے دم نوں لاوونی آں
میرا ازل تھیں سوہنے کم ایہو دلاں ٹٹیاں فیر ملاوونی آں
میرے وچہ کمال رہے روندیاں نوں ہکی گل دینال ہساوونی آں
میرے بالکے سامری جیسے ساحر نی میں او پر اسبق پڑھاوونی آں
پھڑیا جس نے سوہنے لڑ میرا میں اوسدے درد ونداوونی آں
کیہ کیہ دساں گن کارنامے جتھے کوئی سدے اوتھے آوونی آں
تینوں ڈنگیا ہجر دے ناگ بسے جڑی بوٹیاں گھول پلاوونی آں
انی تسے کرب و بلا دیئے تینوں کوٹروں جام پلاوونی آں
تیرے جگدیاں ٹانگیاں ٹٹیاں تے مرہم وصل حبیب دی لاوونی آں

پنی رو کے چونہ دیدیاں نوں جو یں بنے گی تو یں بناوونی آں
ہک وار تے اوس پروانڑے نوں تیری شمع تے آن جلاوونی آں
کڑیے ایہ تے کوئی نہیں کم وڈا ویکھ ہنے میں کر وکھاوونی آں
سنٹیاں مار سنوار نگاہ غمزے مکاں نوریاں دھرت ٹپکاوونی آں
اپنی موج وچہ روح پرچاؤنے نوں تارے انگلیاں نال نچاوونی آں
بیڑا نوح دا آپ ملاح بن کے طوفان تھیں پار چڑھاوونی آں
ایسے واسطے صوباں ہے نام میرا صوبے نوں میں نت نواوونی آں
پڑھ کے منتر اں کیل کے علم سیتی اوسے سب تھیں زہر چٹاوونی آں
تیرے دل دے قلعے نوں اک لگی پانی وصل دا گھٹ بچھاوونی آں
حکم رب دے نال سراج تینوں تیرا وچھڑیا یار ملاوونی آں

سوہنی دیاں صوباں نوں دُعاں

سوہنی پا تسلیاں کہن لگی صوباں لوں لوں میرا نہال ہو یا
جا ڈھونڈ لیا مہینوال تائیں میرا اوس بن جیون محال ہو یا
صوباں آکھدی سوہنے رکھ نہچا اقرار میرا تیرے نال ہو یا
چاہیا رب نے پکڑ لیا دساں گی بھائیں جس جانی مہینوال ہو یا
تکڑی ہوتے اٹھ کے دھوکپڑے ویکھاں کیڈ تیرا مندا حال ہو یا
رکھ آسرا ذوالجلال والا سمجھ دور خزاں جنجال ہو یا
اوہدے پاک دربار دُربار وچوں نا اُمید شیطان چنڈال ہو یا

رب ہمتاں ہو ر عطاءے تینوں تیتھے رُوح میرا خوشحال ہو یا
اجر پائیمیاں نوں میل کے تے ہوسی اوہ بھی بہوں بے حال ہو یا
کھڑے لال نوں بھال لیاوونی آں ہو یا گنگن یا بھائیں پتال ہو یا
موئے ہوئے بھی روح میں کھج آناں ایہ تے جیوندے داسوال ہو یا
جوگن بن کے جو بن لٹایائی منج وانگ تیرا وال وال ہو یا
ڈھل لاوساں اکھ جھکاؤنے دی میرا کم نہیں ڈھلاں نال ہو یا
لا تَقْنَطُوا ویکھ سراج بخشش ایڈا کیوں ہیں توں نڈھال ہو یا

صوباں دا مہینوال نوں جا کے ملناں تے خط

صوباں دے تسلیاں سوہنی نوں گئی اوسدا من ٹھیرا کے تے
کہندی دس مینوں مہینوالیاوے کو یں پھیریں ایہ حال بنا کے تے
میں تے جاتا سی ٹر گیا بلخ ہوسی تلکن بازیوں کنڈولا کے تے

ڈھونڈ بھال مل مہینوال تائیں لیا کول بہا بلا کے تے
شالا خیر ہووی مدت ڈھیر گزری تیرا حال نہیں پچھیا آ کے تے
جہدے واسطے وطن و ساریائی اونہوں لے گئے سائیں پرنا کے تے

مہینوال نوں رہی نہ تاب ضبط ڈگا تاڑ بھوالیاں کھا کے تے
 کچا ورم مہینوال دے کالجے داگئی صوباں دی گل ڈکھا کے تے
 سکے کر نہ گل کلام کوئی ایسا ماریا درد گچا کے تے
 جہدے واسطے جگ دے سیر تر وڑے بیٹھا شان گمان گوا کے تے
 عمر اں بیتیاں نوکری دیوندے نوں پھراں نام مہینوال دھرا کے تے
 محنت پئی نہ مول قبول میری بیٹھا کھید کھید کار ہرا کے تے
 ایویں جیوناں وانگ شرمندیاں دے غیرت بلخ نوں لیک لگا کے تے
 مینوں یار تے انج اُمید ناہی کرسی دھروہ پردیس پھسا کے تے
 ہوئیاں مدتاں کٹھیاں ہجر دیاں چند تک اُتے کھلی آ کے تے
 نوری شمع رسالت دے پروانے سفر العشق اندر کامیاب سارے

ڈیک نکل گئی درد قہار کولوں رُنا جگر تے جان جلا کے تے
 بد نصیب غریب دی اکھیاں تھیں چلیا خون دریا اُڈا کے تے
 صوباں کجھ نہ پچھ تڑے تھیں کیہ لہیں گی پیڑ جگا کے تے
 رہیا شاد برباد ناشاد ہو یا ماپے بھین بھرا بھلا کے تے
 جدھے دم نوں ایڈا ندوہ کٹے گیا اوہ بھی دغا کما کے تے
 وطن جان بھی شرم تے ننگ مینوں پنجاب وچ منگ کھہا کے تے
 ہائے افسوس بخارے دے ذہن والے مینوں ان نہیں دیکھدے آ کے تے
 مرضی اوسدی جانے یا نہ جانے جاساں اپنی توڑ نبھا کے تے
 ہوندے نیک نصیب غریب والے مردادید حبیب دی پا کے تے
 حسب قدر سراج انعام پاگئے صاحب قدر تے عزت مآب سارے

ایضاً

مہینوال نے خون اُبال اپنا اُتے ورقاں دے روہڑ وگایا نے
 ساڈی خیر ہے سوہنے ایس گلوں جے توں پریت نوں داغ نہ لایا نے
 لکھے خجروں تیز مہینوال طعنے نی توں سوہنے دغا کمایا نے
 تیرے واسطے میں گجرات ملی وطن ننگ ناموس گھرایا نے
 تیرے دم دی نوکری رہیا دیندا چنگا تہہ کولوں نفع پایا نے
 کتھے گئے اوہ قول اقرار تیرے قسماں جھوٹھیاں نال بھرمایا نے
 گھروں کڈھ کے وت نہ وات پچھی کیہ اوس دے نال وہایا نے
 تیتھے سوہنے انج اُمید ناہی تہہ دیدیوں خون چوایا نے
 بے وفائیاں تیریاں ویکھ کے تے جاسی قدم نہ مول ڈولایا نے
 ہن مل خدا دا واسطائی دُکھی جیوڑا ڈھیر اُدرایا نے

راہ نیناں دے سڑے ہوئے کالجوں ہدیہ یار دے پیش لگایا نے
 تہہ یار دی خیر درکار دم دم اسماں اپنا آپ بھلایا نے
 ناہی مینوں تے انج اُمید تیتھے جویں کر کے تہہ دکھایا نے
 کاماں بنیا رہیا میں کامیاں دا نام چاک کم ذات سدایا نے
 انی جھوٹھے قول قرار دیئے ڈولی چڑھدیاں شرم نہ آیا نے
 بنے معاملے تے ڈر کے نس گلیوں دس کیہ میں عیب کمایا نے
 ساک سین کہڑے اتھے ہین میرے ماپے دور تے وطن پرایا نے
 اپر نال تیرے نہیں ضد کوئی اسماں جیوڑے نوں سمجھایا نے
 جاناں گل تھیں گل تھیں نہ جاناں ساناں عشق اُستاد پڑھایا نے
 اُڈن ہار سراج داروح پچھی جاوے اُڈ نہ متاں سدھرایا نے

ایضاً

صوباں توں جے بنی سین بھین میری توڑے ملدیوں توں آ کے ہی تے
 توں ویکھ کے تے میرے بخت مندے مینوں چھوڑ گلیوں گھبرا کے تے

صوباں آکھدی اگلی چھوڑ دیر الے ملی آں بہوں شرما کے تے
اوہ بھی ہجر نے پکڑ ہلاک کیتی روندی جو بناں خاک رُلا کے تے
تیرے صدق دیو چہ ہے اچھے قائم بیٹھی نہیں اوہ قول بھلا کے تے
اوس ساہورے گھر رقیب ولوں ڈٹھا کدی نہیں اکھ پرتا کے تے
صوباں قلم دوات لیا دتی مہینوال نوں کتوں رسا کے تے
کیتا لختِ قلب تیار خامہ چشم تر دوات بنا کے تے
آہے عمر دے بند جذبات اوہدے لانا چھوڑ دتے بھڑکا کے تے
خط لکھدیاں کدی بے ہوش ہوندا کدی اٹھدا ہوش سہا کے تے
کر کے بند پھڑاؤندا ہتھ صوباں عاشق واسطے رب دے پا کے تے
صوباں لے کے خط رواں ہوئی دیندی سوہنی دے ہتھ جا کے تے
جویں بادِ صبا تھیں کلی کھلدی سٹے چولیاں چیر وگا کے تے
کتے دور نویکڑی ونج بیٹھی سس نند تھیں اکھ بچا کے تے
پئی ٹھنڈ کچڑے بھج دے نوں چوری پڑھن لگی فرصت پا کے تے
رقعہ کھول ڈٹھا سوہنی یار گھلیا مینوں درد دریا وگا کے تے

مہینوال دا خط

اللہ سچ رسول کریم برحق آل اطہار خلفا اصحاب سارے
نوری شمع رسالت دے پروانے سقر العشق اندر کامیاب سارے
سنگت خیر القرون سبحان اللہ بامر ادم سارے فیضیاب سارے
حسب قدر سراجِ انعام پاگئے صاحبِ قدر تے عزت مآب سارے

ایضاً

ٹھگا کیتیوئی ٹھگی نال میرے کدوں ایہ دستور پیار دا اے
سو جھا رکھ کمہاریے ویٹے نی اج تینوں جوش اُبھار دا اے
کتھے جوش محبتاں پہلیاں دا کتھے زور اوہ نویں پیار دا اے
جے تے جانیاں نہیں پرواہ تینوں واپس موڑ دیہہ دل لاچار دا اے
بھلا دس کھاں کیہ سی لوڑ مینوں کا ماں رہیا میں بن کمہار دا اے
تینوں پھل گلاب دا سمجھیا سی ناہی سارا یہ پھل انار دا اے
بھل جاہ نی کوڑے جو بنے نوں ایہ جونہاں ٹھگ بازار دا اے
جے توں انت نوں ایہو کچھ کرناں سی کاہنوں ٹھگی دل دکھیاں دا اے
دھکا نال پردیسیاں نہیں چنگا ایہ مسافر دور دیار دا اے
مردار رہیا خوشامداں تیریاں نوں مجھیں کون کسے دیاں چار دا اے

یارا بھولیا بھولیاں چھوڑ چالاں مندا منکدا یار نہ یار اے
کیسے بول نہ وِسرَن سجنّاں دے پھٹ جاوند امل تلوار دائے
کر کے دوستی دشمنی چال کھیڈن شیوہ عجب ایہ جگ مکار دائے
کیہا فیر سراج اعتبار اوسدا قسماں چک جہڑا قولوں ہار دائے

ایضاً

تینوں چاے سی بڑا پر نیو نے دا جھل مبارکاں جے پرنائی ایں نی
تیرا چا چال ساکاں ساریاں نوں جیٹھاں دیوراں دی بھر جائی نی
انی بوٹے عشق دے باغ دیئے ہتھیں اپنی اسان نے لائی ایں نی
بھلی نیت پریت پریت تینوں ڈولی چڑھدیاں نہ شرمائی ایں نی
جیون جو گئے مان جوانیاں نوں میری روح دیوچہ سائی ایں نی
خوش خوش وِس اِج تیرے نصیب جاگے وری وِرنظور کرائی نی
پردھانے ویٹے رہنے نی نت ڈیوڈھی اتے سوائی ایں نی
خون جگر پوا کے پالیا سی اِج ہو کسے ہتھ آئی ایں نی
اِج نظر تیری آسمان اُتے زیور گھنیاں نال سجائی ایں نی
آمل سراج مہینوال تائیں تو ہیں روگ تے تو ہیں دوائی ایں نی

ایضاً

رنگ رتے نویں سہاگ اندر تینوں بھل اوہ قول قرار گیا
شادی سوہنے تیریاں ماییاں نوں ایویں مفت وچہ مجھیاں چار گیا
ایہ میں کل کارن کہیتے تدھ کارن تیری شمع تے ہونار گیا
توں نسبیوں میں تے نساں نہیں مینوں بھل اپنا گھر بار گیا
اللہ جان دائے حال ماییاں دا اوہناں غم فرزند دا مار گیا
رو رو فرزند دے غم اندر ہوسی اکھیوں نور سدھار گیا
مائی باپ تپے نال وطن چھٹا نالے سار گئی نالے یار گیا
رنگیں وِس پئی ہن نوں نال سکھاں ورت اسان تہر تہار گیا
ہائے کجھ ناہ رہ گیا وِس میرے جدوں بھل تیتھے بھلن ہار گیا
ڈلھا گھو پر گل دی سمجھ آ گئی میری جان گئی تیرا اعتبار گیا
میتھے بچ کے نیکیاں چاٹریاں نی تیرے بھلے دا ہوا دھار گیا
ہن رُل کے مراں گا شہر تیرے سمجھیں نہیں اوہ بلخ بخار گیا
اوہ تے اگے غریب سن گور نیڑے اوہناں واسطے سڑ سنسار گیا
سوٹی پھڑے گا کون ناہنیاں دی بچہ ہو ایدھر گرفتار گیا
تیرا جان کیہ ہو یا سوہنے نی علی بیگ دا رٹھ پر وار گیا
ککھیں بھاہ بے درداں دی دوستی اے سچ سچ سراج پکار گیا

ایضاً

اساں سوہنے وچہ پنجاب آکے دل دی نگری گجرات سنواری ایں
چھوڑی بلخ ولایت دی شہنشاہی کدی بھل کے نہ چتارنی ایں
میرے نال توں کور تسلیاں دا ہتھ کھیڈ یا ٹھگ مدارنی ایں
جیون مگنی ایں نالے مگنی ایں کیوں پئی ایہ لاڈ چھنکارنی ایں
دیہہ بانہہ ولئیے نانہہ نہ کرمرداں تارواں ڈبدی تارنی ایں
پہلے دن جو عشق نے مت دتی جان چلی جاسی نہ وسارنی ایں
صرف تیری شمع جمال اُتوں جندوانگ پتنگ دے وارنی ایں
میری بیڑی طوفان دیوچہ اڑ گئی اے اللہ فضل تھیں مار تارنی ایں
لگی آڈولا نہ جیوڑے نوں کیوں پئی توں نیتوں ہارنی ایں
جے تے رہ گئیوں گئیوں بہہ تھلے فیر کسے نہ پکڑا اُبھارنی ایں

کتھوں ایڈے ترسیاں سکھیاں نی موئے پئے غریب نوں مارنی ایں
 جیون دیہہ یتیم نوں واسطائی بھلا ہووی کڑیے کہہارنی ایں
 دتا جہاں نے دکھ بیدوسیاں نیں اوہناں حشر تیکر پھٹکارنی ایں
 اوہناں سدا صلوات سراج جہاں خنجر تلے نماز گزارنی ایں

ایضاً

اساں سوہنے عشق نماز نیتی چاہیا رب نہ کدی قضا ہوئی
 بے وفائیاں تیریاں ویکھ کے تے دکھی جیوڑا نہ خفا ہوئی
 رج کر لے بے وفائیاں نوں کتھوں تیک تیری انتہا ہوئی
 بھوج کھاوئی نہیں آئین عشق نت ذوق تے شوق سوا ہوئی
 لکھیا ازل دا پیا نصیب جھولی انجیں لکھیا قلم رضا ہوئی
 شا کر صابر رہو سراج ہر دم انت صبر دی بھلی جزا ہوئی

ایضاً

ہوئے سوختہ ہجر دی چٹھ اندر نہیں جل گیاں ول دھیان تیرا
 کھڈھے ہو گئے برچھیاں نین تیرے کتھے قتل دا اوہ سامان تیرا
 سنانوں وصل فراق ہے اک منزل صرف ٹورنائیں امتحان تیرا
 زخماں میریاں تے نمک پاشیاں نہیں بھائیں ختم ہو یا نمکدان تیرا
 تینوں ویکھ رہیاں ہر حال ظاہر بھائیں لامکان مکان تیرا
 ساڈے ولوں دی لوح تے لکھیاے قلم ازل دی رُخ سبحان تیرا
 شیشہ دل دا ہووے شفاف جیکر چارے پاسے ہے نور عیان تیرا
 کر نور الابصار سراج حاصل جلوہ طور ہے سارا جہان تیرا
 اسی آسرے غیر بھلا بیٹھے تیریاں عاشقاں نوں مان تان تیرا

خط پڑھ کے سوہنی دا حال

رور و خط پڑھیا دکھاں نال بھریا رنی رب تے گھت دوہائی سوہنی
 یار ولوں بھی بے اعتبار ہوئی کبھی بری ساعت جمی جائی سوہنی
 جھدے واسطے سارے موکا لے جرے اے اوہ مراد نہ پائی سوہنی
 لکھن لگیاں کیسی حرج تیرا میری قسمت بھی جاندی بنائی سوہنی
 یان نصیب سراج ہزار شکر مہینوال دی جاواں سدائی سوہنی
 رو رو خط پڑھیا دکھاں نال بھریا رنی رب تے گھت دوہائی سوہنی
 مایاں گھروں کدھی تے وسار چھڈی نہیں سوہریاں نوں بھی سکھائی سوہنی
 بلخ بخارے پنجاب گجرات اندر بدنام رسوا سدائی سوہنی
 تیری قلم تقدیر نے جس طرح پیسی مورتی میری بنائی سوہنی
 دیہہ داد مراد فریاد سن کے تیرے اگے فریاد آئی سوہنی

سوہنی خط لکھ کے صوباں نوں چوری نال دتا

لکھن بیٹھی اے سوہنی جواب نامہ خون کا لے دا اُبل آیا سو
 ہائے میں کجھ نہ رہی دے پیار کچھ اپنا حال کنگال و نجایا سو
 جیوندے گوریں سٹ کے آیا مایاں نوں پھیرا پرت نہ پچھاں نوں پایا سو
 ہائے میں کیہ لکھاں کوئی ہوش مینوں سوچاں سوچدی کجھ نہ آیا سو
 اپنی چھڈ کے گھرے دی بادشاہی استھے چاک کم ذات سدا یا سو
 ملکہ رانی دی گل نہیں بھل جانی اونہوں داغ منگیوے والا یا سو

ہائے میں کتنے گھر اُجاڑ چھڑے سوچ سوچ کے تے غش آیا سو تقدیر دی ماریے تیرے پچھے دس کیہ انتھوں نفع پایا سو
ایویں روندیاں روندیاں درد کٹھی لکھ چھڑا جو منہ آیا سو صوباں آئی سراج تے نال پردے چوری چوری چاخط پھڑا یا سو

صوباں سوہنی دا خط مہینوال نوں پوچا وناں!

خط لے چلی محرم عاشقاں دی ہتھ پھیر تسلیاں نال اوسنوں کئی دن رہیا اڈیکدا سی مل گیا آوارہ مہینوال اوسنوں
دسیاوت وت کہے سلام سوہنی بڑی عاجزی تے منتاں نال اوسنوں بے وس اے اوس دے وس کچھ نہیں رکھیا ہو یاے گھر بہال اوسنوں
تیری بدر پچھے اونیوں مایاں نے دتا ویاہ کے گھروں نکال اوسنوں ہن سوہریاں گھر بے تاب پئی اے کوئی نہیں اپنی سرت سمہال اوسنوں
سڑسک گئی اے اکو مک گئی اے تن بدن دا نہیں خیال اوسنوں نہ اوہ رنگ نہ روپ نہ رتن جو بن دتا بھانبرٹاں لانبواں بال اوسنوں
تینوں بھال لے بھے تیرا حال دے بھلا کون ملے محرم حال اوسنوں کجھی پیڑ نے لئی پیڑ شوہدی جا پے زندگی سخت محال اوسنوں
صوباں پیر بچا کے آئی ہوئی سی نظراں بازاں دا ایسی خیال اوسنوں میں ہن جاوئی آں مہینوالیا وے دتا جھولیوں خط نکال اوسنوں
عاشق خط چم کے دھریا اکھیاں تے لالیا کیچے دینال اوسنوں کتے دور سراج اُجاڑ جائی لگا کھول کے پڑھن مہینوال اوسنوں

سوہنی دا خط

دم دم نال ثنائے خداوندی درد دل و زبان سبحان اللہ لاتعداد سلام درود ہووے خدمت شاہ جہان سبحان اللہ
اصحاب احباب تے آل اطہر حسنین ذی شان سبحان اللہ محی الدین سید حسنی غوث اعظم میراں شاہ جیلان سبحان اللہ
عشق پاک امانت ازل دی اے جملکھا الانسان سبحان اللہ آمین سراج ہزار وارث ثابت رہے ایمان سبحان اللہ

ایضاً

بعد حمد و صلوات سلام سجدے مہینوالیا میریا سایاں وے تیری باندی شرمندی نیاز مندی تیری حاضری دیوچہ آیاں وے
لکھن بیٹھی آں پتہ نہیں کیہ لکھاں سوچ سوچ کے تے گھبرایاں وے قلم کنبدی پھر کدے ہوٹھ پئے آکھن ساون دیاں جھڑیاں لایاں وے
تیرے خط پھٹاں اُتے پھٹ پائے زخماں اگلیاں مارمکایاں وے اُجڑ گئی نہ کسے بھی کم دی رہی کسے پاسوں نہ پوریاں پایاں وے
پچھ صوباں تھیں مینوں جیوں مایاں نیں ہتھ پیر نہ کے ڈولی پایاں وے میری میت آئی گھر سوہریاں دے من جاہ نہ جیوندی آیاں وے
کسے نال نہیں اتھتھے سبھا میرا اتھتھے کسے نوں نہ سکھایاں وے بیزار بیزار کمہار سارے کردیاں سس ننان لڑایاں وے
نہیں مایاں پرت کے وات کچھی منتاں من من کے مگروں لاہیاں وے انہاں جھکھڑاں ولوہیاں وچ مینوں ہو یا دتیری دیاں ساہیاں وے
کوئی پتہ نہیں کیہ میں لکھ رہی آں دھوڑاں میریاں عشق اڈایاں وے ایدھر بلدا پیا سراج سینہ اوہد ریناں نے جھڑیاں لاہیاں دے

ایضاً

ثابت صادق ہاں بولی ملی اُتے شالا صدق تے ہووے نباہ میرا
بھا ماییاں نچ میں جانی جی میرے واسطے نچ ویاہ میرا
تینوں ڈھونڈ دی میں تیرے مگر زلدی جے تے کجھ بھی نکلد اساہ میرا
تیرے وٹوں شرمندگی کیہ آ کھاں نچ حاصل اُمید تے ناہ میرا
جیکر نیت پریت وچہ فرق ہووے دو جہاں وچہ منہ سیاہ میرا

سرتے آئی جرساں تیری ہو مرساں سچا وعدہ خدا گواہ میرا
مینوں سمجھ ککڑی رنج کڑی گھروں کڈھیا وڈھیا پچاہ میرا
ویری سس ننان کمہار سارے کردے جھٹ بھی نہیں وساہ میرا
خان زادیا پھریں پردیس زلدا اُجڑ گئی آں سارا گناہ میرا
تیری یاد دیوچہ سراج میرا پیا لنگھدائے ساہ ساہ میرا

ایضاً

ڈٹھیاں یارو ریا میاں تیریاں بھی گیوں نس توں جان بچا کے تے
اپنے سنگ تھیں کھڑی کو نچ شہدی تڑپے پئی زخمی تیر کھا کے تے
عمر قید تے میرا چالان ہو یا کدی چھٹساں قید نبھا کے تے
میریا جانیاں تدھ ہی آؤناں سی کوئی اوپرا ویس وٹا کے تے
جان رب دتی کیتی ذمے تیرے رب رسول گواہ بنا کے تے
چھیتی پونج پیار تے نزع طاری اُون ہار جندڑی پھر پھر اُکے تے

سارے بھار ملا متاں دو تیاں دے گیوں سرتیم دے پا کے تے
کھتیاں کھباں والی کدے جاوے مرگئی کر لا کر لا کے تے
بے وس لاچار دکھیاں تائیں کدی توں ہی ملدو آ کے تے
قیدی مل نہیں سکدے سجنوں سگوں ملدے فی سجن آ کے تے
تیرا سر صدقہ ہو قربان جاساں وکھ لئیں گا آپ ازما کے تے
فیر نہیں افسوس سراج کوئی جے تے مراں زیارتاں پا کے تے

مہینوال دا خط پڑھناں تے سوچناں

عاشق یار دا خط کئی وار پڑھیا پیا شکر الحمد گزار دائے
جامے وچہ نہ میوے غریب پیا احسان میرے دلدار دائے
کیتا یاد دلدار نے نویں سروں چیتا بھل گیا بلخ بخار دائے
بیٹھا ہو یا نویکلا ملن دیاں سوچاں سوچدائے ڈھاہیں مار دائے
کوئی نہیں ڈھب ملاپ دا نظر اوندانہ کوئی سبب لاچار دائے
شہروں باہر نویکلا بیٹھ کدھرے آپ ڈھاوٹا آپ اُسار دائے
کدی دلی لاہور نوں یاد کردا جیوں گجرات اوناں پہلی واردائے

چم چم کلیجے دے نال لاوے پیا بھڑکدے سینے نوں ٹھار دائے
گل خط تھیں بوئے وفا پا کے وانگ بلبلان اشک نثار دائے
فراموش گلے شکوے دُکھ ہو گئے فیر سحر شوق اُسار دائے
گھریا دے کویں میں جاسکاں کردا عقل نہ کم دکھیا دائے
پچھاں مالکاں و نچ صلاح کس تھیں حامی کون اج جگر نگار دائے
کدی وطن گھر بار نوں یاد کر کے بے اختیار پیا ہو کے مار دائے
ایہو جہیاں سراج ولوہنیاں وچہ مندہ حال عاشق بے قرار دائے

ایضاً

ویری عشق جہا ندے پیش بیا چال چھڈ گئے ہسنے کھیلنے دے
پہلوں حوصلے دے کے عاشقوں بیڑے عشق سمندر چھیلنے دے
دنداں بھاروگا وندائے انت ویری چھکے دیونداے تروڑ کھیلنے دے
گئے دانگ نہڑ نچوڑ چھوڑے پا کے وچہ فراق دے دینے دے
لاوے اپنا زور تران سارا اونہاں وچہ گرداب سارا دھکیلنے دے
تو بہ بھلی سراج اس عشق آگے جاوے پیش نہ ایس رہیلنے دے

یار دا خط پڑھ کے عاشق دی پریشانی

جدوں ہیر پرنا لے گئے کھیڑے اوہدا رنگ پور رُوح بیمار ہويا
چھڈ کے سارے شان چوہدرا یاں دے ٹلے گردے تے مست وار ہويا
صاحبان کھل نوں خط بنا گھلیا چنوں چوہوئیں چدھڑاں وار ہويا
عاشق مول نہ کنیا موت کولوں نیلی کالڑی پکڑا سوار ہويا
ابراہیم بلخی شاہزادہ سارے فارس دائے تاجدار ہويا
سید ناصر علی اک مرد کامل ولی رب دا وچہ قندھار ہويا
شوہدا مرداسی اک پھلیرنی تے پیسی دلوں اوسدا خدمتگار ہويا
رہندی جھڑکدی رن پھلیریاں دی چوہر مگر کہیا مستوار ہويا
تنگ آ کے اک دن مرجاساں دل زندگی تھیں اوزار ہويا
بھلا اک دن مر کے دس تے سہی جے ہیں زندگیوں ایڈمیزار ہويا
محمود غزنوی پیسی مرید اوسدا جدوں اوہ گلوں خبردار ہويا
کیتا عشق نے اثر پھلیرنی نوں چت اوہدا بھی بے قرار ہويا
آہا دولہ ولی گجرات مزار جیندا اوہ بھی مرد کامل مستوار ہويا
اوہ ملاج چنہاں تے سن رہندے دولا جہاں داسی گرفتار ہويا
اک دن کانگیا واہن چنہاں والا لٹھاں کپراں دا کھڑکار ہويا
ترلا پیا مہانیاں بہوں کیتا غالب امرسی پروردگار ہويا
بیڑا روہڑ ملاج غم ناک بیٹھے جھرنے واسطے جمع پروار ہويا
دولہ وی بھی سن کے گل آیا غمی یار دی ویکھ لاچار ہويا
کڑی قاصدہ ہتھ پیغام گھلیوس رانجھا سندیاں سار تیار ہويا
لیکے جوگ بابے گورکھ ناتھ کولوں ونج رنگ پور دادھوئیں داریاں
نیت ہو رکھ ہے میریاں مایاں دی آجے توں نہیں خبردار ہويا
کہیا موڑ نہ سکيا صاحبان دا بھانویں راویوں قتل اورار ہويا
جدوں کن پیا سدا یار والا راج بھاگ تیاگ بھکھیار ہويا
کہندے نیں پنج ہزار مرید اوہدا ہر اک اولیاء شمار ہويا
دبے رہے نہو وندانت اوہدے ایہو کم سی لیل و نہار ہويا
اک دن روکے اوہوں کہن لگا چنیاں میں ڈاڈا بے قرار ہويا
کہیا ہس کے اگوں پھلیرنی نے میاں مرن تے کم دشوار ہويا
عاشق جر نہ سکيا بول اوسدا چھرا مار حیاتوں پار ہويا
کیتی خوب تجھیز و تکلفین اوہدی قبہ اک عظیم تیار ہويا
آہ مار حیاتوں پار ہو گئی کٹھا دوہاں دا اک مزار ہويا
رانی نام ملاحاں دی وٹھڑی سی پیسی اوہ اُسدا خریدار ہويا
پورٹھیلدے سن مزدوریاں تے ایہو کم سی رات دھنوار ہويا
قدرت رب دی کچھ نہ سرت رہ گئی ونجھ لگنا بہوں دشوار ہويا
ٹھہ لے کے تے اپنی جند سارے بیڑا غرق چنہاں وچکار ہويا
اوار زرق سی اوہناں بچا ریا ندا اوہ بھی لے کے خضر فرار ہويا
لگی چوٹ غریب دے کالجے نوں نمہوں جھان پیسی اوہدا یار ہويا

کوئی کم لگا کھاں ذمے میرے ہاں دلوں میں فرمانبردار ہو یا
 جاہ جھٹ دریا چنہاں تائیں بیڑا اوس وچہ گم ندر ہو یا
 ہو یا خشک دریا تے لہجہ پوسی بیڑا جو غرقاب شکار ہو یا
 اٹھیا آکھ کے تے اللہ بسم اللہ لیڑے لاه کے تر ت تیار ہو یا
 ہس کے آکھدا جھلیا کت لگوں جھٹیاں ناں نہیں خشک بحار ہو یا
 سکے یا نہ سکے ایہہ واہن بابا میرا جھٹنے نال وہار ہو یا
 اساں نوکری یار دی دیونی ایں نیک و بدنہیں سروکار ہو یا
 اودھا ویکھ کے صدق یقین کامل جانوس ایہہ پورا تا بعدار ہو یا
 دتیوں ہتھ مہار چنہاں والی لے ہن توں اسدا مختار ہو یا
 اُس دن تھیں لے کے ولی دولہ دولہ دریائی اشتہار ہو یا
 بیڑا کھچ موکلاں کڈھ آندا توڑے اوہ سی بے آثار ہو یا
 کر کے کوششاں طے منازل اں نوں وچہ مستواراں سردار ہو یا
 آس نال دی تائیں نوں حال دیوے صرف امرحق درکار ہو یا
 ایما جدوں دلدار دا پالیندے نہیں کسے کولوں انکار ہو یا
 مارے پھٹ دے پچھان نہ ہٹ جاوے بھانویں دتے سودا سول پار ہو یا
 جیوڑا سوچیا جان گھماوے نوں شوہدا وانگ پتنگ تیار ہو یا
 ہوندا کول تے کوئی صلاح دیندا جدوں ویکھدا مینوں لاچار ہو یا
 ناہیا دوستا انج پردیس کرنی مڈھوں آہیں ساڈا نمک خوار ہو یا
 اج آکے دیکھ کھاں کیڈا اوکھا عزت بیگ تیرا سردار ہو یا
 کیہ دسیں گا میریاں مایاں نوں کیویں عزت بیگ گرفتار ہو یا
 ہتھ نہج آکھیں میرے باپ تائیں میرا آوانا ہن دشوار ہو یا
 ہوسی گلیاں وچہ پھردی سودائی اوہدی آخری وقت خوار ہو یا
 ہائے میں ہتھیارا انج جمیاں کارن مایاں برا آزار ہو یا
 آکھیں اوس نوں دیوے نہ دوس مینوں ساڈا شگن ہی مندے دار ہو یا
 تیرے نہیں سہاگ دے رہیا لائق اوہ مجنوں وانگ بیمار ہو یا

رو کے آکھدا جانیاں میریا او تیرے فکر تھیں میں بیمار ہو یا
 رانی کہن لگی اوہنوں ہس کے تے جیکر ہیں سچا غم خوار ہو یا
 تاہوں میں حیران ہاں سائیں میرے نقصان ساڈا حدوں پار ہو یا
 عاشق جدوں سنیاں امر یار والا نہیں اُس کولوں انکار ہو یا
 جھٹ گزر گیا عاشق جھڈے نوں حضرت خضر غیبوں آشکار ہو یا
 دولا آکھدا بڈھیا کیہ جانیں نہیں ایس رازوں واقف کار ہو یا
 بابا جاہ نہ وقت گھسا میرا گلاں نال نہیں میرا پیار ہو یا
 خضر ولی نوں گل پسند آئی سن کے خوش اوہدی گفتار ہو یا
 باہوں پکڑے لگائیوں نال سینے اج تھیں توں میرا بر خوردار ہو یا
 اوہ شاگرد تے خضر استاد ہو یا قصہ جگ سارے اخبار ہو یا
 دولے شوہ دریا نوں حکم دتا ذرا اس دا بند شوکار ہو یا
 دولہ بودا سخی بغداد دائے بڑا محنتی مرد ہوشیار ہو یا
 بے اولاد برباد ناشاد ہو یا سائل جدوں اوہدے دربار ہو یا
 قصہ مختصر عاشقاں صادقان نوں امرحق وانگوں امر یار ہو یا
 جہاں زندگی یار دی بندگی ائے نہیں اوہاں تھیں کدی اُدھار ہو یا
 مہینوال جد یار دا خط پڑھیا دیگ وانگ اُبال اُبھار ہو یا
 مغل بے درمان حیران تائیں اج یاد زلو خدمت گار ہو یا
 زلو ظالماں اوئے کھلیاں چھوڑ جاسیں تیتھے انج تھیں ناہ اعتبار ہو یا
 زلو میریا پیڑ ونڈا دیا او تیرے واسطے روح دکھیار ہو یا
 میریاں مایاں نیں تینوں ٹوریا سی آہیں توں میرا کاردار ہو یا
 زلوئی جائیں اک پیغام میرا بے توں وطن ول آپ مہار ہو یا
 میری مائی دیاں قدماں تے سیس دھر کے آکھیں قید تیرا بر خوردار ہو یا
 ہوسی نت اڈ یکدی پچڑے نو سجا اوسنوں بلخ بخار ہو یا
 زلو بیلایا اوئے ملکہ مانگ دلوں عزت بیگ ڈاڈا شرمسار ہو یا
 زلو اوس نوں انج سمجھار کھیں عزت بیگ جھلا حدوں پیار ہو یا

مہینوال سی ایہو خیال کردا حضرت عشق غیبوں نمودار ہويا
اُٹھ چل تیار ہو نال میرے تیرے یار تیرا انتظار ہويا
سدن یار تے سوچ وچار کہی چل تکیہ برغفار ہويا
اُٹھ اُٹھ ہن حوصلے پست نہ کراںج نہیں عاشقاں دامعیار ہويا
چنڈ مار کے مغل بیدار کیتا زائل اوسدا فکر نمار ہويا
کیوں قول تھیں بول تے ڈول ناہیں کیوں یاد وطن گھر بار ہويا
تاروشوہ دے چھال لگا دیوں بھانویں وچ رہیا بھانویں پار ہويا
چنڈ عشق دی کھا سراج اُٹھیا تیار پروانے دے بار ہويا

مہینوال دا حضرت دولہ دے مزار تے جاناں

خط یار دا یار نے جدوں پڑھیا دولا ولی دے گیا دربار روندنا
توں بھی دولا دریائی سنیو ناہیں میں بھی شوہ دے پیا وچکار ہويا
جوش فرقت نہ سانبھیا جاندا سو پیا دل دے کڈھ بخار روندنا
جاگ جاگ مردا بچیا غوث دیا زار و زار پیا عاشق زار روندنا
گوشہ لحد وچ نال آرام ستیا آیا سائل تیرے دربار روندنا
قصہ مخضر ولی دی حاضری وچ مہینوال پیا زار و زار روندنا
پچے گئی روندیاں روندیاں شام اوس نوں مضطرب پیا ڈیکاں مار روندنا
کدی رووندنا پکڑ غلاف تربت کدی لے کے منہ دیوار روندنا
دتا ولی نے پاک جمال ستیاں جدوں دیکھیا رات دہنوار روندنا
جاہ دتائی کرم کما مولا تینوں ویکھ کے کھلا دربار روندنا
گلی یار دی ویس وٹا جائیں اگلا چا لباس اُتار روندنا
اللہ اکبر سحر صدا گونجی نسدا گیا شیطان مردار روندنا
توڑے حکم سی ویس وٹا وٹا پھر بھی گوڈری دی کر کے عار روندنا
جاندا دیکھ کے اک حجام تائیں ہو کے اوس اگے منت دار روندنا
تکیا پرت جام گلفام جہیا سوہنا نوجوان لاچار روندنا
کیتا پیا انکار حجام مڑ مڑ عاشق تر لے کر بسیار روندنا
زُلفاں لوڈیاں کولیاں پٹ نالوں نائی آپ بھی بے قرار ہويا
عاشق آکھدا توں کیوں روونا نہیں میں تے اپنی قسمت ہار روندنا
آخر رکھ مقراض حجام دتی مہینوال دا دیکھ اصرار روندنا
لے ہن ضامنوں دیہہ دوا مینوں پڑھ کے فاتحہ جم مزار روندنا
گھسن گھیریاں لہراں دے وچ آ کے الغیث غیاث پکار روندنا
اندروڑ کے تے کٹدا مار کے تے لے کے چٹیاں وچ مزار روندنا
ہتھوں چھٹ گئی تازی دی واگ سایاں موت سامنے ویکھ اسوار ہويا
جاگ دیہہ تسلیاں واسطائی نہیں تے مرجاسی بے قرار روندنا
کویں چپ کردا بھلا درد بھریا پیا جگر دے کر لنگار روندنا
کھلے ماتمی صفاں اسار سارے اوہ ویکھ کے تے بے اختیار روندنا
ہو گئی روندیاں روندیاں رات سرگی شوہدا سوں گیا بے قرار روندنا
میاں بس کر تیرے روونے تھیں تعویذ مرقد تھار تھار روندنا
بانہہ سوہنی دی دتی آغوش اعظم تینوں ویکھ کے صدق سنوار روندنا
عاشق جا گیا پا کے خوشخبری ہسدا اُٹھیا ستا لاچار روندنا
عاشق فاتحہ پڑھ سلام کر کے آیا شہر دیوچہ بازار روندنا
زُلفاں عطر عنبر دیاں پلپیاں سن جاندی اونہاندی ویکھ بہار روندنا
بابا واسطائی میریاں کٹ زُلفاں میں ایہہ سمجھ کے بہار دار روندنا
چچھدا بیٹھ کے کیہ اے بنی تینوں انج کیوں ایں کھلے بازار روندنا
آخر کیے نویکلے جا بیٹھے نائی اپنے کھول ہتھیار روندنا
کجھ کجھ سمجھ گیا اودھی بے قراری اونہوں ویکھ کے انج لاچار روندنا
سڑیاں دلاں نوں ساڑنہ واسطائی رہن دیہہ مینوں ایسے تار روندنا
قینچی چیکدی آکھدی کیوں کٹاں وال وال پیا ڈھاہیں مار روندنا

تو بہ غم فراق نہیں سہیا جاندار و چھڑن وقت پیار تار تار رونا
دھرتی جھڑیاں دیکھ سراج زلفاں ایہو جیسے پڑھ کے اشعار رونا

زُلفاں کٹیاں جاناں تے مہینوال داروناں

بیٹھے اسی بھی کالیاں کٹ زُلفاں ویکھ ماہی دیاں کالیاں کٹ زُلفاں
زُلفاں میریاں ناگناں زہر بھریاں آئیاں بلخ وچ کیاں نوں پھٹ زُلفاں
صرف یار دی اک نگاہ بانگی کر چھڈیاں چوڑ چوہٹ زُلفاں
ہیسن جھلداں پییاں ناگناں کھاون ماند ریاں کٹ کٹ زُلفاں
سنبل عنبری نرم لطیف لچھے ناہیاں کچھ ریحان تھیں گھٹ زُلفاں
جے تے نال نصیباں دے وطن گیوس جاساں وچہ گجرات دے سٹ زُلفاں
ڈیکاں مار کے ماں نوں انج کھساں میریاں لیاں کہہراں نے پٹ زُلفاں
لے لے ہن جاناں مان جوانیاں نوں جانی جو بنوں مول نہ گھٹ زُلفاں
زُلفاں تیریاں دا صدقہ سوینے نی اسی کر بیٹھے صفا چٹ زُلفاں

لے لے ہن یار مبارکاں ہون تینوں ایہہ پھانیاں بنائی رکھوٹ زُلفاں
آکے وچہ پنجاب پریشان ہونیاں عطر مٹ چہ بھنیاں مٹ زُلفاں
اج خاک در خاک گجرات اندر ملک بلخ دیاں لٹا لٹ زُلفاں
منتر یار دے کیل پھسالیں گیاں ہٹ تھیں میریاں ہٹ زُلفاں
ہویاں خاک در خاک گجرات دھرتی دھوڑ دھوڑ ہویاں ملیا مٹ زُلفاں
منہ سرچم کے کچھسی ماں میری کتھے تیریاں کولیاں پٹ زُلفاں
اگوں میں بھی نہیں انکار کیتا جدوں ویکھیا یار پلٹ زُلفاں
رہنی سدا متواریاں مان متیاں شالا سدا دیوانیاں لٹ زُلفاں
کہڑی کہڑی میں گن سراج دساں میرے نال نہیں کیتی گھٹ زُلفاں

مقولہ شاعر تے گدا گرنوں سمجھاوناں

جیکر ساکا یار دی گلی چلیوں سدا اک میری گفتار جانیں
جم جم جاہ سکھاں نال یار دے گھرا پیرن کے اس دربار جانیں
قدم قدم اُتے پھاہیاں لگیاں نی ذرا سوچ کے ایس بازار جانیں
وچہ راہ بلا وسن کئی تینوں کردا اونہاں اگے انکار جانیں
پھوک پھوک رکھیں قدم ایس وادی خوب تاڑ دا قرب و جوار جانیں
سنگی کئی بن جاسنی ٹھگنے نوں ہو اونہاں نہ شکار جانیں
میاں منگناں خیر گھر و گھری جیکر سنگناں مڈھوں بار جانیں
گھر یار دا وچہ دشوار گھاٹی ذرا سوچ سمجھ بر خوردار جانیں
ویہڑے یار دے تلکناں بازیاں نی ذرا ہوش و حواس سنوار جانیں
ارہاں یار تھیں پنج گوہنڈناں نی ہوندا اونہاں تھیں خبردار جانیں
اُوہ نی جوگناں مڈھ فساد دیاں ہو اونہاں کولوں برکنار جانیں

زندہ باد تیرا ذوق شوق طلب اپر سوچ سمجھ بر خوردار جانیں
مشکل گھاٹی کٹھن پینڈا راہ عشق عزم بالجزم دی نیت دھار جانیں
رکھیں خوب سوچھا ڈو کھوڑیاں دا سچوں کھپیوں رکھدا سار جانیں
کریں دوپرا واسطائی بس چپ کیتا میرے یار جانیں
ہیبت ناک حملہ آور ڈاکواں تھیں رکھدا جان اپنی خبردار جانیں
ٹریں اک اکٹڑا واسطائی اپنی اونہاں تھیں کتر مہار جانیں
کتے بھوکنے تے جھڑکاں پینڈیاں نی کاوڑ نہ کریں پتہ مار جانیں
بھلے بھلے اگے بھل گئے اتھے اونہاں وچ نہ ہوشمار جانیں
اتھے کئی ڈٹھے دندان بھار جھڑ دے رکھدا قدم اپنے پاندار جانیں
وار و وار بلا وسن سب تینوں لنگھ چپ کیتا بکل مار جانیں
جیکر ہو سکی دالا کے تے بوہیاں اونہاں دیاں نوں جندرے مار جانیں

اک اونہاں دے وچ مضبوط جوگن اُونہوں ویکھ نہ ہمتاں ہار جائیں
 وچہ راہ بوخڑا بیر ڈاکو سندا اُونہاں دا شور ککار جائیں
 کئی ہو رہی غول مریڈے نی کوئی پکڑ مضبوط ہتھیار جائیں
 ویری ہو رہی اک شاہ زور اگے اوہدا جھل نہ ساکا وار جائیں
 میاں بے شطرنج وچھا بیٹھوں بن خوب دانا کھڈکار جائیں
 وانگن طالباں صادقان رہیں صادق محکم نیت دلیل اُسار جائیں
 مروا ساکا ایسا تاریک وادی تھکدیا رے پاک انوار جائیں
 ہو کے سونیتہ جلوہ یار اُتے ہو ذات وچہ ذات شمار جائیں

دے کے اوس دے مکھ لگام صبروں گردن پکڑ کے ہوا سوار جائیں
 رکھیں سام کچکول نوں کول اپنے اپنی چیر نہ کوئی وسار جائیں
 ٹریں نہ اکلیاں ایس پینڈے لے کے نال کوئی مددگار جائیں
 رکھیں ہتھ تلوار لاجول والی کردا ذکر توبہ استغفار جائیں
 سٹیں چال سمہال کے ڈال یار اچیتا چیتا نہ بازیاں ہار جائیں
 رکھیں شوق ناہیں اٹھاں گھوڑیاں دا ایویں دوڑیاں سر دے بھار جائیں
 مثل نر شہباز پرواز کر کے پونچ یار دے پاک دربار جائیں
 واقف کار سراج دے لگ آکھے ایہدی مت نہ مول وسار جائیں

مہینوال دادیس وٹا کے سوہنی دے گھر جاناں

مہینوال ہتھ پکڑ زنبیل لئی جے ویکھ بھاو نے رب غفور دے نوں
 بھیس بدلنا پے گیاں پری کارن ملک بیت المعمور دے نوں
 نہ سرے عمامہ نہ گل جامہ ویکھو حال اج مغل معذور دے نوں
 زری بافتے عشق دے راستے کیہ دفعہ کر لباس سمور دے نوں
 ونگاں گجرے سجرے ٹپے منے دلوں تجیا شان تیور دے نوں
 گلی گلی گجرات دی چھان ماری کارن لوڑنے درگنور دے نوں
 بیت یار دے ویکھ انوار ظاہر آیا صبر کچھ قلب مجبور دے نوں
 اُچے نال آواز نہ صدا کیسی پاؤ خیر مسافر دور دے نوں
 سدا سکھ کہاریاں بھاگ بھریاں ٹھنڈیاں ٹھریاں روز نشور دے نوں
 مڈھوں تخی کہاراں دا تخی جھگ دیندے آئے نے دان مقدور دے نوں
 عاشق نال آواز صدا کیسی پاؤ خیر مسافر دور دے نوں
 پٹیاں وچ چھپاوناں کیہ بھلا اس جگری زخم ناسور دے نوں
 چھپی جائے نہ اگ بارود اندر کیہ دہناں دود فتور دے نوں
 سوہنی نت اڈیکاں دے وچ آہی کوں بھلدی یا گھنگھور دے نوں
 ٹری پالساں پاوندی مور وانگن آئی لے کے صلے مزدور دے نوں

ہونا پئے گیا خاک در خاک یار مغل بھرے ہوئے ناز غور دے نوں
 متھے تک تے کھری بغل سوہندی اس بچوے بلج دی حور دے نوں
 سڑ سڑ کے مثل انگیار ہو یا جھل جھل کے تا تندور دے نوں
 پھرے شیدائی الفی گوڈری دا آفرین خیال مسرور دے نوں
 ہائے ارمان اج ملکہ پون دساں ویکھے آکے حال مغرور دے نوں
 آخر کر کے طے منازلاں نوں چا جمیاں در حضور دے نوں
 چُندا مول نہ رجدا درد دلیر لدھا ذائقہ وصل للور دے نوں
 سجدا حاجی گل گودا باغ ہر یا شالا رنگ اس پھل حضور دے نوں
 اللہ جین لڑکیاں رنگ رتیاں مان جو بنے جوش بھر پور دے نوں
 ددھے باغ پروار گل گو والا سدا رنگ گلبدن مستور دے نوں
 سوہنی سندیاں بول پچھان لیا دلوں جانچ گئی راز شعور دے نوں
 نیناں وچ نہیں چھپدے داغ اُلفت مٹی وچ نہ لعل مقدور دے نوں
 گھنٹاں وچ نہیں چھپدے مکھ سوہنے رہن چھوڑ دے پرتوے نور دے نوں
 اُٹھی آکھ کے تے اللہ بسم اللہ مولا لے آندا ماہی دور دے نوں
 خیر دیدا چلی اے پان سوہنی اس وصل محبوب دے جھور دے نوں

کھلی آن دروازے دے وچ سوہنی جدوں ویکھیا سونور طور دے نوں
عاشق ویکھیا جدوں لقادیر کوں سہہ سکہ جلوے نور دے نوں
سوہنی یار نوں ڈاہنڈیاں سار جھلیا ویندی حوصلے روح مغفور دے نوں
جے تے ویریاں دو تیاں ویکھ پایا کوں دہساں درد قلمور دے نوں
سوہنی آپ روندی درواں بھری اپر دیوے حوصلے روح مجبور دے نوں
دیکھ اوپر اسانگ لڈکڑے دا لگی چوٹ اگ قلب مجبور دے نوں
ڈگا تاڑ زمین تے کھلا تلا لگے ڈھاہ جیوں رکھ کھجور دے نوں
چیتا ہوش سمہال میں وار گھتی ظاہر کر نہ درد قلمور دے نوں
عاشق اٹھیا جند سمہال مضطر جھل زخم ناسور پندور دے نوں
صنعت نال سراج کلام کردی سمجھن عام نہ راز شعور دے نوں

سوہنی دی گدا گر نال گل

کوں وچ پنجاب دے آ پھا تھوں توں گدا گر دور دیار دیا
تیری طبع نہیں گدا گراں وانگر بچیا لاڈیا کسے سردار دیا
بڑی جاپدی دکھی صدا تیری گلی گلی وچ دکھ کھلار دیا
کیہ وچ گجرات کھڑا بیٹھوں تنہ نہ تھیں بازیاں ہار دیاں
جاگے بھاگ پنجابیاں ساریاں دے بگڑے جگ دے کاج سنوار دیا
اگے طور تے ہو منظور آیاں نیڑے دور انوار چکار دیا
کتھے تاج سنہریاں رنگتاں دا ہد ہد قاصدا سبا دیار دیا
مینوں جاپنا میں توں تے نورازی وچ گودڑی دے چمکاں مار دیا
جاویں ڈول نائیں اپنے بول کولوں چکن والیا ازل دے بھار دیا
تیریاں نعمیاں مست سنسار کیتا زمزمہ توحید ملار دیا
کیہ ذات تے کون ہے بنے نام تیرا دس پنچھی سمندروں پار دیا
پیا کیہ گجرات تھیں لوڑ نائیں دس کملیا حد تھیں پار دیا
جاپے بڑی کوئی شے کھڑائی ہوئی آ بو ہے بو ہے جھاتیاں مار دیا
کھینوئی کیہ پنجاب دے وچ آ کے وطن بلخ بخار و سار دیا
کہڑی جوہ نوں رنگ لگا جاسیں چڑھیوں گھر کے ابر بہار دیا
اج وچ گجرات دے پھریں بھوندا مخنی نکلتیا رب غفار دیا
اج ہور دا ہور کچھ طور تیرا ہواۃ الزخمن دلدار دیا
آفرین مردا ہمتاں تیریاں نوں پالن ہار یا قول اقرار دیا
کری محنتاں یار قبول شالا سچیا عاشقا یار دلدار دیا
گل کھول کے دس سراج سانوں راز مخفیا کسے اسرار دیا

عاشق مہینوال دی حقیقت

راہی بلخ دا میں پنجاب وڑیا ٹریا لے کے کم و پار دا ہاں
دلی کچھ تے کچھ لاہور رہیا ایویں کئی جائی آیا ٹھاہر دا ہاں
آہی سفر دی حد گجرات تیکر ہن واپسی دی نیت دھار دا ہاں
نہ میں خاکی نہ آبی نہ ہاں بادی شعلہ میں نہ چمکدی نار دا ہاں
میں اک لال کمال ہاں دلچ اندرتاب نور کولوں چمکاں مار دا ہاں
جہڑا نور سی طور ظہور ہو یا مظہر پاک میں اس چکار دا ہاں
میرے نال سنگت آہی ڈھیر ساری میر قافلہ اس پروار دا ہاں
اصلی وطن نہیں ملک پنجاب میرا و سن ہار میں جوہ بخار دا ہاں
ایہہ فرض میرے اتے نوکری سی رہیا نگر گجرات سنوار دا ہاں
میرے راز نوں جاندی ہے دنیا مخفی سر خزینۃ الاسرار دا ہاں
میری چاننی جانی مرد ناظر شرمسار نہ میں زنگار دا ہاں
معبود ہاں میں ملائکاں دا مستحق شان بے شمار دا ہاں

آیا جدوں دا میں پنجاب اندر پیا وگڑے کم سنوار دا ہاں
 شیشے وانگ گجرات صفا کیتی دیون والٹرا زیب دربار دا ہاں
 میں ہاں نکتہ خفیف لطیف ازلی لطیفہ عالم امر اسرار دا ہاں
 میر طبع قلندری قادری اے مڈھوں چلیا تیز رفتار دا ہاں
 میں مبدا ظلمت دنیا گویا باعث خلق تمام سنسار دا ہاں
 کاشف داج ہے شان سراج میرا چکار میں پاک انوار دا ہاں

مقولہ شاعر

جائز قول ہے ایہہ مبالغہ نہیں گزر گاہ خالق خانہ دل دائی
 جویں عکس شیشے والا وچ شیشے معکوس قابل مقابل دائی
 آدم سجدہ گاہ ملائکاں دی بالتفصیل ایتھے کم ڈھل دائی
 الانسان خزائنہ الرحمن ایہہ بھی قول اک مرد قابل دائی
 قصہ چھوڑ کے تے کول پاس پھرناں اصلی ایہو مطلب میرے دل دائی
 مدتاں پاملے وچھڑے دو جانی بہناں کول نہ کم عاقل دائی
 دکھرے دل دلاں دیاں پئے پھولن مینوں پتہ حال مضحل دائی
 شمالا خیر ہووے دوہاں دوستاں دی غنچہ پیا قلوب دا کھلدائی
 من عَرَفَ نَفْسَهُ فَقَدْ رَبَّهُ اس گل وچ فرق نہ تل دائی
 ایس رازنوں عقل سلیم چاہیے ایتھے ناقص فکر جاہل دائی
 ایدے شان کولوں منکر ہووے تھیں بیڑا غرق ہو یا عزال دائی
 وحملہا الانسان انہ کان ظلو ماجہو لا عالی شان اس مرد حامل دائی
 چر کے ملے ترساوندے یار دونویں سکد اروح ہراک بسمل دائی
 رج رج کے بھرم مٹان شالانت نت ایہہ وقت نہ مل دائی
 یاراں کول اغیار نہ بھاوندے نیں بھانویں کوئی سکا محرم دل دائی
 ایسا خوش کن روح افزا منظر پیا حاسداں دے سینے چھل دائی

عاشقاں دے پکے ارادے تے صلاحیں

دل را بدل راہ دارہ وانگر یاراں اپنے یار پہچان لئے
 دل کھرے بہہ کے تے چوری گھردیاں تھیں اک دے سن بیان لئے
 بوسے لئے کے تے کیتے دل کو سے رو سے نس گئے اپنی جان لئے
 حق سچ گدا نے خیر پایا آیا دان کرم مہربان لئے
 سکندر آب حیات نے پونچنے نوں ٹریا شوق دا نال طوفان لئے
 بھلا کیہ دریا دا گھٹ جاوے اک بک جے پی انسان لئے
 دوہاں پیاریاں ماریاں ہجر دیاں صدمے آہے ہجروں بے کران لئے
 سوہنی وصل نے کملی کر گھتی بوسے یار دے ہو قربان لئے
 مل مل یارنوں شکر گزار آکھے کیڈے رب نے چاٹڑ احسان لئے
 آکھے رکھ تسلیاں جان میری زور اپنا لا جہان لئے
 مل مل کے ہجر تپائیاں نیں رج رج کے کڈھ ارمان لئے
 دوہاں زخمیاں وصل دے نال پانی دھودلاں دے داغ نشان لئے
 تو سے سان دوئے ہجر دی اک کولوں جھڑی ساڑ زمین آسمان لئے
 قسمت نال کچکول وچ خیر پوندا کھلے کئی زنبیل سلطان لئے
 کالی رات ظلمت دی چیر کے تے پوہتا چشمے تے صدر ارمان لئے
 لکھیا ہو یا سی نہیں نصیب اندر پی گھٹ اک آب حیوان لئے
 کیتا منعم حقیقی نے کرم وافر تنبو ابر کریم نے تان لئے
 پا کے گل گلوٹری دوستاں نیں مٹھے کر کچھ جوش طوفان لئے
 بے خود ہو کے یار دے وصل کولوں جھوٹے مثل سرو بوستان لئے
 بندی صدق تھیں مول نہ ڈول جاسی جگ تھیں دان ایمان لئے

ثابت ہاں اوہناں قولاً کیتیاں تے کیتے سان جو ہتھ قرآن لے
میرے حسن دے باغ داتوں سائیں جم جم عیش جادوان لے
تیری تیری آں جانیاں رکھ نہچا میتھوں سجرے عہد پیمان لے
کیتا ظلم ہے اوڑکا ویریاں نیں ساڈی عمر دے کھس سمیان لے
آئی وچ نہ مخرماں جال میری کتھوں حوصلے بے درمان لے
عاشق آکھدا جانیاں فکر نہ کر رکھ آسرا شاہ مردان لے
جاویں ہارنائیں حادثات کولوں کر دل مضبوط ہرمان لے
کامل درد غذا ہے عاشقاں دی منگ عشق تھیں تاب توں لے
چوری نظر بازاں کولوں دوستاں نیں مٹھے کر کچھ سوز نہان لے
بھارا خوف رقیب دی بھین داسی کتے اوہ نہ گل نوں جان لے
سوہنی آکھدی جانیاں تدھ کچھ جھل سرے تے بارگران لے
توں ہن جاہ متاں بدخواہ کوئی پاز تائیں درمیان لے
آویں بھیس وٹا کے نت راتیں ایہہ سامنے ویکھ مکان لے
چیتا جانیاں سر پر آونائیں مدگار اللہ نگہبان لے
قصہ مختصر رات نوں آونے دے مہینوال کر عہد پیمان لے
دوہاں رو کے الوداع آکھی ضبط کر شعلے سوزان لے
توبہ یار جدائی دی مرض مندی کتھوں ایسا کوئی درمان لے

تیری وچ امان نہیں فرق پایا ویکھ اپنا مہر نشان لے
اج وچہ جو بن گل گل میرا ایہہ لے سانجھ اپنا گلستان لے
قولاً کیتیاں دا دستگیر ضامن لے پال اوہ شاہ جیلان لے
روز حشر دے رووساں جور ماری دست پایہ عرش سبحان لے
صبر شکر کر کے انہاں ظالماں دے صدمے جھل جان ناتوان لے
خبردار زہار نہ ہار جاویں عزم بالہ جزم اپنا ٹھان لے
لَا يُكَلِّفُ اللَّهُ نَفْسًا إِلَّا وُسْعَهَا آیت ویکھ وچ قرآن لے
جگہ خون دی ہو وندارد پیدائیں درد عشقوں بے درمان لے
دتا چھوڑا اہمیاں شکوایاں نوں زیر بار کر اج احسان لے
بجلی وانگ از غیب تھیں کڑک پوسی جیکر راز نوں پاننان لے
جاساں ڈولی نائیں قول بول کولوں ضامن وچ اللہ یزدان لے
کرسی مہربانی مہربان سچا رکھا آسرا رب رحمان لے
تیری وچ اڈیک رفیق میرے حاضر ہووساں اپنی جان لے
بندی رات نوں بھالسی اوٹ تیری ہتھ شوق والا شمع دان لے
لئی تھیں مکان پچھان ساری رکھ نظر وچ صحن دالان لے
نکل آئے بے وس بے تاب آنسو کر چاک دوہاں گریبان لے
قبراں وچ مریض سراج ٹرپن بھانویں ویکھ کوئی قبرستان لے

عاشقاں داملناں تے خوشی

دوئیں آتش ہجر تھیں جلے ہوئے سن آب وصل تھیں اک بجھائیو نیں
گئے قبضیوں نکل جذبات صدری ندی خون دی چا اُلتائیو نیں
دکھی نین چروکے ترسدے سن رنج رنج کے تس مٹائیو نیں
آہے تنگ میدان وچ ملے جانی حسرت رنج نہ اچے مٹائیو نیں
اچے رنج کے ناہ پیار ونڈیا روندیاں الوداع بلائیو نیں
گل گل گلوکڑی پا کے تے ظالم ہجر دی اک بجھائیو نیں
دلوں خوف رقیباں داسٹ کے تے لوئی شرم دی لاہ وگائیو نیں
خزیدار بن عشق دے ہٹ اُتوں جنس روک بروک مٹائیو نیں
قصے دکھیاں دے کدوں مکدے نیں ورتھا درد پئی سنائیو نیں
گل پانہ لوے ننان ظالم دلوں اوس تھیں پئی چھپا ہونیں
اک خاص مکان منسوب کر کے نت رات دی ارٹھ نبھائیو نیں
نامعلوم سراج بجھائیو نے یا تے بچھدی فیر چکا ہونیں

سوہنی دی ننان

رکھی نام ننان سی سوہنی دی لوتی باز بد ذات دارین آہی
 جکوں وکھرا اوہدا اصول ڈٹھاعین حق نوں آکھدی غین آہی
 راتی پھرے تے دے نہ من پاوے گھر گھر پھر دی دن رین آہی
 منگی اوس نہ کسے دی خیر رہندی لاوندی اگ طرفین آہی
 وسدے پٹے اوسدی کارڈھوں جاندی ساحراں سبق سکھین آہی
 اوس کتیاں دے بیڑے غرق کیے اوہدی زندگی نجس کونین آہی
 سوہنی نال سی اوسدا ویرڈھوں دیندی سکھ داساہ نہ لین آہی
 سارے گھر بیسی اوہدی حکمرانی کردی اوہا سارا لین دین آہی
 نہ کواری نہ رنڈی نہ پرنائی نہ جوان نہ بڈھی بے چین آہی
 سدا سن کے تے مہینوال والی سوہنی جدوں آئی خیر دین آہی
 اگ غضب دی چولیوں لب کڈھی تڑکاں ماردی جویں جوائن آہی
 پیڈ وکھر کدی گھگھری چھنڈ دی وی ہوئی غضبوں طبع سودین آہی
 بلی وانگ نجھی کچی پھنڈ گئی چند حسد دی پئی اذنین آہی

ناہی مہر و وفا دی بو اس وچہ بڑی طمع دی ظالم قصین آہی
 تتی ہسدی کیہ اندر ماتماں دے وچہ شادیاں دے کردی وین آہی
 رہندی مل خرید دی جھگڑیاں نوں کسے وقت نہ پاوندی چین آہی
 کیہ بغض فساد کدورتاں تھیں بھری ہوئی شیطان دی بھین آہی
 اوسدے بالکے بالدے پھرن بھانڈ دیندی لاناہ فیہ بھین آہی
 کوہ کن غریب فرہاد اُتے پوہتی ایہو ظالم خونی ڈین آہی
 گل گل اُتے بھنڈی پایہندی سوہنی اوس تھیں بہون بے چین آہی
 اوہدی گل کہہ نہ موڑ دے سن اندر باہر سارے اوہا سین آہی
 تتی ہسدی سی کسے دی موت سن کے کردی شادیاں دیوچہ وین آہی
 آپس وچہ جو کیتی کلام دوہاں گئی سمجھ شیطان دی بھین آہی
 ہلکی گدڑی وانگ ہوانگ اُٹھی مشکل ہو گئی گل پچھین آہی
 غضب روہ وچہ پسینیاں وانگ شوکی دیندی پوچھلی پیر نہ پین آہی
 رالاں سٹ سراج پھر سوہنی نوں لگی اہلیس دی بھین آہی

رکھی دی سوہنی نال لڑائی

رکھی سمجھ گئی نال گدا کوئی بڑی لمی چھیڑی ہوئی اے گل بھابی
 جا کے آکھدی انج چروکئی کیوں کھلی ہوئی ایں بوہے نوں مل بھابی
 چھاپے پانہیں اُتے بھین صدقے میں سمجھ گئی آں تیری گل بھابی
 میں جانی آں صوبو چندری نوں دتے توں سنہیڑے کل بھابی
 کیہ جانی مینوں ایڈ کملی میرا ظاہری ویکھ نہ جھل بھابی
 اگے پیکیاں کرم ونجایاں نوں آئیوں خوب مکا لڑے مل بھابی
 مٹھیے چاک دیئے دن رات رہیں منجی وانگ ازاریاں مل بھابی
 تیتھوں کلکدا رہے بھرا میرا اندر بجھ گیا بل بل بھابی

صداسندیاں بجلی دے وانگ اُٹھ کے دوڑی گئی اے بوہے دل بھابی
 اوہنوں اندر بلا کے پلنگ اُتے لاہ لیندی ادریواں دل بھابی
 ایہ چوہا چاک ای پیکیاں داسد یوئی آپ سنہیڑے گل بھابی
 اج بھیس وٹا کے آپوہتا روڈ بھوڈ ہو کے ساہ مل بھابی
 تیرے جیہیاں لیندیاں سبق میتھوں تھوڑیاں دے جاناں چھل بھابی
 ہن سوہریاں رنگ لگا جاسیں کوئی اوپر لا کے دل بھابی
 کہہ داس کھاں سول ازارتینوں چڑھی گلھ اُتے تیری گلھ بھابی
 چھ ماہ ہوئے تینوں ویاہ اندر اوہدے نال نہ کیتی آ گل بھابی

تینوں اے نہ سمجھتے موت آئی نت سحرے کریں کول بھابی
تیرے گھر والے تائیں خبر کرساں بھوہ نال بھرسی تیری کھل بھابی
راہ راہ دے جھلسن لاڈ تیرے تیرا وچہ چیتے رکھسن جھل بھابی
غصے غیر نوں بھرے بھرا میرے ندی روہڑن کرن کر قتل بھابی
مینوں جا پدائے سسی وانگ توں بھی جاسیں واہڈیاں نال اُھل بھابی
انی وھٹئے لوڈیئے قہر دیئے پوئیں جاتکاں وانگ مچل بھابی
جی جی کر بندیاں رُت لنگھی اے نہیں گیا تیرا ول بھابی
چھڈ یوئی اگے مکالے دا انت کوئی نہ آہن تے ہوش سنبھل بھابی
جہڑا دیہی نوں نت کھرا لٹ دیوے ایہ ہے شہوتی جوش ہتھل بھابی
منگیں غیر دی خیر ایہ کار مندی ناشکرے کریں کول بھابی
ستیاں ساتھ لد اوسی رات ادھی رہسیں ویکھدی چڑھل بھابی
سدا نہیں سر میل دے نین رہنے سدا نہیں ایہ زلف کنڈل بھابی
سدا دند نہیں لڑی موتیاں دی اوڑک جھڑ جاسن ہل ہل بھابی
ہتھوں چھٹیا تیرے نہ مڑے واپس پچھتاو سیں گی ہتھ مل بھابی
سچ سچ آخر جھوٹ جھوٹ ہوئی باطل حق نہ رہے گارل بھابی
بھایوں پچھ لے ونج سراج کولوں جیہا پنجیس جاو سیں پھل بھابی

کسے گل نوں رہے لحاظ کردا میرا ویر امیر عقل بھابی
نی چوہدرا نیے راجے رائے نی اے سمجھ لئے تیرے چھل بھابی
سانوں پیکیاں وانگ نہ سمجھ چیتا متاں ہووی کوئی بھلت بھل بھابی
سمجھ جاہ جے جیوناں لوڑی نی ایں انتاں ایڈیاں تھیں ونج ٹل بھابی
اپر موت تھیں ڈرن نہ تدھ جہیاں راتی چیر ونجن جل تھل بھابی
کسے کم نوں ہتھ نہ لاو نی ایں گل کیتیاں پونی ایں گل بھابی
تینوں دانقی واسطے مت دیئے آگول آکھنی ایں کیتا اے ول بھائی
آرہ جا ایڈی نہ ہو اوہری متاں قہر لوی غیوں ول بھابی
مندے جوش نوں جرتے صبر تے مرشکر کرتے منگ فضل بھابی
دتا جہاں دا کھانی ایں رات دے اوہناں نال نہ آویں توں ول بھابی
اے جس مہمان تے مان تینوں جاناں ایس کروان نے چل بھابی
ایہ حسن جھٹ گھڑی دادو پرالے اوڑک جادناں جو بنے ڈھل بھابی
سدا ہتھ نہیں مہندیوں لال رہنے سدا نہیں جوانی دا جھل بھابی
ایہو ویلڈا وت نہ لہھنا سیں وڈا قیمتی آ پل پل بھابی
آبرو مکار دی عارضی اے اس آب پٹھاں دلدل بھابی
دُنیا کہیا سرور کھیتی آخرت دی واہ نال یقین دے مل بھابی

سوہنی دا جواب

لوتی باز مفسد غماز کولوں کس طور مخفی مدعا رکھے
نی ایہ چاک نہیں میریاں پیکیاں دا ایہ تے ہور اے کوئی گدار رکھے
میرے نال کوئی ہڈاں دا ویر تیرا یوں اٹھنی ایں ارگھ لا رکھے
جے میں خیر گدا نوں پا بیٹھی ایڈی کیہ ہو گئی خطا رکھے
اگوں کسے نوں خیر نہ پاوساں گی چنگا کرتے اج ولا رکھے
گل گل اتوں اُچھل وگنی ایں پوئیں گل میرے دُم چار رکھے
کون چاک تے کہیا اوہ ساک میرا مینوں کھول کے گل سمجھار رکھے

سوہنی سمجھیا تاڑ ننان لیا کوئیں ایس تھیں گل چھپا رکھے
لگی کہن قیمتی ہو کے تے تینوں نظر نے لیا بھلا رکھے
ایوں توں ان بھوندیاں کڈھنی ایں کریں کجھ نہ شرم حیا رکھے
منیاں میں گھر باردی توں سائن میرا کوئی میرا کوئی نہیں سیر لا رکھے
آیا ترس مینوں اوہدی ویکھ صورت اوہدی ویکھ کے دکھی صدار رکھے
بھلا دس کھاں کیہ قصور ایڈا میرا تدھ ڈٹھا پردا جا رکھے
مہنے چاک دے مڑ مڑ دیونی ایں خبرے ہیں توں کیہ بلا رکھے

تیریاں بولیاں تھیں تنگ آ کے تے کتے مر جاساں موہرا کھار کھئے
 لکھاں آوندے نت گدا بوہے کوئی نہیں حساب دی جا رکھئے
 اللہ واسطے مل جاہ عاجزاں تھیں کیہ لینا میں انج ستا رکھئے
 گھر بار سارا تیرا اپنا میں مینوں کوئی نہیں چا مل چا رکھئے
 کہڑی گل میں نال فقیر کیتی کیڑاں رکھنی میں کن چا رکھئے
 ایویں کسے نہ گل تھیں واسطائی مینوں میں نہ رعب جتا رکھئے
 گل گل تے موت سناونی میں کڈھیں جند ڈرا ڈرا رکھئے
 بے شک ڈاڈیاں نے اج وچکھڑیا میری زندگی نوں ستے بھار کھئے
 اللہ واسطے کھاڑے نہ پو میرے خواہ مخواہ نہ پئی ستا رکھئے
 میرے پیکیاں میں کئی چاک رکھے کھیاں نال بیسی حصہ بھار کھئے
 میرے باپ نوں شہر تمام جانے عزت اوسدی بے بہار کھئے
 دلوں کڈھ کدورتاں گندگیاں نوں اپنے جیوڑے نوں دھودھار کھئے
 انی کیتے تیرا علاج ایہو تیرے گل کوئی کڈھلی پا رکھئے
 دھڑ دھڑ کر بندیاں لے جاویں ایویں وڈھ کے جانی میں کھار کھئے
 کڈھھے پوچھلینے نی کسے قہر دیئے تینوں بنسری وچہ دبار کھئے
 ایویں جھوٹھیاں بدراں لا کے تے ان سنیاں نہ سنا رکھئے

رکھی

بھابی پتے سارے تیرے جانی آں میتھوں اک چھپیا ہو یا وال بھی نہیں
 مینوں دس کھاں نی ایہو نال تلے رہیا بھانڈیاں دا بھائیواں بھی نہیں
 مینوں دس کھاں مکر سنواریے نی ایہو رہیا چکا وندا مال بھی نہیں
 چوری مایاں تھیں راتیں چورے نوں دتے چوریاں دے کٹ تھال بھی نہیں
 کیتوئی منہ کالا پیا عمر ساری تیرے ذمے اک نیک اعمال بھی نہیں
 وچے گند گدھی رکھیا ماں تیری ڈٹھی اوس اوہری چال بھی نہیں
 چنگا بھلا معلوم سی اوستائیں بھانڈا بھجنے نوں لنگھناں سال بھی نہیں

مینوں جھل ولڈی جانی میں پچھان لیا مہینوال بھی نہیں
 اہدے نال مڈھوں تری گل آہی میتھوں بھلیا اک روال بھی نہیں
 بھتا لیکے جاندی میں نت بیلے تیرے ایہو مڈھوں چلن چال بھی نہیں
 اہدی پینگھ تے رات دن پینگھ دی میں آیداتی ول خیال بھی نہیں
 شہوت ماریے لاڑیے جاندی میں سر تے ویکھدا اپیا جلال بھی نہیں
 طمع دھن نوں وات نہ واہو سوچھیا اوس کولوں مشقال بھی نہیں
 چنگی نہیں جیکر میری دھی رانی چنگا کسے پاسوں چروال بھی نہیں

جدوں گندگی دا بھج گیا بھانڈا جاتوس ایہ بن چھپدا حال بھی نہیں
تله پچھیا تے اگوں ڈسک کہندی میاں دسنے دے لائق حال بھی نہیں
ناہے جان دے گھر جے صاف ہووے کسے غیر دی ہوندی مجال بھی نہیں
لون رکھ پنسیری دی سٹ مارو کون آکھسی ٹٹسی تھال بھی نہیں
گھر رکھ کے ساہن اربیلوے نوں فیہ پچھیا پرت کے حال بھی نہیں
بھیڈاں کھاوسی پاڑ بگھیا ٹخونی سدسا سمنے جیکر ایال بھی نہیں
چٹی پگ نوں داغ جو لگ جاون لبندے فیہ اوہ بجیاں نال بھی نہیں
رہیا آج جہان دیوچہ ایسا غیرت مند کوئی مرد رجاں بھی نہیں
عمر کھپ گئی کیدو تے چوچکے دی وٹھی ساہووے ہیر سال بھی نہیں
اوڑک ٹھگ بنارس چھڈ جاسی دیسی جان دیاں کنڈو کھال بھی نہیں
دھمی کوچ دا ڈاڈیاں حکم دتا اُف کرن دی رہی مجال بھی نہیں
ایہ تے اوہناں دی گل اے رُوپ رنگے جاتا جہاں خیال خیال بھی نہیں
سدا نہیں نخریلوی لٹک رہنی سدا مور لٹور خلخال بھی نہیں
سدا سرخی نہیں دنداسڑے دی سدا ہونٹ رہنے سوہے لال بھی نہیں
سدا تازگی نہیں رخساریاں تے سدا دندرہ پھل پال بھی نہیں
سدا قد نہ رہے گا سرو وانگوں سدا ایہ رہنی بانکی چال بھی نہیں
اوڑک گل شباب دی شمع ہوئی ہونے سدا پتنگ حلال بھی نہیں
جدوں سروں پچھوایں نے ڈھل جاناں فیہ ہونناں کسے لوال بھی نہیں
سدا شاہ نہ رہن گے شاہ کڑیے رہنے سدا کنگال کنگال بھی نہیں
خورشید اقبال کمال پوہتا ایہ کمال آخر الکمال بھی نہیں
مڈھوں گردشِ فلک دی چال ایہو ڈیگر پئی تے دور تر کال بھی نہیں
سدا نہیں معشوق رہنے سدا عاشقاں ذوق وصال بھی نہیں
سدا سوہنیاں نہیں آزاد پھرناں کٹے قیدیاں سدا جنجال بھی نہیں
سدا نہیں جوانی دی طرز بانکی سدا عمر معصوماں دی بال بھی نہیں
سدا بھکھ نہ رہے گی بھکھیاں نوں سدا غنی نال مال بھی نہیں

اکھیں ویکھدی رہی کرتوت تیرے تینوں ٹھاکیا اکھ وکھال بھی نہیں
جھانٹا پٹ کے پٹیا فند ماری اوہدے وانگ مکارا دھال بھی نہیں
بھا بھی دس کھاں نی تیری بدر پچھے دتا اوہناں نے مار نکال بھی نہیں
بھابی بکی لیکھے اوہ بھی مرد نہیں سی پہلے دن جھلے سوچی چال بھی نہیں
نرے بادے اوس بنا ڈٹھے جانے کجھ حرام حلال بھی نہیں
میں حیران ہاں دس نادان تائیں آبی جگ دی یاد مثال بھی نہیں
آخر چاک نے چاک لنگار کیتے رہیا تلتے دے ہتھ رومال بھی نہیں
چاکاں پٹ تریاں سٹیاں نیں گل کسے کولوں ان بھال بھی نہیں
بھابی جہاں نوں چاکاں بھی لائی لیٹی سکيا انہاں نوں کوئی سمہال بھی نہیں
کڑیے حسن اُٹھ پاہر پروہناں اے سدا جو بے بھناں نال بھی نہیں
راتی آن مسافراں بھار لاہے بیٹھے رجاں پیاں نال بھی نہیں
رکھے خواب خیال بھی کجھ معنے ایہ جو بناں خواب مثال بھی نہیں
سدا نہیں سرمیلوے نین کھیوے سدا ایہ الیملوے چال بھی نہیں
گلہاں سدا نہ وانگ گلاب رہن سدا مکھڑا ماہ جمال بھی نہیں
کٹ کٹ سدا نہ کھاوَن نانگ پیشر رہنے سدا عطر بھنے وال بھی نہیں
کڑیے سدا نہ چھنکن ہتھ ونگاں سدا انگلیاں مہندیوں لال بھی نہیں
سدا حسن دی باغ و بہار نائیں سدا بلبلان دی قیل و قال بھی نہیں
سدا نہیں دکان تے بھیر رہنی سدا رہنا حسن و دلال بھی نہیں
سدا راج نہیں راجیاں دے رہندے سدا بلند اقبال بھی نہیں
باغ دہروچہ سدا نہیں اک موسم سدا ہاڑتے سدا سیال بھی نہیں
ایہ طرازیوں سب سپہردیاں ماضی ماضی تے حال حال بھی نہیں
جھر مٹ سدا نہ رہے پروانیاں داچرے سوہنیاں تے سدا جھال بھی نہیں
جس جو بنے تے سوہنے پھرن کھیوے اس جو بنے سدا کمال بھی نہیں
سدا سکھ نہیں سدا دکھ نہیں سدا عیش تے رنج و ملال بھی نہیں
سدا امن نہیں سدا عذر نہیں سدا صلح تے جنگ جدال بھی نہیں

سدا جگ نہ رہے گا اک جیہا سدا کال تے سدا سو کال بھی نہیں
سدا توں بھی نہیں سراج روناں ہسناں سدا حسو دچنڈال بھی نہیں
روڑا جہاں غریباں نے جالیائے اوہاں صابراں تے سدا کال بھی نہیں
سدا رہے گا اک جوانت اکو اوہدی دانئی وچہ زوال بھی نہیں
رُٹھے یار نہ رہن گے سدا رُٹھے خالی جاوناں سدا سوال بھی نہیں
رنگ لگسن انت سراج ساون کھیتی آس دی سدا نڈھال بھی نہیں

سوہنی

سچ مچ جے سچ ہی کچھنی ایس سینہ چیر کے تینوں دکھاوئی آں
اوہدے نال میرا پیار پاک دامن گن رات دن اوسدے گاؤنی آں
میںوں موت دا ڈرنہ دس رکھئے کدی موت تھیں ڈرنہ دکھاوئی آں
زخماں میریاں دا مہینوال داروں مرہم اوسدے نام دی لاوئی آں
ہو یا کیہا ج کنگ نے کوچ پکڑی غیر جنس تھیں پئی گھبراوئی آں
اڑگئی شاخ چنیل دی نال ککر جسہ کنڈیاں نال چھلاوئی آں
میں لڑی سچی سچے موتیاں دی پئی اپنی آب و نجاوئی آں
نال زاغ دے پنجرے قید ہوئی دتار ب دا وقت لنگھاوئی آں
ٹاکی ریشمی بھورے دے نال سیتی اس سنگ تھیں پئی شرماءوئی آں
ہو یا کیہا ج قید بے وس ہو کے اپنے وطن نوں پئی سدھراوئی آں
میں چن آئی ہوئی گرہن اندر ایہ گھڑی ہنے گزر جاوئی آں
اگے پیکیاں ہووسی گھٹ کیتی ہن تساں نہ نویں سکھاوئی آں
جاہ کر لے جو کجھ ہووندائی بس ایس نے گل مکاؤنی آں
دستگیر دی دھیر مرید تائیں اوسدے قطب نوں سیس نواوئی آں
میرا خان مہینوال قدیم دائے اوہدی چاکنی میں سداوئی آں
واصل ہو تصور یار دے وچہ پئی وصل دا لطف اٹھاوئی آں
مہینوال دے اک جمال اتوں لکھ لکھ میں جان گھماؤنی آں
تیرا ویر میںوں زہری تیر دے سے چاہے بھادنی یا نہ بھادنی آں
ہنس راج دی میں ہاں ہنس رانی کاں سمجھیاے اوہدی کاوئی آں
انت مالیاں ککرنوں پٹنائیں ایسے آس تے پئی نبھاوئی آں
انت جاوناں موراء دی چنچ اندر گل کھوتیاں نہ سہاؤنی آں
اوڑک ہنس میرے ماہی منس اونائیں چیکاں ماردی پئی بلاؤنی آں
بارہیں ورہیں ارڈری نوں رنگ لگن ایسے آس تے پئی نبھاوئی آں
انت مالکاں مال سمہالنائیں ایس گھر میں جھٹ پراہوئی آں
ایہ آئی ہوئی سرتے آزمائش دکھی جیوڑے نوں سمجھاوئی آں
میںوں وقت وہاں نہیں ہتھ اوند اڈولی بہن تائیں پچھوں تاوئی آں
داہرو ہووسی پیر بغداد والا جنہوں دم دم نال بلاؤنی آں
میری لاج سراج ہتھ لچالاں دتا جہاں دارات دن دکھاوئی آں

رکھی

ہلا بھلا ہو یا بھابی پتہ لگا تینوں خوف نہ کوئی رُسوائی دائے
اپر یاد رکھیں توں بھی گل میری جے تے کجھ میںوں اثر مائی دائے
ٹھہر ٹھہر توں ایڈی نہ پوکا ہلی سنیاں بول کھرا تیری سائی دائے
بڑا چر ڈٹھا تیریاں حرکتاں نوں چت نواں نویں پرنائی دائے
گل اصل دی تاں ہی لہدی اے جے تے کسے نوں ذرا چنڈھائی دائے
چیتا توں بھی رکھسیں عمر ساری خیر ہنچ گداناں پائی دائے
کیتا پیا لحاظ بھرا والا پیناں پیا پر خون بھر جائی دائے
جی جی کریندیاں جھ سکے میں شرم پیا کیتا بھائی اے

ہو یا پک ہن نہ سمجھیں گی چایا ذمہ تدھ بے حیائی دائے
 کسے کم نوں ہتھ نہ لاوئی ایں چتہ برا کوئی اللہ ونجائی دائے
 اڑیاں جھلیاں جائنکاں وانگ پیاں گل گل دے نال ولائی دالے
 دھمیں نال تدھ کڑی دے اٹھدیاں ہی پہلوں ہتھ تے منہ دھوائی دالے
 تیری نیت پلینت نوں جان لیا ساتھوں کر نہ ہن کھوائی دائے
 اندر پلنگ اُتے موہندی پئی ہوئی سیس سایہ ہو وندا جو یں بلائی دائے
 بھابی ایڈ موکالیاں جرن مشکل ساتھوں ایڈ نہ قہر پچائی دائے
 نی بے شرم کو پتیئے ڈب مریں مندا اتنا کو یں میائی دائے
 تینوں بھل جاسن چسکے یاریاں دے انج نہ شرم حیا ونجائی دائے
 ارج گل دس چھڈساں بھائیاں نوں میتھوں ہن نہ بھیت چھپائی دائے
 تیرے نال میں سرے دی کھید جاساں میتھوں ودھ نہ سر کھپائی دائے

سوہنی

سوہنی آ کھدی ٹھاک ناپاک جھ نوں چوہر آ کھنی ایں بے دوسرے نوں
 جھاتی گھت کھاں عشق دے قلعے اندر ویکھ اوں سلطان دے جھوڑے نوں
 دند بک نہ رہیا وات اندر لایوئی منہ جدوں بھانڈے کوڑے نوں
 گیاں دھم سرشاریاں لوں لوں وچہ چکھیا جدوں میں عشق سموڑے نوں
 صابر ہوز کرئی نبی وانگوں سر جھلساں عشق دے چوسڑے نوں

رکھی

تقیے کھریے کسے بلائی دیئے نج گھر ساڈے مندے دار آئیوں
 کبھی لتھی ایں آ کے ساہڑستی پت شرم حیا و سار آئیوں
 پرایتھوں ہن سکی نہ جاو سیں نی اگے اوہد ہی لاڈ چھنکار آئیوں
 جتیاں نال نہیں تیرا دل گیا سدھی ہو سیں جے ہتھ لوہار آئیوں
 کریں میں میں بکریے خودی بھرے کیڈے بھ کے کبر ہنکار آئیوں

تدھ افندیاں ہی باں بال چھوڑے برے وقت اتھے بلدی نار آئیوں
 تہی سوہریاں تیتھے اُمید رکھنی جیہا پکیاں نوں اگے تار آئیوں
 ہڈی اک نہ رہی ثبوت تیری پڑاں بھاریاں دے وچکار آئیوں
 بھنسی نال ہتھوڑیاں ہڈ تیرے چھڈی تاں جے بھ کے تار آئیوں
 لاہسی چھری پٹھی کھل کھری تیکر ایسے ظلم دے توں درکار آئیوں

تندی بن کے ہتھ اُستاد چڑھیں گندگی رگڑے سیبہ اُتار آئیوں
جدوں چڑھیں گی سارگی وانگ ڈھا کے ہستی کن پٹا سنوار آئیوں
کھا کھا نہاریاں ہٹکنی ایں پوڑ مار دی دھرت تھر بار آئیوں
کشتی کرنوں اتھرے قہر دیئے میرے نال ہتھ پٹاں تے مار آئیوں
رستم جیہاں جواناں تے میں غالب دلوں بن توں اسفندیار آئیوں
منے جگ اُستادیاں میریاں نوں توں نہ وچہ سنسار آئیوں
ثانی توں نہیں میریاں پٹھیاں دی میرے نال توں کیوں ونگار آئیوں
نی موکا لئے چھوٹے ٹوپیے نی گندی پیو دی کردستار آئیوں
چیتا کر تیریاں سڑھاں چھک لیاں جے تے ہن کوئی قہر گزار آئیوں
ہیسی جنم ہی کوئی پلینت تیرا قدم قدم تے گند کھار آئیوں
ہن تے شرم کر شہر تے جگ دیئے پت ہونج کے سٹ بازار آئیوں
ابس چار دن دی کوڑی زندگی تے کیڈے بھنڈ پھنڈ اُتار آئیوں
تیرے مگر پیادیاں لٹک چڑھیا جاسیں کدے جے ہو فرار آئیوں
اوڑک ہک دن اوہناں حساب لیاں جہاں شاہاں دا کھا اُدھار آئیوں
ورق ورق تیرا دفتر عمل گندا خالی چھڈ نہ صفحہ زہار آئیوں

سوہنی

سوہنی آ کھدی ٹھاک زبان جھپتے متاں سمجھیا تھنول ہووے
وانگ کانگ دماغ نوں چٹائی جویں پڑ پاٹا ہو یا ڈھول ہووے
تیرا دارو ہے چھوٹے قہر دیے ان تجھیا گول مول ہووے
کسے وقت نہ طوطے ساہ کڈھیں تیرے وچہ دماغ دے اول ہووے
بے شرم پڑ پاپیے بے تپے کریں پھس پھس جویں گھڑول ہووے
نی میں جانی آں ماواں دھیاں اندر میری نت رہندی پرچول ہووے
مینوں لئی پھر دا نگہاں اپنا جہڑا ہر ویلے میرے کول ہووے
ایویں بھلت وچہ پدیئے دُم چھنڈیں نال زرشہ باز کیگھول ہووے

خبردار جے شان دلدار اندر کریں ادب تھیں باہر جو بول ہووے
چیک چیک کے مغز اکائی جویں سنہیلی جیہی کنکول ہووے
خبرے تاں کجھ ٹھیر کے رہے اتھری دلوں وقت تیری رہندی رول ہووے
تڑ تڑ سنوادیے وچہ پون جتیاں تاں ول تیری ذرا خول ہووے
تینوں ول نہیں گل کرن دا بھی تکیں نہیں جو بول قبول ہووے
ایویں کہندیاں ہو بکوں پار کرے جیکر ہتھ دیوچہ پستول ہووے
فاللہ خیز حافظا اوہدے امر دیوچہ نہ ہول ہووے
ہڈی اتنی چکنے کتنے نی جتناں اپنا تران تے تول ہووے

نراں نال مقابلے سخت ہوندے بھگی لوسڑیے توں متاں ڈول ہووے
 جس دھرت تمام نوائی آسن اوہوں کی رستم کولوں ہول ہووے
 ویکھاں لئی پھر دی چین ویر اپنا لوہلا داند جویں بگھلول ہووے
 گدا گراں نوں کرم حضور وچوں قسمت نال بھریوندا جھول ہووے
 کڈھ بخل کدورتاں من وچوں جیکر تدھ ڈٹھا میرا ڈھول ہووے
 اوہدا عرش محتاج تے فلک شیدی نازاں اوس اتے راج دھول ہووے
 میری جال نامحرماں وچہ آئی پکڑی قمری جویں چنڈول ہووے
 جہاں شاہاں دی میں گمشتی آں اوہدے حوصلے وچہ نہ ہول ہووے
 مَسْبَقَتْ رَحْمَتِي عَلَى عَقَبِي اوتھے دھن دا انت نہ تول ہووے
 جنس میں بھی کوتھری نہیں گھلی توڑے مڑمڑ پئی پھول ہووے
 میری گندگی کرے گی صاف رحمت جھڑی نت میرے ماحول ہووے

دھیے نال کھڑ باجیاں جائیں کھاندی ظاہر اپنا چول چول ہووے
 کیہ خوف ابلیس خبیث دائے جیکر ہتھ وچہ تیغ لاجول ہووے
 رکھے من جا خالی ہی پرتناں سوچہ ڈھیا خیر جے پکڑ کچلول ہووے
 اوہوں سونے دا خیر ہی ملدا دے جدھے ہتھ سونے دا ڈول ہووے
 جاویں بھل تصویر منیر یوسف جلوہ حسن تھیں طبع رنجول ہووے
 کرسی دار سرکار بخار دائے توڑے اج پیاد انا ڈول ہووے
 سدا نہیں میں بے سمہال رہناں اوڑک کھڑے ہوئے مال دی ٹول ہووے
 بے ہمتیاں نال حساب کرسی جھڑا بے حساب نزول ہووے
 چڑھدا اوہ نہیں سرے سامیاندا ایسا جس شاہوکار دا قول ہووے
 لیکھا میرا ہی نکلسی ذمے شاہاں جیکر میرے حساب دی پھول ہووے
 کیہ حشر دا خوف سراج تائیں جیکر یار مدنی جیہا کول ہووے

مقولہ شاعر تے سوہنی تے رکھی دا بھیر

مرد و عارفو گل نوں خوب سمجھو ایہ نہ بھیر نناں بھرجائی دے
 بھائی ساکا اوگل گل اندرتیوں جاتکاں وانگ سمجھائی دے
 اوّل پینترے پچھ اُستاد کولوں تاں جاگلیا لک وچہ پائی دے
 خبردار عدو دے وار ولوں نال دا دے وار گھسائی دے
 ڈھلے بھار ہو یاں ویری وار کرد اس جنگ وچہ کم کلہائی دے
 پہلے روز دا اہدا تے ویر تیرا جتھوں جمیاں بین لوکائی دے
 اس کنیاں شہ زوراں دی کنڈ لائی مشکل ایس دی کنڈ نوں لائی دے
 مرد ساکا اہدے گراوے نوں اوّل کشتی دا ول پائی دے
 سیوا کر کے گورو تھیں گرسکھئے تاں ایس دی مد وچہ آئی دے
 توبہ ایس ملعون دے دا ایسے اُتے پیٹھیاں بھی گھبرائی دے
 توڑے جانے ایس دا ساہ کیا پھر بھی ساہ وساہ نہ کھائی دے
 الغرض سوہنی رکھی دوہاں جنیاں چھڈ یا انت نہ کوئی لڑائی دے

ایہ ہور ویری شاہ زور دونوں فخر دوہاں نوں اپنی سائی دے
 مرداں ہار مقابلہ کھڑا کر کے پوے سرتے کنب نہ جائی دے
 کریئے گوردی ٹہل ٹکور کافی تاں پہلوان سدا ئی دے
 بھارا بھار پہاڑا الٹ دیوے موہڈا ذرا جے پیٹھاں نوائی دے
 پٹ پٹ کے سٹ دا چت ظالم جے تے گردن پکڑاڑائی دے
 بھیتو ایہ چروکناں کھو چری اے انہوں ناز اپنی دانائی دے
 ودھیا ہو یاں حوصلہ ڈھیر اہدا اوکھا اسدا وار بچائی دے
 کیتا ہووے جس کامل نے زیر اسنوں پہلوں او سنوں گڑ کھوائی دے
 لافقا شاہ زور نوں سور لیے تاں ایہ مردود گرائی دے
 توڑے ایس دی چھاتی تے جاہئے پھر بھی ویسرا ہونہ جائی دے
 قصہ مختصر ایس دے مارے نوں کامل مرد کوئی حامی چاہی دے
 بیسی ہکی نوں عشق دی لاج بھاری شرم دوسری نوں اپنے بھائی دے

رکھی آکھدی سوہنے پی کے تے توں پلپیت کیتا شرمائی دائے
 بھابی میں حیران آں ایس گلوں تیرا عقل کوئی عجب سودائی دائے
 سوہنی آکھدی رکھئے بس بھی کرکھا ہدا مغز تہہ کسے بلائی دائے
 ہک وار بے اگے میں دس چھڈیا فیر فند کہیا اُتوں لائی دائے
 میں بے ہوڑیا بھابی نہ سد بھابی اُنجیں لیپ نہ ساتھوں لوائی دائے
 ماہی نال میرا وعدہ ازل کنوں ہو یا رُوحاں تے جوڑ کڑمائی دائے
 اُس روز اوہدا میرا جوڑ ہو یا جھڑا روز میثاق بلائی دائے

عمر کھپ گئی توں نہ باز آئی چتا برا کوئی اللہ ونجائی دائے
 راج چھوڑ کے اونہاں نوں لوٹنی ایس کاسہ پکڑیا جہاں گدائی دائے
 جہڑی ہک واری گل سن لئے اونہوں مڑ مڑ نہ دھرائی دائے
 مہینوال دی مہینوالنی ہاں مینوں ناز اوہدی خدمت چائی دائے
 میرا کجھ نہ لگے بے ویر تیرا تینوں کہیا چال بھر جائی دائے
 جہڑا کر بہوے وعدے نال کسے فیر وعدیوں نہ بھوائی دائے
 کسے طور سراج نہ موڑ ہووے کاتب ازل دی قلم وگائی دائے

سوہنی کولوں مہینوال دا ودعیا ہوناں تے نت راتی آون دا وعدہ

قصہ مختصر وصل دا خیر لے کے عاشق یار دا پا لقا ٹریا
 چوری ڈردا حاسداں ظالماں تھیں ماہی رنج نہ گلے لگا ٹریا
 گھر ساہورے یار دے جا عاشق چنگ وچہ بارود دے لاٹریا
 سدا رنگ کمہاریوں روپ متیاں گداگر سنا صدا ٹریا
 سوہنی سمجھیا پیا فساد جیکر بس خون دا وگ دریا ٹریا
 کر کے یاد ارشاد دلدار والا خوب تھاں مکان پکا ٹریا
 سخی حاجی گل گو دا باغ ہریا جاندی وار دُعا سنا ٹریا
 بیت یاردی چوکھٹ نوں چم کے تے سب ادب آداب بجاٹریا

گل پا نہ لوے ننان ظالم دلوں اوس تھیں کر لکا ٹریا
 پھر بھی اوس مردود نے بھانپ لیا جھڑی گل دا کر چھپا ٹریا
 دھراہ دھراہ کمہاراں نوں ڈھاہ لگی ایرے پٹ بنیاد ہلاٹریا
 نظر باز طراز نے تارڑ لیا عاشق ستیاں کلاں جگا ٹریا
 کہوس نال اشارے جاہ جانی عاشق یار دا سمجھ ایما ٹریا
 خوب دل دلاں دیاں جاندے نیں نت رات دی ارٹھ بناٹریا
 چٹے چانن کمہاراندی من داڑھی ایت وار دا وار بٹاٹریا
 جانے رب سراج پھر کدوں ملسی اے حال تے ہو جداٹریا

ساقیا

آ آ آج نشہ پلا مینوں ساقی ترے میخانے دی خیر شالا
 ہائے روز جنون نہیں بہن دیندا وچہ پنجرے تنگ بیتاب وحشی
 مینوں اپنا کر کے رکھ لہ المدا اے ابن السبیل پرور
 ہویم جنگلی چھوڑ آباد بستی چکیا ماریا درد مصیبتاں دا
 مسال مسال آج وحشی سراج چھٹا جال جال پنجرے دیاں تیلیاں نوں

خبرے واسیوں کیوں گھبراوندائے ہووے تیرے دیوانے دی خیر شالا
 ساقی وسدیاں تے خیر باد میری میرے واس ویرانے دی خیر شالا
 خضر خضر پکاراں پھراں نیلے میرے ورد زبانی دی خیر شالا
 لکھ لگ نہ جائے ناموس تائیں میرے عالی گھرانے دی خیر شالا
 جاپنچیا اے اپنی وچ سنگت ہووے ازلی یارانے دی خیر شالا

ایضاً

ساقی چل ویرانے دیوچہ لے چل بستی وچہ دیوانے داکیہ ہووے
 چل ساقیا چل آباد کریے رل کے دونویں اک جھونپڑی ندی دندے
 چٹی چاننی وچہ وکھان کرتب تختہ آب تے روح افزا لہراں
 ملاں تنگ دل مول نہ ویکھ سکے حاضر مٹکیاں ہون شراب دیاں
 مئے نوش جد پدی مدہوش ہووے کرے شروع دلدوز ترانیاں نوں
 ہووے کانگیا ہن تے پین کپر زلف یار وانگر ہووے رین کالی
 وحشی واسیوں ہو بیزار گیا متاں بن وچہ لگدا جی ہووے
 اک توں ہوویں اک میں ہوواں تریجی کول انگوردی دھی ہووے
 کڈھن منہ آبوں حیوانات آبی کردی قہر میری سادگی ہووے
 دیویں توں تے میں نہ بس کراں مست روح میرا پی پی ہووے
 ایویں لب پی نکلے جھونپڑی تھیں ایسی جندڑی سوز جلی ہووے
 پھرے پیا سراج بریتیاں تے ورد خضر ولی ولی ہووے

ایضاً

شاد شاد ابد الآباد منزل روح پرور فضا سکون بخش
 آیا دور تھیں سن سخاوتاں نوں خالی ٹور نہ سائلاں واسطائی
 اک جام تھیں بنے گا کیہ میرا ساقی میں مئے نوش بلا دا ہاں
 ہووے رشک جنت تیرے آوئے تھیں میری ایہ اجاڑ ویراں بستی
 اللہ کرے تے رہس بہار تازہ ودھے ایس دربار دی ہور زینت
 میری لاش تائیں کفنا کے تے کتے وچہ ویرانے دے رکھ دیناں
 کچھ تلچھٹ ہی ساقی لیا کے تے میرے وچہ پیمانے دے رکھ دیناں
 سارا چک میخانے دایمخانہ میرے وچہ پیمانے دے رکھ دیناں
 یار اکدی اپنا قدم ناز بھریا میرے وچہ کاشانے دے رکھ دیناں
 تینوں جیکر ملے سراج جنت اوہ بھی وچہ میخانے دے رکھ دیناں

دل دی آواز

میرے دل تے وادی طور اندر عجب جیہی اک کشاکش ہم سفری اے
 اے اے اے اے اے اے اے اے اے اے اے اے اے اے اے اے اے اے اے
 اوہ برباد شدہ جلوہ ایمنی ایں ایہ خراب شدہ غزہ کافری اے
 گو قلم سراج قادری اے ایہ فیضان وجدان سب انوری اے

مقولہ شاعر

یارو عشق بھی عجب استاد ڈٹھا ایسا عاشقان درس پڑھایا سو
 گھر بار چھڑا کے مسجد اُتے مجنوں مثل کریر سکایا سو
 مہینو لڑے نونہا لڑے دا ایسا غیر تھیں لڑ چھڑکایا سو
 عاشق پایا جدوں ایما دلبر پھر سبجرا مون منایا سو
 وای چھوڑ عاشق ہو یا بن باسی چت وچہ اداسی دے آیا سو
 بندر تر وڑ جگت دیاں بندشاں دے وچہ اپنے دام پھسایا سو
 چوہدرا نیاں کھس کے رانجھتے تھیں جھنگ سیالاں دے چاک سدوایا سو
 بیٹھا چھوڑ گجرات بھی یار کچھ جھنڈا ونج دریائے لایا سو
 امر من کے یار دلدار والا ڈیرہ پار چنہاں لگایا سو
 نیلے وچ بلی کارن ندی دے دندے اک جھونپڑ ونج وسایا سو

آہی اپنی جہ قدیم بیلا جتھے مال نوں پیا چرایا سو
عشق پاک دی وچہ کمال لذت لذت غیر نوں نند گویا سو
دھن جان ناریاں یار اگے ایما پاندیاں سر نوایا سو
جان باز شاہ ابن علی وانگر وطن کرب و بلا بنایا سو
ایس بیلوے شیر مریلوے سن بھارا اک اکیلے چایا سو
ایہ ادہا گجرات دا بیلوئی بیل دی دل نوں خوب سمجھایا سو
ہو کے فرد نوں کلا جگ کولوں آسن بیٹھ جہان نوایا سو
پہلوں مرن تھیں موت خرید کر کے ونج شان بقا نوں پایا سو
بیٹھا مل کے اپنا آشیانہ یار آستانہ دکھلایا سو
گیا خوف ہراس سرانج جس دم ناد علی نوں پڑھ دگایا سو

پارلے بیلے مہینوال دا ٹھکاناں تے رہناں

قصہ مختصر یار تھیں ہو رخصت عاشق پار چہاں تھیں جا بیٹھا
موئے جیوندے تھیں فارغ ہو کے مستغنی اندر استغنا بیٹھا
بھواں صاف کر کے جٹاں چھوڑ دتیاں متھے تک یقین لگا بیٹھا
سب لذتاں خواہشاں تروڑ کے تے دھونی یار دے بوہے اُما بیٹھا
چلے عشق دے پیا مہینوال طالب نوری شکل دلدار پکا بیٹھا
راتیں کالیاں تے بیلے وچہ وحشی نال وحشیاں وحش سہا بیٹھا
گوچہ گردیاں چھوڑ سر در دیاں نوں گوشہ گیر ہو کے مستغنی بیٹھا
پتن چھوڑ اڑتی ٹھہرا تے جھنڈے عشق مہینوال لگا بیٹھا
شمع جتھے بھی بلے جمال دیوے اگے دل پتنگ سودا بیٹھا
ماچھی ویکھ ملنگ دی جھونپڑی نوں کھندے کوئی مثال جگا بیٹھا
مچھیاں والڑی چڑھن نیاز لگ پئی خضر باکا موج بنا بیٹھا
اونہاں ماچھیاں سمجھیا وچہ بیلے کوئی خضر دئے آشنا بیٹھا
عاشق بے نیاز نیاز کولوں ہو کے مرد کامل بے ریا بیٹھا
ادھی رات کدھی ندی چندر بھاگا خضر ولی دا شوق جگا بیٹھا
اک دن سیر نوں خضر ابدال چڑھیا ڈٹھا جھگی وچہ مرد خدا بیٹھا
خضر راہ نما مسافراں دا کلی دیکھ فقیر دی آ بیٹھا
عاشق مست تصور یار اندر پیسی ہوش حواس گوا بیٹھا
چرکی ہوش آئی عاشق مرد ڈٹھا کوئی ملک نوری اولیا بیٹھا
وہی چھوڑ کے موڑ کے کھ جگوں ڈیرہ لب دریا لگا بیٹھا
مست ہو کے بوئے توحید اندر آسن بیٹھ جہان نوا بیٹھا
والا بیٹھا رند مرد کامل مرغ آرزو نوں دا لا بیٹھا
چھوڑ کل پاندیاں جگ دیاں عاشق درس مجاز دے جا بیٹھا
کھناک کن مچ سچ کے تے دسویں دوار نے سانس چڑھا بیٹھا
اودھے واسطے رات دہنوار آہی دہنوار نوں رات بنا بیٹھا
لئی یار لئی مل واسی رنگ آبادیوں ہو خفا بیٹھا
پوہتا اثر شکاریاں ماچھیاں نوں کامل آ کوئی مرد خدا بیٹھا
اودھی جان جوئی سی عشق کامل فانی ہو کے پا بقا بیٹھا
مچھیاں پھرن تے آن نیاز چاہن خضر آ کھدے ویس وٹا بیٹھا
طالب ہو کے یار ہویں والڑے داحصہ یار ہواں عاشق ونڈا بیٹھا
نذر پیردی پیردی نظر رکھن اللہ والیا دیہ دعا بیٹھا
خضر ولی دا بن مہمان لاڈا طلب طالباں وچہ طلبا بیٹھا
خضر خضر پکاردا پھرے بیلے جدوں تھک پیا فیر آ بیٹھا
گوشہ گیر حقیر جہان نند کے کوئی سچلی لو لگا بیٹھا
ڈٹھی جھگی تھیں نکدی لب پئی کوئی عشق تھیں جان جلا بیٹھا
کوئی سار نائیں مست ملنگ تائیں خضر کتنی وار بلا بیٹھا
صافی شکل فرشتیاں نوریاں دی آسن کول ملنگ جما بیٹھا

عاشق اُٹھ کے ولی دے قدم پیچھے فیر ادب تھیں سیس جھکا بیٹھا
 خضر ویکھ کے اوس دا صدق کامل جاتا ایہ ذبح جفا بیٹھا
 دتی خضر از غیب دی خوشخبری مردا عاشقا عشق پکا بیٹھا
 عاشق سن بشارتاں خوشی پائی لوں لوں وچہ ذوق رچا بیٹھا
 عاشق جھگی وچہ پا کے راز مخفی دلوں بن کامل پارسا بیٹھا
 بیلے وچہ ملنگ دا گرم دھواں آپ تپیا جگ نوں تا بیٹھا

رنا مار ڈھاہیں کھلیاں کر باہیں اگے خضر دے کرے کہا بیٹھا
 دے کے حوصلے اتے تسلیاں جی کہند اوس نوں من ٹھیرا بیٹھا
 تیری سوہنی چہاں وچہ آن ویساں پیار رب دا نام دھیا بیٹھا
 خضر دے دُعا رواں ہو یا تیر ہدف تے بے خطا بیٹھا
 ماچھی نذر نکاوندے مچھیاں دی نذر طلب فقیر ونڈا بیٹھا
 دان خضر الیاس سراج لے کے سدا خیر دی کرے صدا بیٹھا

عاشق دا مقام

قصہ مختصر لامکان ہو یا لامکان عاشق لاکین دا گھر
 طاہر سدرہ شناس پرواز کر کے گیا چھوڑ روح الامین دا گھر
 صدقے اوہدیاں طے منازل تھیں پا پوس جا اپنا علیین دا گھر
 ملاں نوریاں حوریاں تاڑ لیا چندر بھاگاتے نور جبین دا گھر
 ملکہ بنت اسلم آ کے اج ویکھے اپنے خان کرسی نشین دا گھر
 آوے آپ منالے جائے آکھے چل وسال ملکہ غمگین دا گھر
 توبہ توب اس ویری دی غاصبی تھیں ایسے طرح آیا گے چھین دا گھر
 لکھال ایس نے گھروں بے گھر کیجے اپنا کوئی نہیں ایس بے دین دا گھر
 یارو ایہ شطرنج فریب دُنیا پیدا کھسے پیا فرزین دا گھر
 بد نصیب چھڈا حسن تقویم رتبہ اپنا کرن اسفل سافلین دا گھر

حیطہ چھوڑ بہیمیت ملک خاصہ بیٹھا مل جاعرش بریں دا گھر
 پونج عالم بالا تے مرد ناظر پیا تارڈا کسے حسین دا گھر
 بیلے وچہ چہاں دے آ کے بھل گیوس بلخ زمین دا گھر
 ہائے ارمان بے درد دیوار سقفوں عزت بیگ بلخی ماہ جبین دا گھر
 بھلتاں نکل جاوس کاہنوں چھوڑ آیا اپنی مالگ اندو بکین دا گھر
 تیرے باجھ خالی پیا ہو یا بچیا تیرا سنگ مرمین دا گھر
 ظالم عشق نے حسن دے بھیج ڈاکو لیا لٹ کسے مسکین دا گھر
 عنایات رکھے مساوات قائم ویکھے نہیں کافر مسلمین دا گھر
 کوئی نہیں کسے نوں درد خدا جانے وسے اُجڑے کسے اُدین دا گھر
 آفرین سراج مشتاق پاؤں جوار رحمت ربی علیین دا گھر

بیلے وچہ مہینوال نے جھگی بنالئی

چکیا ہو یا عشقدا آڈکا بیلے وچہ مہینوال بے حال ہو کے
 گیا قال مقال تھیں لنگھ اُتاں مردِ حال ہو یا اس حال ہو کے
 ماہی گیر فقیر دی ویکھ جھگی قید میں آ ڈگن پانچمال ہو کے
 ماچھی مچھیاں پھرن نیاز دیوں دلوں تابع صدق دے نال ہو کے
 بیٹھا مل جاگیر فقیر کامل سارے جگ تے قلم سمہال ہو کے

کلی لب دریا بنا بیٹھا تارک مرد جکوں فارغ بال ہو کے
 لیندا پیا ملاحاں تے ماچھیاں تھیں حصہ اپنا ولی ابدال ہو کے
 منتاں نال چڑھاوندے پیش منتاں عاشق مست رہندا مال مال ہو کے
 حصہ بار ہواں لوے ونڈا مادھو مست ابدال دالال ہو کے
 سنسار تے حکم چلا بیٹھا بے ریا عاشق کنگال ہو کے

موئے جمے دے سوگ تے چالماں تھیں گوشہ گیر فقیر کمال ہو کے
دے رووندے پھرے بریتیاں تے راتیں تڑپدا خاک حلال ہو کے
بیٹھا روپ بنا کے کالماں دا یملہ رند مضبوط خیال ہو کے
لذت عشق نے ہجر دی پالیدہ درد مند سراج مہینوال ہو کے

مہینوال دانت راتی دریا چیر کے سوہنی کول اوناں

قصہ مختصر وچہ چنہاں بیلے عاشق اپنی کرے گزران یارا
راتیں جال رکھ آوندے وچہ جھگی مہینوال دی کرمان یارا
دھو آں گرم ملنگ دا ویکھ ماجھی بھن مجھیاں کھان کھوان یارا
بناں یار طعام حرام جا پے مشکل بہت ہسکلیاں کھان یارا
جاوے چیر دریا نون نون راتیں پونچے یار دے پاک مکان یارا
ساری رات اکھڑے رہن بلی مئے وصل دا پین پلان یارا
تازہ لے کباب جناب اندر جاوے نون عاشق نیم جان یارا
سوہنی لے پریم دی شمع نوری ہووے درتے آپ دربان یارا
وکھرا ہک مکان دالان نالوں جتھے سوہنی دی گزران یارا
سوہنی شام ویلے شام آونے دا سارا کر رکھے سامان یارا
کردی رہے خوشامداں پیار بھریاں صدقے گئی تیتھوں مہربان یارا
تیریاں شفتتاں بندہ نوازیں دا کراں شکر میں کس زبان یارا
وے میں جانی آں تیری ذات اُتے رکھدے فخر آہے افغان یارا
صدقے گئی میں تیریاں مایاں تھیں روندے ہووے ہائے ارمان یارا
عاشق ہس کے آکھدا گزر گئی نوں فیر یاد کرناں نقصان یارا
ستے پھٹ نہ وت ڈکھا میرے اگے زخم ناسور جریان یارا
تیری چاہ چاہ نسیان پایا دربار شاہ سلیمان یارا
تیرے پریم صدقے کیوں لے آواں شاہی تاج نوں وچہ دھیان یارا
ایویں نازی نیاز دے شغل اندر دونویں بیلڑی رات لنگھان یارا
ایسے طرح نون بھن کباب آنے رل کے کھان تے من پرچان یارا
ویری جان دے مول نہ جان سکے مہینوال والا آون جان یارا

ماجھی شام ویلے فارغ ہو کے تے او تھے رکھ آون سامان یارا
حصہ فقر دا دکھ کر کے عاشق مرد وی نذر چڑھان یارا
ننت دن چڑھے نال جار ہندے کرن خدمتاں ادب بجان یارا
مجھیاں مجھیاں بچھیاں بھن راتی ہووے یار دیول روان یارا
دکھڑے ہو کے ویریاں حاسداں تھیں دونویں بیٹھ نوکے کھان یارا
دھمدی نال مہینوال روان ہوندا فیر رات دا کرے پیمان یارا
فرض عشق دا کوں قضا کردا پاک باز عشق مسلمان یارا
سیفی تیز لاحول دی کول رکھن رویا رہے رقیب شیطان یارا
ملاقات ہووے او تھے بیلیاں دی کوٹھے دوسرے سس ننان یارا
اوندے یار دی دھوڑ غبار جھاڑے کرے سفر دی دور تھکان یارا
میں قربان تیتھوں چاہڑی جاؤ ناہیں سربندی دے ڈھیر احسان یارا
میں کون کلاہنی نچ ذاتوں خاندان تیرا عالی شان یارا
بدھا قولوں دا خاک در خاک ہوویں میں قربان گئی دے قربان یارا
شالا کدی نہ تلے داناں سندوں اوندوں کدی نہ اوہدی دکان یارا
تیرے اک جمال دیدار اُتوں سٹیا وار سارا خاندان یارا
نہیں رہی رفو دی کوئی اُمید باقی چاک چاک اتنا گریبان یارا
تیرے پاک جمال تھیں وار چھڈے شاہ جہان جیسے سلطان یارا
مان شان توہیں تقویٰ تان توہیں درد تے توہیں درمان یارا
ہووے صبح دا جدوں شعاع ظاہر گل لگ کے وداع فرمان یارا
خوف جان دا مول نہ جاندا سی وصل مست کیتا مغل خان یارا
کٹھے رہن نوکے رات ساری نگہبان ہسی نگہبان یارا

چھ ماہ گزر گئے عیشاں مان دے نوں عشق لین لگا امتحان یارا نکدرا رہو سراج ہن یار اُتوں کرسی کوں سریر قربان یارا

ساقیا

آ ساقیا رخوں اٹھا برقعہ دیہ دو نشے دے جام بھر پور کر کے ہوواں بے سدھ جان جہان کولوں چھوڑ دیہ مینوں مخمور کر کے
وہن عشق چنہاں دا ترن مشکل پوچاں پار دریا عبور کر کے تیرے پاک دربار سراج آوے خطرے سفر عشق دے دور کر کے

ایضاً

عشقا دس کھاں کیہ وصول کرسیں مینوں اتنا خانہ خراب کر کے اے جاپدی آ کوئی کسرباقی مینوں مثل سیماں بے تاب کر کے
کیوں نہیں منظوریاں پائیاں میں تیرے درتے نذر شباب کر کے اویں آج سراج دربار تیرے اپنا چیر سریر کباب کر کے

مہینوال دانت راتیں دا وظیفہ

عاشق حسب معمول دستور اپنے تازہ نت کباب تیار کردا جان نثار کامل وفادار عاشق راتی شہہ دریا نوں پار کردا
پونج در دلداری تے بے ناغہ عاشق شکر الحمد ہزار کردا رل کے کھاوندا عیش مناوندا سی داروں درد دا پیا پیار کردا
گزر گئے انجیں چھ ماہ نہ اوس نوں عاشق قضا نہ کدی زہار کردا مینہاں پالیاں جھکڑاں جھانجھیاں وچہ ناہ پرواہ شیدی جان نثار کردا
دے اک اکلڑا وچہ جھگی رات یار دے نال گزار کردا دلداری بھی وچہ اڈیک اوسدی کھلا رہے بوہے انتظار کردا
گا ہک دید دا عشق بازار اندر سراں دھڑاں دے پیا و پار کردا متھنا نال پہاڑ دے لا کے تے کئی انگلاں پیا پیار کردا
گیاں شوخیاں بھل جوانی دیاں کدی یاد ناہ گزری بہار کردا ہو گیا نت معمول سراج اوس دا راتی نت دریا نوں پار کردا

دریا وچ کانگ تے مچھی داناں لبھناں

اک روز تقدیر قدیر سیتی ڈاہڈا مینہہ پہاڑ تھیں پار ہويا وہن کانگیا کپراں شور پایا پانی واہنیاں پار اورار ہويا
کسے دردی دے درد تھیں فلک اچا اتنا رو کے بے اختیار ہويا سکيا جھل چنہاں نہ اتھرواں نوں آخر کانگ بن کے نمودار ہويا
جھلی گئی نہ کانگ چنہاں کولوں اتنا مینہ کوئی زوردار ہويا منیاں پھس گیاں دھنہاں پھٹ گیاں لٹھیاں کپراں کھڑکار ہويا
مچھی ہل گئی کانگ دے زور کولوں مشکل لبھناں بہت شکار ہويا مہینوال کنگال نوں بنی اوکھی جاناں یار دیول دُشوار ہويا
جاوے ڈھونڈا ٹھار ٹکانیاں نوں پھرے پانیاں وچہ خوار ہويا جاتوس آج نہ ملے گی مول مچھی بے قرار ڈہڈا بے قرار ہويا
بے آس ہراس اُداس بھوندا ہاؤ نیرسی بے کنار ہويا کدھروں ہتھ نہ مول شکار آوے پھر پھر کے بہوں لاچار ہويا
رو رو آکھدا مالکا بھامیرے کیہا آج کوئی مندا وار ہويا جاواں کوں دلداری دے کول خالی نہیں ناشتہ شب تیار ہويا

نالے مینہ طوفان تے تیز جھانجا کالی رات انھیر غبار ہويا
 اگے نت کباب لے جاوندا ساں نہیں اج تیار شکار ہويا
 نہیں عشق نماز قضا کرنی پکانیت دے وقت اقرار ہويا
 جاواں ناں ایہ بھی نہیں ہو سکدا میری زندگی دا معیار ہويا
 ربا بھا یتیم دے کیہ بنسی جے اج نہ جمالِ یار ہويا
 میں تے جاتا سی صدق مسافراں دا منظور تیرے دربار ہويا
 پھر بھی تیریاں بندہ نوازیں دا میتھوں مول ناں انت شمار ہويا
 عشقا تیریاں لطف کریمیاں دا ڈھیر سر یتیم دے بھار ہويا

مہینوال دا پٹ پاڑناں تے کباب بناوئے

عاشق سوچدا لوچدا پھرے مچھیاں ڈاڈا کنگ نے کم وگاڑیا سو
 ہوندا پیا کوہلو جاوئے دا شعلے عشق خرمن صبر ساڑیا سو
 پھر پھر جدوں نا اُمید ہويا عشق دھک جھگی وچہ واڑیا سو
 توڑے لاغری پھر بھی یار خاطر کولا ماس وجود دا تاڑیا سو
 جتنے نت کباب لے جاوندا سی اتنا پریم تر کڑی اُتے ہاڑیا سو
 بندھ پٹیاں پٹ تے دبھ دیاں پھٹ ہو را گیر کڑے پھاڑیا سو
 منصف ویکھ دیوانے دا عزم راسخ ظالم نفس سرکش چھاڑیا سو

مہینوال دا سوہنی کول پونچناں تے سوہنی نوں پٹ چیرے دا پتہ لگناں

عاشق چیر سریر کباب کیتا ہويا خوشی تھیں رنگ انار یارا
 سانجھ سکر کباب بیتاب عاشق ہويا بندھ کے وابل تیار یارا
 بدل رات ڈراونی مینہ جھانجا نالے بجلی دا چکار یارا
 پیا ماردا خوف لڈ کڑے دا جاوندا دوڑیا تیز رفتار یارا
 سردے پیر بنا کے ایس منزل نصب العین پونچن راہوار یارا
 خطرہ مار دا عشق اُستاد کولوں کھاندا پیا طفل برخوردار یارا

آخر جھاگ مصیبتاں سفر دیاں جا پونچیا درِ دلدار یارا
 سوہنی شام تھیں شام داوچہ بوہے کردی گھلی آہی انتظار یارا
 ویکھ یارنوں شکر ہزار کردی سینے لگ ہوئی ٹھنڈی ٹھار یارا
 عاشق آکھدا پار اورا سارے ہو یا مینہ کوئی موسلا دھار یارا
 بیٹھے پلنگ تے نال آرام عاشق رکھے کھول کباب وچکار یارا
 سوہنی بھن کباب تھیں منہ پاندی لقمہ چکھیا سواک وار یارا
 کھندی سچ دس ہے ایہ ماس کہیا اگے وانگ نہیں مزیدار یارا
 ڈاڈا بے سوادڑا منہ ہو یا خبرے کیہ آندا ای اج مار یارا
 عاشق ویکھ کے یار دلدار اگے زار و زار نا ڈھائیں مار یارا
 اگے یار دے پھٹ الٹ دتا جاری خون پر نالیاں ہار یارا
 روند بس نہ کردا درد بھریا جامہ صبر ہو یا تار تار یارا
 روکے آکھدا دکھی دے ماس کولوں تھکاں سٹنائیں ہو میزار یارا
 اجے نہیں سوادتاں جند حاضر ہتھیں اپنی مار کٹار یارا
 تیتھوں جان قربان نہیں فرق کوئی داماں بابجہ دکھی جانثار یارا
 سوہنی ویکھ کے پھٹ نہ رہی ثابت ڈگی ہوش حواس و سار یارا
 کدی زخم ویکھے کدی یار ولوں سوہنی پئی کندی تھار تھار یارا
 وے میں گھول گھتی قربانیاں تھیں حدوں لنگھیا تیرا پیار یارا
 واری گئی توں کیڈا خوار ہو یوں تیتھوں وار چھڈے کمہار یارا
 سوہنی پاڑ دو پٹے نوں ساڑ کے تے بھرے یار دے زخم لنگار یارا
 ہاں وے عاشقا صدق صفا دیا تیتھوں گھول گھتی لکھ وار یارا
 میں بے دام غلام مدام تیری والی توں میرا نامدار یارا
 اپر رکھ نہچا جے میں رہی جیندی جاساں دھوونے دھو ہزار یارا
 گن گن لاہوساں بھاجیاں تیریاں نوں سربندی دے تیرا اُدھار یارا
 تیری ہومرساں ڈبساں یا ترساں جاساں تیرے اُدھار اُتار یارا
 میں قربان جیوں اج توں کھیڈ چھڈ یاور لے کھیڈن انج کھڈکار یارا

فرط خوشی تھیں روح بے وس کولوں نعرہ نکل گیا بے اختیار یارا
 اَلَا نَتَظَاۡرُ اَشَدُّ مِنَ الْمَوْتِ وانگر کر لے دماں دا پئی شمار یارا
 صدقے گئی کیوں بھلیاں دیر کیتی رہی جان ڈاڈی بے قرار یارا
 لہجے ٹانگ کوٹانگ ناں کانگ کولوں منیاں پھسیاں نال اُلا ر یارا
 گل پاگل کڑی یار دونوں اک دوسرے دے ہم کنار یارا
 لگا ماس بے ذائقہ تھک سٹیا اونویں منہ وچ پاندیاں سار یارا
 آوے اوپری کوئی ہوا اس تھیں ایہ کیہ آندا ای اج شکار یارا
 سچ دس ایہ کیہ بلا کہی آندی بھن کے تدھ سنوار یارا
 پٹ پٹیاں پٹ تھیں سٹ گھتیاں چا کھولیا پھٹ کھنبار یارا
 لہو چلیا ہر ہر ساندے تھیں رتو بھریا پلنگ نوار یارا
 اتنی بے پرواہی تے نہیں چنگی بے پرواہ میرے غم گسار یارا
 بھلا ہو دی سواداں نوں لوڑنائیں بے نیاز میرے خونخوار یارا
 اساں لوڑنائیں تیرا رضانا منہ میرے سوہنیاں دے سردار یارا
 زندگی سستے مٹل چکا بیٹھا تیرا بن کے تے خریدار یارا
 چرکی ہوش آئی ویکھے پٹ وچوں خون وگدا وانگ نساں یارا
 آخر ہو بے تاب تے پیر پکڑے وانگر کسے عاصی گنہ گار یارا
 جھپتی پھٹ تے پٹیاں سٹ لڈ رڑھ گئی دیا دکھیاں یارا
 بھرپور جوانی تباہ کیتی ملک بلخ دے راج کمار یارا
 ڈاڈی ہو کے بے قرار رُنی گل لگ کے جاتکاں ہار یارا
 اگے نالوں بھی تیریاں جتیاں دی سوہنی ہو گئی دھوڑ غبار یارا
 او گنہار کم ذات کلائی تے تیریاں بھلیاں دا نہیں شمار یارا
 عزت پت جوانی تے جان اپنی جاساں پریت تیری اُتوں وار یارا
 قولوں میریاں داد گنیر ضامن جان اپنی جاساں صدق تھیں کدی ہار یارا
 سنسی جگ کہانیاں میریاں نوں پوسی جگ دے وچ ہکار یارا
 آفرین تیری ہمت عاشقانہ عجب کر چھڈی تدھ کار یارا

اج تھیں توں نہ چیر دریا آویں میں آملساں تینوں پار یارا
 راتیں چیر چہاں نوں کول تیرے نت آوساں پک اقرار یارا
 عاشق آکھدا ندی چہاں جیہی راتیں چیرنی بہوں دشوار یارا
 اوکھا پاڑناں نیر چہاں راتی ایہ بہوں مشکل جیہی کار یارا
 سوہنی آکھدی توں میرے آونے دا فکر کر نہیں غم خوار یارا
 پرہاں موت تھیں کوئی نہیں دیس دوجا فیر خوف کیا بار بار یارا
 دلاں نال مقابلے عشق اندر سراں دھڑاں دے ہون و پار یارا
 تتی پریت شطرنج وچھا بیٹھی کچی نیت دلیل اُسار یارا
 دستگیر دی دھیر فقیر تائیں بیڑا دیو سی پار اُتار یارا

مہینوال دا سوہنی نوں سمجھاوناں

بڑا اوکھا اے مجاز چہاں چیرن ایہ کم ہے نفس نوں ماریاں دا
 وحدت بیلڑا سوہنی پارندیوں او تھے پونچناں کم بہوں تاریاں دا
 کپر کڑکدے نیر نوں پون چھلے تھلے بچند جوش ہلاریاں دا
 مجھ کچھ سنسار تے ناگ بائٹک حملہ ہو کر روڑ ہتاریاں دا
 بیٹھے مل کھاڑے دھاڑے مارویری دھک لگناں کم نیاریاں دا
 سالک نال توکل دے ٹھل پوندے اللہ آسرا صدق سنواریاں دا
 توبہ ٹھلناں ایس دریا مشکل ایہ کم ہے عشق سنگاریاں دا
 بیلا خاص مقام ہے سوہنی فی ہور سنگتاں کل وساریاں دا

سوہنی دا جواب

سوہنی آکھدی سالک سچ آکھیں ایپر جتنی بھی ہمت سری ہووے
 اونہاں نہیں خطرہ بائٹک بلنہاں دلچہاں جنتی تے اُدھری ہووے
 اوہدے صدق یقین نوں انت فتح جس نے جان اپنی سستی کری ہووے
 جے تے پار وسینڈے دلبردی اگے اکھیاں دے جلوہ گری ہووے

نفس مارناں کم پیغمبراں دا میں منیاں کار کھری ہووے
 فیر مرن تھیں ڈرن کیہ جانیاں او جے تے جان مر نوں پوند مری ہووے
 جے تے ڈب گئی تال بھی بھاگ جاگے تے پار چڑھی بھاگ بھری ہووے
 پار پونچناں فیر آسان ہوندائے بھائیں لکھواری ندی بھری ہووے

شالاعشق میدان وچہ عاشقاں نوں راہ برعشق والی راہ بری ہووے
پیر پاوناں تے ڈر جاوناں کیہ بھلا ایہ کہڑی دانشوری ہووے
ہولی کھڈیئے اپنے خون دی تاں کھیتی آس مراددی ہری ہووے
یار پارلا کدوں دیدار دیوے جے تے جان لہراں کولوں ڈری ہووے
پرت دیکھناں کم ہے کچیاں انداں نیمہ سچیاں سچ تے دھری ہووے
ہست نیست سراج یکساں جہاں اوہناں ایس منزل بہرہوری ہووے

ایضاً

مہینوال کولوں سوہنی رورو کے پار آون دی گل منوالی اے
نازیر پلپلا شہزادیا عشق پچھے تدھ ذات صفات لٹائی اے
میریاں مایاں نہیں انصاف کیتا پئی خدمت بے بہائی اے
اوہناں مندیاں بولیاں صبح شامی توں سمجھیا میں دُعائی اے
دوہاں جانیاں جا کے رات ادھی کدھی اُتے اک ارٹھ بنائی اے
عاشق آکھدا سوہنے سن میتھوں تینوں ملن دا ڈھب بنالیے
ایس میدان وچہ سس ننان کھوجی ذرا اوہناں تھیں کھوج بچالیے
ٹھلن لگیاں ایس دریا اوّل استقبال دا تلہ بنالیے
ٹھلن لگیاں سوہنے بسم اللہ پہلوں اپنی داہل سترالیے
پکا گھڑا کسے کچی دکان گھڑیا پہلوں ٹھوک و جا کھڑا لیے
جھاگ بیلہ مارو پھر شوہ تارو ٹلہا حق یقین بنالیے
مہینوالیا ویکھ ہن صدق میرا توں تے اپنی حد دکھائی اے
مہینوال چروال کنگال کاماں ساری بدنامی سرتے چالی اے
گندگی بھری گجرات دی چائی پھریوں شرمندگی جگ دی چالی اے
میں کون ناچیز جیہی کہہاری تیرے عشق نے سوہنی بنائی اے
مہینوال نے پار چنہاں اوسنوں اک جھنگی دی سیدھ دکھائی اے
اُٹھ کے چپ چپا ترے رات ڈھلدی کل ہار سنگار لگالیے
بھیت پا نہ لوے ننان ظالم ہوش رکھے گل چھپالیے
چوری سس ننان گواہنڈناں تھیں یار پارلے دیول جالیے
جدوں پیر گھتے پچھوں ناں تکیہ اگوں دیکھئے تے منزل پالیے
پھر ہتھ پکے دونوں پا کے تے اوہنوں ہک دے نال لگالیے
پئی پار دلدار دی جھوک دے نظر عین یقین ٹھہرالیے

ایضاً

عاشق رو کے اتھروں چو کے تے سوہنی نال کچھو یلائی اے
بیلے وچہ بہہ کے دونوں بیلیاں نے جیون مرن دی مرضی پکائی اے
اک دوسرے تھیں جانی وداع ہوئے ساری گل پکا مکائی اے
عاشق یار دے استقبال کارن پار دل دی سچ وچھائی اے
نہ رہے بلخ بخار گجرات چیتے بس بکی دی لو لگائی اے
میں پردیسی دے واسطے جانیاں توں ایہ عشق سختی گل پالئی اے
ترنگڑ کھیتیاں تاریاں پڑھی شبا ادھی رات گواہ بنائی اے
سوہنی راتی راتی بیلا چیرنے دی اک دکھری سیدھ پکائی اے
پتن چھوڑ ملاحاں تھیں دور پرہاں اک جھنگی وچہ جھگی بنائی اے
جنگل بار سراج ویران بیلے اپنے دل دی دنیا وسالئی اے

سوہنی دے جذبات تے اوناں رات دا

چوراں ہا سوہنی سرگی گھر آگئی سونہ لے آئی نیلے پار دی اے
 عشق برق انداز دی لہر دیوچہ پئی نویں جذبات اُبھاردی اے
 کدو رات بیتے کدو دن لنگھسی لمبی جا پدی وتھ دہنوار دی اے
 لنگھی رات اڈیکدی دن چڑھیا نبض جاگ پئی کل سنسار دی اے
 سچیاں وعدیاں والیا رب سچیا ایہو عرض بندی گنہگار دی اے
 توں آپ ہی مالکاں دل ساڈے ماری ہوئی گنڈھ پیاردی اے
 گھر والے کھاراں نوں ہو ردھندے فکر اپنے اپنے کاروبار دی اے
 بت گھر وچ چت دلدار دے دل نیلے وچہ پھردی ٹکراں مار دی اے

آئی لیکے تاب توں تازہ لوں لوں گرمی وصل یاردی اے
 کدی اٹھ بھندی کدی لیٹ رہندی ٹکن دیوندی تاہنگ نہ یاردی اے
 اکھیں نوٹے تے جانے چہاں اندر تر دی جاوندی بولیاں مار دی اے
 اٹھی عشق وریام نوں یاد کر کے منگی دُعا چہاں تھیں پار دی اے
 آوے نہیں شرمندگی یار و لوں لاج رکھنی قول قرار دی اے
 کتھے بلخ بخار گجرات کتھے وتھ موکلی دور دیار دی اے
 تنی سوہنی نوں ہو فکر لاگو پئی اپنا ذہن تیار دی اے
 شوق وصل دے وچہ سراج آنجیں سوچاں سوچدی دن گزار دی اے

سوہنی دی پار جاوون دی پہلی رات

پل پل گندیاں لنگھیا دن اوس نوں پہلی رات پئی شوہ دی آوندی اے
 گھر والیاں آ لے دوالے والیاں نیندر لوریاں دے سواندی اے
 نکلی رب رسول نوں سور کے تے قطب والے نوں سیس نواندی اے
 ویکھے پئی وجا وجا کے تے اک رکھدی اک اٹھاوندی اے
 حاضر ہوئی دربار شاہد ولہ ولی متھا ونج مہاٹھ ٹکاوندی اے
 توں مرد کامل دولہ دریائی تیرے ہتھ مہار چہاں دی اے
 چھڈ گئی گجرات جہان بلکہ پچھوں بکندی ناں پچھوں تاوندی اے
 بوکن شیر چو فیر بگھیاڑ چترے لگی جاوندی نہ گھر اوندی اے
 آخر پہنچ گئی اپنی ٹھاہر اُتے گھڑا رکھ کے واپل ستر اوندی اے
 بسم اللہ مچرھا و مر سھا کہہ کے گج دے شوہ دیوچہ پیر پاوندی اے
 جھگی والیا وے مہینو الیا وے تر دی جاوندی پئی بلاوندی اے
 پار کھلا مہینو ال بھی پیا ویکھے چھاتی چیر دی جویں چہاں دی اے
 ہسدی کھید دی پارلی کدھی تے مہینو ال نوں بانہہ پھڑاوندی اے

صبح شام عشاء پھر پھر لنگھیا کالی رات جہان تے چھاوندی اے
 متاں سوں جاوون سسی وانگ سارے چر پیا ہونداے گھر اوندی اے
 گھڑالین نوں گھاڑ تے جارہی بوہا ونج دکان والا ہوندی اے
 جس گھرے دا بول پسند آیا اوہنوں چک سینے نال لاوندی اے
 اللہ والیا عشق مجبور کیتی بندی عرض کردی شرم اوندی اے
 میں جاناں پر لے پار چالاہن لچ تینوں اپنے ناؤں دی اے
 جنگل بار اُجاڑ ویران بیلا کالی رات ڈراوندی کھاوندی اے
 اوہنوں جھاڑ جھکا گزارد روشن ہرنیاں وانگ چنگیاں لہندی جاوندی اے
 دستگیر ساتھی متارواں دے عرضاں کردی نیر برس اوندی اے
 لہراں ویکھ کے آکھیا جی آئی ہر لہر رستہ دیندی جاوندی اے
 سووار قربان قربان سوہنی تیریاں وچہ قدماں لگی آوندی اے
 ایدھر ایدھ بدی تر دی جاوندی اے ادر جان اوہدی غوطے کھاوندی اے
 میرا وارثا دو جہان اندر تینوں لاج میری پھڑی باہنہ دی اے

چک لئی مہینوال نے پھل دیہی جا پے نال گری، مہج دی جاوندی اے
 دور پار پرہاں دکھری دوتیاں تھیں گھڑی وچھڑیاں نوں ہتھ آوندی اے
 سوہنی بے لوث پئی آغوش اندر اپنے خوش حواس بھلاوندی اے
 ہو گئی کلی مہینوال دی جگ روشن بیلا باغ بہار بناوندی اے
 اے رج ناہ ونڈیا پیار یاراں رہی ڈولدی سدھراوندی اے
 کلی والیا رہی آباد کلی پئی پیلے دی شان بناوندی اے
 الوداع پیار یا رب حافظ سوہنی پکڑ گھڑا ٹھل آوندی اے
 تیر وانگ چنہاں نوں چیر لگھی کدھی پہنچ کے شکر بجاوندی اے
 جوں گھروالے ستے چھوڑ گئی سی انجیں آکے تے ستیاں پاوندی اے
 آون جاون ناں ہو یا قضا اوسدا رہندی پیر فقیر مناوندی اے

سوہنی دے راتی جاون دانناں دا ویکھناں

سوہنی عشق امام دے مگر نیتی کدی ہو یا نہ فرض قضا اوسدا
 بھاویں رات کالی بھاویں جن والی پیسی شوق نت نواں سوا اوسدا
 باشک ناگ ہو رکھ آفات پیلے کدی گیا نہ دل گھبرا اوسدا
 ٹھاہر پہنچ کے ٹھاہر نہ سکدی سی اگے گھڑا پیسی با وفا اوسدا
 سارا دن رہندی خوش خوش گھر وچہ ہوندا پیا پورا مدعا اوسدا
 ونگاں چوڑیاں گجرے شوق سحر اگھروالیاں سنگ آدر بھا اوسدا
 بازاں وانگ اڈاریاں لوہے ویہڑے دتا خوشیاں خون گرما اوسدا
 رکھی بڑی جنڈالن سی سوچدی رہے آکھے ہے کوئی جا پدا اوسدا
 راتی سوچتی جاگدی رہی رکھی سون دیوے ناں تنی نوں تا اوسدا
 اوہ بھی ویکھ کے تے سوہنی نکلدی نوں نکلی مگرے پیر بچا اوسدا
 سوہنی نکل شہروں وڑی ونج پیلے پیسی اپنا راہ جدا اوسدا
 سوہنی پکڑ گھڑا جاندی ٹھل پئی پیسی وقت مہنگا بے بہا اوسدا
 کنب گئی رکھی دی جان بھی ویکھ کے تے ہٹھ حوصلہ ہوشر با اوسدا

ادھی جاوناں سرگی نال اوناں ہوندا پیا وظیفہ ادا اوسدا
 ہتھوں وچہ ہنیریاں خوش رہندی کالی رات لیندی پردا پا اوسدا
 بلکہ اوس نڈر تھیں ڈر جاوے ایرا ویکھ کے ہر بلا اوسدا
 اوسدی ویکھ ہمت اوسدا ویکھ جگرا راہ روکیا نہیں دریا اوسدا
 نویں زندگی نوں رنگ روپ جو بن اوہانویں سروں چال چا اوسدا
 اوہا چھوپے نال سہیلیاں دے باہناں وچہ بھنڈا ردے جا اوسدا
 رنگ بھری جوانی پھر پرت آئی صوباں نال دکھرا بہناں جا اوسدا
 صوبو نال منصوبے کیہ اسدے نت آوناں وقت عشاء اوسدا
 ہوئی رات ادھی سوہنی اٹھ کھلی گیا جان والا وقت آ اوسدا
 ادھی رات خبرے کدے جان لگی کیہ اے کارنامہ ویکھاں جا اوسدا
 مگر مگر پچھے پچھے رکھی بھی لئی جاوندی کھوج کھرا اوسدا
 ادھی رات چنہاں بھی پیا شو کے کڈھے روح ڈرا ڈرا اوسدا
 سمجھ گئی مہینوال ہے پار نیلے انہوں نکلن نہیں دیوندا چا اوسدا

اساں سمجھیا مرکھپ گیا ہوسی بیٹھی ایہ بھی عشق بھلا اوسدا
 ویکھ چاکھ لیندی ہر شے بھا کھ لیندی ہسی گھرے دا جتھے ٹکا اوسدا
 پوند سوہنی تھیں کلکدی گھر آئی جل بل گیا سراپا اوسدا
 پتہ لگا دریا تھیں پار جا کے جھگی پا بیٹھائے آشنا اوسدا
 ہن ساتھوں ایہ انت نہیں سہیا جاندا میں ویکھ لیاے چال چا اوسدا
 کیوں پک سراج میں کل دیساں مڈھوں سارا ہی جھگڑا مکا اوسدا

رکھی دے خیال

انجیں پئی منجے اُتے تڑپدی سی اجراں سوہنی بھی گھر آ جاوے
 دے گڑے جوگی بنی رہے روگی راتی دوڑدی چیر دریا جاوے
 چپ چاپ پاسہ پرت پئی ہوئی متاں سوہنی بھیت ناں پا جاوے
 آکھ کل دی رات کوئی انج آوے ایہ اپنا گڈیا چا جاوے
 جو کجھ کھاوناں کل شام تاں کھاپی لے تیری بنا جاوے
 رکھی ہلی ہوئی دا دل کیتا اونہوں چیر کے کچیاں کھا جاوے
 ایہ کوئی ڈائن ایں بلکہ ڈائن بھی انہوں ویکھ کے راہ ولا جاوے
 دل وچہ سوچاں نیندر آندی نہیں آکھ دن کدی جھب آ جاوے
 انہوں رات آفات کوئی کھا جاوے یا ایہ رڑھ لمے دریا جاوے
 غصے غضب دی بھری سراج رکھی منہ آئی دیندی بددعا جاوے

ایضاً

نہیں جاوے جو گئے کڑمے نی ہن پچناں بہت محال تیرا
 نچ ہوئے رج کلو ہنے نی تنے سوہنے نی برا حال تیرا
 تینوں مجھ کمہیں کھاندے پئے ہوسن ہوسی یار نکدا ڈیوا بال تیرا
 اساں کیڈے پئے تیرے لاڈ جھلے کیڈا رکھیا پیا خیال تیرا
 ہسی رج کے شرم تے بھرم والا سارے شہر وچہ پوکنگال تیرا
 تینوں سوہنی سوہنی آکھ کے تے کیتا مایاں نہیں خیال تیرا
 کوئی نہیں اوہدا بھی جا پدا گھر بوہالے جاوے چاک ادھال تیرا
 تینوں مگروں لاہیا تیریاں مایاں میں وت پرت نہیں پچھیا حال تیرا
 تنگ آکے اُونہاں نکاح کر کے پیناں کھاناں کیتا حلال تیرا
 توں آج رگی ہوئی وہی تے پھریں مستی رہنا سدا نہیں جوہناں نال تیرا
 جیوں میں آج کرنا میں تیرے نال تنے کسے جان نہیں ویکھنا حال تیرا
 کی آکھنا میں ویکھن والیاں نے ڈٹھا جدوں نامہ اعمال تیرا
 گل چرتا میں یاد جہان رکھی جیوں کل ہووناں حشر حال تیرا
 کل بلخ بخارے نوں پونج جاسیں آکھیں جتھوں داے مہینوال تیرا
 رڑھ جانے نی دھکے کھانے نی لاشہ لیاوناں کیں سمہال تیرا
 بتری دندان وچوں جو کجھ لوڑیوئی کیتا کدی نہ رسوال تیرا
 کتے منہ کرنے جوگا رہیا ناں پیکوال نانے سوہر وال تیرا
 رکھدے مڈھوں ہی چت سہال تیرا بھندے منہ طمانچیاں نال تیرا
 مگروں ہندیوں یاریاں پٹے نی ہو جاوے ختم جنجال تیرا
 کہو ہک تو آہیں اولاد تنے تیریاں چچاں کیتا برا حال تیرا
 توبہ کردیوں بھل بخشناندیوں نی پردہ کبدا جل جلال تیرا
 رنگاں لہہ جانا ایں سنگاں چھوڑ جانا ایں کسے ہووناں نہیں لوال تیرا
 کسے ڈمھ اڑانے وچ پئی ہوسیں پھریں ڈھونڈ داتینوں ڈھنڈال تیرا
 نیکی فوج سراج صد شا بساں نی ہووے خاتمہ خیر دے نال تیرا

ننان جا کے گھڑا وٹا آئی

گزری رات خدا دی صبح صادق دن چڑھدے دی پیشوا آ گئی
 بانگ رب رسول دی چوہیں گٹھیں غافل ستیاں تائیں جگا آ گئی
 اُٹھی رکھی غالم اوہا فکر لے کے جہڑی راتی سی نیت پکا آ گئی
 منہ اُھیرے ہی پہنچ گئی بوٹیاں وچہ پسی راتی اوہ ویکھ کے جا آ گئی
 پکا گھڑا سی آ سرا تلہ اوسدا بھن تروڑ وگا دریا آ گئی
 گھر آ گئی خون عاشقاں دی توبہ رج کے لوہڑ کما آ گئی
 اوسے دن اتفاق تھیں چڑھے بدل اُٹھدی نوں تھیں نوں گھٹا آ گئی
 سوہنی واسطے بن گئی بڑی مشکل اوس سمجھیا میری قضا آ گئی
 رہی کھلا اڈیکدا پار روند اکھسی اج کیوں نہیں بے وفا آ گئی
 جھکڑ جھانجا چھم چھم مینہ انجیں شام پئی تے اگوں عشا آ گئی

اللہ بسم اللہ نور پیر ویلا جاندی طیبہ نوں بادِ صبا آ گئی
 اُٹھے مومن کلمہ شریف پڑھدے رحمت رب دی راہ نما آ گئی
 نہ ڈھل لائی مہا جھلے بھنی گئی پکا گھڑا دکان تھیں چا آ گئی
 دکھاری کرماں ماری سوہنی دا پکا کچے دینال وٹا آ گئی
 لے نی سوہنے کفن ناں گور جھلی کڑی دے اُٹھدی بدعا آ گئی
 سودن چور دا اک دن سائیاں دانت نت دا ویر مکا آ گئی
 مینہ زور دا ڈیگر تائیں چھم چھم لوکاں دسیا کنگ دریا آ گئی
 جے میں گئی تے دس دی موت اگوں جے ناں گئی وفا خطا آ گئی
 اوس کدی ناں ویکھیا مینہ بدل میتھے گھڑی صدق آزما آ گئی
 کالی رات سراج طوفان بھری سارے دیس پنجاب تے جھا آ گئی

یادداشت

اج پنجویں جیٹھ بتاوندے نے بدھ وار تے وقت دو پہر دا اے
 مینوں تاپ وچھاپ نے ساڑھ جھڈیا اے سینہ بھڑک رہیا کسے تہر دا اے

نہروں پار ہکی ٹاہلی بیٹھ بہہ کے میں ایہ اٹھ مضمون تیار کیتے
 بدھ وار پنجویں جیٹھ دن ڈھلے اک سو چھ ایہ شعر شمار کیتے

جی آئیاں نوں پیشی ڈھلی اتھے میرے دوستی محرم حال آ گئے
 دوڑیڑھ مہینے دے نکھڑے ہوئے وچھڑے یادی کرن سنبھال آ گئے
 پریم پوتھیاں گیان دھیان بھریاں دس سنن اپنا قال حال آ گئے
 کوٹ مومن وچوں پنڈت رام چرن گڑھ قائم تھیں گوڈی لال آ گئے
 چاول، کنک، چھو لے پیں کھکھڑیاں دامر دنا بنیاں لے کے نال آ گئے
 میرے بھاء سراج اس ندی دندے خضر الیاس دوولی ابدال آ گئے

(۸ مئی ۱۹۳۲ء)

کتاب کے ۲۵۵ صفحے سے لے کر ۲۶۶ صفحے تک کا مسودہ کا تب الطاف نے کم کر دیا تھا۔ کتاب مکمل کر کے دے گیا پروف دیکھتے تو پتہ لگا۔ بڑی تلاش کے بعد پرانے مسودہ سے ملے پھر کا تب عنایت عادل چکوڑوی کو بلا یا۔ اس نے لکھ کر رابطہ درست کیا۔

کاتب اور دوسرے عزیزوں کے لیے سوائے افسوس کے اور کیا کہوں:

ہم کو ان سے ہے وفا کی اُمید جو نہیں جانتے وفا کیا ہے غالبؒ
نادان کاتب کی دانستہ لاپرواہی کی وجہ سے کتاب کے درمیان دو کاپیاں (۱۶ صفحے) مزید داخل کرنے پڑے وہ رہے
ہوئے بیان تیرہ صفحات پر پورے ہو گئے۔ باقی تین صفحات کے لیے مجبوراً مختلف مضمون داخل کرنے پڑے۔ اب ۲۷۱ صفحے پر
پھر اصلی کہانی سے رابطہ ہوگا۔ اس کے سوا کوئی چارہ نہیں تھا۔ معذرت (مصنف)

حمدیہ، ثانیہ، دُعائیہ

دِلا جاگ

دلا جاگ ہن ڈھل پئی رات ادھی اُٹھ کھوہ درہٹے نوں جو لئے سک سڑ جان ناں کھیتیاں پیار دیاں ہنجواں نال پوا بھگو لئے
در کھل گیا اے اوہ دیاں رحمتاں دا ہتھ بندھ بوہا مل کھلو لئے یا نصیب جے پئے جانے نظر کرم جتناں ہو سکے نیڑے ہو لئے
گزر گئی اے ستیاں رات ساری شرمندگی تھیں اتھرو چو لئے مہربان ایں چا معاف کرسی اوہدی پکڑ مہاٹھ نوں رو لئے
پاک اتھرواں دے پانی نال اپنی مٹھ مٹی خمیر نوں گو لئے ہووے منہ منظور سراج شالا رو رو میل کچیل نوں دھو لئے

مہربان رب العالمین مولا پردہ پوش ہے نگ پنگیاں دا ادنیٰ ویکھ اوسدی قدرت کاملہ نوں ٹورا ٹور داے لولیاں لنگیاں دا
رب بے پرانیاں بے سہاریاں دا بے انگلاں تے بے ڈھنگیاں دا ہوندى مندىاں دی گزر سراج کیوں جے تے رب ہوندا صرف چنگیاں دا

شرم کرداے بھرم رکھداے پردے کبدائے عیب نکداے سب کجھ جانداے پھر بھی کسے کارن کسے شے دافرق ناں رکھداے
بندہ عیب کردا کر داتھک جاندا اوہ ناں بخششاں کردا تھکدا اے بھل چک من سراج کوئی آجاوے بے شک آجاوے پرہاں ناں دھکداے

رات دا حال تے سوہنی دی گھبراہٹ

دسویں رات پئی خون عاشقاں دی سدے موت دے کسے نوں آرہے سن تتی دکھی چاملاں چائی ہوئی اوہنوں سارے ڈھوسکھا رہے سن
گج بدلاں دی کڑک بجلی دی جھکھڑ جھانجے مکان گرا رہے سن تو بتوب اوس غضب طوفان کولوں لوکی رورو کے منگ دعارہے سن
جنگلیں موت پکھیرواں پنچھیاں دی مرمر کے رڑدے جارہے سن بیلے شہر بگھیلے بگھیاڑ چترے کسے جھنگلی وچہ جان چھپا رہے سن
اوہدراہی قیامت تے دو جوڑے دکھرے دکھرے ایدھر ترسارہے سن آگ ہو کیاں نال بجھا رہے سن بلکہ ہو رو دنی بھڑکا رہے سن
سوہنی پٹھ مہاٹھاں تے پئی سوچے گج گج کے بدل ڈارا رہے سن آگئی امتحان دی رات اوسنوں نین بلدا مینہ برسا رہے سن

دسویں رات پئی خونن عاشقان دی بدل نویں نویں چڑھ چڑھ آرہے سن
تتی دکھی چالماں چائی ہوئی اوہنوں سارے ڈھوسکھا رہے سن
آثار جتنے نظر آ رہے سن ایہ سامنے موت دکھا رہے سن
ایہ ڈھب سبب سراج سارے دو جہماں دی وتھ مکارہے سن

سوہنی دی ہمت تے تیاری

غصے غضب طوفان دی رات خونی پئی دسویں مرن مران جوگی
تڑپے پئی سیماں دے وانگ تتی بیتاب مضطربیلے جان جوگی
پیا حوصلے دیوندا عشق اوسنوں نہیں ایہ کھلیے گھڑی ونجان جوگی
سوہنی اٹھی دکھی مکدی جاگدی سی دل وچ آکھدی گڑے وسان جوگی
جاہ نی جاندیئے چند دے کھاندے نی شالا آویں نہ منہ دکھان جوگی
پڑ وچ آوناں آکھدے فتح ادھی نکلی گھروں سوہنی مرجان جوگی
سوچے پئی حیران پریشان سوہنی نہ جان جوگی نہ گھر باہن جوگی
بھی تو لاں دی آکھے ہے رہ گئی راہساں کسے نہ جگ جہان جوگی
ایہ رات تیرے امتحان جوگی بیٹھی کیوں ایں اتھروں وگان جوگی
نچ ہوئی شالا اج گھروں نکلے ایہ رات ہووے اوہنوں کھان جوگی
تیری لاش ہووے کاواں کھان جوگی رہ جائے نہ کسے مکان جوگی
آفرین سراج کہہار کڑی بن جائے گی سوہنی سدان جوگی

بجلی کڑکدی مینہ وسدے وچ سوہنی دا گھروں نکلنا

مینہ وسے پیا بھاہ بھڑکے پئی نکل پئی گھروں مرداں ہار سوہنی
جھکھڑاں جھانجیاں جھولیاں جھم جھڈی جاوے اڈوی پتراں ہار سوہنی
کٹھی پریم دی واہنیاں پھرے ڈھاندی نازک بدن سوہنی پھلاں ہار سوہنی
ڈھاہندی ڈگدی اٹھدی پہنچ گئی اپنی تھاہر اُتے آخر کار سوہنی
دھائیں دھائیں پاڑ چھوگن دریا گلیاں شہر جھاگ نکلی جاں نثار سوہنی
بدل گبدے پئے بجلی کڑکدی پئی کالی رات بیلے وچکار سوہنی
پھنڈ پھنڈ وگانی پئی جھاڑیاں وچ پھانڈے مینہ جھکھڑاں عذار سوہنی
دفتر عشق دیوچہ سراج سوہنی لکھی گئی سوہنی سردار سوہنی

کچا گلیا گھڑاویکھ کے سوہنی دا حال

دھن شبا گجرات دی شیرنی دامر داں ہار اوہ جت میدان گئی اے
کچا گھڑا گلیا پیا ویکھو سوہتھ لاندیاں ہو حیران گئی اے
کیڈیاں نال مصیبتاں اپڑی سی جاتا مشکل ہووے آسان گئی اے
اوہدے بھاہن پے گئی رات کالی شوہدی ہوڈا ہڈی نموں جھان گئی اے
چوراں یاراں مرکھت دا پتہ ہوندا اے اوہ اپنے کھو جی نوں جان گئی اے
ہائے میں کوچھی دے چچ مندے اوہ میری بور پچھان گئی اے
اس جھل سزا نوں کھینے نی اوہ تیرا کچ پچھان گئی اے
جا کے من تے بہ گئی بے پرانی سوچاں سوچدی نیر برسا رہی اے
بجلی چمکی تے بہہ گئی بوٹیاں وچ اوہ اپنی تھاں پچھان گئی اے
نکل گیا تڑاہ چکرا گئی انج جا پیو سو نکل جان گئی اے
گھڑا سدیاں موہندی جا پئی موت آ گئی اے پک جان گئی اے
ہن کیہ کراں میں میریا خداوند میری دنیا ہوویران گئی اے
کچا وہیدیاں سوہنی سمجھ گئی ایہ کر تمام ننان گئی اے
میرا گھڑا نہیں اوہ بھن گئی اوہ میرے بھن پران گئی اے
اٹھی کدھی تے کھلی سراج جا کے اوہ اپنا زور آ زمان گئی اے
باہروں مینہ پھنڈی کہنے پئی دیہی اندر برہوں دی آگ جلا رہی اے

کہاں کھیتیاں والی کوچ و انگوں کوکاں مار کر لا کر لا رہی اے اپنے آپ سراج ننان تائیں اپنے پیار دا بھاتا رہی اے

سوہنی دی پریشانی تے ننان نوں مہنے

میرا گھڑا ٹانڈیے خوشخوار بیدر دے نارے کارے ہارنی ایں ساڈی زندگی دے وسدے کھیت اُتے گڑاوسیوں قہر گزارنی ایں فہ کٹینے نی وسدے پٹنے نی ہاکیہ کٹینے زہر گزارنی ایں گھڑے نال میری دنیا وسدی سی رُکھے تئے تت کھارنی ایں کیہ لدھائی مویاں نوں مار کے تے رکھے بیدر دے خوشخوارنی ایں چوری وار کمینیاں ویریاں دا نی کمینے بے اعتبارنی ایں سنے ویر صلاح سی ساریاں دی سوہنی ڈوب چنہاں وچہ مارنی ایں توں سمجھیا سی گھڑا ویکھ کے تے سوہنی اپنے صدق تھیں ہارنی ایں جان بجھ کے موت و نگارنی ایں جھگی والے دی بھاجی اُتارنی ایں جہاں ہتھ میری بانہہ اوہناں سائیاں میری بگڑی ہوئی سنوارنی ایں

رج ظلم و سایا ای عاشقاں تے غضب ڈھایا کی کہہارنی ایں کتھوں کھلی تکبیدی سیں بے تر سے فرہاد دیے مکارنی ایں اوتر جائیں جہاں تھیں سنے ٹہر ساڈے رنگ وچہ بھنگ کھارنی ایں ہائے اُجاڑ چھڈیائی میرا جگ و سدا اُجڑ جائے نی دکھارنی ایں ایس راہ دیاں ساریاں درد مند ایں حشر نشتر تیکر پھٹکارنی ایں بن کے دھوڑ کیہ روکیں راہ میرا بھلی پی رہی ایں مردارنی ایں میری بانہہ پھڑی ہوئی تارواں نیں تساں ڈوبنی ایں اوہناں تارنی ایں توبہ توبہ ہزار کروڑ توبہ پچھاں نہیں ہٹناں جان وارنی ایں کانگ قہراں اندر اپنی لہراں اندر مشکل گھڑی پرہمت نہ ہارنی ایں بیڑی ٹھیل سراج خدا حافظ دستگیر نے پار اُتارنی ایں

سوہنی نوں عقل دیاں متاں

سوہنی توکلت علی اللہ پڑھ کے جدوں پیر چنہاں وچہ دھرن لگی اج تے تارو بھی پئے پناہ منگدے توں کملیئے ایہ کیہ کرنی لگی اج گھڑا بھی نہیں ہے کول تیرے جس تے آئیں چروکئی ترن لگی

دوروں عقل پکار یا ہوش کڑیے کیوں ان آئی موت توں مرن لگی انج جا پدائے ہتھیں اپنی توں اپنی زندگی دا بھانڈا بھرن لگی اُتر جاوسی کانگ سراج بھلکے چار پاہر بھی نہیں توں جرن لگی

عقل نوں سوہنی دیاں متاں

کدی سوہنے ایہ بھی سوچیاں اپنے باپ دی بکوالا دایں توں سارے شہر کہانیاں تیریاں تے بدنام ایں بدنہا دایں توں جہڑے حق تیرے اُتے فرض آہے کیتا اوہناں نوں بھی کدی یاد ایں توں

کویں بھسی برادری وچہ شوہدا کر چھڈ یا اوہنوں برباد ایں توں آگے پیکے بیزار بن سوریاں گھر کروا بیٹھی اپنی لاہدا ایں توں عزت اپنی سانجھ سراج رکھیں عزت والیاں دی اولاد ایں توں

ایضاً

توں اجان جوان بے فکر آئیں تینوں عمر نادان بھلا گئی اے بھل بن بھی من تے کر توبہ دنیا بھلاں من بخشا گئی اے

عشق ویکھیا جاتا ہن ایسوں عقل گلیں لا ولا گئی اے
 عقل لوریاں دے سلا گئی اے ایہ جا پدائے اگھلا گئی اے
 اج اہدے امتحان دا وقت آیا مشکل گھڑی آئی گھبرا گئی اے
 ماری چند سراج اُستاد عشق ستی سوہنی نوں جاگ آ گئی اے

سوہنی دی ٹھلنے دی تیاری

جاگ پئی تاں سوہنی نوں یاد آیا پار جان دی ہو کوئل رہی اے
 فوج خضر دی موج دیوچہ آ کے شوہ چنہاں دی کھچ نکیل رہی اے
 آثار نوں ویکھ کے نقل جاتا سوہنی اج ارادیوں فیل رہی اے
 ہووون لگا سو حکم رہائیاں دا ساری عمر اوہ دکھاں دی جیل رہی اے
 پکی قولاس دی عشق دی لاجوتی سوہنی موت والا کھیل کھیل رہی اے
 ادھر مینہ چھم چھم اُدھر کانگ گھم گھم دس اپنیل اولیل رہی اے
 ٹھلاں پین پیاں مینیں ڈھہن پیاں ندی دھرتی خدا دی ویل رہی اے
 اپر مرداں نوں ہونداے گوڈے گوڈے اوہ تک لہراں نوں پرہاں دھکیل رہی اے
 جسے جامے داسٹ کے پرہاں برقعہ سوہنی دلاں دیاں تھول میل رہی اے
 سر پر لگسی یار سراج اوہدی بیڑی رب دی آسرے ٹھیل رہی اے

سوہنی دی دریاوچہ چھال مارنی

تروڑ آسرے رب دے آسرے تے شوہ وچہ گئی مار چھال سوہنی
 منتاروا جان جیہی بے پرانی آ گئی کانگ دے ہتھ کنگال سوہنی
 لہراں پنج چھڈی روں ہار شوہدی نازک بدن گلاب مثال سوہنی
 سیدھ یار دی جھگی دی کری جانندی ترلا کر کر بولیاں نال سوہنی
 لہراں ہس کیتا استقبال اوہدا لالئی کھچ کے تے سینے نال سوہنی
 لگی ڈھل نہ تھل پتھل سٹی کیتی غوطیاں مار نڈھال سوہنی
 رڑھدی جاوندی بھی غوطے کھاوندی بھی کوکے پئی مہینوال سوہنی
 حسرتاں ڈب دیاں ویکھ سراج رُنی درداں بھری فغان دے نال سوہنی

فغان

سدھر رہی مہینوال من میرے تیرے بلخ بخارے نوں جاوندی میں
 نت صبح اُٹھ کے تیریاں مایاں دے آداب ہزار بجاوندی میں
 ہائے میں ہتھیاری خنچ جی یا تے جمہدیاں ہی مر جاوندی میں
 وہدی جا کے وطن یتیم تیرا جھاتی پرت گجرات نہ پاوندی میں
 ملکہ رانی دی گولی پھر گولی علی بیگ دی نوہنہ سداوندی میں
 ہے تیری ہی یاد سراج دل وچہ توڑے ہاں لے رڑھی جاوندی میں

فغان

گج کانگ دی شور بدلاں دا جان دیاں تیرے تائیں میریاں صدائیں ناہیں
 بے درد دنیا چغل خور دنیا ہن نہنیوں کسے نال لائیں ناہیں
 ٹرجاہ وطن اپنے شالا جگ جیویں باقی رہندی عمر گوانیں ناہیں
 تیری تیری ہاں موئی تے جیوندی بھی کسے ہوری ہتھ میریاں باہیں ناہیں
 میں ہن کسے سساردا ہک لقمہ میری لاش سجنان ڈھونڈن آئیں ناہیں
 جے تے بھل کے مہوں لگا بیٹھوں جھگی پار چنہاں تھیں پائیں ناہیں
 ہن کیہ گجرات دیوچہ تیرا ایویں مایاں دا جگر تائیں ناہیں
 ہتھ تیرے لاج سراج میری تیرے باجھ میرا کوئی سائیں ناہیں

فغان

جے میں بھل گئی بھل کے لایٹھی آگے کئی بھلیاں دھکے کھانیاں او
 کنیں لکھیاں نصیبیاں نوں پڑھ ڈٹھارو کے کون بھلا اللہ آئیاں او
 جیویں اج ہوئی چنہاں وچنہاں میرے جاہن جگ وچہ دھم کہانیاں او
 مندا پوناں نیرا چنہاں دیا انجیں خدا دیاں بھانیاں او
 ناں میں بلخ دی ناں گجرات جوگی بس ہکی دے نام وکانیاں او
 سسی شیریں لیلیٰ صاحبان ہیر جٹی میتھوں ساریاں آہن سیانیاں او
 انجیں لکھی آہی زندگی موت میری دھروں لکھیاں کیں پرتانیاں او
 میریاں لکھاں اُمیداں تے لکھاں آساں اج کانگ دیوچہ سمانیاں او
 چل ہن بلخ بخارے دے ول لے چل مینوں روہڑ چنہاں دیانیاں او
 رہندی دنیا تائیں ملی سراج نسبت مہینوال دی سوہنی سدانیاں او

سوہنی دی اللہ تعالیٰ اگے دُعائے فریاد

گنہگار بدکار لاچار اُتے بے شمار تیرے احسان اللہ
 مینوں عشق مجاز دی ملی گڑھتی عشق نال ہی میری پچھان اللہ
 تھ آپ ایہ دتی اے شکل صورت ہوئیں آپ اس دانگھبان اللہ
 میری آخری ہوک پچا دیویں مہینوال تاہیں مہربان اللہ
 سبحان اللہ تیرے فضل کرم تیرے فضل و کرم سبحان اللہ
 آخری دم سراج دی لبان اُتے ہووے کلمہ طیب روان اللہ

سوہنی داماپیاں نوں یاد کرناں

سوہنی یاد کر کے رُنی ماییاں نوں ہائے میریاں پیاریاں ماییاں ہو
 او تر جانیاں دور نجائیاں ہو مارے گئے بن ماریاں ماییاں ہو
 میں تت بھرتی نچ جمی تتی دیاں دکھیاں ماییاں ہو
 تساں مغل نوں رکھیا گھر نو کر طبع دھن دے ماریاں ماییاں ہو
 ہائے لیکھ میرے لکھے آہے انجیں مڈھوں لکھن ہاریاں ماییاں ہو
 رڑھدی جاوندی دا آج حال ویکھو ستے پئے چباریاں ماییاں ہو
 نگھر گئی دی کیوں مکان جھلسو شرم ننگ دے ماریاں ماییاں ہو
 حسرت نال مردی واری ویکھ رہی آں دنیا دین کناریاں ماییاں ہو
 کیوں مینوں جم پالیا پوسیاں انہاں دھکیاں ماریاں ماییاں ہو
 میتھوں ودھ دکھ آیا ماییاں ہو میتھوں ودھ بے چاریاں ماییاں ہو
 مینوں جمدیاں ہی مار گھتتاں سی کیہ حرج سی ماریاں ماییاں ہو
 میں ماری گئی بوری ویکھ کے تے اوہدے حسن نظاریاں ماییاں ہو
 نہ رہی پیکیاں دی نہ رہی سوہریاں دی نہ گئی بلخ بخاریاں ماییاں ہو
 نہیں کسے تے دوس میں آپ لئی مل موت ادھاریاں ماییاں ہو
 ہتھوں مہنیاں نال ستاؤ ناہیں کہاراں ساریاں ماییاں ہو
 غوطے کھاوندی پئی سراج سوہنی کو کے پاہریاں پاہریاں ماییاں ہو

سوہنی داسہیلیاں نوں یاد کرناں

نزع دم مینوں یاد آئیاں ہو رل کھیڈیا ہانی سہیلیو نی
 ساری عمر دھکے دھورے جھل کے تے چلی خصماں نوں کھانی سہیلیو نی
 پچھنا صوباں کولوں تتی رکھتی لوکوں جیوں میں نال وہانی سہیلیو نی
 لمے واہن پیکے رڑھی جاوندی اے اک سنگن نمائی سہیلیو نی
 جنہوں سوہنی سوہنی آکھدے سواوہ اج کہمیاں کھانی سہیلیو نی
 دن چڑھے گجرات دیوچہ جاسی میری دھم کہانی سہیلیو نی

تسی ورہنڈا جھولی لال پاؤ بن کے گھر دے رانی سہیلیونی
میرے واسطے اوس بھی گلی گلی دی دھوڑ پئی اے چھانی سہیلیونی
میں اوسدے روپ جمال اُتے بھل گئی ایانی سہیلیونی
کیتی پار لے یار تھیں جان صدقے آہی اُنج بھی جانی سہیلیونی

میں رہی مہینوال مہینوال کردی جگ تھیں اوتر جانی سہیلیونی
نازیں جان شہزادے دی پئی ہوئی اتھے سستی وکان سہیلیونی
اودے عشق پیاردی پاک ہستی نہیں مویاں بھی جانی سہیلیونی
مصنف لکھسن پئے سراج ورگے میری دکھی کہانی سہیلیونی

سوہنی دافوت ہو جاناں

اوہدر گھر وچہ چاملاں چائی رکھی آکھے میری منظور دعا ہو گئی
غوطے کھاوندی بھی ترلا کری جاندی نا اُمید بھالیں لادوا ہو گئی
مجھ کجھ سنسار بھی پھرن بورے کانگ بے پناہ بلا ہو گئی
لہراں وچ دھکے کھا کھا شوہدی بے سدھ بے دست و پا ہو گئی
کدوں تاہیں تزدی کدوں تائیں جردی غوطے کھاندیاں نیڑے قضا ہو گئی
دسدی پئی سی روح تے بت والی اگوں منزل جدا جدا ہو گئی

ایدھر سوہنی کانگ تے رات ادھی بدھی پیاردی ہنے فدا ہو گئی
جھگی والے دل کنڈنہ ہو جاوے کدے جاساں بے ایڈی خطا ہو گئی
اوہناں وچہ سوہنی دھکے پئی کھاوے جا پے اہناں دی ہنے غذا ہو گئی
ڈبے اُبھرے اُبھرے فیر ڈبے دبئی تیخ برف نما ہو گئی
آخر آ گیا روح اڈاریاں تے گھڑی زندگی دی انتہا ہو گئی
غوطے آخری نال سراج اوسدی کلمہ عشق پڑھ جان رہا ہو گئی

بت دی روح نال آخری گل

بت روح نوں کہیا کھلو ذرا سنگیا سنی جاہ ہک فریاد میری
مجھ کجھ کمہیں مینوں کھا جاسن ونڈ چن لیسن جائیداد میری
توں نکل چلیاں کھلر جاندی ایں ڈھیہہ ڈھیری ہو کے بنیاد میری
کئی اوکھیاں سوکھیاں ویلیاں وچہ کیتی میں تے نوں امداد میری
ایہ بڑی مٹھی کوئی خواب آہی گزری پل جھل دے وچہ معیاد میری

مینوں وچہ چنہاں دے سٹ چلیاں پٹ چلیاں بنیاد میری
تیرے دم دے نال سی بیلیا اوکلی خاک دی ایہ آباد میری
ڈیوا تیرے نال ہی سی روشن لاشے پتلی خاک زاد میری
لوڑاں خواہشاں خوشیاں کٹھیاں سن میں مراد تے توں مراد میری
فیر قسمتاں نال سراج میلے شاد باد سنگیا رکھیں یاد میری

مچھاں کچھاں دالاش نوں کھان واسطے حملے تے خضر صاحب دا ہوڑ ناں

روح اڈیا ہو گیا گھر لگا مجھ کجھ دوڑے اودے کھان کارن
اوہدر مجھ کچھوے نیں سسار ایدھر منہ کھولیو نے نگل جان کارن
ایہ عشق دی سوہنی امان ستھری ایہ نہیں منہ لان جوٹھان کارن
میرے ذمے لائے کم مالک میں جیونڈاں اوہ نہان کارن
حضرت موسیٰ معصوم نوں مائی جدوں ندی سٹیا جان بچان کارن

ہوندائے سائیاں نال سمہال گھروں رُجھے رہن بنان سجان کارن
کہیا جھڑک کے اوہناں نوں خضر ولی رُک جاؤ سارے اوہدر جان کارن
اوس مسافر نے اوتھے پونچناں گھروں ٹریائے جتے جان کارن
میرا سفر دریاواں تے جنگلاں دارا ہوں بھلیاں نوں راہ لان کارن
مینوں ملیا حکم حضور ولوں خیریں منزل مقصود پوچان کارن

سسی جمدی نوں مایاں بیدرداں ہاؤرو ہڑیاں سروں و نجان کارن
مینوں امر ہو گیا سمیٹھالنے دا ایہ ہے کچ کران دے خان کارن
خضر ولی نے لہراں نوں حکم دتا جھکی ول امان لے جان کارن
نیرے پہنچ گئی لاش سراج اوس دی فرض آخری طواف اداں کارن

پر لے پار مہینوال دی بے قراری لاش ویکھ تے چھال مارنی تے ختم ہو جاناں

اوہدر پار لے پار مہینوال بسکل رکھیا ہو یا دل دا ڈیو بال اوس نے
اوہنوں پک سی سوہنی دے آونے دا ڈٹھا ہو یا اوسدا استقلال اوس نے
گج کا نگ دی تے شور بدلاں دا پائی ہوئی اُچی حال حال اوس نے
اچراں پونچیا روح آزاد ہو کے جھکی کول پائی حال حال اوس نے
مینوں کلیاں جا پدائے جان مشکل اپنے نال رکھیا کئی سال اوس نے
بجلی چمکدی نال کجھ دسداسی کپر پئے ویکھے بھال بھال اوس نے
قابور ہنہ ہوش حواس اوسدے میں قربان کر کے ماری چھال اوس نے
ہو گئی اوہدی بھی جان فدا پل وچہ روح بھج دتا روح نال اوس نے
لے لے آغوش چھہاں رانی لہھ لئے دو قیمتی لال اوس نے
پھر پھر کے کدھی تے واویلا کیتا ہوا اپنا برا حال اوس نے
حاضر جان تلی اُتے دھری ہوئی ویکھ ویکھ کے کانگ دا حال اوس نے
کر کے جاناں جاناں پیا کو کے مارے سد اُچے دکھاں نال اوس نے
میں بت چنہاں وچہ چھوڑ آیا ہن رل جاناں لہراں نال اوس نے
بت بت ملن روح روح ملن دتا تینوں پیام وصال اوس نے
جھکی کول پھر دی گھسن گھیریاں وچہ لاش ویکھ لئی لہراں نال اوس نے
پانی وچہ بھی بلے پئی جو بن بھری لائی کچھ کے تے سینے نال اوس نے
بت بت مل گئے روح روح مل گئے عشقا آفرین کیتا کمال اوس نے
جانے رب سراج جاکس جانی دونوں لاشے چھڈے اُچھال اوس نے

ساقی

ساقی فیراج بزم سجا سحری رہندی گل جھڑی اگاں ٹور باقی
اے نوکراں جا کے دسناں عزت بیگ دیاں دکھی مایاں نوں
عزت بیگ تائیں واپس لین اے مغلاں ول گجرات وچہ آوناں
علم عشق دانش اے تک سمجھیا نہیں توبہ کار گزاریاں عشق دیاں
کئی نہیں اے داستان عشق اے بلخ وچہ پاوناں شور باقی
گڈی عشق دی اے ہلاریاں وچہ دیہر رہندی جھڑی ڈور باقی
اگے گھٹ ناہ لایا ٹرن لگیا لالین رہندائے جھڑا زور باقی
قصہ ختم سراج ہن رہ گیاں صرف عاشقاں دا کفن گور باقی

عزت بیگ نوں گجرات وچہ چھڈ کے نوکراں دا بلخ وچہ واپس آ کے حال دسناں

عزت بیگ جدوں گجرات اندر بیٹھا بھانڈیاں داہٹ پا کے تے
مہنگے لے آوے کہہار کولوں ستے دیوے ادھار لٹا کے تے
جدوں نگ نادار ہو گیا مطلق مال اسباب بھی وچہ وٹا کے تے
مال چار یا ہونجدا رہیا گلیاں اپنا نگ ناموس گوا کے تے
چھوڑی جاوندے اوسنوں سنگی ساتھی کجھ آپے کجھ دس دسا کے تے
دیدار وچہ مست المست پھر دا اپنی ہستی دی دھوڑا کے تے
اک اک دن وچہ تن چار پھیرے سٹے مہراں بک بک جا کے تے
قیدی عشق دے نوکری چالئی گھر تلے کہہار دے جا کے تے
مشہور ہو گیا گجرات اندر اپنا نام مہینوال دھرا کے تے
ویکھ ویکھ سودائی دا حال مندا مر گئے شرما شرما کے تے

ہو گئے نا اُمید مایوس جدوں ہر طرح سمجھا سمجھا کے تے آکھن چلے وطن سراج توڑے اسدے وارثاں نوں دے جاکے تے

مقولہ

بیلی سکھاں دے نادم غلام چاکراک اک کراوسنوں چھوڑ گئے کیتا پیا ترلا سمجھاوے دا بیدل آخر سنگ تروڑ گئے
 زلو جیہے بھی پلو چھڈا نئے اپنی ہتھیں اوسدی بیڑی بوڑ گئے کول دام نیں جگ غلام پیسی بھکھ ننگ تکی سنگ چھوڑ گئے
 عزت بیگ نے گجرات اندر جو کچھ کھٹیا کمایا سی روہڑ گئے جانے رب دی ذات سراج کتنے وچہ راہ رہے کتنے توڑ گئے

نوکراں دا بلخ پونچناں تے حال دسناں عزت بیگ دی ماں دا سندیاں مر

جاناں تے مغلاں دا گجرات ول اوناں

چار سال گزار کے مردے جیوندے وطن پہنچ گئے رب پونچایاے
 دسیا جویں گجرات وچہ خانزادے پیا مال تے دھن لٹایاے
 دسیا جویں کمہاراں نے پھراوسنوں کوڑا ڈھون دی کار تے لایاے
 پیا باپ غریب اڈیکدا سی خط لکھ فرزند پونچایاے
 آئے نظر اوس نوں آسمان پھر دے بے ہوش دماغ چکرایاے
 گئی سارے بلخ وچہ خبر دھمدی ہر کوئی سن سن دوڑیا آیاے
 وار و وار پچھیا سارے خانداناں جہاں آ ایہ شور مچایاے
 عزت بیگ دی بد نصیب مائی سندیاں پٹ پٹ حال ونجایاے
 کردی بچیا بچیا تڑپدی دا غوطے موت دے روح کمبایاے
 سارا شہر حسرت افسوس بھریا حیران پھر دا گھبرایاے
 عزت بیگ دی ملکہ منسوبہ سنیاں جیوں اوس نال وہایاے
 میریا سہاریا پچھلی عمر دیا میریا عاصیا او جواں سال بچیا
 تیری ماں غریبی رہی جنگی مر گئے پہلے ہو کے نال بچیا
 کوڑا ہونجدا پھر یوں گلی گلی گھر گھر دیاں جھڑکاں نال بچیا
 ہائے کچھ دے دیوندوں خبر مینوں ہور ہور گھلد ارہند مال بچیا
 بھلا کرن مغل مینوں چھوڑ جاوَن کیہ کرسن لے جاکے نال بچیا

ملے جامر زے علی بیگ تائیں رورو کے دسیا جیوں وہایاے
 سب کچھ دسیا جویں نوکراں نیں کر کر منتاں پیا سمجھایاے
 اج کل دیوانگی وچہ اوس نے اپنے آپ سب روہڑ دگایاے
 گل سندیاں نکل تراہ گیا چاہے طبق زمین ڈولایاے
 ہائے میں ایہہ کیہ سنیاں خندا کیہ ایہ ظالماں مینوں سنایاے
 عزت بیگ تے ایہ وسواس نہیں سی اوہ بڑے شریفان دا جایاے
 آخر پک ہو گیا یقین سمجھناں ایہ سب عشق دا کیتا کرایاے
 ہائے توبہ تسلیاں کون دیوے اکو اکو جے جمیاں جایاے
 میں ماں واری ماں قربان کہہ کے ڈھٹھی انج وت ساہ نہ آیاے
 عزت بیگ دی ماں غریب تائیں رورو کے تے دفنایاے
 سوچے کون ایسی ماہ جمال پری میرے کونت نوں جس بھر مایاے
 توں آپ بھی رُل کے مر گیوں کر مینوں بھی گیوں بے حال بچیا
 میں دھکیاں دے جوگا اے جیواں میری زندگی دکھ وبال بچیا
 نازیں پلایا لڈیا بلخ دیا استھتے بنیاں رہیوں مہینوال بچیا
 اوہ باغ اوہ رنگ محل تیرے کہڑے کم اوہ مال منال بچیا
 ویکھ ویکھ مرساں تیریاں جاگیراں اگے دکھی میرا وال وال بچیا

بیٹھا رندا رہاں گا عمر باقی تیری جھگی اندر ڈیوا بال بچیا آخر لے گئے مغل سراج اوسنوں اوہ کردا گیا حال حال بچیا

کتاب دا خاتمہ تے تاریخ تصنیف

میں کچھ دن رہیا فکر روزگار اندر مسال مسال ملی تنہائی اے اج لے کے پیشی تھیں گزر گئی رات ادھی مدت بعد طبع حاضر آئی اے اج ۱۹۳۲ء
سن انی سو تری جون باراں سوموار تے جیٹھ دی بائی اے اج اللہ شاہد سراج گواہ تارے کلمہ پڑھ کتاب مکائی اے اج

عاشقاں دے کفن گوردی گل

گل عاشقاں دے کفن گوردی کتنی واری ہوئی اے کتنی جانی ہوئی اے
قبر سوہنی مہینوال دی کئی جانی لوکاں دسی پرسنی سنائی ہوئی اے
علی بیگ بچارے دی کیہ لکھیئے ورت گیا جو اوس لکھایاے
بیٹھا رہے حیران پریشان چپ چپ بول چھڈیا جے کسے بلایاے
آخر ساری برادری رل کے تے منصوبہ ایہ بنایاے
لے آویے عزت بیگ تائیں کیہ ہو یا جے مال اڑایاے
لے لے عزت بیگ دے یار ہانی اوہناں قافلہ جوڑ بنایاے
عزت بیگ ضعیف ادھ موئے نوں بھی کر کر منتاں نال رلایاے

لوکی پچھدے نیں جوڑی رڑھی لے کسے پھردی یا مچھواں کھائی ہوئی اے
کپی کوئی تحریر یا سند ناہیں کدوں بنی تے کیں بنائی ہوئی اے
نہ مویاں نہ جیوندا کچھ بھی ناں رہے رندا رب روایاے
اک غم فرزند دلہند دوجا اسلم بیگ ولوں شرمایاے
چلیے ملک پنجاب گجرات اندر کہڑا دور یا دیس پرایاے
بھلدا آئیائے انسان بھل گیا ہوسی اوہنوں عمر نادان بھلایاے
دو اُستاد بھی کر ہمراہ لئے عزت بیگ نوں جہاں پڑھایاے
کھیدیاں کھیدیاں پیاسراج عشق اگے انجیں کھیدیاں آئیائے

مغلاں دا عزت بیگ واسطے گجرات اوناں

مغلاں اپنا زور آزماونے نوں چاہڑی بلخ بخاریوں واہراوہناں
عزت بیگ اوہدر مہینوال ایدھر کیتا ہر پاسے آکے آہراوہناں
ایدھر سوہنی دے راتی ٹھلنے دی اوہدر جھگی وکھائی اے ٹھاہراوہناں
کیہ پتہ دریا بادشاہ لاشاں کتھے لے گیا روہڑ راہڑ اوہناں

پینڈے کٹ پنجاب نوں چیر کے تے ڈیرے لائے گجرات تھیں باہراوہناں
مر گئے سوہنی مہینوال چہاں ڈب کے گل کھول دسی سارے شہراوہناں
پھر پھر مغلاں نے پھول پھول ڈٹھے دہاں نیاں دے جھاڑیاں چاہڑاں اوہناں
من تقدیر سراج چہاں کدھی رو رو کٹے اٹھ پاہراوہناں

مہینوال دے باپ علی بیگ دی فغان

علی بیگ چہاں دی من اُتے ڈھاہڑا پھرے کردا حال حال بچیا
جھنکوں بیٹھ بکھور مجارواں نے اک چوکھنڈی بنائی سجائی ہوئی اے
بدر راجھیاں دے ضلع سرگودھ کھلی جانی اک قبر وکھائی ہوئی اے

او میریا ماہ جمال بچیا او میریا لاکھیا لال بچیا
آکھن جوڑی استھے رڑھدی آئی ہوئی لوکاں پکڑا تھے دفنائی ہوئی اے
اپر کوئی تاریخ ثبوت ناں لوکاں سنی سنائی اُڈائی ہوئی اے

مرزے کھل داچورا نشان قائم جتھے دوہاں دی جان فدائی ہوئی اے
 تھل وچہ مشہور مزار ہو سسی پنوں دی جتھے سمائی ہوئی اے
 قیس عامری دے عشق جنون کتنی دھم عرب عجم وچہ پائی ہوئی اے
 واسق عذراتے روڈا جلالی ویکھو سوہنی زیناں پٹھانی بائی ہوئی اے
 پنجابی عشق مجاز دیاں داستاناں دی رنج کے نغمہ سرائی ہوئی اے
 ہو ہو گئے کما گئے عشق عاشق جھل گئے بھائیں رُسوائی ہوئی اے
 کیہ کچھ دے ہوا ہنساں دیوانیاں دی کسے سمجھی نہ سمجھو ج آئی ہوئی اے
 تختہ دار تے بھی اوہناں نشے بازاں کہیا حق تے جان فدائی ہوئی اے
 ہر کسے را بہر کارے ساختند اللہ آپ ایہ کھیڈ رچائی ہوئی اے
 عشق دین ایمان ایس عاشقاں دا جس حکمرانی منوائی ہوئی اے
 نہ شوق بہشت نہ خوف دوزخ ایہ ہر شے اوہناں بھلائی ہوئی اے

دُفن روضے وچہ ہیر سیال جُٹی جتی سستی مائی سدوائی ہوئی اے
 صرف نام کوئی اس تاریخ ناہیں بس تختی لکھ لگائی ہوئی اے
 شیریں کارن فرہاد پہاڑ پئے تیشہ مار کے جان گھمائی ہوئی اے
 بنال قبر ایں مزاراں دے ناموریاں بھائیں کتنی مدت وہائی ہوئی اے
 دارواری کتنے پختہ شاعر ایں نیں لکھ لکھ کے جگ ورتائی ہوئی اے
 زندہ کر گئے نام تے کام اپنا بڑی عزت تے شہرت پائی ہوئی اے
 فارغ ہو کے جان جہان کولوں بس کی جانی تاڑی لائی ہوئی اے
 دانش سوچ تھکی کیوں جھلیاں نیں زندہ اپنی کھل لیوائی ہوئی اے
 اوہ آپ مالک مختار دنیا اوہ در لگی ہوئی اے جدھر لائی ہوئی اے
 ریاکاری چھڈ کے تے مکاری چھڈ کے تے سرتے پنڈا مٹاں چائی ہوئی اے
 اپنے نشے دیوچہ سراج اوہناں ہستی اپنی دی دھوڑا ڈائی ہوئی اے

مصنف دی آخری گل

قصہ سوہنی مہینوال دا شاعر ایں نے اگے سیاں شوق دے نال لکھیا
 زندہ رہن جگ وچہ لوک داستاناں تاہیوں شاعر ایں پیا احوال لکھیا
 میں بھی اپنے قال تے حال سیتی ظاہر وچہ قصہ مہینوال لکھیا
 آہے فکر جہان دے کئی لاگو فکر ایں وچہ بھی ایہہ نال لکھیا
 مٹھی بول پنجابی ماں جائی دُھیس پئی پیار دے نال لکھیا
 صبح لے گئے بیلی نقل کر کے جو کجھ میں راتی ہنجواں نال لکھیا
 جو کجھ سریا دھر یا پیش یاراں میں نہیں آ کھدا بے مثال لکھیا

کیہ مجال ہوئے کوئی حرف گیری ساریاں اپنے ذوق دے نال لکھیا
 رومی جامی نظامی تے سعدی ہوراں ایہ عشق مجاز حلال لکھیا
 کہیا موڑ نہ سکیا سنگیاں دا دلی یاراں دامن سوال لکھیا
 راتاں کالیاں بیٹھ اُٹھیریاں وچہ میں دل دے ڈیوے نوں بال لکھیا
 پوے فرق نہ رابلے وچہ کوئی نال بڑے خیال سمبھال لکھیا
 سخن فہماں داناواں دی وچہ خدمت میں ایہ عشق کٹھیلی وچہ گال لکھیا
 ہوئی منزل سراج پروان میری کلمہ پڑھ شکر ذوالجلال لکھیا

لا الہ الا اللہ محمد رسول اللہ ﷺ

۱۹۳۲ء - ۶ - ۱۲ء ۱۳ جمادی الثانی ۱۳۴۷ھ نصف جمعرات (بادشاہ پور)

۲۲ جیٹھ ۱۹۸۷ھ